

821.111(73)

5-49

კენ კიზი

# ...გუგულის ბუდეზე სხვა გადაფრინდა



კენ კიზი  
...გუბულის გუდეზე სხვა გადაფრინდა

KEN KESEY  
ONE FLEW OVER THE CUCKOO'S NEST

მთარგმნელი ზაზა ქილაძე

© 1962 by Ken Kesey

© გამომცემლობა „დიოგენე“, 2007

პირველი ქართული გამოცემა 2007

ყველა უფლება დაცულია, წიგნის მთლიანად ან ნაწილობრივ  
ნებისმიერი ფორმით ხელმეორედ გამოცემის ჩათვლით.

წიგნი გამოცემულია Viking-თან (Penguin Group (USA) Inc.-ის წევრი)  
ხელშეკრულების საფუძველზე.

ISBN 978-9941-11-015-3

გარეკანზე გამოყენებულია კოტე სულაბერიძის ნამუშევარი.

ვიკ ლოველს,  
ვინც მითხრა, ურჩხულები არ არსებობენო  
და მერე იმათ ბუნაგში შემოიყვანა.

...ერთი მოფრინდა, ერთი გაფრინდა,  
გუგულის ბუდეზე სხვა გადაფრინდა.

ხალხური საბავშვო ლექსიდან

## ნაწილი პირველი

**უ**კვე გამობრძანებულან.

ჩემზე ადრე ამდგარან თეთრად გამონკეპილი შავი ჯე-  
ელეები და დერეფანშივე დაცლილან ღამე დაგროვილი სექსუ-  
ალური ენერჯისგან, სანამ თავზე წავადგები, თვითონვე მოს-  
პობენ კვალს.

სწორედ კვალს შლიან, როცა საძინებლიდან გამოვდივარ.  
სამივე მოლუშულია, ყველაზე და ყველაფერზე აღრენილი – დღე-  
ვანდელ დღეზეც, ამ დილაზეც, აქაურობაზეც და აქაურებზეც.  
ასე აძაღლებულებს, ჯობია თვალში არ შევეჩხირო. ტილოს ფეხ-  
საცმელი მაცვია და მტვრის გორგალივით უხმაუროდ მივიპარები  
კედელ-კედელ, თუმცა ვის დაემალები? ჩემს შიშს უცებვე აფიქ-  
სირებს ამათი ზემგრძნობიარე აპარატურა და სამივე ერთად,  
ერთდროულად ატრიალებს ჩემკენ თავს. ბადრიჯნისფერ სახე-  
ებზე გამოფატრული რადიოს დამჯდარი ნათურებივით უბჟუ-  
ტავთ თვალები.

„ბელადსაც გაუღვიძია! ცოცხების ბელადს. ადექი, ძვე-  
ლო? ერთი აქეთ გვიკადრეთ, თუ შეიძლება!“

იატაკის მოსაწმენდ ტილოს მჩრიან ხელში და წინასწარ

შერჩეული, დღეს მოსასუფთავებელი ადგილისკენ მითითებენ. მეც იქით ვალერებ თავს. ერთი, ვითომ ასაჩქარებლად, ცოცხის გრძელ ხის ტარს მირტყამს უკან.

„ნახე, რა მოცოცხა ცოცხების ბელადმა! შეხედავ, მთასავითაა ეს ჩემისა, ამ კარებში ვერ შემოეტევა, არადა, დებილი ბავშვის ტვინი არა აქ თავში, რაც გინდა დაავალე...“

უჯიგროდ იცინიან. მერე მესმის, შეთქმულებივით თავებში ტყუპებულები როგორ ჩურჩულებენ რალაცას ჩემს ზურგს უკან. გაბმულად ზუზუნებენ შავი მანქანები – სიკვდილზე, სიძულვილზე, საავადმყოფოს ათას სხვა საიდუმლოზე. ძალდაც არავინ მაგდებს, ფეხებზე კიდიათ, მეც მესმის თუ არა აქაური სიძულვილის საიდუმლოებები. ყრუ-მუნჯად მთვლიან და იმიტომ. ყველას ყრუ-მუნჯი ვგონივარ. იმდენი ეშმაკობა კი შემრჩა, ყრუ-მუნჯად გავასალო თავი ამ დამპალ ქვეყანაში. სხვა აბა რაში გამომადგება ჩემი სანახევროდ ინდიელობა, ცოტა თუ არ მოვიტყუე და ვიეშმაკე?! ხოდა მეც ვეშმაკობ და ეს მშველის, კაი ხანია უკვე.

ზუსტად ჩვენი განყოფილების კარებთან ვაპრიალებ იატაკს, საკეტში გასაღები რომ გაიჩხაკუნებს – მთავარი ექთანია, ვიცი, გასაღების ხმაზე ვცნობ, ასეთი ხმით მარტო იმის გასაღები ტრიალდება საკეტში. რბილად, სწრაფად, საქმიანად. დიდი ხანია, ისაა ამ განყოფილების კლიტეთმპყრობელი. უხმაუროდ შემოსრიალდება კარებში, სუსხს შემოიყოლებს და კარს ზურგს უკან კეტავს. მერე ერთხელაც ეხებიან იმისი თითები სლიპინა ფოლადს – ფრჩხილებიც ტუჩების ფერი აქვს: უცნაურად ნარინჯისფერი, გავარვარებულ რკინასავით. ვერც მიხვდები, ძალიან ცივი ფერია თუ ძალიან ცხელი, როცა ხელით გეხება ხოლმე.

მოწნული ჩანთა უჭირავს, ზუსტად იმის ცალი, ამკკვას ტომის ინდიელები რომ ყიდიან შარავ ზებზე აგვისტოს ხვატსა და პაპანაქებაში, კანაფის სახელურიანი და დიდნაჩვრეტებიანი. ისე, შესახედად ხელოსნის აბგასაც გავს. რაც აქა ვარ, სულ ამ ჩანთას დაათრევს და მშვენივრად ვიცი, შიგ რაც უწყვია: არავითარი პუდრი, პომადა ან რამე სხვა ქალური სისულელე – ჭან-

ჭიკები, კბილანები, პატარა, პრიალა ქლიბები, ფაიფურივით თეთრად მოციმციმე პანანინა აბები, პინცეტები, ნემსები, სპილენძის მავთულის გორგალი... მოკლედ, ყველაფერი, რაც მორიგეობისას დაჭირდება და გამოადგება. გვერდით ჩამივლის და ოდნავ შესამჩნევად მიკრავს თავს. მე ჩემს გრძელტარიან ცოცხს მივყვები კედლისკენ, თან ვიღიმები, ვცდილობ თვალებში არ შევხედო, სულაც დავხუჭო თვალები – იქნებ ასე მაინც მოვატყუო როგორმე იმისი შეუმცდარი აპარატურა: თვალები თუ დახუჭე, ბევრს მაინც დამაინც ვერაფერს შეგატყობენ.

მოფარებულში შეეყუყულს მესმის, როგორ მიწკაპუნებენ კაფელის იატაკზე რეზინის ქუსლები. მონწული ჩანთაც საქმიანად მიჩხარუნებს, ნაბიჯების რიტმში, ვიდრე დერეფანს ჩაათავებს. გახევებული მიაბიჯებს. თვალს რომ ვახელ, უკვე დერეფნის ბოლოშია, საცაა ექთნების სამორიგეოში შეუხვევს და შუშის კედლის იქით თავის მაგიდას მიუჯდება. სარკმელთან მოკალათებული ნვრილ-ნვრილად ჩაანკინკებს დავთარში ყველაფერს, რაც მომდევნო რვა საათის განმავლობაში დღის პალატაში მოხდება. სახეზე აწერია, თავისთვის რალაც ძალიან სასიამოვნოზე და შვებისმომგვრელზე ფიქრობს.

მერე... მერე უკვე შავტუხა ჯეელებსაც ამჩნევს. ისევ ნელანდელივით დგანან, თავებმიტყუპებულები. ისევ ბუტბუტებენ ძველებურად. იმის შემოსვლა არც გაუგიათ. ახლა კი გრძნობენ დაჟინებულ მზერას, მაგრამ რალა დროსია! მეტი ჭკუა უნდა ეხმარათ, სადმე სხვაგან უნდა ეჩურჩულათ, რამ დაავინყათ, ვისი მორიგეობის დრო მოდიოდა! შავი სახეები ერთმანეთს სცილდებიან, შეცბუნებულები შორიშორდებიან. ქალი კი იფხორება, იფოფრება, შორიდანვე თვალებით ჭამს დერეფნის ბოლოს მახეში გაბმული მხეცებივით მიყუყულებს, იცის, რაზეც ჩურჩულებდნენ და უკვე ცოფებს ყრის, თავს ველარ ერევა. ისეთი გაცოფებულია, ერთი სული აქვს ნაკუნ-ნაკუნ დაფლითოს შავი ნაბიჭვრები. ნელ-ნელა სივდება სიბრაზისგან, ისე იბერება, თეთრი ხალათი ზურგზე ასკდება. მკლავებსაც იმოდენაზე შლის, ხუთი-ექვსჯერ შემო-

ანვდენს სამივეს ერთად. თან აქეთ-იქით იყურება, აქეთ-იქით ატრიალებს უშველებელ თავს. ჯერ არავინ ამდგარა, ჯერ ვერავინ ვერაფერს დაინახავს. მარტო ყრუ-მუნჯი ბრომდენი, ბებერი ნახევრად ინდიელი მენაგვე ამოფარებია თავის ცოცხს, სადღაც, შორს... ეგ გინდ ყოფილა, გინდ არა. ხოდა, ქალიც ბოლომდე იგიჟებს თავს, ბოლომდე ყვება სიბრაზეს. დახატული ღიმილი სიფათზე გადაგლესია, თამამად აჩენს ავად დაკრეჭილ კბილებს და სულ უფრო და უფრო იბერება, სივდება, იზრდება, დიდდება, ლამის ტრაქტორისხელაა უკვე, ტრაქტორით ხრჩოლავს და მეტისმეტი ჯაფით დაქანცული ძრავას დამწვრის სუნს აფრქვევს ირგვლივ. სუნთქვაშეკრული ვფიქრობ, ღმერთო, გვიშველე, ეხლა კი ნალდად დაერევიან, ნალდად ბოლომდე ნებაზე მიუშვებენ ყელში ამოსულ, მოყირჭებულ სიძულვილს და მანამდე დაფლეთენ ლუკმა-ლუკმა ერთმანეთს, სანამ აზრზე მოვლენ რას აკეთებენ-მეთქი!

საცაა, გაშლილ მკლავებს შემოხვევს სამივეს. ისინიც, ცხა-დია, მხოლოდ და მხოლოდ თავდაცვის მიზნით, თავ-თავიანთ ცოცხებს და ჯაგრისებს იმარჯვებენ, თუ რამეა, მუცელში რომ აძგერონ ქვევიდან. არადა, ბედად, ნელ-ნელა პაციენტებიც გამოდიან საძინებლიდან, მართალია, ჯერ ვერ ხვდებიან რა ხდება, რა ხმაურია, მაგრამ ქალი მაინც იძულებულია ერთხელ კიდევ იცვალოს ნირი, ერთხელაც შეინიღბოს და დროზე დამალოს ჭემ-მარიტი, საზიზღარი სახე. მოკლედ, პაციენტები თვალუბის ფშვნეტას რომ მორჩებიან და თანდათან ხმაურის მიზეზშიც გაერკვევიან, მათ წინ ისევ ჩვეულებრივად მოღიმარი მთავარი ექთანი დგას, ჩვეულებრივად მშვიდი და უდრტვინველი, უკვე დედაშვილურად მოძღვრავს შავტუხა ჯეელებს, ამ ორშაბათ დილას, ახალი კვირის დამდეგს, აქ ყურყუტს და ჭორაობას ის გირჩევნიათ, საქმეს მიხედოთო...

„...ორშაბათი მძიმე დღეა, ხომ იცით, ბიჭებო...“

„დიახ, მიზ რეჩიდ...“

„...დილაობით უამრავი საქმე გვიგროვდება, თქვენს გასა-



კეთებელს ვინ გააკეთებს? ჰოდა, თუკი რაღაც ძალიან სერიოზული სალაპარაკო არა გაქვთ...“

„დიახ, მიზ რეჩიდ...“

ქალი ჩუმდება და შორიახლოს შეჯგუფულ პაციენტებს, ჩანითლებული, შეშუპებული, ნამძინარევი თვალებით რომ მისჩერებიან, მისალმების ნიშნად უქნევს თავს. თითოეულს ცალცალკე. ნაცნობი, ავტომატური, ჩვეულებად ქცეული მოძრაობით. გლუვი, სწორი, ძვირფას თოჯინასავით უზადოდ ნაკვეთი სახე, პაჭუა ცხვირი და პატარა, მოვარდისფრო ნესტოები აქვს, კანი კი ხორცისფრად შეღებილ მინანქარს მიუგავს, თითქოს რძიანი ყავის ფერიც გადაკრავს ოდნავ, და ბავშვის ლურჯ თვალებს აუუჟუნებს – მოკლედ, ყველაფერი შესანიშნავად ესადაგება ერთმანეთს, თუკი ტუჩებისა და ფრჩხილების ფერს და, რაც მთავარია, მკერდის ზომას არ მივიღებთ მხედველობაში. ეტყობა, შემქმნელებმა რაღაც შეცდომა დაუშვეს, როცა სხვა მხრივ ყოველდღე ნორმალურ ნაკეთობას ეს უშველებელი დედაკაცური ძუძუები მიამაგრეს. ამ ამბავს თვითონაც ძალიან მწარედ განიცდის და საერთოდ თუ უჭირს რამე, სწორედ ამ მწარე განიცდის დამალვა უჭირს.

დერეფანში გამოსული პაციენტები ჯერაც ძველებურად დგანან, ერთი სული აქვთ გაიგონ, მაინც რატომ დაცოფა მთავარმა ექთანმა შავი ბიჭები, ქალს კი უცებ მე ვახსენდები და ამბობს: „ჰოდა, რაკი ორშაბათია, მოდით, ახალი კვირა ერთი კარგი, კეთილი საქმით დავიწყოთ, ბიჭებო – მისტერ ბრომდენი გავკრიჭოთ საუზმემდე. ასე აჯობებს, თორემ ხომ იცით, რა ზედახორაცაა სადალაქოში საუზმის მერე. ბარემ მოვითავოთ ეს საქმე, ოღონდ ჯერ მოვიფიქროთ, როგორ ავიცილოთ თავიდან ერთგვარი... ეეე... უსიამოვნება მისტერ ბრომდენის მხრიდან. აბა, რას იტყვით?“

სანამ ვინმე ჩემკენ გამოხედვას მოასწრებდეს, საკუჭნაოს ნყვდიადში ვყვინთავ, სიბნელეში ვიძირები, ზურგს უკან მაგრად ვიხურავ კარს და სუნთქვაშეკრული, გატრუნული ვდგავარ. უზმოზე გაკრეჭაზე უარესი არაფერია. თუ კუჭში რამის ჩაშვება

მოასწარი, უფრო ძლიერიც ხდები და უფრო ფხიზელიც, ვეღარც კომბინატელი ნაბიჭვრები შემოგაპარებენ რამე ეშმაკის მანქანას ელექტროსაპარსის მაგივრად. აი, როცა საუზმემდე გპარსავენ – დილის შვიდის ნახევარზე, ერთიანად თეთრ, თეთრპირსაბნებიან ოთახში, სადაც ჭერში დატანებული გრძელი ნათურები ნებისმიერ ჩრდილს სპობენ და ყოველი მხრიდანაც სარკეებში შეტყუებული, უამრავი აკივლებული სახე მოგჩერებია – მაშინ ნამდვილად ვერაფერი გიხსნის ამათი კლანჭებიდან.

გასუსული და გაფაციცებული საკუჭნაოში ვიმალები, სიბნელეში ჯერ მარტო ჩემივე გულისცემა მესმის, ძალიან მინდა არ შემეშინდეს, ვცდილობ, ფიქრში სადმე სხვაგან გადავბარგდე – წარსული გავიხსენო, ჩემი სოფლის ამბები, დიდი მდინარე ქალამბია, ის დრო, მე და მამა დალეზის მახლობლად, კედრების ჭალაში ჩიტებზე რომ ვნადირობდით... ოღონდ ახლაც, როგორც ყოველთვის, როცა წარსულში გადასახლებას და თავის შეფარებას ვცდილობ ხოლმე, აქაური შიში მაინც ახერხებს მახსოვრობაში შემოყონვას. ტანით ვგრძნობ, როგორ მოუყვება დერეფანს დაგვაჯული შავი ბიჭი და ყნოსვით დაედებს ჩემს შიშს. დაბერილი ნესტოები შავ ძაბრებს მიუგავს, ხარბად ისრუტავს ჰაერს და ტანთან შეუსაბამო უშველებელ თავსაც აქეთ-იქით ატრიალებს გაუჩერებლად, ერთბაშად და ერთიანად უნდა შეისრუტოს მთელი განყოფილების შიში. უკვე სცემს ჩემი სუნიც, მესმის როგორ აქსიტინებს ცხვირს. სად დავიმალე, არ იცის, მაგრამ სანადიროდ გამოსული, საკუთარ ყნოსვას ბრმად ენდობა. ვცდილობ არ გავინძრე...

(არ გაინძრეო, მეუბნება მამა, ძალღმა სადღაც ძალიან ახლოს იყნოსა ჩიტიო. ერთი დალეზელი კაცისგან ვითხოვეთ პოინტერი. ჩვენი სოფლის ქოფაკები ძალღების სათვალავში არც ითვლებიან, მამა ამბობს, თევზის შიგანს ჭამენ და იმიტომ არ უქნია ღმერთსო; ამ ძალღს კი, ამას „ინტიქტი“ აქვსო! ხმას არ ვიღებ, არადა უკვე ვხედავ ჩიტს ზევით, კედრის ფოთლებში, მოზუზულს, ბუმბულის ნაცრისფერ ბლუჯად ქცეულს. ძალღი

კი ხეს ურბენს გარშემო გიჟივით, იმდენი სუნი სცემს ერთბაშად, საკბილოს მიგნება უჭირს. სანამ ტოტზე გაუნძრევლად ზის, ჩიტს არაფერი ემუქრება. კარგა ხანსაც იკავებს თავს, მაგრამ ძალი დაულალავად იყნოსავს ჰაერს და დაულალავად უვლის და უვლის გარშემო ხეს, სულ უფრო და უფრო ხმამაღლაც ყეფს და უფრო და უფრო ახლოვდება. ბოლოს ჩიტიც ველარ ითმენს, ფრთხილებს, ფრთას შლის, ტოტიდან ფრინდება და პირდაპირ მამაჩემის საფანტს ეხლება მკერდით).

სამში ყველაზე დაგვაჯული შავი ბიჭი და მალლებიდან ერთ-ერთი მანამდე მიჭერენ, სანამ საკუჭნაოდან გამოსული ათიოდენ ნაბიჯის გადადგმას მოვასწრებდე, მიჭერენ და პირდაპირ სადალაქოში მიმათრევენ. არც ვიბრძვი და არც ხმას ვიღებ. თუ იყვირე, კიდე უარესი დღე დაგადგება. მეც თავს ვიკავებ, მანამდე, ვიდრე საფეთქლებს მოადგებიან. ჯერ არ ვიცი, მართლა ეშმაკის მანქანაა თუ საპარსი, ოღონდ უკვე საფეთქლებს მოადგნენ და რაღა დროს თავის შეკავებაა! უკვე ზედმეცია ნებისყოფაზე ლაპარაკი. ნებისყოფა კი არა... ღილაკს დააჭირეს და – საჰაერო განგაში, საჰაერო განგაშიო – აკვილდა მანქანა, მეც ისეთ ხმაზე ამაკვივლა, სხვა ხმა საერთოდ აღარც არსებობს ირგვლივ. ყურებზე ხელებმიჭერილები, ყველანი მე მიყვირიან შუშის კედლების იქიდან, გარშემო აყვირებული სახეები ტრიალებენ, არადა ყელიდან ხმა არ ამოსდით, უხმოდ ყვირიან. ჩემი ხმა ისრუტავს ყველა სხვას. ისევე ჩართეს ნისლის მანქანა და ისიც რაღაც ცივს და მოხდილ რძესავით თეთრს მათოვს თავზე, სქელს და ბლანტს, ძალით რომ არ მაკავებდნენ, დავიმალებოდი კიდევ შიგ. ცხვირწინ ვერაფერს ველარ ვხედავ ამ ნისლში და საკუთარ ღმუილშიც მარტო მთავარი ექთნის ყიჟინა და ბრძანებები მესმის – დერეფანს მოუყვება და მოწნული ჩანთით გზიდან იშორებს პაციენტებს. მესმის, როგორ ახლოვდება, არადა გაჩუმებაც ვერ მომიხერხებია. ვლრიალებ და ვლრიალებ, იქამდე, სანამ თავზე არ დამადგება. აქეთ-იქიდან მაკავებენ, ის კი მოწნულ ჩანთას მთელი ავლადიდებიანად პირში მჩრის და ცოცხის ტარით აწვება.

(ნისლში გულგახეთილი ძალი ყეფს, დამფრთხალი და დაბნეული დარბის უაზროდ, რადგან დანახვით ვერაფერს ხედავს. მინაზე მისივე დატოვებულის გარდა სხვა არავითარი კვალი არ ჩანს, ხან აქეთ მოაბრუნებს გათოშილ ნითელ რეზინის ცხვირს, ხან იქით, მაგრამ თავისივე შიშის სუნის მეტს სხვა სუნს ვერ გრძნობს, მარტო ეს სუნი უმდულრავს და უთუთქავს გულ-მუცელს). მეც ასე დავიმდულრები და დავითუთქები, როცა ბოლო-ბოლო ყველაფერს მოვყვები – საავადმყოფოზე, მთავარ ექთანზე, ჩვენს ბიჭებზე და მაკმერფიზე. იმდენხანს ვიყავი ჩუმად, სათქმელი ნიაღვარივით გადმოსკდება და მსმენელიც იფიქრებს, ღმერთმანი, ნამდვილად ბოდავს, ელანდება ალბათ რაღაც, თორემ ასეთი საშინელება როგორ მოხდებოდა, სიმართლის კვალობაზე ეს ყველაფერი მეტისმეტად საზარელიაო! თქვენი ჭირიმე!.. ამ ამბებზე ფიქრით ჯერაც არეული მაქვს ტვინი. იცოდეთ, რასაც ვიტყვი, გინდაც არ მომხდარიყო, მაინც წმინდა წყლის სიმართლეა.

**რ**ოცა ნისლიც იფანტება და ცოტა თვალშიც ვიხედები, უკვე დღის პალატაში ვზივარ. ამჯერად დასაშოკში აღარ წავუყვანივართ. მახსოვს, როგორ გამათრიეს სადალაქოდან და იზოლატორში ჩამკეტეს. ოღონდ ჭამა მოვასწარი თუ ვერა, ეგ აღარ ვიცი. სხვა დროსაც დავუმწყვედევივართ დილაობით ასე, უზმოზე, მერე საუზმის ნარჩენები შავებს მოაქვთ ხოლმე პირდაპირ იზოლატორში – ვითომ ჩემზე ზრუნავენ, არადა ყველაფერს თვითონ თქვლევდნენ. სანამ სამივე მუცელს ამოიყორავს, მე ფსიქით აქოთებულ ლეიბზე ვაგდივარ და ვხედავ, როგორ აკრიალებენ ერბოკვერცხიან თეფშს გახუხული პურით. ქონის სუნი მცემს და პურის ხრაშა-ხრუში მესმის. ზოგჯერ ხელს გაყინულ, უმარილო ფაფასაც გამოაყოლებენ ხოლმე და აი იმას კი დაუნანებლად მატენიან, ძალით მჩრიან პირში.

დილა ბუნდოვნად მაგონდება. ისე გამჭყიპეს რაღაც საზიზღრობით, რასაც თვითონ წამალს ეძახიან, სანამ განყოფილების კარების ჯახუნს არ გავიგონებ, აზრზე ვერც მოვდივარ. რახან კარს აღებენ, უკვე რვა საათიც შესრულებულა, თურმე მთელი საათ-ნახევარი ვეგდე გაყინულ-გათიშული იზოლატორში და ტექნიკოსებსაც თავისუფლად შეეძლოთ, მობრძანებულებიყვნენ და ისე ჩაემონტაჟებინათ ჩემთვის ყველაფერი, რასაც მთავარი ექთანის უბრძანებდა, ბაიბურშიც არ ვიქნებოდი.

დერეფნის ბოლოს, განყოფილების კართან, რაღაც ხმაური

ისმის, თუმცა მე იქაურობას ვერ ვხედავ. კარს პირველად რვაზე აღებენ, მერე კი დღის განმავლობაში ათასჯერ იღება და იკეტება, ჭრრრ, ჯახ, ჭრრრ, ჯახ. ყოველ დღით, ნასაუზმევზე, როცა დღის პალატაში კედლებთან ჩაგვამნკრივებენ და რებუსებს მოგვაჩეჩებენ ხოლმე, ყური სულ კარებისკენ გვიჭირავს, აბა ერთი როდის გაჩხაკუნდება საკეტში გასაღებო, ველოდებით, ვინ გვესტუმრება. აბა, სხვარა გვაქვს საქმე?! კართან ხან საავადმყოფოში მუდმივად მცხოვრები ერთ-ერთი ახალგაზრდა ექიმი გამოჩნდება – ადრიანად ამდგარი ხარბად გვაკვირდება, აინტერესებს, როგორი სანახავები ვართ მედიკამენტების მიღებამდე, ანუ, აქაურ ენაზე თუ ვიტყვით, „მემი“-მდე; ზოგჯერ ცოლი ესტუმრება ვინმეს, მაღალ ქუსლებზე შემდგარი, მუცელზე მთელი ძალით საჩუქარმიჭერილი, ზოგჯერ კი დანყებითი სკოლების მასწავლებლების გუნდი, რომელსაც ექსკურსიაზე მუდამ ის შტერი მოუძღვება, თავისი ჭკუით საზოგადოებასთან ურთიერთობის საქმეებს რომ განაგებს: გაუთავებლად უტყაპუნებს ერთმანეთს ნამიან ხელისგულებს და სულ იმას გაიძახის, როგორ უხარია, რა კმაყოფილი და ბედნიერია, ფსიქიატრიულმა საავადმყოფოებმა ერთხელ და სამუდამოდ რომ დაგმეს და უარყვეს ყოველგვარი დრომოჭმული სიმკაცრე. „ხედავთ არა, რა გულითადი ატმოსფეროა?“ აქეთ-იქით დააპრონიალებს ყოველი შემთხვევისთვის ერთმანეთს მიკრულ სკოლის მასწავლებლებს და ხელებს ატყაპუნებს. „ძველი დროის გახსენებაზე ტანში მზარავს, მაშინდელი ჭუჭყის, უვარგისი საჭმლის და, დიახ, ქალბატონებო, თქვენ ნარმოიდგინეთ – სისასტიკისაც; ახლა ვრწმუნდები, ჩვენს კამპანიას ფუჭად არ ჩაუვლია!“ სულერთია, ვინც არ უნდა შემოდგას პალატაში ფეხი, იმედი მაინც გვიცრუვდება, მაგრამ სხვა მხრივ თუ შეხედავ კაცი, რაღაც შანსიც ყოველთვის რჩება და, მართლაც, საკეტში გასაღების გაჩხაკუნებისთანავე ყველა თავი ერთდროულად, ერთ თოკზე გამობმულივით კარისკენ მიტრიალდება ხოლმე.


ამ დღით კი საკეტები რაღაც უცნაურად ჟღერიალებენ; კარებთან ჩვეულებრივი სტუმარი არ უნდა იდგეს. მთელ დერე-

ფანში ისმის მიმღების სანიტრის გალიზიანებული და მოთმინე-  
ბადაკარგული ხმა – ახალი მოვიდა, მოდით, ხელი მომიწერეთო –  
და შავი ბიჭებიც იქით მიიჩქარიან.

ახალი. ყველა თავს ანებებს ბანქოს და „მონოპოლიის“ თა-  
მამს, ყველა კარისკენ ტრიალდება. მე ასეთ დროს, როგორც წესი,  
დერეფანში ვარ ხოლმე, იატაკს ვგვი და პირველი ვხედავ, ვინ  
მოყავთ. მაგრამ დღეს, იცით უკვე, მთავარმა ექთანმა ათასი ფუ-  
თი საზიზღრობით გამჭყიპა და სკამიდან წამოწვეის თავიც არა  
მაქვს. არადა, წესით, ყველაზე ადრე უნდა დამენახა, როგორ  
შემოიძურნებოდა კარში ახალი, კედელ-კედელ როგორ შემო-  
იპარებოდა, მერე შეშინებული აიტუზებოდა, სანამ შავი ბიჭები  
მიმღების სანიტარს ქალაღებზე ხელს მოუწერდნენ და საშხა-  
პეში უკრავდნენ თავს, გაამიშვლებდნენ, აკანკალებულს მოფრი-  
ალებულ კართან მიატოვებდნენ და თვითონ კბილებგადმოყ-  
რილები დაიწყებდნენ დერეფანში აღმა-დაღმა სირბილს ვაზე-  
ლინის საძებნელად. „ვაზელინი გვჭირდება,“ ეუბნებიან ხოლმე  
ასეთ დროს მთავარ ექთანს, „თერმომეტრისთვის“. ქალი ჯერ  
თვალებით დაბურღავს სამივეს რიგრიგობით, და – დარწმუ-  
ნებული ვარ, გჭირდებათო – პასუხობს ბოლოს. არც ვაზელინს  
ამადღის, იმოდენა ქილას იმეტებს, სულ ცოტა, გალონი ვაზე-  
ლინი მაინც იქნება შიგ. „ოლონდ, გაფრთხილებთ, ბიჭებო, ყველა  
ერთად ნუ შეგროვდებით“. მერე ორი, ანდა სულაც სამივე ერთად  
საქმიანობს ხოლმე საშხაპეში, ახალმოყვანილს არ აკლებენ  
ყურადღებას, თერმომეტრს ცხიმში ატრიალებენ, სანამ ცე-  
რისისიმსხო ფენით არ დაიფარება, და თან ღიღინებენ – „ააიი ეგ-  
რე, ჩემი ბიჭი, აააიიი ეგრე!“ ბოლოს კარს კეტავენ და ყველა  
ონკანს ერთად ხსნიან, ვერაფერი რომ ვეღარ გაიგონო მწვანე  
კაფელზე წყლის ბოროტი შხუილის მეტი. ხშირად იქვე, შორი-  
ახლოს ვტრიალებ და ასეთ რამეებს კარგად ვხედავ.

დღეს დილით კი იძულებული ვარ სკამზე წიჯდე, მხოლოდ  
შორიდან ვუგდებ ყურს, როგორ მოყავთ ახალი და მაინც, თუმცა  
ჯერ ვერ ვხედავ, უკვე ვიცი – ჩვეულებრივი პაციენტი არ უნდა

63680



იყოს. კედელ-კედელ ქურდული ნაბიჯების ხმა რაღაც არ ისმის და როცა საშხაპეზეც გადაუკრავენ სიტყვას, ემორჩილება კი არა, კი ბატონოო, კი არ კნავის გაპარული, ხმამაღლა, ცოტა თავხედურადაც პასუხობს – ძმურად, შემეშვით, ისედაც სუფთა ბიჭი ვარო.

„ჯერ წუხელ გამახვანჩალეს ციხეში, მერე დილასაც გადამავლეს სასამართლოში წყალი. ონკანი რო გაჩითულიყო, მაზიანი, ტაქსშიც გამომბანდნენ ყურებს. დედას გეფიცებით, კურორტის გამოცვლას დამიპირებენ თუ არა, ეტყობა მაგრად უნდა გამხეხონ – ჯერ წინასწარ, მერე გზაში და ბოლოს ახალ ადგილზეც. ისეთ დღეში ჩამაგდეს, წყლის დანახვაზე ეგრევე ჩემი ხაბაკის მოგროვებას ვიწყებ. ნუ გამიხურე მაგ შენი თერმომეტრით, სემ, ერთი წუთი მაცალე, ახალი ბაითი დავათვალიერო. აქამდე რაღაც ვერ მოვახერხე ფსიქოლოგიის ინსტიტუტში მოხვედრა.“

პაციენტები გაშტერებულები უყურებენ ერთმანეთს, მერე ისევ კარისკენ, ამ უცხო ხმისკენ ატრიალებენ თავებს. წესით, ასე ხმამაღლა არ უნდა ლაპარაკობდეს, მით უმეტეს, როცა შავი ჯეელებიც იქვე დგანან. ხმა სადღაც მაღლიდან ისმის, თითქოს შავი ბიჭების თავზე მოთ მოცურავს და ქვევით დარჩენილებს ჩამოსძახის. ხმით თუ იმსჯელებ, კაი მოხეული ტიპი ჩანს. მესმის, როგორ მოაბიჯებს დერეფანში და სიდიდე სიარულზეც ეტყობა, ცხადია, არ მოიპარება – ფეხსაცმლის ქუსლებზე რკინის ნალები აქვს დაკრული და ცხენივით მობაკუნებს. მერე კარებშიც გამოჩნდება, ჩერდება, ცერებს ჯიბეებში იყოფს, ილაჯება, დგას და ჩვენებიც ყველანი მოჯადოებულებივით შესცქერიან.

„დილა მშვიდობისა, ძმებო.“

ჭერში ყველანმინდას დღიდან დარჩენილი ქალაღდის ღამურა კიღია; ხელს იწვდენს, ნკიპურტს ურტყამს, აბზრიალებს.

„რას იტყვით, შემოდგომის მშვენიერი დღეა, არა?“

ცოტათი მამასნაირად უქცევს, მამასავით ძლიერი და ჯიგრიანი ხმა აქვს, მაგრამ მამას მაინც არ გავს. მამა ნმინდა წყლის ქალამბიელი ინდიელი იყო – ბელადი, მაგარი და თოფის კონდახივით მბზინავი. ეს წითურია, გრძელ, წითურბაკუნბარდებიანი,



ქუდის ქვეშ აწეწილი, დიდი ხნის გასაკრეჭი კულულები მოუჩანს. მამა თუ მალალი იყო, ეს ჩადგმულია, რალაცნაირად განიერი – ყბებიც განიერი აქვს, მხრებიც და მკერდიც, სახეზე ფართო ღიმილი გადაფენია და თეთრი კბილები უელავს. არა, მამას არ გავს, სხვანაირად მაგარია, ბეისბოლის ბურთივით. მაგარი და მკვრივი გაცვეთილი ტყავის ქვეშ. ცხვირზე და ყვრიმალზე ნაიარევი გასდევს, ეტყობა, ვილაცამ ხოშიანად დაადო ჩხუბში, ნაკერები ჯერაც არ მოუხსნიათ. დგას და იცდის. როცა რწმუნდება, ამათ კრინტს ვერ დავაძვრევიანებო, ეცინება. ვერავინ იტყვის, რა აცინებს; სასაცილო ნამდვილად არაფერი ხდება. არადა, ამის სიცილი საზოგადოებასთან მოჟღურტულე ქლიავის სიცილსაც არა გავს, ლალია, თამამი, თავისუფლად მოდის ღონიერი ყელიდან და ფართოდ მოღიმარი პირიდან, ტალღა-ტალღა ვრცელდება მთელ ოთახში, სულ უფრო და უფრო შორს, სანამ რიგრიგობით ოთხივე კედელს არ მიეხლება. ჩვენი კოტიტა ჭკუის კოლოფივით არ იცინის. მაგდენი კი მესმის. უცებ ვხვდები, ამდენი წელიწადია სიცილი პირველად გავიგონე-მეთქი.

დგას და გვიყურებს, ტერფებზე ირწევა წინ და უკან, თან იცინის, არ ჩერდება. ცერები ჯერაც არ ამოულია ჯიბეებიდან, დანარჩენ თითებს კი მუცელზე ითამაშებს. ვხედავ რამოდენა, როგორი დაჩეხილი ხელები აქვს. ახლმოსულის იერმა და სიცილმა განყოფილებაში ყველას – პაციენტებსაც, პერსონალსაც, სუყველას – ენა ჩაუგდო. არც იმის გაჩუმებას ცდილობს ვინმე და არც კრინტის დაძვრას აპირებს. ბოლოს თვითონვე ბეზრდება სიცილი, ცოტა ხნით ისვენებს და პალატაში შემოდის. თუმცა სიცილის გამოძახილი ახლაც ტრიალებს მის გარშემო, როგორც ხმა ტრიალებს ხოლმე დიდი, ეს-ესაა დადუმებული ზარის ირგვლივ. სიცილის კვალი ჩარჩენია თვალებშიც, ღიმილშიც, ყოყონობაშიც, ლაპარაკშიც.

„გვარად მაკმერფი გახლავართ, ძმებო, რ. პ. მაკმერფი, თავგადაკლული და გამოუსწორებელი მოთამაშე.“ თვალს გვიკრავს და რომელიღაც სიმღერის ნაწყვეტს ღიღინებს: „...სადმე კარტს თუ წავანყდი... ფულზე უკან არ ვიხევ,“ ისევ ეცინება.

ბანქოს სათამაშო მაგიდას უახლოვდება, ერთ-ერთი მწვავეს კარტს ზორბა, მძიმე თითით პირალმა აბრუნებს, ალმაცერად დასცქერის და თავს აქნევს.

„დიახ, ბატონებო, მეც სწორედ ამიტომ გეახელით – ხალისი და მხიარულება არ მოვაკლო თქვენისთანა ჩიტუნებს. პენდლტონის კოლონიაში კაციშვილი აღარ დარჩა, ჩემი ცხოვრებისთვის რამე აზრი მიეცა, ხოდა, მეც, ასე ვთქვათ, გარემოს გამოცვლა მოვითხოვე. ახალი სისხლი მჭირდებოდა. ერიჰააა, ნახეთ ერთი, ამ ჩიტუნას კარტი როგორ უჭირავს, ბრმა დაინახავს, ძმაკაც! ჩემმა მზემ, ბეკეკებივით გაგკრეჭთ, საყვარლებო!“

ჩესვიკი თავის კარტს ერთად აქუჩებს. წითურთმიანი ხელს უწვდის.

„სალამი, ძმაო! რას თამაშობთ? ათასს? მეც არა ვთქვი, კარტს რატო არ მალავენ-მეთქი. წესიერი კარტი არა გაქვთ? ეგ არაფერი, არ ინერვიულოთ, კიდე კაი, ჩემი გამოვაცოლე ხელს, სხვა მხრივაც ერთ რამედ ღირს – სურათები ნახეთ, სურათები! ყველა სხვადასხვანაირია. ორმოცდათორმეტი პოზა!“

ჩესვიკს ჯერ საერთოდ ისედაც გადმოცვენაზე აქვს თვალები და კარტზე დახატული სურათები მთლად ბოლოს უღებს.

„კარგი, ხო, დაწყნარდი, ნუ დალაქავ; დროის მეტი რა გვაქვს?! დავჯდეთ და ვითამაშოთ. ამნაირი კარტით თქვენთან თამაში იმიტომაც მანყობს, საუკუნე გავა, სანამ ფერებს მაინც გაარჩევთ ზედ.“

პატიმრის შარვალ-ხალათი აცვია, მზით გახუნებულ ტანსაცმელს უკვე მოხდილი რძის ფერი დასდებია. მინდორში დიდხანს მუშაობისგან თვითონაც ხარის სისხლისფრად გარუჯვია სახე, კისერი და მკლავები. ხშირ თმაში მოტოციკლისტის ქუდი გაბლანდვია, შავ ფისტონს გავს, მკლავზე ტყავის ქურთუკი გადაუგდია, მაღალყელიანი, ნაცრისფერი და დამტვერილი ფეხსაცმელები იმსიმძიმე ჩანს, მტერს მოსცხო წიხლი, ნაკერავზე გაარღვევს კაცს. ჩესვიკს თავს ანებებს, ქუდს იხდის, ბარძაყზე იტყაპუნებს და მტერის ბუქს აყენებს. ერთ-ერთი შავი ბიჭი ჯერაც

უტრიალებს თავისი თერმომეტრით, მაგრამ ახალი შავი ჯეელებისთვის იოლი საკბილო არ ჩანს, მეტისმეტად მკვირცხლია საამათოდ. შავი ბიჭი თერმომეტრის დასამიზნებლად მოემზადება თუ არა, ისიც ზუსტად მაშინ მონყდება ხოლმე ადგილს, ხან ერთ მწვავეს მიეჭრება, ხან მეორეს და ყველას საქმიანად, გულითადად ართმევს ხელს. იმის ლაპარაკიც, თვალის ეშმაკური პაჭუნიც, გაუთავებელი როხროხიც და ყოყლოჩინობაც, მოკლედ, ყველაფერი – მანქანების გადამყიდველს, აუქციონერს თუ სულაც ქუჩის იმ მოვაჭრეს მახსენებს, ყველა ბაზრობაზე აუცილებლად რომ გადაეყრები კაცი. დგას ხოლმე სახელდახელოდ შეკონინებულ დახლთან სადღაც, მეორე რიგში, აფრიალებული ბაირალების წინ, ყვითელლილებიან, ზოლიან პერანგში გამონყობილი, თავის უვარგის საქონელს უსინდისოდ აქებს და მაგნიტივით იზიდავს ნახერხის ცქერით დაქანცული მუშტრების სახეებს.

„არაფერს დაგიმაღავთ, კოლონიაში ერთ-ორ პატარა შარში გავეხვიე, თუ სიმართლე გინდათ იცოდეთ და სასამართლომაც დაასკვნა – ფსიქოპათიაო. როგორ გგონიათ, სასამართლოს დავუწყებდი კამათს? დოლარზე გაგიმაზავთ ვისაც გინდათ, მე მაგის არიფი არ ვყოფილიყავი. იმ ჩაშვებულ მინდვრებს თუ მომაშორებდნენ, ფსიქოპათი კი არა, ყველაფერი ვიქნებოდი რაც იმათ პანანინა გულებს გაახარებდა – გინდა ცოფიანი ძაღლი და გინდა პირსისხლიანი კაციჭამია. არა, ბიჭო, თოხის ქნევით მოვიწყვეტდი წელს! თან რას მეუბნებიან – ფსიქოპათი ისაა, ვინც მუდმივად ჩხუბობს და ქალის ამბავშიც ზომა არ იცისო. ხო აზრზე ხართ? არა, გაგიგიათ, კაცს ეგ ამბავი მოყირჭებოდეს? სალამი ძმაო, შენი სახელი? მე მაკმერფი ვარ და ორ დოლარზე თუ დამენიძლავები, ზუსტად გეტყვი, რამდენი ქულა გიჭირავს ხელში. ოღონდ ჯერ არ ჩახედო. არ ჩახედო! ორ დოლარზე, ჰა, მოსულა? კარგი რა, სემ, შენ რაღა მოგივიდა, ერთი წუთი მაცალე, დაგინებული ხო არა გაქ, ეგ თერმომეტრი მატაკო მაინცდამაინც?“

**ჩ**ვენი ახალი მეგობარი ცოტა ხანს უხმოდ ათვალეირებს დღის პალატას.

ოთახის ერთ ბოლოში შედარებით ახალგაზრდა პაციენტებს მოუყრიათ თავი, ჩვენებურად მწვავეებს, იმათ, ვინც ექიმების აზრით, ჯერ საკმარისად არ არის მზად მკურნალობისთვის – მკლავის გადანევაში ეჯიბრებიან ერთმანეთს და ბანქოს ფოკუსებით ერთობიან: აი, როცა რალაც უნდა მიამატო, რალაც გამოაკლო, გამოითვალო და ჩაფიქრებული კარტი გამოიცნო. ბილი ბიბიტი ცდილობს, სიგარეტის გახვევა ისწავლოს, მარტინი თავისებურად დაბორილებს და რალაც-რალაცებს პოულობს მაგიდების და სკამების ქვეშ. საერთოდ, მწვავეები ბევრს მოძრაობენ. ხშირად ხუმრობენ, მუჭში ხითხითებენ (თამამად გაცინებას ვერასდროს ვერ ბედავს ვერავინ, თორემ მთელი სამედიცინო პერსონალი მაშინვე კალმისტრებ- და ბლოკნოტებმომარჯვებული მიესევა და გაუთავებელი შეკითხვებით დააშტერებს) და წერილებსაც წერენ ყვითელი, დაღეული, დაღეჭილი ფანქრებით.

თან ერთმანეთსაც ფხიზლად უთვალთვალევენ. ზოგჯერ ვინმეს საკუთარ თავზე რამე ისეთი წამოსცდება ხოლმე, რასაც სხვა დროს არაფრით გაახმაურებდა და მაშინ მაგიდასთან გვერდით მჯდომი რომელიმე მეგობარი ზანტად დაამთქნარებს, წელმონყვეტილი წამოიზღაზნება და კედელ-კედელ გვერდულად გაიძურნება სამორიგეოსკენ, სადაც ახალგაგებულ ინფორ-

მაციას კობტად ჩაანიკნიკებს უშველებელ დავთარში. ასეთ დროს ის მთელი განყოფილების თერაპიულ ინტერესებს იცავს. მთავარ ექთანს თუ დაეჯერება, დავთარიც ზუსტად ამ მიზნითაა შემო-  
ღებული. მაგრამ მე ვერ მომატყუებენ, მე ხომ ვიცი – უბრალოდ მთავარი ექთანი საკმარის საბუთებს აგროვებს საიმისოდ, მერე მავანი და მავანი ძირითად კორპუსში რომ მიაბრძანოს, თავფე-  
ხიანად შეამონმოს და ამღვრეული ტვინიც ისევ დაუნმინდოს.

დავთარში ინფორმაციის ჩამწერს საერთო სიაში ვარსკვლა-  
ვით აღნიშნავენ ხოლმე და ნებასაც აძლევენ, მეორე დღეს გვი-  
ანობამდე იძინოს.

მწვავეების პირდაპირ, ოთახის მეორე ბოლოში, კომბინატის მონარჩენები ყრია – ქრონიკულები. ამათ აღარავინ მკურნალობს და საავადმყოფოშიც მარტო იმიტომ აჩერებენ, ქუჩა-ქუჩა არ იყილონ და აქაურ პროდუქციას სახელი არ გაუტეხონ. პერ-  
სონალის ერთსულოვანი აზრით, ქრონიკულები სამუდამოდ აქ უნდა დარჩნენ. ისინი სამ კატეგორიად იყოფიან – ჩემსავით საკუთარი ფეხით მოსიარულებად (რამე თუ გვაჭამეს, მოძრა-  
ობა ჯერ კიდევ შეგვიძლია), ბორბლებიანებად და ბოსტნეულე-  
ბად. ქრონიკულების უმრავლესობა უბრალოდ შიგნიდან დაზიანებული მანქანებია, უკვე შეუძლებელია ზოგჯერ თანდა-  
ყოლილი და ზოგჯერაც წლების მანძილზე მაგარ საგნებზე თავის ხათქუნით გაჩენილი ზადის გამოსწორება – ჩვენი უმრავლესობა ხომ სადღაც, ამომშრალ თხრილებში ეყარა და უპატრონოდ იჟანგებოდა, სანამ კომბინატი მოგვაგნებდა და შეგვიფარებდა.

თუმცა ქრონიკულებშიც მოინახება რამდენიმე კაცი, ვინც წლების წინ პერსონალის უმნიშვნელო შეცდომების მსხვერპლი გახდა, საავადმყოფოში მოსვლამდე მწვავედ ითვლებოდა და უკვე მერე, აქეტირა ყოფა. მაგალითად, ელისი. თავიდან მწვავე იყო, მაგრამ მეტისმეტად დიდი პატივი სცეს იმ ბინძურ ტვი-  
ნისგამანყალბელ კაბინეტში, „დასაშოკში“, როგორც შავი ბი-  
ჭები ეძახიან. ახლა ელისი ზუსტად იმ პოზაშია კედელზე მიჭე-  
დებული, რა პოზაშიც უკანასკნელად გადმოიყვანეს მაგიდიდან

საკაცზე – მკლავებგაშლილი, მტევნებჩამოყრილი, სახეზეც იგივე, მაშინდელი შეძრწუნება აქვს შერჩენილი. ასე, ნადირის ფიტულივითაა კედელზე მილურსმული. ლურსმნებს მარტო მაშინ აძრობენ, როცა ჭამის დრო მოუწევს ხოლმე, ანდა როცა დასაძინებლად მიყავთ, და მეც მხოლოდ მაშინლა ვახერხებ იმის ფეხებთან დამდგარი გუბის მონმენდას. ძველ ადგილას იმდენ ხანს იდგა გაუნძრევლად, შარდმა იატაკი ამოჭამა და ქვედა განყოფილებაში ვარდებოდა ხოლმე, ათას თავსატეხს უჩენდა იქაურებს სიის ამოკითხვისას.

რაქლიც ქრონიკულია და რამდენიმე წლის წინ, ახალი მოყვანილი, ისიც მწვავედ ითვლებოდა. მერე რაქლიც მეტისმეტად გადატვირთეს: სერიოზულად შეეშალათ რაღაც, როცა თავში გაყვანილობას უმონტაჟებდნენ. ისე, სულო ცოდვილო და, მართლა ღვთის წყრომა კი იყო მთელი საავადმყოფოსთვის: შავ ბიჭებს ურტყამდა, პრაქტიკაზე მოსულ სტუდენტ გოგოებს ფეხებზე კბენდა... ამათაც რა ექნათ, ადგნენ და უმკურნალეს. მაგიდაზე გაშოტეს და კარი მოიხურეს, მერე კარგა ხანს აღარ გვინახავს; თუმცა კარის მოხურვამდე შავ ბიჭებს თვალი ჩაუკრა და სანამ წამოვიდოდნენ, მოაძახა: მე რაქლი არ ვიყო, ეს თუ შეგარჩინოთ, თქვე კუპრში ნაბანავებო.

ორი კვირა გავიდა, სანამ ისევ განყოფილებაში დააბრუნებდნენ. თავგადაპარსულს სახე ერთ უშველებელ, ცხიმოვან, მენამულ სისხლჩაქცევად ჰქონდა გადაქცეული, თვალების ზემოთ კი თითო პატარა, ღილისოდენა საცობი ჩაეკერებინათ. თვალებზე დღემდე ეტყობა, როგორ გამოწვეს და გამობუგეს იქ, ზევით: ნისლი გადაკვრია, განაცრისფრებია და შიგნიდან გამოცარიელებია გადამწვარი ნათურებივით. ახლა სხვა საქმე აღარაფერი აქვს, მთელი დღე ძველი ფოტოსურათი უჭირავს და გადაბუგულ-გადარუჯული სახის წინ გაუთავებლად აქეთ-იქით ატრიალებს გათოშილი თითებით. ამდენი ტრიალისგან უკვე სურათიც იმის თვალებივით გაუფერულდა და ველარც მიხვდები, რა ჩანდა ადრე ზედ.

პერსონალი არ მალავს, რაქლის შემთხვევაში მარცხი მოგვივიდაო, თუმცა თავს ვერ დავდებ, მონტაჟს სწორადაც რომ ჩაველო, უკეთესი სანახავი იქნებოდა-მეთქი. აი თანამედროვე მონტაჟი, როგორც წესი, უკვე წარმატებით მთავრდება. ტექნიკოსები დაოსტატდნენ და დიდი გამოცდილებაც შეიძინეს. სადღაა ლილისოდენა ნახვრეტები შუბლზე, ძველებური ჭრა-კერვა – უკვე თვალის ფოსოებიდან შედიან თავის ქალაში. წაიყვანენ ხოლმე ზოგჯერ რომელიმე ჩვენიანს მონტაჟზე – შეშლილს, გადარეულს, ყველას და ყველაფრის წინააღმდეგ ამხედრებულს – და როცა ერთ-ორ კვირაში ნაჩხუბარივით თვალეზღაურებულს ისევ უკან დააბრუნებენ, იფიქრებ, ამაზე ბუნჩულა, ამაზე წესიერი და ზრდილობიანი კაცი ცხოვრებაში არ შემხვედრიაო. ის კი არა, ბოლოს შეიძლება სახლშიც გაუშვან, აუკრავენ გუდანაბადს, მთვარეულის სახეზე მაგრად ჩამოაფხატებენ ქუდს და ისიც მიდის, მიბორიალობს, თითქოს მარტივ, იოლად გასაგებ, ბედნიერ სიზმარს ხედავსო. დიდ წარმატებას მივალნიეთო, ამბობენ ასეთ დროს, მაგრამ მე თუ მკითხავთ, ახალი რობოტი მიუმატეს სხვა უამრავს და მეტი არაფერი, შეიძლება უკეთესიც ყოფილიყო, ისევ მარცხი მოსვლოდათ და კიდევ ერთი რაქლი შეექმნათ, დღემდე უაზროდ რომ აფათურებს ხელებს და თავის სურათს ალბობს დორბლით. სხვა რა ქნას რო? ხანდახან დაგვაჯული შავი ბიჭი მიუცუცქდება და ეკითხება, ერთი მითხარი, რაქლი, შენი ჭკუით რას შვება ეხლა შენი ცელქი ცოლიო? რაქლიც მაშინვე ყურებს დაცქვეტს ხოლმე, დაიძაბება, თითქოს სადღაც, მოშლილ მექანიზმში მახსოვრობა რაღაცას ჩურჩულებს, მერე წითლდება, ვენებში სისხლი ეჭედება, ქოშინი უტყდება და მხოლოდ სუსტი, სტვენასავით ხმა ამოსდის ყელიდან. ტუჩის კუთხეებიდან დორბლს აფრქვევს, ყბებს მთელი ძალით ჭიმავს, რამის თქმა რომ მოახერხოს. მართლა ახერხებს ძლივს გასაგონად რამდენიმე სიტყვის ამოხავლებას და ამ ხმის გაგონება კანს დაგიბურძგლავს კაცს – „ცცცოლის დედაც!.. ცცცოლის დედაც!..“ ძალიან იძაბება, მეტი არ შეიძლება, და ეგრევე გონებას კარგავს.

ელისი და რაქლი ქრონიკულებიდან ყველაზე ახალგაზრდები არიან. ყველაზე ხნიერი კი პოლკოვნიკი მეთერსონია, პირველი მსოფლიო ომის მონაწილე ბებერი, გამეშებული კავალერისტი. ან გვერდით ჩავლილ ექთნებს თავისი ჯოხით კაბებს უფრიალებს და ასე ერთობა, ანდა მარცხენა ხელისგულზე დანერილ რალაც ტექსტს უკითხავს და ისტორიის უფასო ლექციას უტარებს ნე-ბისმიერ მოხალისე მსმენელს. განყოფილების უხუცესი წევრი კია, მაგრამ დიდი ხნის მოსული არაა: სულ ორიოდ ნლის წინ მოიყვანა ცოლმა, როცა დარწმუნდა, მე ამის მოვლა აღარ შემიძლიაო.

აქაურობის უძველესი ბინადარი მე ვარ, მეორე მსოფლიო ომის დროიდან. ყველას დავასწარი. ჩემამდე მოსული მარტო მთავარი ექთანია.

ქრონიკულები და მწვავეები, როგორც წესი, ერთმანეთს ერიდებიან. ყველა პალატის თავ-თავის ნახევარსაა მიჯაჭვული. შავ ბიჭებსაც ასე ურჩევნიათ: წესრიგია მთავარიო, ამბობენ და წესრიგის დარღვევასაც არავის აპატიებენ. დღის პალატაში ნასაუზმევს შევყავართ ხოლმე, გვიყურებენ, როგორ ვიკავებთ ჩვენ-ჩვენს ადგილებს და მოწონების ნიშნად თავსაც გვიქნევენ – აი ასე, ბატონებო, სწორედ ასე. აი, ასე უნდა მოიქცეთო.

ოღონდ საქმე ისაა, სინამდვილეში იმათი თვალთვალი და შექება არც არაფერში გვჭირდება, ჯერ ერთი, ქრონიკულები, ჩემ გარდა, თითქმის არც მოძრაობენ, მწვავეები კი საკუთარი ნებით არაფრით არ გადავლენ იმათ ნახევარზე, იმიზეზებენ – ქრონიკულების მხარე ჩირქიან სახვევებზე უარესად ყარსო, მაგრამ მე ნამდვილი მიზეზიც ვიცი: უბრალოდ, ძალიან არ უყვართ, როცა ახსენებენ, ერთ მშვენიერ დღეს თქვენც იგივე მოგელითო. ეშინიათ და ამ შიშის შესახებ მთავარ ექთანსაც კარგად მოეხსენება, არც გამოყენება უჭირს; რომელიმე მწვავეს უგუნებობა თუ შეატყო, აუცილებლად ჩაანვეთებს – ჭკვიანი ბიჭი თუ არ იქნები, პერსონალთან არ ითანამშრომლებ და შენივე სასიკეთოდ დადგენილ განაწესს არ დაიცავ, იცოდე, იქითა მხარეს ამოყოფ თავსო.



(პაციენტების ინიციატივით და თანამშრომლობით განყოფილებაში ყველა კმაყოფილია. ნეკერჩხლის ფიცარზე დაკრული პატარა, თითბრის ფირფიტითაც დაგვაჯილდოვეს, ზედ აწერია: გილოცავთ! თქვენ სხვა განყოფილებებთან შედარებით გაცილებით მცირერიცხოვანი პერსონალით ართმევთ საქმეს თავსო. ესაა სწორედ თანამშრომლობის საზღაური. ზუსტად დავთრის თავზე კიდია კედელზე, გამოსაჩენ ადგილას, ქრონიკულებსა და მწვავეებს შორის).

წითურთმიანი ახალი, მაკმერფი, უცებვე ხვდება, ქრონიკული არ უნდა ვიყო. ერთ წუთს ათვალეერებს პალატას, რწმუნდება, საითაც უკრავენ თავს და თვითონვე მიეშურება მწვავეებისკენ, ყველას უღიმის და რიგრიგობით ართმევს ხელს. ვხედავ, ყველა უხერხულად იშმუშნება, ყველას ეხამუშება, როგორ ისულელებს ძალით თავს, როგორ შაყირობს და როგორ თავხედურად დაყვირის ჯერაც თერმომეტრმომარჯვებულ შავ ბიჭს, განსაკუთრებით კი იმისი გულიანი, ხმაურიანი ხორხოცი აკრთობთ. სიცილის ხმაზე საკონტროლო პულტის ისრები გიჟივით დახტუნავენ. მწვავეებსაც კლასში უმასწავლებლოდ დარჩენილი მონაფეებივით დაბნეული და შეშფოთებული სახეები აქვთ, როცა ერთი, ყველაზე ცელქი ბავშვი ყირაზე გადადის, იქაურობას იკლებს და სხვებს გული უსკდებათ, ვაითუ უცაბედად დაბრუნებულმა მასწავლებელმა ყველანი გაკვეთილების შემდეგაც დაგვტოვოსო. ისინიც პულტის ისრებივით ცქმუტავენ და ადგილს ვერ პოულობენ. ვხედავ, მაკმერფიც ამჩნევს ჩვენების უხერხულობას, მაგრამ დაშოშმინებას არც ფიქრობს.

„რა იყო, რა სახეები ჩამოგტირით ყველას? იცოდეთ, ბიჭებო, ჩემ თვალში არც ეგეთი გიჟები ჩანხართ.“ ცდილობს წაათამამოს, ლაპარაკის საღერღელი აუშალოს, როგორც აუქციონერი ცდილობს ხოლმე ფასების გამოცხადებამდე მყიდველების ხუმრობით წახალისებას. „აბა, რომელი თვლით თავს ყველაზე მაგარ გიჟად? ვინაა თქვენში ყველაზე დიდი ცენტრი? კარტის ამბები ვის ეკითხება? პირველი დღეა და მინდა აქედანვე მო-

ვიგო საჭირო კაცის გული, ოღონდ თუ ღირსია და თუ დამიმტკიცებს კიდეც. ჰა, რომელი ხართ მთავარი ცენტრი?“

რატომღაც ბილი ბიბიტს მიმართავს. ბილისკენ იხრება და ისე მკაცრად უყურებს თვალებში, ბილი იძულებული ხდება ბორძიკ-ბორძიკით ამოილულულოს – მე მმმმთავარი ცცენტრი ჯჯჯეერ არა ვარ, თუმცა ააჰაჰლბათ მმმეორედ კი უნდა ჩჩჩავითვალო ნნნეესითო.

მაკმერფი ზედ ბილის ცხვირწინ აშეშებს თავის უშველებელ ტორს და ბილისაც რა დარჩენია, იძულებულია ხელი ჩამოართვას. „კეთილი, ძმაო,“ ეუბნება მაკმერფი, „გულით მიხარია, ამ საქმეში მმმეორე თუ ხარ, მაგრამ რახან აქ განაბობას ვაპირებ, იქნება ჯობდეს, მთავარ გიჟს ველაპარაკო“. აქეთ-იქით იყურება, ხელისგულებს ატყუპებს და ყველა სახსარს იტკაცუნებს ხმაურით. ბევრმა მწვავემ კარტის თამაშს დიდი ხნის წინ მიანება თავი. „რა არი, იცი, ძმაო, ამ თქვენ კაზინოს გადმოვიბარებ, მერე დავჯდეთ და ბოლომდე შევიყვანოთ ოცდაერთი, კაცურად. აბა, მიმიყვანე ერთი შენ უფროსთან, ჩვენ თვითონ გავარკვევთ ერთმანეთში, ვინც იქნება აქ ბოსი.“

ვერავენ მიმხვდარა, ეს დოლივით გულმკერდიანი, სახედაჩეხილი, აჭიხვინებული კაცი თვალთმაქცობს, მართლა ასე აფრენს თუ ერთიცაა და მეორეც ერთდროულად; თუმცა მისი აყოლა მაინც ყველას ძალიან სიამოვნებს. ხედავენ, როგორ ბლუჯავს დიდი, წითური ხელით ბილის წვრილ მკლავს და ელოდებიან, ბილი რაღას იტყვისო. ისიც ხვდება, ჩუმად ყოფნა აღარ გამოვაო, მაგიდასთან ათასის სათამაშოდ დამსხდარ მეგობრებს ათვალეიერებს და ერთ-ერთს ადგამს თვალს: „ჰარდინგ,“ ამბობს ბილი, „მე მგონი, შენ უუუუნდა იყო. შენ არა ხარ პაჰპაჰ-პაციენტების საბჭოს პპპრეზიდენტი?! ამ კკკკაცს შენთან ლაპარაკი უუუნდა.“

მწვავეები უკვე ილიმებიან, უკვე უხერხულადაც აღარ გრძნობენ თავს, თან უხარიათ, რაღაც არაჩვეულებრივი ხდებაო. ჰარდინგს ელაზღანდარავეებიან, ეკითხებიან, მართლა შენა ხარ

ნომერი პირველი ცენტრიო? ჰარდინგი ბანქოს მაგიდაზე ალაგებს.

ერთი უხასიათო, მუდმივად გალიზიანებული კაცია, ისეთი სახე აქვს, იფიქრებ, ფილმში ხომ არ მინახავსო, თითქოს ეს სახე მეტისმეტად ლამაზია ქუჩაში უბრალო გამვლელის კვალობაზე. როცა საკუთარ თავში ჩაიკეტება და შეიყუჩება ხოლმე, განიერ, თხელ მხრებს მონურავს და მკერდს მხრებში მალავს. ჰარდინგის თეთრი, ფაქიზი ხელებისა და გრძელი თითების შემხედვარეს ბევრჯერ მიფიქრია, ამ ხელებმა ერთმანეთი საპნის ქაფიდან გამოძერწეს-მეთქი, ზოგჯერ ლაპარაკში თუ გაერთო, ხელები თავისუფლდებიან და ნებაზე მიშვებული ორი ჩიტვივით დაფარფატებენ ჰაერში – სანამ ისევ არ მოეგება გონს და მუხლებს შორის არ მოიმწყვდევს: რცხვენია, ასეთი ლამაზი ხელები რომ აქვს.

თანაც პაციენტების საბჭოს პრეზიდენცია, როგორც კოლეჯის დამთავრების საბუთის ერთადერთი მფლობელი. ჩარჩოში ჩასმული საბუთი სანოლთან ტუმბოზე უდევს, ბიკინიში გამოკვანწული ქალის სურათის გვერდით. ის ქალიც კინოში ნანახს გავს – ძალიან დიდი მკერდი აქვს და ლიფის ბრეტელი ორი თითით უჭირავს ნკიპზე, ცერად გასცქერის ფოტოაპარატს სადღაც, გვერდით. ქალის ზურგს უკან პირსახოცზე დასკუპებული ჰარდინგიც მოჩანს, გახდილი ცარიელი ძვალი და ტყავია და ისეთი სახე ადევს, თითქოს ელოდება, როდის მიაყრის ვინმე მუტრუკი ფეხით ქვიშას. ტვინი ნაგვჭამა ცოლზე ტრაბახით, ძალიან ამაყობს ასეთი ქალის ქმრობით, ამბობს, მსოფლიოში უსექსუალურესი ვინმეა და ღამე ჩემთან ალერსით ვერ ძღებაო.

მაინცდამაინც იმაზე რომ აჩერებს ბილი არჩევანს, ჰარდინგიც სავარძელში ითხლაშება, საქმიან, სერიოზულ სახეს იღებს, ბილის და მაკმერფის აღარ იმჩნევს, ჭერს ასცქერის და ლაპარაკითაც ჭერს ელაპარაკება ვითომ მოღლილი, მოქანცული ხმით: „კი, მაგრამ ამ... ჯენტლმენს რამე სარეკომენდაციო წერილი თუ აქვს, მისტერ ბიბიტ?“

„გაქვთ სარეკომენდაციო წერილი, მისტერ მაკმმერფი? მისტერ ჰარდინგი მოუცლელი კაცია, ნწწერილის გარეშე არავის ღებულობს.“

„და, ესე იგი, ეს მოუცლელი მისტერ ჰარდინგია მთავარი ცენტრი, არა?“ მაკმერფი ცალი თვალით ბილის გასცქერის და ისიც ჩქარ-ჩქარა უკანტურებს თავს; კმაყოფილებას ვერ მალავს, ასე უცებ დავიმსახურე საერთო ყურადღებაო.

„მაშინ გადაეცით მთავარ ცენტრ ჰარდინგს, რ. პ. მაკმერფის სურს თქვენი ნახვა-თქო, ეს საავადმყოფო არც ისე დიდია, ორივე რო დაგვიტიოს-თქო. რა ვქნა, ქურდად ჯდომას ვარ მიჩვეული. ჩრდილოდასავლელ ტყისმჭრელებშიც პირველი კაცი ვიყავი და კორეაშიც პირველი ყომარბაზი, ეგ კი არა, ბარდის გამარგვლაშიც არ დამითმია არავისთვის პირველობა პენდლტონის ფერმაში, მოკლედ, თუკი მაინცდამაინც ცენტრობა მიწერია, არავიზე ნაკლებად გაფრენას არ ვაპირებ. უთხარი მაგ შენ ჰარდინგს, ან კაცურად ერთი-ერთზე გამოვიდეს, ან არადა, თუ ჩაისვარა და ქვეშიდან გამოსვლა უნდა, ურჩევნია, მზის ჩასვლამდე აორთქლდეს ქალაქიდან.“

ჰარდინგი კიდევ უფრო ითხლაშება სავარძელში და პიჟამის საყელს ცერი თითებით ებლაუჭება. „ბიბიტ, გადაეცი მაგ ახლად წამოჩიტულ ყვინჩილას, მთავარ დარბაზში შევხვდები ზუსტად შუადღისას და ამ საკითხსაც ერთხელ და სამუდამოდ გავარკვევთ ჩვენი აგიზგიზებული ლიბიდოების დახმარებით.“ ჰარდინგი ცდილობს, მაკმერფივით განელოს სიტყვები; ოღონდ ცოტა სასაცილო მოსასმენი კია, იმისი წვრილი ხმა და ქოშინი მაინცდამაინც არ უხდება ძველბიჭურ კილოს. „თან გააფრთხილეთ, გაუგებრობა არ მოხდეს რამე, უკვე თითქმის ორი წელია, ამ განყოფილების მთავარი ცენტრია და მაგისნაირი გიჟი ცოცხლებში სანთლით არ მოინახება-თქო“.

„მისტერ ბიბიტ, ჩემგანაც გააფრთხილეთ ბატონი ჰარდინგი, ისეთი დარეხვილი ვინმეა, თავისი პირით აღიარებს, ეიზენჰაუერს რომ მისცა ხმაო.“

„ბიბიტი! ნებას გაძლევ, ამცნო მისტერ მაკმერფის: ჩემი სიგიჟე კიდევ უფრო შორს მიდის, მე ეიზენჰაუერს ორჯერ მივეცი ხმა!“

„თამამად უპასუხეთ მისტერ ჰარდინგს,“ – მაკმერფი ხელებს მაგიდაზე აწყობს, მთელი ტანით ხელებისკენ იხრება და უფრო ხმადაბლა ამბობს: „ჩემთან მაინც ვერ მოვა, მე ისე ვერეკები, ვაპირებ, ამ წლის ნოემბერშიც მივცე ეიზენჰაუერს ხმა.“

„ქედს ვიხრი თქვენ წინაშე“, ამბობს ჰარდინგი, თავს უკრავს და ხელს ართმევს მაკმერფის. მაკმერფის გამარჯვებაში ეჭვი აღარ მეპარება, თუმცა კარგად არ ვიცი, რა მოიგო.

დანარჩენმა მწვავეებმა უწინდელი საქმიანობა მიატოვეს, მოპაექრებებს შემოეხვივნენ, უნდათ გაიგონ, მაინც რა ჩამოსხმაა ეს ახალი ბიჭი. ამისნაირი ადრე არასდროს არავინ ყოფილა განყოფილებაში. ეკითხებიან, საიდან მოხვედი, ვინა ხარ, რას საქმიანობო – ასე გამოცოცხლებულ მწვავეებსაც პირველად ვხედავ. შეწირული კაცი ვარო, ამბობს. ერთი მოხეტიალე და მოხალისე ტყისმჭრელი ვიყავი, სანამ არმიაში ხელი არ მტაცა და ჩემს ბუნებრივ მიდრეკილებაზე თვალი არ ამიხილაო; ზოგს თუ მოვალეობისგან თავის დაძვრენას, სიზარმაცეს და უსაქმურობას აჩვენებს და ასწავლის ჯარი, მე პოკერის თამაში მასწავლაო. მას მერე ცხოვრებაში ადგილი ვიპოვე და თავი აზარტულ თამაშებს შევწირე, სხვათა შორის, სულერთია, რა დონეზეო. ახლა უბრალოდ პოკერს ვთამაშობ, მარტოხელა ვარ და იქდა ისე ვცხოვრობ, სადაც და როგორც მინდა, თუკი, რა თქმა უნდა, დამაცლიანო. „არადა, ხომ იცით, როგორ დევნის საზოგადოება შეწირულ კაცს,“ ეუბნება მწვავეებს, „მას მერე, რაც ჩემ მონოდებას მივაგენი, იმდენი პატარ-პატარა ქალაქის ციხეების კედლები ვლესე, ბროშურას დავწერდი. ჩემზე ამბობენ „შფოთისთავიაო“. ჩხუბი უყვარსო, რა! როცა უენო ტყისმჭრელი ვიყავი და შარში ვეხვეოდი, მაშინ რალაც არ ანუხებდათ ჩემი შფოთისთავობა; ეპატიებაო, ჭიკჭიკებდნენ, ესო, მძიმე შრომაში ჩაბმული კაცისთვის ორთქლის გამოშვებააო! ხო აზრზე ხართ?! აი, მოთამაშე თუ გახდი,

თუ გაიგეს, ხანდახან უკანა ოთახში პოკერის მაგიდასთან ჯდებო, გინდა სამჯერ გადააფურთხე, გინდა სამასჯერ – მაინც დათარსული ხარ. ოოო, დრო იყო, ბიუჯეტს დაეცყო ჩემი ციხიდან ციხეში გადაყვანის ხარჯები.“

თავს აქნევს და ლოყებს ბერავს.

„თუმცა ცოტა ხანს გაგრძელდა ეგრე. ჭკუა ვისწავლე, გავეშმაკდი. თუ დამიჯერებთ, პენდლტონში ატეხილი შუხური და გინება პირველი იაღლიში იყო ლამის ბოლო ერთ ნელინადში. მაგან დამბრიდა კიდეც. გადაჩვეული ვიყავი; ის ჩემისაც მანამდე ადგა და მანამდე ჩამიშვა ძალღებთან, სანამ ქალაქიდან ავითესებოდი. მაგარი ვირი გამოდგა...“

ისევ იცინის, ისევ რიგრიგობით ართმევს ყველას ხელს და თუ თერმომეტრიანი შავი ბიჭი ძალიან მიუახლოვდება ხოლმე, უახლოეს მაგიდასთან ჯდება და რომელიმე მწვავეს მკლავის გადანევაში ეჯობრება. უცებ ასწრებს ყველას გაცნობას და ახლა პირდაპირ ქრონიკულებისკენ აღერებს თავს, თითქოს ჩვენც არაფრით განვსხვავდებით სხვებისგან. ვერ იტყვი, მართლა ასეთი გულიანი და მეგობრული ბიჭია, თუ შებერტყილი მოთამაშის რალაც ანგარიში აიძულებს იმათი გაცნობაც სცადოს, ვისაც ისე აქვს გარეკილი, უმრავლესობას საკუთარი ნათლობის სახელიც აღარ ახსოვს.

უკვე ოთახის მეორე მხარესაა, ელისის მარჯვენა ხელს კედლიდან ხსნის და ისეთი ამბით ართმევს, თითქოს საარჩევნო კამპანიაში ჩაბმული პოლიტიკოსი მყავდეს და იმისი ყოფნა-არყოფნაც ელისის ამ ერთ ხმაზე ეკიდოს. „ძმაო,“ ეუბნება ელისს ხალისიანად, „მე რ. პ. მაკმერფი მქვია და მაგრა არ მომწონს, როცა შენი ხნის ვაჟკაცი კაცი თავისივე დაქცეულ სითხეში დატივტივებს. რატო არ მოანმენდინებ?“

ელისი გულწრფელად გაკვირვებული დასცქერის ფეხებთან დამდგარ გუბეს. „უი, ჩემი სიკვდილი, დიდი მადლობა,“ რამდენიმე ნაბიჯსაც კი დგამს საპირფარეშოსკენ, სანამ ლურსმნები ისევ კედელს არ მიაკრავენ.

მაკმერფი ქრონიკულების რიგს მიუყვება, პოლკოვნიკ მეთერსონსაც ართმევს ხელს, რაქლისაც და ბებერ პიტსაც. ბორბლებიანებსაც, საკუთარი ფეხით მოსიარულეებსაც და ბოსტნეულებსაც, იმათაც, ვისაც თვითონვე ძალით აწვეინებს ზევით მკვდარი, მექანიკური ჩიტებივით – წვრილი ძვლებისა და მავთულებისგან შეკონინებული, ყავლგასული და სამუდამოდ დამსხვრეული უცნაური სათამაშოებივით – კალთაში ჩაყრილ ხელებს. ყველას ხელს ართმევს, ვისთანაც კი მიდის, დიდი ჯორჯის, „წყლის გიჟის“ გარდა. ჯორჯი უხმოდ ხითხითებს და მორცხვად იხევს უკან, სათოფეზე არ იკარებს ამ ანტიჰიგიენურ ხელს, მაკმერფიც მხოლოდ შორიდან ესალმება და უკვე სხვა პაციენტისკენ დაძრული, საკუთარ მარჯვენას ეუბნება – ნეტა რაზე შეგატყყო ამ პატიოსანმა კაცმა, რამდენ ჭუჭყში და სიბინძურეში გამოგივლიაო.

ვერაჟინ ხვდება, რა აქვს გუნებაში, რისთვის ატეხა ამხელა აურზაური, ან რატომ მოინდომა ასე ერთბაშად მისალმებოდა ყველას; თუმცა რაც ხდება, მაინც ნამდვილად ჯობია რებუსების კირკიტს. თვითონ უწინდებურად კი გაიძახის, აუცილებელია აქაურობის და ამ ხალხის გაცნობა, ვისთანაც საქმის დაჭერა მომიწევს, ესეც მოთამაშის დაუნერელი კანონიაო, მაგრამ ხომ მშვენივრად ხვდება, არანაირი საქმე რომ არ ექნება ოთხმოცი წლის ორგანულ შიზოფრენიკთან, ვინც ბანქოს ქალაღდს სხვას ვერაფერს მოუხერხებს, პირში თუ არ ჩაიდო და ცოტა ხანს ლოღნა. მაინც ისეთი სახით მიდი-მოდის, ვითომ უდიდეს სიამოვნებას განიცდიდეს, ვითომ ამ ხალხთან მისალმებაზე დიდ ბედნიერებას ამქვეყნად არაფერი ანიჭებდეს.

მე ბოლო ვარ, ჯერაც სკამზე მიბმული ოთახის კუთხეში. ჩემამდე რომ მოდის, ჩერდება, ცერებს ისევ ჯიბეებში იჩრის და გასაცინებლად გამზადებული წელში იზნიქება, ეტყობა, მე რაღაც კიდევ უფრო სასაცილოს მატყობს, ვიდრე ნებისმიერ სხვას. უცებ, ერთი პირობა, შიში მიპყრობს, კი ვზივარ ასე ფეხებაპლაკული, მუხლებზე ხელებშემოჭდობილი და ყრუ-მუნჯივით

ერთ წერტილს მიშტერებული, მაგრამ იქნება ხვდება ჩემს მა-  
იმუნობას და იმიტომ ეცინება-მეთქი.

„ბიიჯოო, ერთი ნახეთ, რა ვიპოვე!“

ეს ამბავი მართლა კარგად მახსოვს. მახსოვს, როგორ მოჭუ-  
ტა ცალი თვალი, თავი უკან წაიღო და ღვინისფრად შეხორცე-  
ბული, ნაიარევი ცხვირის ზემოდან გამომხედა, თან სახეში შე-  
მომცინოდა. გაეცინება, აბა რა, სად ჩემნაირი ლენჩი და სად  
ინდიელის სახე და შავი, მბზინავი თმა-მეთქი, ვიფიქრე თავიდან.  
ანდა სულაც ჩემი უმწეობა და უსუსურობა აყენებს-მეთქი სი-  
ცილის გუნებაზე. მაგრამ, მახსოვს, მერე მივხვდი – ჩემს მოჩ-  
ვენებით ყრუმუნჯობას წამითაც არ მოუტყუებია და სიცილის  
წამდვილი მიზეზიც ეგ იყო; მთელი ჩემი ეშმაკობის მიუხედავად,  
სიმართლეს მაშინვე მიხვდა და ახლა იცინოდა, თან თვალსაც  
მიკრავდა – აზრზე ვარ, ოღონდ ნუ გეშინიაო.

„შენ რაღას გვეტყვი, დიდო ბელადო? ჩემმა მზემ, ნალდი  
მჯდომარე ხარი ხარ! მჯდომარე ხარი – მჯდომარე გაფიცვაზე.“  
მწვავეებს გახედა, ხუმრობას შემიფასებენ თუ ვერაო, იმათ მარ-  
ტო ზრდილობისთვის რომ ჩაიხიბხიბეთეს, ისევ მე მომიბრუნდა და  
ერთხელ კიდევ ჩამიკრა თვალი. „სახელს ხომ ვერ მაჩუქებთ,  
ბელადო?“

„მამაგის სსსახელი ბრომდენია,“ გამოსძახა ბილი ბიბიტმა  
ოთახის მეორე ბოლოდან. „ბელადი ბრომდენი. ისე, ყველა ცოც-  
ხების ბელადს ეძახის, სულ იატაკს აგვევინებენ ხოლმე და იმ-  
მმიტომ. მე მგონი, სხვა არც არაფერი შეუძლია. ყრუა.“ ბილიმ  
ნიკაპი ხელებზე ჩამოიდო. „მე რომ ყყყრუ ვიყო,“ ამოიოხრა  
გრძნობით, „თავს მოვიკლავდი“.

მაკმერფი თვალს არ მაშორებდა. „გაიზრდება – მაღალი  
ბიჭი იქნება, არა? ნეტავი რამსიმალღეა?“

„მგონი, ერთხელ გგვაზომეს და ორ მეტრზე ოდნავ მეტი  
გამოვიდა. ამხელა კია, მაგრამ საკუთარი ჩჩრდილისაც ეშინია.  
მოკლედ, ერთი დდდიდი ყრუ ინდიელია.“

„რო დავინახე, კი ვიფიქრე, ინდიელი იქნება-მეთქი... ისე,



ბრომდენი რანაირი ინდიელია?! რომელი ტომიდანაა?“

„არ ვიცი,“ თქვა ბილიმ. „მე უკვე აქ დამხვდა“.

„ექიმს თუ დავუჯერებთ,“ ჩაერთო ჰარდინგი, „მიტხრა, მხოლოდ სანახევროდაა ინდიელიო, თუ არ ვცდები, ქალამბი-ელი ინდიელი. ამათ ტომს ქალამბიის ხეობაში უცხოვრია, ოღონდ ახლა მთლად გადაშენებულან. ექიმმა თქვა, მამამისი ტომის ბელადი იყოო, ამისი მეტსახელიც აქედანაა. ბრომდენს რაც შე-ეხება, ვშიშობ, ინდიელთა საკითხის ჩემეული ცოდნა ამდენის გარკვევას ველარ გასწვდება.“

მაკმერფიმ თავი დახარა, ზედ სახესთან მომიტანა და მეც იძულებული გავხდი, მისთვის შემეხედა. „მართალია, რასაც შენზე ამბობენ? მართლა ყრუ ხარ, ბელადო?“

„ყყყრუცაა და მუნჯიც.“

მაკმერფიმ ტუჩები მომუნა და კარგა ხნით ჩამაცქერდა. მერე ისევ წელში გასწორდა და ხელი გამომინოდა.

„კეთილი, სხვა თუ არაფერი, ხელის ჩამორთმევა ხო მაინც შეუძლია? გინდა ყრუ იყოს და გინდა არა. იცოდე, ბელადო, ამო-დენა კი გაზრდილხარ, ოღონდ ხელი თუ არ ჩამომართვი, დედას გეფიცები, შეურაცხყოფილად ჩავთვლი თავს. ახალი მთავარი ცენტრის შეურაცხყოფა კიდე მთლად კარგი საქმე ვერ არი.“

ამის თქმაზე ბილის და ჰარდინგს გახედა და დაიჭყანა, მათლაფასავით ხელი კი უკან აღარ წაუღია.

ეს ხელიც ნათლად მახსოვს: ეტყობა, თავის დროზე გარაჟში ნამუშევარს, ფრჩხილები ჩაშავებოდა; შუა თითის სახსართან ლუზა ამოესვირინებინა – კუთხეებაპრეხილი, ჭუჭყიანი სალ-ბუნის ქვეშ მოუჩანდა; ხუთივე თითის სახსარი ძველი თუ ახალი იარებით და ჭრილობებით ჰქონდა დასერილი. ხელისგული კი, მახსოვს, უხეში და ძვალვივით მაგარი იყო – ალბათ თოხის ტარს გაეუხეშებინა ასე, ვერც იფიქრებდი, ამისთანა ხელის პატრონი კარტის დარიგებას თუ მოახერხებდა. დამსკდარ კოჭრებში ჭუჭყი ჩაჯდომოდა. ხელისგული დასავლეთში აღმა-დაღმა მისივე უთავბოლო ხეტიალის რუკად გამოდგებოდა. შრაშუნით ჩამო-

მართვა ხელი. მახსოვს, როგორი სქელი და ღონიერი თითები ქონდა, ჩემს ხელს რაღაც უცნაური დაემართა, მერე ნელ-ნელა გასიება დაიწყო, ქვევიდან ზევით, მთელი მკლავის გაყოლებაზე, თითქოს საკუთარ სისხლს მისხამდა. სისხლით და ძალ-ღონით ვივსებოდი. ლამის მისი ხელისოდენა გამიხდა ხელი, მახსოვს...

„მისტერ მაკმარი!“

ეს უკვე მთავარი ექთანია.

„მისტერ მაკმარი, ერთი აქეთ მობრძანდით, გეთაყვა.“

ნამდვილად მთავარი ექთანია. თერმომეტრიანმა შავმა ბიჭმა დაუძახა. დგას, შავი ბიჭისთვის გამორთმეულ თერმომეტრს მაჯის საათზე იკაკუნებს, თვალებს ვერ ასვენებს და ცდილობს, კარგად გაზომ-აწონოს ეს ახალი ჩიტი. სამკუთხედად დანყობილი თოჯინას ტუჩები სათამაშო სანოვარასთვის გაუმზადებია.

„სანიტარი უილიამსი მეუბნება, მისტერ მაკმარი, თითქოს რაღაც გართულებას ჰქონდა ადგილი შხაპთან დაკავშირებით. მართალია? ძალიან გთხოვთ, სწორად გამიგოთ, მე, რა თქმა უნდა, მხოლოდ მივესალმები თქვენს სურვილს, ახლოს გაიცნოთ განყოფილების დანარჩენი პაციენტები, მაგრამ ყველაფერს თავის დრო აქვს, მისტერ მაკმარი. ვწუხვარ, რომ განყვეტინებთ თქვენ და მისტერ ბრომდენს, მაგრამ, ხომ იცით, წესი... წესი ყველასთვის წესია.“

მაკმერფის თავი უკან მიაქვს და თვალს მიკრავს, ვითომ, შენი არ იყოს, აწი ვერც ეგ მომატყუებს, უკვე მაგასაც მოხარშულს ვიცნობო. ცოტა ხანს ცალი თვალით ვასცქერის ქალს.

„იცით, ქალბატონო,“ ეუბნება მთავარ ექთანს, „ცხოვრებაში ძალიან ხშირად გამომიჩნდებიან ხოლმე ადამიანები, რომლებიც ზუსტად სიტყვა-სიტყვით იგივეს მიმეორებენ წესების შესახებ...“

ნაძალადევად იღიმება. ქალიც უღიმის, თან თვალით ზომავენ ერთმანეთს.

„...როცა ხვდებიან, აუცილებლად საპირისპიროს გააკეთებსო.“

მერე ხელს მიშვებს.

შუშის სამორიგეოში მთავარი ექთანი უცხოეთიდან მიღებულ ამანათს ხსნის და შპრიცებს მომწვანო-რძისფერი სითხით ავსებს ამანათში ჩანიკნიკებული პატარა ამპულებიდან. უმცროსი ექთნებიდან ერთ-ერთი, რომელსაც ცალი თვალი გვერდზე გაურბის და მუდმივად შეწუხებული იცქირება მხარს ზემოდან, სანამ მეორე თვალი, ჩვეულებრივ, საქმეს ჩასჩერებია ხოლმე, უკვე გავსებულშპრიცებიან ლანგარს იღებს, თუმცა ჯერ, ეტყობა, არსად არ აპირებს წასვლას.

„ჩვენს ახალ პაციენტზე რას ფიქრობთ, მის რეჩედ? მე თუ მკითხავთ, რა ქვია, შესახედად არა უშავს და ისეც მეგობრული ტიპი ჩანს და რა ვიცი, ოღონდ, ნუ, ცოტათი ამლაშებს.“

მთავარი ექთანი თითზე იმონმებს ნემსის წვერს. „ძალიან მეშინია,“ – ნემსს რეზინისხუფიან შუშაში არჭობს და შპრიცის დგუმს ექაჩება – „რომ თვითონაც სწორედ ამას უნდა ესწრაფოდეს: გადამლაშებას. ეგეთ ხალხს ჩვენ „მანიპულატორებს“ ვეძახით, მის ფლინ, ასეთი კაცი ცდილობს, ყველა და ყველაფერი საკუთარი მიზნებისთვის გამოიყენოს.“

„კარგით, რა, მის რეჩედ. კი, მაგრამ, ესე იგი, ფსიქიატრიულ საავადმყოფოში? რა მიზნები უნდა ჰქონდეს?“

„რაც თქვენს სულსა და გულს გაუხარდება.“ მთავარი ექთანი მშვიდია, მოლიმარი, ერთიანად ჩაფლული თავის საქმეში. „მაგალითად, კომფორტი და ტკბილი ცხოვრება; ძალაუფლების

და საყოველთაო პატივისცემის განცდა, ალბათ; ფულის შოვნა. შეიძლება, ყველაფერი ერთადაც. ზოგჯერ მანიპულატორის მიზანი მხოლოდ და მხოლოდ განყოფილების შიგნიდან დანგრევაა მარტო ნგრევის ჟინის დაკმაყოფილების გამო. მერნმუნეთ, ჩვენი საზოგადოება ამგვარი ხალხის ნაკლებობას არ უჩივის. მანიპულატორს შეუძლია სხვა პაციენტებზეც იქონიოს გავლენა და ისეთ დონემდეც დაიყვანოს, მერე თვეები დასჭირდეს ყველაფრის ისევ უწინდელ კალაპოტში დაბრუნებას. თანამედროვე ლმობიერი ფილოსოფიის წყალობით მათთვის იოლია ჩანაფიქრის განხორციელება ფსიქიატრიულ საავადმყოფოებში. რამდენიმე წლის წინ სულ სხვანაირად იყო საქმე. მახსოვს, ერთხელ ერთი პაციენტი გვეწვავდა, ვინმე მისტერ თეიბერი. ამ განყოფილებაში მსგავსი მანიპულატორი არასდროს გვყოლია, პირდაპირ აგვიკლო და ჯვარს გვაცვავა... ცოტა ხანი.“ საქმეს თავს ანებებს, მოგონებებში იძირება, სანახევროდ სავსე შპრიცი დირიჟორის პანანინა ჯოხივით უჭირავს სიამოვნებისგან დაბინდული თვალების წინ. „მისტერ თეი-ბერი“, იმეორებს ნეტარი ხმით.

„კი, მაგრამ, ისა,“ ამბობს უმცროსი ექთანი, „განყოფილების დანგრევა რატომ უნდა მოინდომოს, მის რეჩედ? რა მიზეზით?..“

მთავარი ექთანი სიტყვას აწყვეტინებს, ისევ არჭობს ნემსს ამპულის რეზინის ხუფში, შპრიცს ავსებს, ნემსს აძრობს და შპრიცს ლანგარზე დებს. ვხედავ, როგორ იწვდის ხელს ახლა სხვა ცარიელი შპრიცისკენ, ისევ არჭობს, ავსებს, აძრობს, დებს...

„მის ფლინ, ეტყობა, დაგავინყდათ, რომ ეს სულით ავადმყოფთა ინსტიტუტია.“

თუ ვინიცობაა, ღმერთი განყრა და რამემ კალაპოტიდან ამოაგდო, მის მეურნეობას დაზეთილ, აწყობილ მანქანასავით მუშაობაში შეუშალა ხელი, მთავარი ექთანი თვითონაც გიჟს ემსგავსება ხოლმე. საკმარისია სულ ოდნავი უწესრიგობა, არეულობა, მცირე შეფერხება და მაშინვე დაძაბულად მოლიმარ, თეთრ,

პატარა მძვინვარე გორგლად გადაიქცევა. მართალია, ნიკაპსა და ცხვირს შუა იგივე, თოჯინას ლიმილის ნაიარევი მოუჩანს, თვალებიდანაც ისევე მშვიდ ზუზუნს აფრქვევს, მაგრამ სადღაც შიგნით, საკუთარი არსების სიღრმეში, ფოლადის ბაგირივითაა დაჭიმული. ვიცი, ასეა, რადგან ყველაფერს ვგრძნობ. ასე იქნება დაჭიმული, ოდნავაც არ მოეშვება, სანამ წესრიგის დამრღვევს – როგორც თვითონ უყვარს თქმა – „კალაპოტში“ არ დააბრუნებს.

მისი ძალაუფლების წყალობით შიდა სამყარო, ანუ ჩვენი განყოფილება, მართლაც თითქმის არასოდეს გადმოდის კალაპოტიდან. მაგრამ საქმე ისაა, მუდმივად განყოფილებაში ყოფნას ვერ ახერხებს. გარკვეული დრო ამ კედლებს გარეთაც უნდა გაატაროს. ხოდა, ბარემ გარე სამყაროს კალაპოტში ჩაყენებასაც ადევნებს თვალს და, შეძლებისდაგვარად, ფასეული წვლილიც შეაქვს ამ საქმეში. იმასაც და ბევრ იმისნაირსაც, ვისაც მე „კომბინატს“ ვეძახი. უშველებელი ორგანიზაციაა, მიზნად გარე სამყაროს ისეთივე კალაპოტში მოქცევა აქვს დასახული, რა კალაპოტშიც ჩვენა ვართ მოქცეულები, შიდა სამყარო, და უპირველესი „კალაპოტში ჩამყენებელიც“, რაღა თქმა უნდა, ღრმად პატივცემული მთავარი ექთანია, ამ საქმის დიდოსტატი და ქეშმარიტი ვეტერანი. როცა უხსოვარ დროს აქ მომიყვანეს, ჯერ კიდევ ძველ შენობაში, უკვე მთავარი ექთანი იყო და მხოლოდ ღმერთმა უწყის, რამდენი ხნის წინ ჰქონდა თავი გადადებული და შეწირული „კალაპოტში ჩაყენების“ დიადი საქმისთვის.

წლები ვადევნებდი თვალს და ვრწმუნდებოდი, მართლა სულ უფრო და უფრო როგორ იწვრთნებოდა და ინაფებოდა თავის საქმეში. გამოცდილებამ ისე დააბრძენა და გააძლიერა, ნამდვილად ყოვლისშემძლე გახდა და საკუთარ ძალაუფლებას უკვე ოთხივე მხარეს ავრცელებს თმის ღერივით წვრილი, ჩემ გარდა ყველა სხვა თვალისთვის უჩინარი მავთულებით. ვხედავ ხოლმე, როგორ ზის ამ მავთულების აბლაბუდის შუაში ფხიზელი რობოტივით, მექანიკური ობობას სიმარჯვით მართავს თავის ბადეს და ყოველთვის ზუსტად იცის, რომელი მავთული საით მიდის,

რომლით როგორი ნაკადი უნდა გაუშვას სასურველი შედეგის მისაღებად. სანვრთნელ ბანაკში, სანამ არმია გემით გერმანიაში გამამგზავრებდა, ელექტრიკოსის თანაშემწე ვიყავი, მანამდეც ერთი წელი კოლეჯში ცოტ-ცოტა ელექტრობას ვსწავლობდი და მშვენივრად ვხვდები მთელ იმის ეშმაკობებს.

თან, მავთულის ამ აბლაბუდის შუაგულში გაყუჩებული, ოცნებობს კიდეც – შუშისხუფიანი ჯიბის საათივით აწყობილ და უზადოდ მომუშავე სამყაროზე, სადაც არასოდეს დაირღვევა შინაგანანესი და სადაც მის მანათობელ სხივებქვეშ შეყუჟული უკლებლივ ყველა პაციენტი ბორბლებიან სავარძლებს მიჯაჭვული, შარვლის ტოტებიდან გამოყოფილი კათეტერებით იატაკში დატანებულ საკანალიზაციო მილზე მიერთებული ქრონიკული იქნება. საოცნებო და, მისი აზრით, იდეალურ პერსონალსაც წლების მანძილზე აგროვებდა: ვინ იცის რამდენმა, რა ტიპის და რა ასაკის ექიმმა არ გაიარა მის თვალწინ, მოვიდოდნენ, გამოეჯგიმებოდნენ, ათასნაირ იდეას დაახვავებდნენ – როგორ აპირებდნენ განყოფილების მონყობა-გარდაქმნას... ზოგს იმოდენა გული ჰქონდა, საკუთარი იდეების დაცვასაც კი ბედავდა, ჩვენი მთავარი ექთანის კი მშვიდად მიაჩერდებოდა ხოლმე მშრალი ყინულის თვალებით, ერთი დღე, ორი, იქამდე, ვიდრე მავანი და მავანი ექიმი საბოლოოდ დაყრიდა ფარ-ხმალს უკვე რალაც არაბუნებრივი გულგრილობით. „გეუბნებით, წარმოდგენა არა მაქვს, რა ხდება-მეთქი,“ ეუბნებოდნენ კადრების განყოფილების უფროსს, „მას მერე, რაც იმ განყოფილებაში, იმ ქალთან დავინყე მუშაობა, ჩემს ძარღვებში თითქოს ამიაკი მიედინება. განუწყვეტლივ მამცივნებს, შვილები კალთაში აღარ მიჯდებიან, ცოლი აღარ მინვება გვერდით. გადაყვანას გთხოვთ – ნევროლოგიურ განყოფილებაში, ალკოჰოლიკებში, პედიატრიაში, ჯანდაბაში – სულერთია!..“

წლების მანძილზე გრძელდებოდა ასე. ზოგი ექიმი სამ კვირას ძლებდა, ზოგი სამ თვეს, ოღონდ უფრო დიდხანს – ვერავინ. ბოლოს და ბოლოს, არჩევანი პატარა, ჩია, ფართოშუბლიან და განიერყვრიმალებიან კაცზე შეაჩერა, რომელსაც ნვრილი თვალების

გაყოლებაზე თავიცი ისე განვრილებოდა, თითქოს ერთ დროს ზომაზე ბევრად პატარა სათვალე გაიკეთა, დიდხანს აღარ მოიხსნა და სათვალემ თავიცი ჩაუჭყლიტაო. თუმცა ახლა სათვალე უკვე ზონრით აქვს კისერზე დამაგრებული. ახალი სათვალე ციცქნა ცხვირის მენამულ კეხზე უყანყალებს და გაუთავებლად ხან ერთ, ხან მეორე მხარეს ჩამოუცურდება ხოლმე – სათვალის გასაწონასწორებლად ლაპარაკისას თავსაც გაუჩერებლად აქეთ-იქით აკანტურებს. აი, ასეთი გახლავთ მთავარი ექთნის საოცნებო ექიმი.

დღისით მორიგე სამი შავი ბიჭის შერჩევას კიდევ უფრო დიდი დრო და ათასების დაწუნება დასჭირდა. უსასრულოდ გაგრძელდა მოღუშული, ბრტყელცხვირა, მთავარი ექთნის და იმისი ცარცის თოჯინისებური სითეთრის პირველივე დანახვაზე მოძულე ნიღბების შავი მწკრივი. დაახლოებით ერთი თვე აფასებდა ხოლმე სავარაუდო კანდიდატების ღირსებებს და სიძულვილის უნარს, მერე კი უკანვე ისტუმრებდა, არასაკმარის სიძულვილში დარწმუნებული. ბოლოს ეს სამი იშოვა – სამივე ცალცალკე გამოჩნდა, რიგრიგობით – და სამივე საკუთარ გეგმაში, საკუთარ ბადეში ჩააქსოვა. უკვე ეჭვი არ ეპარება: საქმეში გამოდგებიან, ამათ სიძულვილს საზღვარი არ უჩანს.

პირველი განყოფილებაში ჩემი მისვლიდან ხუთი წლის შემდეგ გამოგვეცხადა, ცივი ასფალტისფერი, დაგრეხილ-დაკუნთული ჯუჯა. თურმე დედამისი ჯორჯიაში გააუპატიურეს ვილაცებმა, იქვე, გავარვარებულ თუჯის ქურაზე გუთნის ღვედებით დაბმული ქმრის თვალწინ, რომელსაც სისხლი თქრიალით ჩასდიოდა ფეხსაცმელებში. ხუთი წლის ბიჭიც საკუჭნაოდან იჭყიტებოდა, თვალეზად ქცეული, იქნებ ღრიჭოში რამე გამოჩნდესო, და იმ დღიდან გოჯიც არ მოუმატია სიმაღლეში. ახლა უსიცოცხლო, სიფრიფანა ქუთუთოები ისე გადმოფარებია თვალეზზე, თითქოს ცხვირის კეხზე ლამურა აჯდეს. თხელი ნაცრისფერი ტყავის ნაკუნებს მიუგავს ქუთუთოები, ყოველი ახალი თეთრკანიანის გამოჩენაზე ოდნავ, ზარმაცად აწევს ხოლმე, სწრაფად გამოაჭყეტს თვალს, ახალმოსულს თავფეხიანად,

უცებ შეისწავლის და ერთადერთხელ დააქნევს თავს, აქაოდა, კი ბატონო, ერთხელ კიდევ, საბოლოოდ დავრწმუნდი იმაში, რაშიც არც ადრე მეპარებოდა ეჭვიო. პირველად რომ გამოცხადდა სამსახურში, საფანტით გატენილი წინდაც მოაყოლა ხელს პაციენტების ჭკუაზე მოსაყვანად, მაგრამ მთავარმა ექთანმა უთხრა, ასე უკვე აღარ ვიქცევითო და წინდის შინ დატოვება უბრძანა. მერე საკუთარი ტექნიკაც შეასწავლა; ასწავლა, სიძულვილი არასდროს გამოამჟღავნო, მუდამ შეინარჩუნე სიმშვიდე, დაელოდე და აუცილებლად მოიპოვებ თუნდაც სულ მცირე უპირატესობას, აუცილებლად მოესწრები მსხვერპლის ოდნავ მოდუნებას და უკვე მერეღა გადააცვი ყულფი, მაგრად მოუჭირე და აღარასდროს, არასდიდებით აღარ მოადუნოო. მხოლოდ ასე მოიყვან ჭკუაზეო, დაარიგა.

ორი წლის მერე მეორე მოვიდა, კიდევ ერთ თვეში მესამეც. ეს ორნი ისეთი ერთნაირები არიან, მე მგონი, მთავარმა ექთანმა უფრო ადრე მოსულის ასლი შეუკვეთა. ორივე მაღალია, სხარტი, ძარღვიანი, ისრის კაჟის ბუნიკებს უგავთ სახეები და გამომეტყველებაც არასდროს არ ეცვლება. ბურღებივით თვალებით სულ საკბილოს დაეძებენ. თმაზე ხელი რომ აუსვა, ხელისგულზე ტყავი არ შეგრჩება.

სამივე ტელეფონივით შავია. თვალწინ ჩავლილი კანდიდატების გრძელმა რიგმა მთავარი ექთანი დაარწმუნა, რაც უფრო შავები იქნებიან, მით უფრო მეტად დაუდებენ გულს განყოფილების უსიტყვოდ დასუფთავებას, დახეხვას და დაკრიალებასო. თან სამივეს მუდამ თოვლივით ქათქათა და უმნიკვლო ფორმა აცვია. მთავარი ექთნის ხალათივით თეთრი, ცივი და გახამებული.

თოვლივით თეთრ, ქათქათა შარვლებში და თეთრ, ცალ მხარეს ერთ მწკრივად ჩარიგებულ რკინისლილებიან ქურთუკებში გამონკეპილებს, თეთრ, ყინულივით პრიალა ფეხსაცმელებზე წითელი რეზინის ლანჩები აქვთ და ისე უხმაუროდ ჩაათავებენ ხოლმე დერეფანს, თითქოს თავგმა გაირბინაო. საერთოდ უხმოდ მოძრაობენ, საკმარისია პაციენტმა სადმე განმარ-



ტოება მოინდომოს ანდა ამხანაგს საიდუმლო უჩურჩულოს, თვალის დახამხამებაში საიდანღაც იქვე გაჩნდებიან. გაიტრუნება რომელიმე ჩვენიანი თავისთვის მარტო, რომელიმე მივარდნილ კუთხეში, და მოულოდნელად ჯერ წრიპინს გაიგონებს, მერე კი ლოყას, მთელ სიგრძეზე, ყინულივით დაუსუსხავს რაღაც, მოტრიალდება და კედლის ფონზე აუცილებლად დაინახავს ცივი ქვის მკაცრ ნიღაბს. მარტო შავ სახეს. ტანი არ ჩანს. კედლებიც, ქურთუკების არ იყოს, თეთრია, მაცივრის კარივით თეთრად მბზინავი, ამ კედლების ფონზე შავი სახე და შავი ხელები მოჩვენებებივით მოცურავენ შენკენ.

წვრთნა წლები გაგრძელდა და შავი ბიჭებიც საბოლოოდ მოიმართნენ მთავარი ექთნის ტალღის სიხშირეზე. რიგრიგობით ძირითადი მავთულიდანაც ჩახსნეს და უკვე სხივების საშუალებით იმართებიან. მთავარი ექთანი განკარგულებებს ხმამაღლა არასდროს იძლევა და არც წერილობით ინსტრუქციებს ტოვებს ხოლმე, რა იცი, ვის ხელში მოხვდეს შემთხვევით – სტუმრად მოსული ვინმეს ცოლის ან ექსკურსანტი სკოლის მასწავლებლების! პრინციპში, აღარც სჭირდება. ის და შავი ბიჭები ერთმანეთს სიძულვილის მაღალი ძაბვის ტალღით უკავშირდებიან და შავი ბიჭებიც ლამის იქამდე ასრულებენ ქალის ნებისმიერ ბრძანებას, სანამ თვითონ ფიქრს დაამთავრებდეს.

მოკლედ, პერსონალს წუნი აღარ დაედება და განყოფილება, ლამის დარაჯის საათივით, სრულ წესრიგშია. ყველაფერი, რასაც პაციენტები ფიქრობენ, ამბობენ და აკეთებენ, რამდენიმე თვით ადრე წინასწარაა გათვლილი და დღის განმავლობაში მთავარი ექთნის მიერ გამოთქმულ პატარ-პატარა შენიშვნებს ეფუძნება. ყველაფერი დაბეჭდილია და ფოლადის კარების უკან ჩაკეტილ იმ მანქანაშია შეტანილი, რომლის ზუზუნიც ექთნების სამორიგეოს იქიდან ისმის. მერე დღის განაწესს მანქანა უკანვე აბრუნებს პატარა, ოთხკუთხა ნახვრეტებიან ფურცლებად. ყოველ დღით მკაფიოდ ჩამოყალიბებულ დგ-ს ფოლადის კარების ჭუჭრუტანაში ყოფენ და კედლებიც ზუზუნს იწყებენ: შვიდის

ნახევარზე საძინებელ ოთახში შუქი ინთება; შავი ბიჭები საწოლებიდან ყრიან მწვავეებს და ისინიც ფართხაფურთხით დგებიან. ჯერ იატაკს ახეხვინებენ, საფერფლებს აცლევინებენ. იმ ადგილას, სადაც გუშინნინ ერთი ბებერი პაციენტი მოკლე ჩართვამ კედელს მიაკრა, მერე კი დამწვარი რეზინის ბოლში გახვეული საშინელი ძალით დაანარცხა ძირს, ნაკანრის კვალს აშლევინებენ. ბორბლებიანები გახევებულ, მორებად ქცეულ ფეხებს საწოლებიდან მოათრევენ და მჯდომარე ქანდაკებებივით გაშტერებულიები ელოდებიან, როდის მიუგორებს ვინმე სკამს. ბოსტნეულები ლოგინში იფსამენ, ზარის და ელექტროშოკის წრედს რთავენ, კაფელის იატაკზე ეხეთქებიან და შავი ბიჭებიც შლანგებით ასხამენ წყალს, მერე სუფთა, მწვანე პიჟამები რომ ჩააცვან...

შვიდს თხუთმეტი უკლია. ელექტროსაპარსები ბზუილს იწყებენ და მწვავეებიც ანბანის მიხედვით მწკრივდებიან – ა, ბ, გ, დ... მწვავეების მერე გასაპარსად ჩემსავით თავისი ფეხით მონარული ქრონიკულები შედიან, მერე ბორბლებიანებს შეაგორებენ. სამი, მობოშებულ ნიკაპებზე ყვითელობმოებული ბებერიღარჩება, ესენი თავ-თავიანთ მოხერხებულ სავარძლებშივე გაპარსეს, დღის პალატაში, შუბლზე ტყავის ღვედები გადაუჭირეს, საპარსით დაფეთებულებმა იატაკზე ზღართანი არ მოადინონო.

ზოგჯერ დილით – განსაკუთრებით ორშაბათობით – ვიმალები ხოლმე და ვცდილობ განანესს არ დავემორჩილო. სხვა დროს კი უფრო დიდი ეშმაკობა მორჩილად საკუთარი ადგილის დაკავება მგონია, ა-სა და გ-ს შორის, მირჩევნია მეც სხვებივით ჩავდგე მწკრივში, ლამის იატაკიდან ფეხის მოუშორებლად ჩავათავო გრძელი დერეფანი – იატაკში დატანებული მაგნიტების წყალობით თოჯინებივით დაგვაჩოჩილებენ ხოლმე აქეთ-იქით.

შვიდ საათზე სასადილო იღება და იქ შესვლის თანმიმდევრობაც იცვლება: ჯერ ბორბლებიანები, მერე თავისი ფეხით მონარულეები და ბოლოს უკვე მწვავეები იღებენ ლანგრებზე დაწყობილ ბატიბუტს, ლორს, კვერცხს, გახუხულ პურს – ამ დილით კი სალათის დაკენკილ ფურცლებზე დალაგებულ დაჭრილ

ატამსაც. ზოგი მწვავე ბორბლებიანებსაც ეხმარება ლანგრების ალებაში. ბორბლებიანების უმრავლესობა უბრალოდ ფეხებნართმეული ქრონიკულია, საკუთარი ხელით ჭამენ, მაგრამ ის სამი კისრის ქვევით მთლიანად მოწყვეტილია და, სიმართლე თუ გინდათ, არც კისრის ზევით აქვთ საქმე მთლად კარგად. ამათ ბოსტნეულებს ეძახიან. შავი ბიჭები მერელა შემოაგორებენ ხოლმე სასადილოში, როცა ყველა დანარჩენი მაგიდებს მიუჯდება, კედელთან მიაგორებენ და ერთნაირი ლანგრებით მიუტანენ ტალახისმაგვარ სალაფავს თან დართული დიეტის ფურცლებით. როგორც დიეტის ფურცლები იუნყება, ამ სამი უკბილოსთვის გათვალისწინებულ საკვებს „მექანიკური რბილი“ ქვია: კვერცხი, ლორი, გახუხული პური, შაშხი – ოღონდ ყველაფერი წინასწარ, სამზარეულოშივე ოცდათორმეტჯერ წვრილ-წვრილად გადაღეჭილი მანქანის უჟანგავი ფოლადის კბილებით. ვხედავ ხოლმე, როგორ მოამრგვალეებს მანქანის მტვერსასრუტისნაირი შლანგი წყვილ ტუჩს და ისეთი ხმით გადმოაფრქვევს თეფშზე გადაღეჭილი ლორის გუნდას, თითქოს ძროხამ ორლობეს ფუნა უსახსოვრაო.

გარეშე თვალისთვის შეუმჩნევლად შავი ბიჭები ჩქარ-ჩქარა უვსებენ ხოლმე ბოსტნეულებს ვარდისფერ, უაზროდ დაფჩენილ პირებს; იმდენს ატენიან, უბედურები ჩაყლაპვას ვერ ასწრებენ და „მექანიკური რბილიც“ უხვად მოჟონავს მწვანე პიჟამებზე ნანვეტებული, მოფხსნიკული ნიკაპების გავლით. შავი ბიჭები ბოსტნეულებს აგინებენ, მეტი მონდომებით უბურღავენ კოვზებით პირებს ისე, თითქოს დამპალი ვაშლის გულს ჭრიანო: „ეს ბებერი კუანა ბლასტიკი ნაწილ-ნაწილ იშლება. ველარ გავიგე, პიურეს აგლახავებს პირში თუ თავისი დამპალი ენის ნაფლეთებს.“

რვის ნახევარზე ისევ უკან, დღის პალატაში გვერეკებიან. მთავარი ექთანი თვალს გვადევნებს სპეციალური შუშის იჩიდან, რომელიც ყოველთვის ისე პრიალებს, დანამდვილებით ვერც იტყვი, საერთოდ არის ფანჯარაში შუშა თუ არა. რასაც ხედავს, ყველაფერს უსიტყვო თავის კანტურით აფასებს, მერე ხელს იშვერს, კალენდარს ფურცელს ახევეს – ერთი დღით უახლოვდება

მიზანს. მესმის, როგორ დაჰკრეს სადღაც ჩაქუჩი თუნუქის ფურცელს, ააჟრლიაღეს. დროა ყველა მოწესრიგდეს. მწვავეებო: დასხედით დღის პალატის თქვენს მხარეს და დაელოდეთ, როდის შემოგიტანენ ბანქოს და „მონოპოლიას“. ქრონიკულებო: თქვენი ადგილები დაიკავეთ, საცაა „ნითელი ჯვრის“ კოლოფიდან თავსატეხებს ამოგილაგებენ. ელის: მიდი შენს ადგილზე კედელთან, ასწიე ხელები, მოირგე ლურსმნები და გაითბე ლაჯები საკუთარი შარდით. პიტ: აქნით თავი მოსამართ თოჯინასავით. სქანლონ: აფათურე დახეთქილი ხელები მაგიდაზე, აანყვე გამოგონილი ყუმბარა გამოგონილი სამყაროს ასაფეთქებლად. ჰარდინგ: დაინყე ლაქლაქი, მტრედებივით ხელები იქნით ცოტა ხანს ჰაერში, მერე კი ილღიებში ამოიჩარე – ზრდასრულ კაცს არ შეშვენის ლამაზი ხელების ასე საჯაროდ ქნევა. სეფელტ: ინუნუნე, კბილი მტკივა და თმა მცვივაო. ყველამ: ჩაისუნთქეთ... ახლა ამოისუნთქეთ... სრული წესრიგი დაიცავით. ყველა გული დგ-ს ნაბრძანებ ტაქტში ძგერს. ისმის ხმაშენყობილი დგუშების გუგუნის.

ღმერთმანი, კომიქსების სამყაროა. ბრტყელი, შავად მოხაზული ფიგურები რალაც ტუტუცურ, უაზრო ამბავში გზის გაგნებას ცდილობენ, ალბათ, მართლა სასაცილო ამბავში, ფიგურები ცოცხალი ადამიანები რომ არ იყვნენ...

შვიდ საათსა და ორმოცდახუთ ნუთზე შავი ბიჭები ქრონიკულების რიგს დაუყვებიან და კათეტერებს დაუმაგრებენ იმათ, ვინც ამ დროს წყნარად გაჩერდება. კათეტერები ბოლოებნაჭრილი, შარვლების ქვეშ რეზინის მილებზე ჩამოცმული ნახმარი განდონებია. ყველა მილი პლასტიკატის ტომსიკაში ბოლოვდება, რომლებსაც „ერთჯერადი გამოყენებისთვისო“ აწერია, მაგრამ სინამდვილეში იმათი გამორეცხვაც მე მევალება ყოველი დღის ბოლოს. შავი ბიჭები პაციენტებს პლასტიკით უმაგრებენ განდონებს თმაზე; კათეტერებიანი ბებერი ქრონიკულებიც ჩვილი ბავშვებივით უთმოები გახდნენ პლასტიკის ხშირი დაკვრადობისგან...

რვა საათზე კედლები მთელი ხმით იწყებენ გუგუნს და ბზუ-

ილს. ჭერში დატანებული რეპროდუქტორი მთავარი ექთნის ხმით გვამცნობს – წამლების მიღების დროაო. იმის შუშის ყუთისკენ გაგვირბის თვალი, მაგრამ თვითონ მიკროფონის სიახლოვეს არ ჩანს; ათიოდე ნაბიჯის მოშორებით დგას და ერთ-ერთ უმცროს ექთანს მოძღვრავს, როგორ უნდა დაალაგოს აბები კოხტად წამლების ლანგარზე. მწვავეები შუშის კართან მწკრივდებიან, ა, ბ, გ, დ... მერე ქრონიკულები, მერე ბორბლებიანები (ბოსტნე-ულეები თავიანთ ულუფას მოგვიანებით მიიღებენ კოვზით, ვაშლის ფაფაში არეულს). რიგი წინ მიიწევს, ავადმყოფები რიგრიგობით იღებენ ქალაღის ჭიქაში ჩაგდებულ წამლის კაფსულებს, კაფსულებს ყლაპავენ, მერე უმცროს ექთანს ჭიქებს წყლით ავსებინებენ და ყელს ისველებენ. იშვიათად თუ იკითხავს ვინმე სულელი, რას მაყლაპებთ, რის დაღევას მაიძულებთო.

„ერთი წუთით, ტკბილო, ეს რაღა ორი წითელი კაფსულაა ჩემს ვიტამინებთან ერთად?“

ვიცნობ ამ კაცს, ზორბა, ჭირვეული მწვავეა, უკვე მოახერხა და შფოთისთავის სახელი დაიმსახურა.

„უბრალო წამალია, მისტერ თეიბერ, თქვენთვის სასარგებლო, აბა, გადაყლაპეთ!“

„კი, მაგრამ, მინდა ვიცოდე, რის წამალია. ღმერთო ჩემო, წამლის კაფსულები როა, მაგას ჩემი თვალითაც ვხედავ...“

„თქვენც ადექით და უხმოდ გადაყლაპეთ! აბა, მისტერ თეიბერ, ჩემი ხათრით!“ უმცროსი ექთანი ცალ თვალს თან მთავარი ექთნისკენ აპარებს, როგორ შეაფასა ჩემი პატარა ფლირტიო. მერე ისევ პაციენტს მიაჩერდება. თეიბერი ჯერაც ჭირვეულობს, არ უნდა, ბრმად გადაყლაპოს წამალი, რომლის დანიშნულებაც არ იცის, ექთნის ხათრითაც კი არ უნდა.

„მის, უმიზეზო აყალმაყალი წამდვილად არ მიყვარს. ოღონდ ვერც ისეთ რამეს ჩავყლაპავ, რის დანიშნულებაც არ ვიცი. იქნება და, რაღაც იმ უცნაური აბებისნაირია, სხვა კაცად რომ გადაგაქცევს, რაც სინამდვილეში არა ხარ?“

„წუ აღელდებით, მისტერ თეიბერ...“

„ავლელდები? ღმერთო დიდებულო, უბრალოდ მინდა ვიცოდე...“

ვილა აცლის დამთავრებას, მთავარი ექთანი უხმაუროდ უახლოვდება, თეიბერს მკლავში კიდებს ხელს და ერთიანად ადამბლავებს, კისრამდე. „ყველაფერი რიგზეა, მის ფლინ,“ ეუბნება უმცროს ექთანს, „თუკი მისტერ თეიბერს ურჩევნია, ბავშვივით მოიქცეს, ჩვენც ბავშვად ჩავთვალოთ. რამდენჯერ ვცადეთ, სიკეთე და გულისხმიერება დაგვენახვებინა მისთვის. ეტყობა, ამაოდ გავისარჯეთ. მაღლობის მაგიერ ყოველთვის მტრობით გვიპასუხეს. შეგიძლიათ მიბრძანდეთ, მისტერ თეიბერ, თუკი თქვენივე ხელით არ გნებავთ თქვენი წამლის მიღება.“

„ღმერთო ჩემო, მე უბრალოდ მინდოდა მცოდნოდა...“

„შეგიძლიათ წაბრძანდეთ!“

ისიც ბუზღუნ-ბუზღუნით მიდის, როცა ქალი ხელს უშვებს, და მერე, მთელი დღე, სანამ საპირფარეოს ასუფთავებს, იმ კაფსულებზე ფიქრით იჭყლეტს ტვინს. ერთხელ ერთი ეგეთივე წითელი კაფსულა ენის ქვეშ დავმალე და გამოვიპარე, მოვიტყუე, ვითომ გადავყლაპე; მერე საკუჭნაოში გავტეხე. თვალის დახამხამებაში თეთრ მტვრად იქცა, მაგრამ მაინც მოვასწარი დანახვა – ზუსტად ისეთივე მინიატურული ელექტროელემენტი იყო, ჯარშიც რომ მინახავს, სარადრო ნაწილებში: ჰაერის შეხებისთანავე ერთიანად დასაშლელად გამიზნული მიკროსკოპული მავთულები, მმართველი ბადეები და ტრანზისტორები...

ცხრის ოც წუთზე ბანქო და თავსატეხები შემოაქვთ...

ცხრის ოცდახუთ წუთზე ერთ-ერთი მწვავე სხვათა შორის ამბობს, როცა ჩემი და ბანაობდა, ხშირად ვიჭყიტებოდი აბაზანაშიო; იმის მაგიდასთან მჯდომი სამი სხვა პაციენტი ერთმანეთს აწყდება – აბა, ვინ მოასწრებს ახალი ამბის დავთარში ჩაწერასო...

ცხრის ნახევარზე განყოფილების კარი იღება და არყის ოხშივარში გახვეული ორი ტექნიკოსი შემორბის ჩორთით; ამათ სულ ცეცხლი უკიდიათ, სულ დაოთხილები დაქრიან, ისე ძლიერ

იხრებიან წინ, თუ არ უნდათ შუბლებით იატაკს დაენარცხოვნ, იძულებული არიან, ფეხიც დროზე გადადგან ხოლმე. მუდმივად წინ ნახრილები დარბიან და მუდმივად ისეთი სუნი ასდით, თითქოს თავიანთი ინსტრუმენტები არყით გაასტერილესო. ზურგს უკან იკეტავენ ლაბორატორიის კარს, მე იქვე ახლოს ვგვი და სალეს ქვაზე ფოლადის ავი ხმების მიუხედავად – ზზზტ, ზზზტ, ზზზტ – მაინც შემიძლია იმათი სიტყვების გარჩევა.

„აბა, რისთვის დაგვაფეთეს ამ დილაუთენია?“

„ცნობისმოყვარეობის ამომრთველი უნდა დავუყენოთ ვილაც მეტიჩარას. დედიკომ – საჩქარო საქმეაო, არადა, არც ვიცი, დაგვრჩა ერთი მაინც?“

„ჩვენებს დავურეკოთ, იქნებ გამოგვინახონ; ანდა ჯერ მობარაგებაში ვიკითხავ...“

„ოქრო ხარ! იქ თუ ჩახვალ, ბარემ ერთი ბოთლი დალოცვილი ხორბლისაც გამოაყოლე ხელს. ისე ვატყობ, ცოტა აზრზე თუ არ მოვედი, უბრალო წინაღობასაც ვერ გამოვცვლი. პრინციპში, მეც ვახურებ, გარაუჭი მუშაობას მაინც ვჯობია...“

ბუნებრივი საუბრის კვალობაზე ძალიან ნაძალადევად და სწრაფად ლაპარაკობენ – თითქოს მულტფილმს ახმოვანებდნენ. ჩემს საქმეს ვაგრძელებ და თანდათან ვშორდები, ვეცლები იქაურობას, სანამ ჩამავლებენ.

ორი მაღალი შავი ბიჭი თეიბერს საპირფარეშოში იჭერს და ლეიბებიან ოთახში მიათრევს. ერთ-ერთს მაგრად, მწარედ ხვდება ნვივში. თეიბერი დასაკლავი გოჭივით ჭყივის. მიკვირს, რა უსუსურია გაკოჭილი, თითქოს შავი რკინის სალტეები შემოაკრესო.

ლეიბზე პირქვე ანარცხებენ. ერთი თავზე აზის, მეორე შარვალს ხდის, ტანზევე აფლეთს, სანამ თეიბერის ატმისფერი უკანალი სალათისფერი ნაკუნების ჩარჩოში არ გამოანათებს. თეიბერი სულმეხუთული იგინება ლეიბში, თავზე მჯდომი შავი ბიჭი კი უყვავებს – „სწორია, მისტა თეიბერ, სწორია...“ მთავარი ექთანის დერეფანს მოუყვება, ვაზელინს უსვამს გრძელ ნემსს, კარს იჯახუნებს და წამით ყველა თვალს ეფარება, მერე ისევ მალევე გამო-

დის ოთახიდან, ნემსს თეიბერის შარვლის ნაგლეჯით წმენდს. ვაზელინის ბოთლი ოთახში დატოვა. სანამ ერთი შავი ბიჭი ქალის ზურგს უკან კარს დაკეტავდეს, ვხედავ მეორე, ისევ თეიბერის თავზე წამოსკუპებული, როგორ ამშრალებს საცოდავს ქალადის ხელსახოცით. დიდხანს რჩებიან ოთახში, ვიდრე ისევ გაალებენ კარს, გამოვლენ და თეიბერს დერეფნის მოპირდაპირე მხარეს, ლაბორატორიაში გადაიყვანენ. მწვანე პიჟამა ახლა მთლად შემოუხვევიათ და დამბალ ზენარში გაუხვევიათ...

ცხრა საათზე ახალგაზრდა ექიმი-სტაჟიორები მოდიან, ყველა ერთნაირად ტყავისიდაყვებიან პიჯაკებში გამოწყობილები, და ორმოცდაათი წუთი ალაპარაკებენ მწვავეებს, რას აკეთებდით, როცა პატარა ბიჭები იყავითო. მთავარი ექთანი ეჭვის თვალთ უყურებს ექიმების მოკლედ შეკრეჭილ თმას და განყოფილებაში იმათი ყოფნის ორმოცდაათი წუთიც მისთვის დროის უმძიმესი მონაკვეთია. სანამ აქ არიან, მექანიზმები ჭირვეულობენ, რალაცას ურევენ და მთავარი ექთანიც შუბლს იჭმუხნის, წიგნაკში ინიშნავს – არ დამავიწყდეს ამ ყმანვილების პირადი საქმეების შემონმება, ნეტა ადრე მოძრაობის წესები ხომ არ დაურღვევიათ, ან რამე ამგვარი უწესობა ხომ არ ჩაუდენიათო...

ცხრა საათსა და ორმოცდაათ წუთზე სტაჟიორები მიდიან და მექანიზმებიც ძველებურად, დაუბრკოლებლად იწყებენ ღულუნს. მთავარი ექთანი თავისი შუშის კოლოფიდან ადვენებს თვალს დღის პალატას; თვალწინ გადაშლილ სცენას ისევ უბრუნდება უწინდელი ფოლადისფრად ლურჯი შუქი და კომიკური მულტფილმის გამოზომილი, მონესრიგებული მოძრაობები.

ბორბლებიანი საკაცით თეიბერი გამოაგორეს ლაბორატორიიდან.

„მეორედაც დაგვჭირდა ჩხვლეტა, როცა პუნქციის დროს გონზე მოვიდა,“ პატაკს აბარებს ტექნიკოსი მთავარ ექთანს. „რას იტყვით, რახან საფუძვლიანად მოვკიდეთ ხელი, ბარემ იქნებ პირველ კორპუსშიც გადაგვეყვანა და ემთ-ც ჩაგვეტარებინა? თან ძილის წამალსაც დავზოგავდით.“



„რას ვიტყვი და, მე მგონი, მშვენიერი აზრია. მერე ელექტროენცეფალოგრამაც იქვე გადავუღოთ – ვნახოთ, რას გვიჩვენებს. იქნებ უფრო სერიოზული მიხედვაც სჭირდება ტვინს.“

ტექნიკოსები ისევ ჩორთით აგრძელებენ გზას, საკაცზე გამოტილ თეიბერს მიარახრახებენ დახატული კაცუნებივით თუ ტიკინებივით, ფანჩის და ჯუდის ერთ-ერთ იმნაირ წარმოდგენაში მონაწილე მარიონეტებივით, როცა მაყურებლის გასაცინებლად ან ემმაკი უნდა უბარტყუნებდეს ტიკინას თავში გამეტებით, ანდა გაღიმებული ალიგატორი სანსლავდეს...

ათ საათზე ფოსტა მოაქვთ. ზოგჯერ უკვე გახსნილ კონვერტებს გვირიგებენ ხოლმე.

თერთმეტის ნახევარზე საზოგადოებასთან ურთიერთობის დამამყარებელი ჯიგარი მობრძანდება ქალთა კლუბის თანხლებით. კოტიტა თითებით აკაკუნებს დღის პალატის კარებზე. „ოოო, სალამი ბიჭებს; გაიღიმეთ, გაიღიმეთ... ხედავთ, გოგონებო? ხედავთ, რა სისუფთავეა, რა სინათლე? ეს სულ მის რეჩედის დამსახურებაა. მეც იმიტომ ავირჩიე ეს განყოფილება, მის რეჩედი რომ განაგებს აქაურობას. ნამდვილ დედობას უწევს, გოგონებო. ცხადია, ასაკს არ ვგულისხმობ, ხვდებით, ალბათ, რის თქმაც მინდა...“

პერანგის საყელო ისე უჭერს, სიცილისას სახე უსივდება, არადა, თითქმის სულ იცინის, ოღონდ არ ვიცი, რა აცინებს, იცინის ხმამაღლა და ჩქარ-ჩქარა, თან თითქოს ნატრობს კიდევ, ნეტა გაჩერება შემეძლოსო, მაგრამ ვერ ჩერდება. სახე წითლად გასივებია და გასაბერ ბუშტზე დახატულს მიუგავს. პირწმინდადაა გაპარსული და, სიმართლე გითხრათ, არც თავზე აქვს თმა; თითქოს ერთ დროს ცოტა კი დაინება, მაგრამ თმა თავზე არ უჩერდება და სახელოებში, გულის ჯიბეში და პერანგის საყელოში უცვივავო. შეიძლება, ამიტომაც უჭერს ასე უღმერთოდ საყელო – რაც შეიძლება ნაკლები თმა რომ ჩაეყაროს კისერში.

შეიძლება, სიცილითაც ამიტომ იცინის ამდენს: საყელოში ჩარჩენილ თმის ღერებს ბოლომდე ვერ იფერთხავს და ელიტინება.

ასეთი ვიზიტები ძალიან უყვარს, სერიოზული, საკლუბო პიჯაკებში გამოწყობილი ქალებიც უსიტყვო პატივისცემით უკანტურებენ ხოლმე თავებს, როცა უხსნის და უჩვენებს, როგორ გაუმჯობესდა ყველაფერი ბოლო წლების განმავლობაში. ხან ტელევიზორისკენ გაიშვერს თითს, ხან ტყავის დიდი სავარძლებისკენ, ხან ჰიგიენური შადრევნებისკენ... ბოლოს ყველანი ერთად ყავის დასალევად შედიან ექთნების სამორიგეოში. თუმცა ხანდახან თვითონ რჩება, დადგება თავისთვის მარტო დღის პალატის შუაგულში და ტაშს უკრავს (გესმის კიდეც, როგორი ნამიანი ხელისგულები აქვს), ორჯერ-სამჯერ ასწრებს ტაშის შემოკვრას, სანამ ხელისგულები მთლად მიენებება ერთმანეთს, მერე მლოცველივით დაიკრეფს ხელებს ფენოვანი ლაბაბის ქვეშ და ოთახში ტრიალს იწყებს. ტრიალებს და ტრიალებს შუა ოთახში, გიჟივით აცეცებს თვალებს და შეშლილივით შესცქერის ტელევიზორს, ახალ ნახატებს კედელზე, ჰიგიენურ შადრევანს... თანიცინის.

ცოცხალი თავით არ ამხელს, რას ხედავს ასე სასაცილოს; მე კი, მე თუ მაცინებს რამე, ისევ იმისი უსასრულო ბზრიალ-ტრიალი: რეზინის სათამაშოსავითაა – ნაკრავ თითს და, ძირდაძიმებული, უკან გადაქანდება, გადატრიალდება, ისევ გასწორდება... ჯერ არ მახსოვს, რომელიმე პაციენტისთვის სახეში შეეხედოს.

თერთმეტს ოცი უკლია, თხუთმეტი, ათი – პაციენტები გადიან და შემოდიან, ზოგს ეთ აქვს დანიშნული, ზოგს – ოთ, ზოგს – ფთ, ზოგიც იმ უცნაური, პატარა ოთახებისკენ მიცუხცუხებს, რომლებსაც არასდროს არა აქვთ ერთი ზომის კედლები და სწორი იატაკები. მანქანებსაც უკვე ქანი აუკრეფიათ და გაბმულად ზუზუნებენ ოთხივე მხრიდან.

განყოფილებაც ზუსტად ისევე ზუზუნებს, როგორც, მახსოვს, ბამბის სართავი ფაბრიკა ზუზუნებდა ერთხელ, ერთ დროს, როცა ჩვენი ფეხბურთის გუნდი კალიფორნიაში ჩავიდა სკოლების პირველობაზე სათამაშოდ. იმ წელს საკმაოდ წარმატებული სეზონი ჩავატარეთ და ჩვენმა გაამაყებულმა, მადაზე მოსულმა

გულშემატკივრებმაც კალიფორნიაში გასაფრენად თვითმფრინავი გვიქირავეს – თქვენ იცით, ბიჭებო, იქაურებსაც აჩვენეთ კლასიო. უცხო ქალაქში ჩასულებს აუცილებლად რომელიმე სანარმო უნდა მოგვენახულებინა ხოლმე. ჩვენი მწვრთნელი დღედაღამ გვიჩიჩინებდა, სპორტს საგანმანათლებლო მისია აკისრია და მოგზაურობისას შექენილი ცოდნა ამის თვალნათელი დადასტურებააო; ამიტომაც ყველა ახალ ქალაქში თამაშის წინ მთელ გუნდს ხან ერბო-კარაქის ფაბრიკაში, ხან ჭარხლის ფერმაში და ხან საკონსერვო ქარხანაში მიგვერეკებოდა. კალიფორნიაში ბამბის სართავ ფაბრიკაზე მიდგა ჯერი. ხეირიანად შესულებიც არ ვიყავით, უმეტესობამ ერთი მიიხედ-მოიხედა და ეგრევე ისევ ავტობუსში დაბრუნდა, ბიჭებმა ჩემოდნები მუხლებზე დაიწყვეს და პოკერი გააგრძელეს; მე კი რატომღაც დავრჩი, კუთხეში მივდექი ჩემთვის, გზიდან მოვეცალე ზანგ გოგოებს, რომლებიც ჩარხებს შორის აღმა-დაღმა დაქროდნენ ვიწრო გასასვლელში. ფაბრიკამ რული მომრია, მთელმა იმ ზუზუნმა, ჩხარაჩხურმა, მუშების ყაყანმა, მანქანების რახრახმა, ირგვლივ გამეფებულმა მონესრიგებულმა რია-რია. ამიტომაც დავრჩი, ამიტომაც და კიდევ იმ მიზეზითაც, ფაბრიკამ რალაცნაირად ჩემი ტომის ხალხი რომ გამახსენა, ისინი, ვინც ბოლო დროს სოფლიდან კაშხალზე გაიკრიფა ქვის სამტეხლოში სამუშაოდ. ალგზნებული ნესრიგი, ყოველდღიური ერთფეროვნებით დაჰიპნოზებული სახეები... მინდოდა გამოვტრიალებულიყავი და მეც სხვებივით ავტობუსში ჩავმჯდარიყავი, მაგრამ არ შემეძლო.

ადრიანი ზამთრის დილა იდგა, ჩემპიონატში გამარჯვებისთვის ჯილდოდ მიღებული ქურთუკი მეცვა – წითელ-მწვანე, ტყავის სახელოებიანი, ზურგზე ბურთის ფორმის ემბლემიანი, ზედ ჩვენი ჩემპიონობის ამბავიც ეწერა – და ჩემი ქურთუკი ბევრ ზანგ გოგოს სტაცებდა თვალს. მეც ავდექი და გავიხადე, მაგრამ გოგოები მაინც მიყურებდნენ. მაშინ ტანად ბევრად უფრო დიდი ვიყავი.

ერთმა გოგომ თავისი დაზგა მიატოვა, გასასვლელში გაიხედ-გამოიხედა, შორიახლოს ოსტატი ხო არ არის სადმეო, და

ჩემკენ წამოვიდა. მკითხა – ამ სალამოს აქაურ გუნდს უნდა ეთამაშოთო? ჩემი ძმა ცენტრალური დამცველიაო. ცოტა ხანს ვილაპარაკეთ ფეხბურთზე და ათას სხვა სისულელეზე, ბუნდოვნად ვხედავდი იმის სახეს, თითქოს ჩვენ შორის ნისლი იწვა. ჰაერში ბამბის ღინღლი დაფრინავდა და იმიტომ.

მეც ამ ღინღლზე გადავუკარი სიტყვა. შენ სახეს ისე ბუნდოვნად ვხედავ, თითქოს ნისლიან დილას იხვებზე სანადიროდ ვართ გამოსული-მეთქი, ვუთხარი და იმანაც თვალეები გადაატრიალა, მუჭში ჩაიფხუკუნა. დედას გაფიცებ, მითხარი, მე და შენ, ორმა, ნადირობაზე რა უნდა ვაკეთოთო – მკითხა. მეც ვუპასუხე, თოფს მოგაბარებდი, იმას მოუვლიდი-მეთქი და ამაზე უკვე მთელი ფაბრიკის გოგოები გადაბჟირდნენ. ცოტა მეც ვიცინე, ეს რა ჭკვიანური პასუხი მომაფიქრდა-მეთქი. ჯერ ისევ ვსაუბრობდით და ვიცინოდით, როცა გოგომ მაჯებში ჩამავლო ხელები და მაგრად მომიჭირა. სახის ნაკვეთები მკაფიოდ გამოეკვეთა, თითქოს ფოკუსში მოიყარეს თავი; დავინახე, როგორ ძალიან ეშინოდა რალაცის.

„წამიყვანე,“ მითხრა ჩურჩულით, „ხო, წამიყვანე, დიდო ბიჭო, ამ ფაბრიკიდან, ამ ქალაქიდან, ამ ცხოვრებიდან. წამიყვანე იხვებზე სანადიროდ სადმე გადაკარგულში. სადმე, სხვაგან. ჰა, დიდო ბიჭო, ჰა?“

ჩემ წინ იმისი მუქი, ლამაზი სახე ბრწყინავდა. პირდაღებული ვიდექი, რა მეთქვა, არ ვიცოდი. ასე, გადაბმულები ვიდექით ერთ-ორ წამს; მერე ფაბრიკის ხმაშენწყობილ ზუზუნში რალაც დაირღვა და იმ რალაცამ აიძულა, ხელი გაეშვა და გამცლოდა. ჩემთვის უჩინარი სიმი იყო გამობმული ამ წითელ, ყვავილებიან ქვედაკაბაზე და ის ექაჩებოდა უკან. თანდათან მშორდებოდა და თან ფრჩხილებით მაჯებს მიფხოჭნიდა, ხელი გამიშვა თუ არა, სახეც ისევ გაუბუნდოვანდა, გამდნარი შოკოლადივით დაურბილდა და გაულღვა ბამბის მფრინავ ნისლს მიღმა. ერთიც შემომცინა, შეტრიალდა და ქვედაკაბა რომ აუფრიალდა, ნიგვზისფერი კანჭიც დამანახვა. მხარს ზემოდან გამომხედა ბოლოჯერ, თვალი ჩამიკ-

რად სირბილით მიაშურა თავის დაზვას, საიდანაც უკვე იატაკზე იგრაგნებოდა დაფი; დაფი მობოჭა და სირბილითვე უხმოდ გაუყვა დაზგებს შორის გასასვლელს დაფის დაბრში ჩასაშვებად. მერე კუთხეს მიეფარა და გაუჩინარდა.

თითისტარები ბზრიალებდნენ, მაქოები დახტოდნენ, კოჭები თავიანთი სიმებით ამათრახებდნენ ჰაერს, ზანზარებდნენ შეთეთრებული კედლები, ფოლადისფერ-ნაცრისფერი დაზგები, და ყვავილებიან ქვედაკაბებიანი გოგოებიც წინ და უკან დახტოდნენ. იქაურობა მთელი ფაბრიკის გამაერთიანებელი, მთელი ფაბრიკის დამაკავშირებელი თეთრი, მოძრავი დაფების აბლაბუდაში იყო გახვეული – და ეს ყველაფერი სამუდამოდ ჩამრჩა ხსოვნაში, ჩვენი განყოფილების შემხედვარეს, ახლაც ხშირად მახსენდება ხოლმე.

დიახ. ეს ნამდვილად ვიცი. განყოფილება კომბინატის ფაბრიკაა. აქ – საავადმყოფოს ვეჯლისხმობ – მეზობელ სახლებში, სკოლებში, ეკლესიებში დამვებულ შეცდომებს ასწორებენ. როცა მზა ნაწარმი ისევ უკან, საზოგადოებას უბრუნდება, შეკეთებული და განახლებული, ზოგჯერ კი ახალზე უკეთესიც, მთავარი ექთნის გული სიხარულს ველარ იტევს; ის, რაც მის ხელში ერთიანად მოშლილ-მონგრეული მოხვდა, უკვე სულ სხვაა, უკვე მუშაობს, უკვე მთელის აუცილებელი, კარგად მორგებული ნაწილია – დაწესებულების სიამაყის საგანი და აშკარა სასწაულის გამოვლინება. შეხედეთ, სახეზე ღიმილმიდულებული ყოფილი პაციენტი როგორ მისრილებს მინაზე ფეხდაუკარებლად, ბუნებრივად როგორ ერწყმის რომელიღაც კოპნია, პატარა უბნის ყოველდღიურ ცხოვრებას, სადაც სწორედ ახლა, ეს-ესაა დაიწყეს მინის თხრა მთელი ქუჩის გაყოლებაზე წყლის ახალი მილების ჩასაყრელად. ის ამ ამბითაც უალრესად ბედნიერია. ის ხომ, ბოლოს და ბოლოს, გარემოს აუცილებელ შემადგენელ ნაწილად იქცა...

„გეფიცებით, ასეთი არაფერი მინახავს. არა, მაინც როგორ შეიცვალა მექსველ თეიბერი საავადმყოფოდან დაბრუნების მე-

რე! თვალები კი აქვს ჩამავებულ-ჩალურჯებული, ცოტა შეფერ-  
თხილა კიდეც, მაგრამ თუ დამიჯერებთ, მაინც სულ სხვა კაცია.  
რაც გინდათ თქვით, დღევანდელი ამერიკული მეცნიერება...”

მისი ნახევარსარდაფის ფანჯარაში შუქი ნაშუალამევსაც  
ანთია გვიანობამდე, ტექნიკოსების ჩადგმული შენელებული  
მოქმედების ელემენტები საჭირო სისწრაფეს და მოქნილობას  
ანიჭებენ მის თითებს, როცა ცოლის, ოთხი და ექვსი წლის ორი  
ქალიშვილის და იმ მეზობლის გაბრუებულ-დაბანგული სხეულე-  
ბისკენ იხრება, ვისთანაც ოთხშაბათობით ბოულინგს თამაშობს  
ხოლმე; იმათაც ისევე აქცევს მთელის აუცილებელ, კარგად  
მორგებულ ნაწილებად, როგორც ადრე თვითონ აქციეს. ასე და  
ამ გზით ვრცელდება ბაცილა.

იმ დროისთვის, როცა წინდანინ დადგენილი ვადის გასვლის  
მერე საბოლოოდ გამოდის წყობიდან, ქალაქი უკვე მთელი გუ-  
ლით მის შეყვარებასაც ასწრებს, გაზეთებში ფოტოებიც იბეჭ-  
დება – როგორ ეხმარებოდა შარშან ბოისკაუტებს სასაფლაოს  
დასუფთავებაში; სკოლის დირექტორი წერილს უგზავნის მის  
ქვრივს – მექსველ თეიბერი ჩვენი საზოგადოების ნათელი მო-  
მავლის, ჩვენი საამაყო ახალგაზრდობის ქეშმარიტი შთამაგო-  
ნებელი და სწორ გზაზე დამყენებელი სასიქადულო პიროვნება  
ბრძანდებოდაო.

ბალზამის გამკეთებლებსაც, ამ ნუნურაქ და, როგორც წესი,  
სულ გამორჩენაზე დაფეთებულ წყვილსაც კი უჩუყდება გული:  
„არა, ძმაო, რაც გინდა თქვი და ბებერი თეიბერი ნაღდად ჯიგარი  
იყო. მოდი, ძვირიანი, ოცდაათიანი ვიხმაროთ და ცოლსაც ნუ  
ვუანგარიშებთ განსხვავებას. ბოლო-ბოლო, ფულის დედაც  
ვატირე, ჩვენ ხარჯზე იყო.“

მკურნალობის ამგვარი წარმატებით დაგვირგვინება და  
ასეთი ავადმყოფის განერა ის შედეგია, რაც მთავარი ექთნის  
გულსაც სიხარულით ავსებს, მის უნარზეც მეტყველებს და  
საერთოდ, წარმოების რენტაბელობასაც თვალნათლივ წარმო-  
აჩენს. ასეთ დროს ყველა ბედნიერია ხოლმე.

თუმცა ახლად მოსულები სხვა საქმეა. როგორც არ უნდა იქცეოდნენ, რანაირი თითით საჩვენებლებიც არ უნდა იყვნენ, გარკვეული დამუშავება მაინც სჭირდებათ ყოველდღიურ რუტინასთან მოსარგებად; თანაც წინასწარ ვერასდროს იტყვი, როდის მოგვევლინება სწორედ ის ერთადერთი ზედმეტად თამამი და თავისუფალი, რომელიც წლობით დალაგებულ მეურნეობას აგირ-დაგირევს, მართლა ჯოჯოხეთურ ცეცხლს დაგინთებს და აქ გამეფებულ იდეალურ წესრიგს დაემუქრება. მგონი, უკვე ვთქვი კიდევ – მთავარი ექთანი დასაბმელი გიჟი ხდება, თუკი კალაპოტში მიშვებული ცხოვრების მდორე დინებას ოდნავი დაბრკოლება მაინც გადაელობა წინ.

**შ**უადღემდე ერთხელაც აამუშავეს ნისლის მანქანა, თუმცა სრული დატვირთვით არა; ნისლი არც ისე სქელია, ძალიან თუ დავიძაბები, რალაცის დანახვა შემიძლია. ერთხელაც იქნება, მომბეზრდება ამდენი დაძაბვა, ხელს ჩავიქნევ და ზოგი სხვა ქრონიკულივით მეც ჩავიკარგები ნისლში, მაგრამ ჯერჯერობით ახალი მაინტერესებს – მინდა ერთი ვნახო, როგორ მოენონება მოახლოებული ჯგუფური შეკრება.

პირველს ათი უკლია, ნისლი ერთბაშად იფანტება და შავი ბიჭები მწვავეებს ეუბნებიან, შეკრების დაწყებამდე იატაკი მოაპრიალეთო. დღის პალატიდან მაგიდებიც გააქვთ სააბაზანოში, დერეფნის მოპირდაპირე მხარეს. რა ამბავია, ცეკვებს ვმართავთო? – კითხულობს მაკმერფი.

მთავარი ექთანი თავისი ფანჯრიდან ადევნებს თვალს მთელ ამ ფაცაფუსს. სამი საათია, არ განძრეულა, ფეხი არ მოუცვლია, სადილის დროსაც არ მიუტოვებია სათვალთვალო პუნქტი. პალატაში არც ერთი მაგიდა აღარ დგას, პირველ საათზე ექიმიც გამოდის კაბინეტიდან, მთელ დერეფანს გამოივლის, ფანჯარასთან ჩავლილი ერთხელ უქნევს თავს მთავარ ექთანს და პალატაში კარებიდან ხელმარცხნივ, თავის სკამზე ჯდება. მერე პაციენტებიც სხდებიან; ბოლოს უმცროსი ექთნები და ახალგაზრდა ექიმები შემორბიან. როცა ყველა თავ-თავის ადგილს იკავებს, მთავარი ექთანიც ფეხზე დგება, ფანჯარას შორდება, ექთნების



სამორიგეოს უკანა კედლისკენ მიდის – ლილაკებიანი და ციფერ-ბლატებიანი ფოლადის პულტისკენ, ავტოპილოტს რთავს, რომელიც მის არყოფნაში ყველა საქმეს უნდა გაუძღვეს, და დღის პალატაში გამოდის; თან დავთარი და ქალაქდებით სავსე კალათიც მოაქვს. თითქმის უკვე ნახევარი დღე გაატარა საავადმყოფოში, არადა, მისი ხალათი ჯერაც ისეთი გახამებულია, ერთ ნაოჭს არ იკეთებს – ისეთი ხმით უტკაცუნებს სახსრებზე, თითქოს გაყინულ ტილოს ნაჭერს ახვევენო.

ისიც კართან ჯდება, ხელმარჯვნივ.

დაჯდომას ვერ ასწრებს, ბებერი პიტ ბანჩინი რომ წამოხტება ფეხზე, თავს აქეთ-იქით აქნევს და – დავილალე, ოოოო, ღმერთო, რა საშინლად დავილალეო – ხიხინებს. სულ ასე იცის ხოლმე, როცა განყოფილებაში ვინმე ახალი მოდის და, ვინ იცის, შეიძლება მოუსმინოს კიდევც.

მთავარი ექთანი პიტისკენ არც იყურება. კალათში აფათურებს ხელს, რალაცას ეძებს. „მიდით, მისტერ ბანჩინის მიუჯექით ვინმე გვერდით,“ ამბობს ქალი, „იქნებ დანყნარდეს და გვაცალოს ლაპარაკი.“

ბანჩინის გვერდით ბილი ბიბიტი ჯდება. პიტი მაკმერფის მიმტერებია და თავს არ აჩერებს, მეისრის სასიგნალო ფარანივით აქნევს აქეთ-იქით. ოცდაათი წელი იმუშავა რკინიგზაზე; მართალია, უკვე მთლად გაცვდა და გამოიწურა, მაგრამ რალაც-რალაც პროფესიულ მოვალეობებს ჯერაც ასრულებს მახსოვრობის კარნახით.

„და-ვიი-ლაა-ლეე“, ხავის ისევ და ზედ მაკმერფის სახის წინ აქნევს თავს.

„დამშვიდდი, პიტ,“ უყვავებს ბილი და მუხლზე ადებს დაჭორფლილ ხელს.

„... საშინლად დავილალე...“

„ვვვიცი, პიტ,“ ბილი ხელს გაძვალტყავებულ მუხლზე უთათუნებს, პიტიც მოწყვეტით აგდებს თავს უკან, ხვდება, დღეს ჩემს ჩივილს არავინ მიაქცევს ყურადღებასო.

მთავარი ექთანი მაჯის საათს იხსნის, კედლის საათს ასცქე-

რის, თავისას ქოქავს და კალათში დებს ციფერბლატით ზევით. მერე კალათიდან საქალღდეს იღებს.

„აბა, შევუდგეთ საქმეს!“

ოთახს ათვალიერებს, უნდა დარწმუნდეს, აღარავინ აპირებს სიტყვა გამანყვეტინოსო, სახიდან მშვიდი ღიმილი არ შორდება, სანამ მძიმე-მძიმედ ატრიალებს საყელოში კისერს. თვალის გასწორებას ვერავინ უბედავს; ყველა თავ-თავის აქერცლილ ნუნებს დასცქერის. მაკმერფის გარდა. იმან კუთხეში მოიკალათა, სავარძელში, ისე მოეწყო, თითქოს საშვილიშვილოდ დაეპატრონაო და თან ქალის ყველა მოძრაობას აკონტროლებს. ჯერაც არ მოუხდია ქუდი, მოტომბოლეღივით მაგრად ჩამოუფხატია ნითურ თავზე. მუხლზე ბანქოს დასტა უდევს, ცალი ხელით ჭრის, ორად ყოფს და მერე, სრულ სიჩუმეში, ხმამალაღი ტკაცანით ისევ აერთიანებს. მთავარ ექთანს წამით მაკმერფიზე ეყინება მაძებარი მზერა. ხედავდა, მთელი დილა პოკერს რომ თამაშობდა და, მართალია, ფულისთვის თვალი არ მოუკრავს, მაინც ეჭვობს, მარტო ასანთის ღერებზე თამაშის ჩვენთან დადგენილი წესი ამ ახლად მოფრენილ ჩიტს ალბათ არ დააკმაყოფილებსო. ბანქოს დასტა ისევ შარიშურით იყოფა, ისევ ტკაცანით ერთიანდება და საბოლოოდ უჩინარდება მაკმერფის ტორში მომწყვდეული.

მთავარი ექთანი ერთხელ კიდევ დასცქერის თავის საათს, მერე მომარჯვებული საქალღდიდან სანიშნედ ჩადებულ წვრილ ფურცელს აძვრენს, რალაცას ამოწმებს ზედ და საქალღდეში აბრუნებს. საქალღდეს დებს და ახლა დავთარს იღებს. კედელზე მილურსმულ ელისს ხველა უტყდება; ქალი მის დაშოშმინებას ელოდება.

„დიახ. პარასკევს, ვიდრე დავიშლებოდით... მისტერ ჰარდინგის პრობლემებზე ვსაუბრობდით... ახალგაზრდა ცოლთან დაკავშირებულ პრობლემებზე. მისტერ ჰარდინგმა განაცხადა, ჩემს მეუღლეს უაღრესად კარგად განვითარებული მკერდი აქვს და როცა ქუჩაში მამაკაცები თვალს აყოლებდნენ, გარკვეულ უხერხულობას განვიცდიდიო.“ დავთარს მონიშნულ გვერდზე შლის.

„რამდენიმე პაციენტის მიერ დავთარში შეტანილი ინფორმაციის მიხედვით თუ ვიმსჯელებთ, მისტერ ჰარდინგს უთქვამს – ჩემი ცოლიც კარგი ჩიტია, ის ნაბიჭვრები ტყუილად კი არ აშტერდებიანო. ისიც განუცხადებია, შეიძლება, მე თვითონაც მივეცი გარეგარე თვალის ცეცების საბაბიო. რამდენიმე პაციენტმა გაიგონა, როგორ უთქვამს: „ჩემი ძვირფასი, ჩემი ტკბილი, ოღონდ მთლად უნიგნური ცოლის ქუთით, ნებისმიერი სიტყვა და ჟესტი უხერხემლო დენდიზმის გამოხატულებაა, თუკი კუნთმაგარი მუტრუკობით და ყიამყრალი უნმანურობით არ არის გაჯერებული“.

ცოტა ხანს უხმოდ კითხულობს დავთარში რაღაცას, მერე დავთარს ხურავს.

„ისიც უთქვამს, ცოლის ვება მკერდი ზოგჯერ არასრულფასოვნების განცდას მიჩენსო. დიახ. აბა, ვის სურს, უფრო საფუძვლიანად შეეხოს ამ საკითხს?“

ჰარდინგი თვალებს ხუჭავს, ხმას არავინ იღებს. მაკმერფი ბიჭებს ათვალეირებს, ელოდება, ვინმე თუ აპირებს მთავარ ექთანს უპასუხოსო, და ბოლოს მონაფესავით სწევს ხელს მაღლა, თან მოუთმენლად თითებსაც ატკაცუნებს. მთავარი ექთანი თავს უქნევს.

„გთხოვთ, მისტერ... ეეე... მაკმარი.“

„რას შეეხოსო?“

„რა ბრძანეთ? შეეხოს?..“

„თუ მეხსიერება არ მღალატობს, თქვენ გვკითხეთ – ვის სურს, შეეხოსო...“

„საკითხს, საკითხს შეეხოს-მეთქი, მისტერ მაკმარი; მისტერ ჰარდინგის პრობლემებს ცოლთან დაკავშირებით.“

„აააა, მე მეგონა, სხვა რამეების შეხებას გულისხმობდით.“

„თუ რამის თქმა გნებავთ...“

თუმცა მაშინვე ენას კბილს აჭერს, თითქოს ოდნავ აღელდა კიდევ. ზოგი მწვავე ღიმილის დამალვას ცდილობს, მაკმერფი გემრიელად იზმორება, ამთქნარებს და ჰარდინგს თვალს უკრავს. ისევ სიმშვიდის განსახიერებად ქცეული მთავარი ექთანი დავთარსაც

კალათში დებს, იქიდან უკვე სხვა საქალაქდეს იღებს, შლის და კითხვას იწყებს.

„მაკმარი, რენდლ პატრიკი. შტატის ხელისუფლების მიერ პენდლტონის გამოსასწორებელი კოლონიდანაა გადმოყვანილი დიაგნოზის დასასმელად და შესაძლო მკურნალობის ჩასატარებლად. ოცდათხუთმეტი წლის. უცოლო. კორეაში გამოჩენილი მამაცობისათვის – კომუნისტური ბანაკიდან ტყვეების გაქცევას ედგა სათავეში – ჯვრითაა დაჯილდოებული. მერე, დაუმორჩილებლობისთვის, სამარცხვინოდ იქნა ჯარიდან გამოძევა-ბული. ამის შემდეგ იწყება ქუჩაში თუ ბარებში ატეხილი ჩხუბების უსასრულო რიგი, პატიმრობები ლოთობისთვის, ხულიგნობისთვის, მოქალაქეთა სიმშვიდის დარღვევისთვის, აზარტული თამაშებისთვის და ერთხელ – გაუპატიურებისთვის.“

„გაუპატიურებისთვის?“ – უცებ ფხიზლდება ექიმი.

„გოგონას შეცდენისთვის, რომელიც...“

„ჰე-ჰე-ჰე, ეგ ვერ შემომტენეს,“ ექიმს მიმართავს მაკმერფი. „გოგომ არ დაუმონმა.“

„თხუთმეტი წლის ბავშვის...“

„დაიფიცა, ჩვიდმეტის ვარო, ექიმო, თანაც ძაან გულით უნდოდა.“

„სასამართლო ექსპერტიზამ დაადასტურა ურთიერთობის ფაქტი, თანაც არაერთჯერადი ურთიერთობის, ოქმი გვაუნყებს...“

„მართლა ისე უნდოდა, კინალამ ხვანჯარი ამოვიკერე.“

„ექსპერტიზის მონაცემების მიუხედავად, ბავშვმა ჩვენების მიცემაზე უარი განაცხადა, ეტყობა, დაშინებულიც იყო. სასამართლოს შემდეგ ბრალდებულმა მალევე დატოვა ქალაქი.“

„ბიჭი იყავი და არ დატოვებდი, ექიმო, თქვენ არ დაგიმაღავთ,“ მუხლებზე იდაყვებდაბჯენილი მაკმერფი წინ იხრება, ხმას იდაბლებს და ოთახის მეორე ბოლოში მჯდომ ექიმს მიმართავს პირადად – „ის პატარა კიბო ნაღდად სიქას გამაცლიდა, სანამ თექვსმეტის გახდებოდა. იქამდე მივიდა, ფეხს მიდებდა და ძალით მანარცხებდა იატაკზე.“

მთავარი ექთანი საქალაქდღეს ხურავს და ექიმს უწვდის. „აი, ეს გახლავთ ჩვენი ახალი პაციენტი, მისტერ სპაივი,“ საქალაქდღეში თითქოს ცოცხალი კაცი უზის და ექიმს უგზავნის, უფრო გულდასმით დაათვალიერე ახლოდანო. „დღეს ცოტა მოგვიანებით ვაპირებდი, მისი ისტორია თქვენთვის გამეცნო, მაგრამ რაკი ასე დაუინებით მოითხოვს დამსწრეთა ყურადღებას, არ შეგვიძლია, ანგარიში არ გავუწიოთ.“

ექიმი პიჯაკის ჯიბიდან სათვალის ზონარს ექაჩება, სათვალეს ცხვირზე ირგებს. სათვალე მარჯვნივ ცურდება, მაგრამ ექიმი თავს მარცხნივ ხრის და აწონასწორებს. საქალაქდღის ფურცვლისას ოდნავ შესამჩნევად იღიმება, ისიც ყველა დანარჩენივით გამხიარულებული ამ ახალი პაციენტის თავხედური ლაპარაკით, მაგრამ, სწორედ დანარჩენებივით, ისიც ფრთხილობს, ცდილობს თავი შეიკავოს და ხმამაღლა არ გაიცინოს. ბოლოში გასული საქალაქდღეს ხურავს და სათვალესაც ისევ ჯიბეში აბრუნებს. ოთახის მეორე ბოლოსკენ, ჯერაც მისკენ წინგადმოხრილი მაკმერფისკენ გაურბის თვალი.

„თქვენ... რამდენადაც ვხედავ... ფსიქიატრიასთან ჯერ შეხება არ გქონიათ, არა, მისტერ მაკმარი?“

„მაკმერფი, ექიმო.“

„მართლა? მაგრამ, თუ არ ვცდები... მთავარმა ექთანმა თქვა...“

ხელახლა ფურცლავს საქალაქდღეს, ხელახლა ებრძვის სათვალეს, ერთხელ კიდევ ამოწმებს ისტორიას, სანამ საქალაქდღეს საბოლოოდ დახურავდღეს და სათვალეს ჯიბეში ჩაიდებდღეს. „დიახ. მაკმერფი. სწორია. ბოდიშს ვიხდი.“

„არა უშავს, ექიმო. ქალბატონს შეეშალა და თქვენც შეცდომაში შეგიყვანათ. ადრეც შემხვედრია მსგავსი ტიპის ხალხი. ბიძა მყავდა ერთი, გვარად ხალაგანი, ვილაც ქალთან დადიოდა, ის კიდღე, ვითომ ბიძაჩემის გვარს ვერ იმახსოვრებდა, გასაბრაზებლად ხულიგანს ეძახდა. რამდენიმე თვე გაგრძელდა ასე, სანამ დაამახსოვრებდა. არადა, კარგად კი დაამახსოვრა.“

„მართლა? როგორ დაამახსოვრა?“ – ეკითხება ექიმი.

მაკმერფი ილიმება და ცერით ცხვირს ისრესს. „აჰ, აჰ, მაგას აქ ვერ ვიტყვი. ძია ხალაგანის მეთოდს საიდუმლოდ ვინახავ, კაცნი ვართ, რა ვიცი, შეიძლება ერთ მშვენიერ დღეს მეც გამომადგეს.“

ახლა პირდაპირ მთავარ ექთანს მიმართავს, ღიმილით, ისიც ღიმილითვე პასუხობს, მაკმერფის კი ისევ ექიმზე გადააქვს მზერა. „ჰოოო, რას მეკითხებოდით, ექიმო?“

„რას და, მაინტერესებს, ადრე თუ გქონიათ საქმე ფსიქიატრებთან. თუ გისაუბრიათ ვინმე სპეციალისტთან, გარკვეული დრო მაინც თუ გაგიტარებიათ სხვა დაწესებულებაში?“

„როგორ არა, თუ შტატის და ოლქის ვირის აბანოებს ჩავთვლით...“

„ფსიქიატრიულ დაწესებულებებში.“

„აააა. ეგ თუ გაინტერესებთ, არა. აქ ჩემი პირველი ექსკურსიაა. მაგრამ გიჟი ნამდვილად ვარ, ექიმო, დედას გეფიცებით. აი, ნახეთ... მოდით, გაჩვენებთ. მე მგონი, კოლონიის ექიმმა...“

ფეხზე დგება, ბანქოს დასტას ქურთუკის ჯიბეში იტენის, მთელ ოთახს გადაჭრის და ექიმის მხარზე მოდან ცერი თითით ინყებს საქალაღის ფურცვლას. „დარწმუნებული ვარ, რალაც ჩანერა, ბოლოში, აი, სადღაც აქ...“

„მართლა? ესე იგი გამომრჩა. ერთი წუთით.“ ექიმი ისევ იკეთებს სათვალეს და მაკმერფის მითითებულ ადგილს დასცქერის.

„სწორედ აქ, ექიმო. ჩემ ისტორიას რომ გაცნობდათ, მთავარმა ექთანმა ეს ადგილი გამოტოვა. აი, როგორაა ნათქვამი, ნახეთ – „მისტერ მაკმერფის ახასიათებს აგრესიის აშკარად განმეორებადი...“ – ექიმო, მინდა, უბრალოდ დავრწმუნდე, რომ ბოლომდე გამიგეთ, – „...აშკარად განმეორებადი სიმპტომები, რაც სავარაუდოს ხდის ფსიქოპათიის შესაძლო დიაგნოზს“. იმ ექიმმა ისიც მითხრა, „ფსიქოპათია“ იმას ნიშნავს, უთავბოლოდ რო ჩხუბობ და ტყნ... ბოდიში, ქალბატონო, როგორ თქვა? მოკლედ, სქესობრივ ამბავში მეტისმეტი მოგდისო. არ დამიმალოთ, ექიმო, მართლა ეგრე საშიშია?“

ამას რომ ეკითხება, ფართო, უხეშ სახეზე ბავშვური შიშის

და ინტერესის ისეთი ალალი გამომეტყველება ეხატება, ექიმი იძულებულია, თავი ჩამალოს და ერთხელაც ჩუმად ჩაიხითხითოს საყელოში, თან ცხვირიდან სათვალეც სძვრება, პირდაპირ ჯიბეში უვარდება და უკვე ყველა მწვავე და ზოგი ქრონიკულიც კი ინყებს სიცილს.

„მეტისმეტი მოგდისო, ექიმო. ისე, თქვენ თუ შეუნუხები-ხართ როდისმე ეგეთ ამბავს?“

ექიმი თვალებს იმშრალავს. „არა, მისტერ მაკმერფი, გულ-წრფელად შემოძლია ვალიარო, რომ არა. ასეა თუ ისე, კოლონიის ექიმის ეს შენიშვნაც ფრიად ყურადსაღებია: „მხედველობიდან არც იმის შესაძლებლობა უნდა გამოგვრჩეს, რომ პატიმარი განგებაც იგონებდეს ფსიქოზს მძიმე სამუშაოსთვის თავის ასა-რიდებლად.“ ექიმი თავს მალლა სწევს და მაკმერფის ასცქერის. „ამაზე რას იტყვით, მისტერ მაკმერფი?“

„ექიმო,“ მაკმერფი წელში იმართება, შუბლს იჭმუხნის და მკლავებს შლის – ყველამ დამინახეთ, ყველა დარწმუნდით ჩემს გულწრფელობაშიო – „განა მე დალაგებულ კაცს ვგავარ?“

ექიმი ერთხელ კიდევ ისეთი მონდომებით ცდილობს ხარხარის შეკავებას, პასუხის გაცემას ვერ ახერხებს. მაკმერფი ექიმისკენ ზურგით დგება და ახლა მთავარ ექთანს ეკითხება იგივეს: „მითხარით, ვგავარ?“ მთავარი ექთანი უხმოდ დგება სკამიდან, ექიმს საქალაღდეს ართმევს და ისევ კალათში, მაჯის საათის ქვეშ დებს. მერე კვლავ ჯდება.

„ექიმო, ალბათ, უკეთესი იქნება, თუკი მისტერ მაკმარის ჩვენი ჯგუფური შეკრებების წარმართვის წესს გააცნობთ.“

„ქალბატონო,“ ამბობს მაკმერფი, „არ მახსოვს, ბიძაჩემი ხალაგანის და მისი მეგობარი ქალის ამბავი გიამბეთ თუ არა?“

ქალი დიდხანს უყურებს, დაჟინებით, უკვე თავისი ჩვეული ღიმილის გარეშე. საოცარი უნარი აქვს, ღიმილი ნებისმიერ სხვა, ყოველ ახალ მოსაუბრესთან გამოსაღევ, თავისთვის სასურველ გამომეტყველებად გარდაქმნას ხოლმე, თუმცა ამით არასდროს არაფერი იცვლება, ყოველი გამომეტყველება მაინც უწინდე-

ლივით ხელოვნური და მექანიკურია, მხოლოდ და მხოლოდ კონკრეტულ, გარკვეულ მიზანს დამორჩილებული. როდის-როდის ამბობს – ბოდიშს გიხდით, მაკ-მერ-ფიო – და ისევ ექიმისკენ ტრიალდება: „დიახ, ექიმო, თქვენ თუ აუხსნით...“

ექიმი ხელისგულებს ატყუპებს და უკან იხრება. „ცხადია, რა თქმა უნდა... მე ვფიქრობ, რაკი სიტყვამ მოიტანა, სასურველია, ჩვენი თერაპიული საზოგადოების ზოგადი თეორიაც ავხსნათ. თუმცა, როგორც წესი, ამ საქმეს ბოლოსთვის ვიტოვებთ ხოლმე. დიახ. მშვენიერი აზრი მომანოდეთ, მის რეჩედ. ძალიან კარგი აზრი...“

„თეორიაც აუცილებელია, ექიმო, რასაკვირველია, ოღონდ მე მაინც უფრო იმ წესს ვგულისხმობდი, რომელიც შეკრების მიმდინარეობისას პაციენტებს სკამიდან წამოდგომას უკრძალავს.“

„დიახ, დიახ. რა თქმა უნდა. მერე კი თეორიასაც ავხსნი. მისტერ მაკმერფი, ერთ-ერთი უპირველესი პირობა ის გახლავთ, რომ პაციენტები შეკრების დროს უნდა ისხდნენ. ხომ გესმით, სწორედ ესაა ერთადერთი გზა, რაც უნესრიგობას აგვაცილებს.“

„თქვენი არ მიკვირს, ექიმო?! მე მარტო იმისთვის წამოვდექი, ჩემ ისტორიაში ჩანანერს ვაჩვენებ-მეთქი.“

მაკმერფი თავის სავარძელთან ბრუნდება, ერთხელ კიდევ იზმორება გემრიელად, ერთხელაც ამთქნარებს, ჯდება და დასასვენებლად მიწოლილი ძალღვივით ცოტა ხანს მაინც ცქმუტავს. ბოლოს და ბოლოს თავის გემოზე ეწყობა და ისევ ექიმზე გადააქვს მომლოდინე მზერა.

„რაც შეეხება თეორიას...“ ექიმი ხარბად, ბედნიერი სახით ისუნთქავს ჰაერს.

„ცცოლის დედაც...“ გმინავს რაქლი. მაკმერფი პირზე ხელს იფარებს და მოშორებით მჯდომ რაქლის ჩახლეჩილი ჩურჩულით გასძახის – ვისი ცოლისო? თვალეზდაჭყეტილი და გაცეცებული მარტინი იმწამსვე ყურებს ცქვეტს. „მართლა,“ კითხულობს დიდი ინტერესით, „ვისი ცოლის? ააა, იმის? ხო, იმას ვხედავ, კი.“



ნეტა ამის თვალები მომცაო – მარტინიზე ამბობს მაკმერფი და მერე, მთელი შეკრების განმავლობაში, კრინტსაც აღარ ძრავს. თავისთვის ზის, ჩუმად, ოღონდ არაფერს ტოვებს უყურადღებოდ, რაც ხდება და ითქმება. ექიმი მანამდე ლაპარაკობს თავის თეორიაზე, სანამ მთავარი ექთანი საბოლოოდ არ გადაწყვეტს, მეტისმეტად დიდი დრო წაგვართვაო და გაჩუმებას არ სთხოვს; ისევ ჰარდინგს დაეუბრუნდეთო – ახსენებს და მართლაც, შეკრების დამთავრებამდე უკვე მარტო ჰარდინგზე ლაპარაკობენ.

სავარძელში გადანოლილი მაკმერფი ერთი-ორჯერ კიდევ წამოინევს წინ, თითქოს რაღაც ჰქონდეს სათქმელი, მაგრამ დროზევე აჭერს ენას კბილს და ძველ პოზას უბრუნდება. საგონებელში ჩავარდნილი კაცის სახე აქვს. რაღაც ძან უცნაური ხდება აქო – ეტყობა ასკვნის თავისთვის. ოღონდ ბოლომდე მაინც ვერ გარკვეულა. არც არავინ რომ არ იცინის?! რაქლის რომ კითხა, – ვისი ცოლისო? – ეგონა, ყველა გადაბჟირდებოდა, არადა, მსგავსიც არაფერი მომხდარა. აქაური ჰაერი სიცილისთვის მეტისმეტად მაგრადაა კედლებით შეკუმშული. რაღაც უცნაური ხდება აქ, ამ ოთახში, სადაც ხალხს ისიც ვერ გაუბედია, ოდნავ მოეშვას, მოდუნდეს და გაიცინოს. ალბათ, ისიც ეუცნაურება, როგორ ეგებიან ფეხქვეშ მოლიმარ, სახეშეფიფქულ ბებერ დედიკოს, ვისაც ნამეტანი წითელი პომადა სცხია და ნამეტანი დიდი ჯიგრები აქვს. ფიქრობს, ცოტა ხანს მოვიცდი, მივიხედ-მოვიხედავ, სანამ რამის გაგებას მოვახერხებო. ამ წესს არც ერთი გამოცდილი მოთამაშე არ უღალატებს: სანამ თავისთვისაც დაარიგებინებს კარტს, თამაშს ცოტა ხანს მაინც უნდა უყუროს.

თერაპიული საზოგადოების ეს თეორია იმდენჯერ მომისმენია, ზეპირად შემიძლია ჩავაბუღებულ თავიდან ბოლომდე და ბოლოდან თავამდე – როგორ უნდა მიეჩვიოს კაცი ჯგუფში არსებობას, ვიდრე ნორმალურ საზოგადოებაში ფუნქციონირებას შეძლებს; როგორ შეუძლია ჯგუფს, ნებისმიერ თავის წევრს საკუთარი ზადი დაანახვოს; როგორ ნყვეტს საზოგადოება, და მხო-

ლოდ და მხოლოდ საზოგადოება, ვინ ნორმალურია და ვინ არა, შენ კი, საზოგადოების ერთ-ერთო რიგითო წევრო, კეთილი ინებე და მოერგე და შეეწყვე ამ საზოგადოებას! აი, ასეთ რამეებს გვასწავლის ცნობილი თეორია. საკმარისია, ახალი პაციენტი მოიყვანონ და ექიმიც მაშინვე იწყებს თავისებურად ქადაგებას. ჩვენში დარჩეს, მარტო ამ დროსაა ხოლმე მთავარი ფიგურა, შეკრებების წარმმართველი. იმას თუ დაუფუჯერებთ, თერაპიული საზოგადოების საბოლოო და სანუკვარი მიზანი დემოკრატიული განყოფილებაა, მთლიანად პაციენტების ნებას და ხმების უმრავლესობას დამორჩილებული, დღედაღამ იმაზე მზრუნველი, როგორ დააბრუნოს ვარგისი პაციენტები ისევ უკან, ქუჩაში, გარე სამყაროში. ნებისმიერმა უკმაყოფილებამ, ნებისმიერმა სატკივარმა, ყველაფერმა, რაც არ მოგვწონს, შიგნიდან კი არ უნდა გვლრღნას და გვტანჯოსო – ბრძანებს ჩვენი ექიმი, პირიქით, საჯაროდ უნდა გამოვიტანოთ პრობლემები, ჯგუფის თანდასწრებით განვიხილოთ და გადავწყვიტოთ. გარშემომყოფთა შორის თითოეულმა იმდენად თავისუფლად უნდა იგრძნოს თავი, თამამად მოახერხოს საკუთარი ემოციური დისკომფორტის გამომზეურება როგორც დანარჩენი პაციენტების, ისე პერსონალის წინაშეცო. ილაპარაკეთ, განსაჯეთ, აღიარეთო – ჩაგვჩიჩინებს ერთსა და იმავეს. და, რაც მთავარია, კერძო საუბარში ამხანაგს რამე თუ წამოსცდა, დაუყოვნებლივ ჩაწერეთ დავთარში, პერსონალიც აუცილებლად ჩააყენეთ საქმის კურსშიო. ეს თქვენი მეგობრის დახმარებაა და არა „ჩაშვება“, როგორც ფილმებში ამბობენო. გამოიტანეთ საამკარაოზე ძველი ცოდვები, რათა საყოველთაო მზერით განიშინდოთო. აუცილებლად მიიღეთ მონაწილეობა ჯგუფურ განხილვებში; საკუთარ თავსაც და მეგობრებსაც დაეხმარეთ ქვეცნობიერის საიდუმლოებების წვდომაში; მეგობრებს შორის არავითარი საიდუმლო არ უნდა არსებობდესო.

ჩვენი განზრახვააო – როგორც წესი, ამ სიტყვებით ამთავრებს ხოლმე – რაც შეიძლება მეტად დაუუახლოვოთ აქაურობა იმ დემოკრატიულ, თავისუფალ ყოფას, რომელშიც საავადმყო-

ფოში მოხვედრამდე გიცხოვრიათო; გვინდა პატარა შიდა სამყაროს სახით შევქმნათ იმ დიდი, გარე სამყაროს ზუსტი ასლი, სადაც ერთმშვენიერ დღეს ისევ დაიკავებთ კუთვნილ ადგილსო.

შეიძლება, უფრო მეტის თქმაც უნდა, მაგრამ, ჩვეულებრივ, მთავარი ექთანი ამ ადგილას აჩერებს ხოლმე. მერე, უკვე სიჩუმეში, ბებერი პიტი დგება ფეხზე, თავისი დაღეჭილ-დაჭმუჭნილი ქუდის ქნევას იწყებს და ყველას შესჩივის, რა დაღლილია. მთავარი ექთანი ვინმეს ავალებს, მიდით, ესეც გააჩუმეთო, პიტიც, როგორც წესი, ზედმეტი დავიდარაბის გარეშე ჩუმდება და შეკრებაც გრძელდება.

მარტო ერთხელ, მე რაც მახსოვს, ერთადერთხელ მოხდა სხვანაირად, ამ ოთხი თუ ხუთი წლის წინ. ექიმი, როგორც იქნა, ლაყაფს მორჩა და მთავარი ექთანიც იმნუთას ჩაერთო თავისი გაზეპირებული ფრაზით – აბა, ვინ დაინყებს? ამოთქვით ძველი საიდუმლოებებიო. ამ სიტყვებმა ყველა ტრანსში ჩააგდო, ის კი არა, მთელი ოცი წუთი მთავარ ექთანსაც აღარ ამოუღია ხმა: ასაკივლებლად გამზადებული ელექტროგანგაშივით გაინაბა, მოლოდინად ქცეული – აბა, როდის გაამხელენ დაფარულ ცოდვებსო. დინჯად, შუქურის პროჟექტორივით დაატარებდა თვალებს პაციენტების სახეებზე. ოცი უსასრულო წუთის განმავლობაში დღის პალატაში სამარისებური სიჩუმე იდგა, შერხევი-თაც არავინ შერხეულა. ოცი წუთი რომ გავიდა, მთავარმა ექთანმა საათს დახედა და იკითხა – დავიჯერო, თქვენში არავის ისეთი არაფერი ჩაუდენია, რისი აღიარებაც მერე ვერ გაუბედავსო? კალათში დავთარი მოიძია და – მოდით, ძველ საქმეებს გადავხედოთო – ჩაილაპარაკა ვითომ თავისთვის.

ამის თქმა იყო და აშკარად საოცრება მოხდა, კედლებში ჩატანებული რაღაც აკუსტიკური მონყობილობა ჩაირთო, თითქოს მაინცდამაინც ამ ხმაზე, მაინცდამაინც ამ ქალის სიტყვებზე ასამუშავებლად მომართული. მწვავეები დაიბნენ. ერთად დააღეს პირები. მთავარმა ექთანმა კედელთან ჩამწკრივებულებიდან პირველივეზე შეაჩერა გაფაციცებული მზერა.

იმანაც მაშინვე ააცმაცუნა ტურები: „მე ერთხელ გარაჟის სალარო გავტეხე.“

ქალმა შემდეგზე გადაიტანა მზერა.

„მე მინდოდა, ჩემი უმცროსი და ლოგინში შემენვინა.“

თვალემა ტკაცატკუცით გადაინაცვლეს გვერდით მჯდომ პაციენტზე; მთელი მწკრივი ისე ხტოდა, როგორც სამიზნეები ტირში.

„მე... მე ერთხელ... ვცადე, ჩემი ძმა ჩამენვინა ჩემთან ლოგინში.“

„ექვსი წლისამ კატა მოვკალი. ოოო, ღმერთო, ღმერთო, მაპატიე! ქვით გავუჩეჩევე თავი და მეზობელმა მოკლა-მეთქი, მეზობელს დავაბრალე.“

„ტყუილი გითხარით. კი არ მინდოდა, მართლა ჩავინვინე ჩემი და ლოგინში!“

„მეც! მეც!“

„მეც! მართლა!“

მთავარ ექთანს ამაზე ოცნებაც არ შეეძლო. ყველა ყვიროდა, ცდილობდნენ ერთმანეთისთვის ეჯობნათ, სულ უფრო ღრმად ტოპავდნენ დაუკრეფავში, ველარ ჩუმდებოდნენ, ისეთ რამეებს ყვებოდნენ, არ ვიცი, ერთმანეთისთვის როგორღა უნდა შეეხებათ. ყოველ ახალ აღსარებაზე მთავარი ექთანი თავს აკანტურებდა და – დიახ, დიახ, დიახო – გაიძახოდა.

მერე ბებერი პიტი წამოდგა ფეხზე. დავიღალეო, იბღავლა გაბრაზებულმა და ხმაშიც ისეთი ლითონი გამოურია, ყველა გაშტერდა, პიტისგან ადრე მსგავსიც არავის არაფერი გაუგონია.

ყველამ გაკმინდა ხმა. თითქოს შერცხვათ. თითქოს პიტმა უცებ რაღაც ისეთი თქვა, რაც მართალიც იყო, ნაღდიც და მნიშვნელოვანიც, რამაც სამარცხვინოდ აქცია დანარჩენების მთელი ეს ბავშვური ტიტინი. მთავარი ექთანი გაცოფებული მიტრიალდა პიტისკენ, თვალემა მიანათა და ღიმილიც ნიკაპზე ჩამოელვენტა: ძლივს თავის გემოზე ჰქონდა საქმე ანყობილი!

„მიხედეთ ვინმემ საცოდავ მისტერ ბანჩინის“, ძალიან ცდილობდა, სიბრაზე არ შეტყობოდა.

ორნი თუ სამნი წამოდგნენ სკამებიდან. პიტს უყვავებდნენ, მხარზე ხელებს უთათუნებდნენ, ცდილობდნენ დაეწყნარებინათ, არადა პიტის არ ჩერდებოდა, – დავილალე და დავილალეო, – აგრძელებდა თავისას.

ბოლოს მთავარმა ექთანმა ერთ-ერთ შავ ბიჭს უბრძანა, მოკიდე ხელი და აქედან გაათრიეო. ეტყობა დაავინყდა, შავ ბიჭებს პიტისნაირებზე არავითარი ზემოქმედების უნარი რომ არ გააჩნიათ.

პიტის დაბადებიდანვე ქრონიკული იყო. ყოველთვის. თუმცა, სანამ ორმოცდაათს არ გადასცილდა, საავადმყოფოში არ დაუწვევიათ. თავზე, აქეთ-იქით, ორი დიდი ღრმული ეტყობა, სამშობიაროშივე დაუზიანა თავის ქალა ექიმმა, როცა ძალით ცდილობდა დედის საშოდან პიტის გამოთრევას. პიტმა საშოდან ერთი რომ გამოიჭყიტა, საოპერაციო და იქაური ხელსაწყო-იარაღები დაინახა, ეგრევე მიხვდა, სადაც უნდა ამოეყო თავი და მთელი ძალით ჩააფრინდა ყველაფერს, რის მობლაუჭებაც მოახერხა, არაფრის დიდებით არ უნდოდა დაბადება. ექიმი კი უკვე ხელს აფათურებდა, საშოში დაეძებდა, მერე ყინულის ასალები, ტურჩებ-მობლაგვებული მაშა წაავლო თავზე და მაგრად მოქაჩა, ყველაფერი რიგ ზეაო, დაასკვნა ხმამაღლა. არადა, პიტის თავის ქალა მაშინ მთლად თოთო იყო, თიხასავით რბილი, და როცა თანდათან გამკვრივდა, მაშების ნაკვალევი სამუდამოდ შერჩა ზედ. ტვინი თითქმის აღარ მომატებია, უმარტივესი საქმის გასაკეთებლად, რასაც ექვსიოდე წლის ბავშვიც იოლად გაართმევდა თავს, არაადამიანური დაძაბვა და მთელი ნებისყოფის, მთელი ყურადღების მოკრება სჭირდებოდა.

თუმცა ბედმა ბოლომდეც არ განირა – ასე უტვინოდ დარჩენილი კომბინატის კლანჭებსაც გადაურჩა. ვერ ჩამოასხეს თავიანთ ყალიბში. ამიტომაც აცალეს, იოლი სამუშაო ეშოვა რკინიგზაზე: ბევრი არაფერი ევალეობოდა, პატარა ფიცრულ ბუდრუგანაში უნდა მჯდარიყო, სადღაც, გადაკარგულში, მიყრუებულ ისართან, და როცა ისარი ერთ მხარეს უჩვენებდა, წითელი ფარანი

ექნია, როცა მეორე მხარეს – მწვანე; ყვითელი ფარნის ქნევა მაშინ უნევდა, თუკი გზას სხვა მატარებელი კეტავდა. დაკისრებულ მოვალეობას დიდი მონდომებით ართმევდა თავს, მთელი ძალების დაძაბვით და იმ ნებისყოფის ნყალობით, რაც უკაცრიელ ისართან მარტოდმარტო, უამხანაგოდ დარჩენილს მაინც ვერაფერმა შეურყია. სხვათა შორის, მისთვის არც არანაირი საკონტროლო რეგულატორები ჩაუდგამთ.

ამიტომაც ვერ ატარებდა შავი ბიჭი თავის ჭკუაზე. ოღონდ ეს ამბავი არც იმას და არც მთავარ ექთანს დროზე არ გახსენებიათ, ისე დაუპირეს პიტს ოთახიდან გაყვანა. შავი მიუახლოვდა, მკლავში წაავლო ხელი და კარის კენ გაქაჩა. სწორედ ისე, გუთანში შებმულ ჯორს რომ მოქაჩვენ ხოლმე ლაგამზე, მოსაბრუნებლად.

„გეყოფა, პიტ. წამო, საძინებელში გავიდეთ. ყველა შეანუხე უკვე...“

პიტმა მკლავი გაითავისუფლა. „მე დავიღალე,“ გააფრთხილა შავი ბიჭი.

„წამო, ბებერო, ნუ ატეხავ აურზაურს. წამო, დანექი, შენ ხო კაი ბიჭი ხარ!“

„დავიღალე...“

„გითხარი, საძინებელში გაბრძანდები-მეთქი!“

ერთხელაც მოქაჩა მკლავზე და პიტმაც თავის ქნევა შეწყვიტა. ამაყად, მტკიცედ, ნელში გამართული იდგა და თვალებიც დანმენდოდა. ჩვეულებრივ, სანახევროდ დახუჭულ, ერთიანად ამღვრეულ თვალებში თითქოს რძე აქვს ხოლმე ჩამდგარი, მაშინ კი ლურჯი ნეონივით გადაუკრიალდა. შავი ბიჭის ჩაბლუჯულმა მკლავმაც ნელ-ნელა გასიება დაიწყო. პერსონალი და დანარჩენი პაციენტების უმრავლესობა საუბრით იყო გართული, არავითარ ყურადღებას არ აქცევდა ამ ბებერ კაცს და მის ძველისძველ სიმღერას დაღლილობაზე; როგორც ყოველთვის, ახლაც მალე დანყნარდება და შეკრებაც გაგრძელდება – ფიქრობდნენ. ვერ ხედავდნენ პიტის ხელის მტევანს, რომელიც სულ უფრო და უფრო იბერებოდა, სანამ პიტი ნელ-ნელა კრავდა და შლიდა

მუშტს. ჩემ გარდა არავის დაუნახია. მარტო მე შევამჩნიე, როგორ გასივდა და გამკვრივდა, ჩემ თვალწინ გაიზარდა, გაგლუვდა, გაუხეშდა. ჯაჭვის ბოლოზე აქანავებულ ვეება, ჟანგიან რკინის ბურთად იქცა. დაძაბული ვუყურებდი, ერთხელაც როგორ გაქაჩა შავმა ბიჭმა მკლავით საძინებელი ოთახისკენ.

„გითხარი-მეთქი, ბებერო!...“

მერე იმანაც დაინახა ხელი. შეეცადა გასცლოდა, თან პიტს უყვავებდა – აბა, შენ ხო კაი ბიჭი ხარ, პიტერო – მაგრამ ცოტათი დააგვიანა. პიტმა ლამის მუხლის სიმაღლიდან გამოიქნია ის რკინის ბურთი. შავი ბიჭი ბეჭებით აეკრა კედელს, ზედ მიენება და ნელ-ნელა იატაკზე ჩაცურდა – თითქოს იმ ადგილას კედელი გაქონილი იყო. გავიგონე, სადღაც, შიგნით, მთელი კედლის გაყოლებაზე, როგორ ჩაიმსხვრა კედელში ჩატანებული ნათურები, მოკლეზე ჩაირთო და ბათქაშიც ზუსტად შავი ბიჭის სხეულის ფორმაზე დასკდა.

დანარჩენი ორი – დაგვაჯული და მეორე მაღალ-მაღალი – გაშტერებული იდგა. მერე მთავარმა ექთანმა თითები გაატკაცუნა და ისინიც ამოძრავდნენ. ადგილს მონყდნენ, ოთახის მეორე ბოლოსკენ წასრიალდნენ. ამხანაგის გვერდით დაგვაჯული სიცილის ოთახში ამოზნექილ სარკეში არეკლილს გავდა. უკვე თითქმის პიტთან იყვნენ, როცა უცებ იაზრეს, რაც წესით იმათ მესამე ამხანაგსაც უნდა სცოდნოდა, გაახსენდათ, ყველა ჩვენგანისგან განსხვავებით, პიტი საკონტროლო რეგულატორებზე არ იყო შეერთებული და არაფრის დიდებით არ დაემორჩილებოდა მარტო იმიტომ, რომ უბრძანებდნენ ანდა მკლავზე მოქაჩავდნენ. თუ შეპყრობას უპირებდნენ, ისევე უნდა შეეპყროთ, როგორც დათვს ან ველურ ხარს იპყრობენ ხოლმე და რაკი ერთ-ერთი მათგანი უგონოდ ეგდო პლინტუსთან, ორი დანარჩენი მაინცდამაინც დიდ უპირატესობას ვეღარ გრძნობდა პიტთან შედარებით.

ამ აზრმა ორივეს ერთდროულად გაუეღვა და მაშინვე გაქვავდნენ, მაღალ-მაღალიც და იმისი ჯუჯა ორეულიც, ზუს-

ტად ერთნაირ პოზაში – მარცხენა ფეხ- და მარჯვენა ხელაწე-  
ულები: სადღაც, შუა გზაში პიტსა და მთავარ ექთანს შუა. წინ  
რკინის ბურთი ირწეოდა, უკნიდან თოვლივით თეთრი სიბრაზის  
სუსხი მოდიოდა და ისინიც აცახცახდნენ, ბოლი აუშვეს და გავი-  
გონე კიდეც, როგორ აულრჭიალდათ კბილანები. ვხედავდი, რა  
დაბნეულები თახთახებდნენ, მანქანასავით, როცა გაზის პედალ-  
საც ბოლომდე აჭერენ და თან მუხრუჭიდანაც არ იღებენ ფეხს.

პიტი შუა ოთახში იდგა, თეძოსთან წინ და უკან აქნევდა  
რკინის ბურთს, იმის სიმძიმისგან წელში გაზნექილი. უკვე ყველა  
პიტს უყურებდა. თვითონ მზერა მაღალ-მაღალი შავი ბიჭიდან  
დაგვაჯულზე გადაიტანა და როცა დარწმუნდა, ახლოს მოსვლას  
ალარც ერთი აღარ აპირებსო, პაციენტებს მიუბრუნდა.

„ხედავთ, ეს ყველაფერი ერთი დიდი სისულელეა,“ თქვა წყნა-  
რად, „ერთი დიდი სისულელე.“

მთავარი ექთანი სკამიდან ჩაცურდა და კარებთან დატო-  
ვებული თავისი მოწნული ჩანთისკენ გააპარა ხელი. „დიახ, დიახ,  
მისტერ ბანჩინი,“ შემპარავად ეკრუტუნებოდა პიტს, „ახლა, თუ  
დამშვიდდებით...“

„სისულელე, სხვა არაფერი,“ პიტის ხმამ უწინდელი ლითო-  
ნისებური სიმტკიცე დაკარგა, ხმა დაეძაბა და გაუჯიუტდა,  
თითქოს დრო ბევრი აღარ რჩებოდა და სათქმელის ბოლომდე  
თქმას ვერ მოასწრებდა. „მე ვერაფერს გავანყობ, გესმით, ვე-  
რაფერს... არ გესმით? მე მკვდარი დავიბადე. თქვენ არა. თქვენ  
მკვდრები არ დაბადებულხართ. ოოოხხხ, რა ძნელი იყო...“

პიტმა ტირილი დაიწყო. სიტყვებს წესიერად უკვე ვეღარ  
გამოთქვამდა; ტუჩებს კი აცმაცუნებდა, ოღონდ რაღაც გაუგე-  
ბარს ლულულულებდა. გონების დასანმენდად თავი ღონივრად  
გადააქნია და თვალეზახამხამებული ისევ მწვავეებს მიაჩერდა:

„ოოოხხხ, მე... აკი გეუბნებით... თქვენ გეუბნებით.“

თანდათან ისევ მოიღვენთა, რკინის ბურთიც დაპატარავდა  
და მუჭისოდენა გახდა. მერე პეშვი გაინვდინა წინ, თითქოს პეშ-  
ვით სთავაზობდა რაღაცას პაციენტებს.



„არაფერი არ შემიძლია. შეცდომით დავიბადე. იმდენი შეურაცხყოფა მომაყენეს, დედის მუცელშივე მოვკვდი. მკვდარი დავიბადე. არც არაფერი შემიძლია. დავილალე. დავნებდი. თქვენ რალაც გელოდებათ. მე იმდენი შეურაცხყოფა მომაყენეს, მკვდარი დავიბადე. თქვენთვის ადვილია. მე კი მკვდარი დავიბადე და ცხოვრებაც რთული იყო. მე დავილალე. დავილალე ლაპარაკით და ფეხზე დგომით. ორმოცდათხუთმეტი წელი მკვდარი ვიყავი.“

მთავარმა ექთანმა ლამის ოთახის მეორე ბოლოდან მიანვდინა ნემსი, პირდაპირ მწვანე შარვალში გააჩქო. მერე სწრაფად გახტა უკან, ნასროლი ნემსის გამოძრობა არც უფიქრია და ნემსიც პატარა, შუშის და ფოლადის კუდივით ეკიდა პიტის შარვალზე. ბებერი პიტი კი თვალსა და ხელშუა იღვენებოდა, სულ უფრო და უფრო მეტად იხრებოდა წინ, ნემსისგან კი არა, საკუთარი ალგზნებისგან ძალაგამოცლილი; ბოლო ორმა წუთმა სამუდამოდ და უსაშველოდ დაქანცა, სამარადისოდ – შეხედავდი და მიხვდებოდი, ამისი საქმე წასულიაო.

კაცმა რომ თქვას, ნემსის გაკეთება არც იყო აუცილებელი; თავს უკვე ისედაც ველარ იმაგრებდა და თვალეზიც ებლიტებოდა. როცა მთავარი ექთანი ბოლოს და ბოლოს მაინც მიეპარა უკნიდან ნემსის გამოსაძრობად, ატირებული პიტი ისე იყო წინ წამოხრილი, ცრემლი სახეს არც უსველებდა, პირდაპირ იატაკზე ეწვეთებოდა. პიტი გაუჩერებლად აქნევდა თავს და ცრემლის წვეთეზიც ნკაპუნით ცვიოდნენ აქეთ-იქით, ოთხივე მხარეს, თითქოს მთესველი იყო და ცრემლს თესავდა. ოოხხხო – ერთხელაც ამოიგმინა პიტმა. თვალეზ არ დაუხამხამებია, როცა მთავარმა ექთანმა ნემსი გამოაძრო.

პიტი, შეიძლება, სულ ერთი წუთით დაუბრუნდა სიცოცხლეს, შეეცადა, ჩვენთვის რალაც ეთქვა, არადა მისი სათქმელი არც ერთი ჩვენგანისთვის არაფერს ნიშნავდა, არც მოსმენის თავი გვქონდა, არც გაგების. თვითონ პიტი კი ამ მცდელობამ ერთიანად გამოფიტა. იმისი დუნდულის ჩხვლეტა ისეთივე ზედმეტი და ამაო იყო, გინდაც მკვდრისთვის გაეკეთებინათ ნემსი – ვე-

ლარც გული გადატუმბავდა ამ შხამს ვენებში, ველარც ვენები აიტანდნენ ტვინამდე და ველარც ტვინი დაიბანგებოდა. ზუსტად იმავე წარმატებით მთავარ ექთანს გაფიჩხებული გვამისთვისაც შეეძლო ნემსის ჩხვლეტა.

„მე... დავიღალე...“

„ძალიან კარგი. აბა, თქვენ ორს ვაჟკაცობა თუ გეყოფათ, მე მგონი, მალე მისტერ ბანჩინი უკვე ლოგინში იწვება; როგორც ნესიერ და კარგ ბიჭს შეეფერება.“

„...საშინლად დავიღალე.“

„ეტყობა, სანიტარი უილიამსიც მოდის გონზე, ექიმო სპაივი. მიხედეთ, გეთაყვა. აი, საათი გასტეხია და ხელიც გასჭრია.“

პიტს მსგავსიც აღარაფერი უცდია და ვერც ველარასდროს ცდის. ახლა, თუკი რამე წამოუვლის ხოლმე შეკრებების დროს, უცებვე აწყნარებენ და ისიც წყნარდება. მართალია, ხანდახან ისევ დგება, თავის ქნევას იწყებს და გვაუწყებს, როგორი დაღლილია, მაგრამ მისი სიტყვები უკვე აღარც ჩივილია, აღარც მობოდიშება და აღარც გაფრთხილება – ამისთანები დიდი ხანია მოთავდა. ძველი საათივითაა, ზუსტ დროს ველარ აჩვენებს, მაგრამ არც ჩერდება; ისრებდაგრეხილი, ციფერბლატზე რიცხვებგადაშლილი, ენაჩავარდნილი, ჟანგიანზარიანი ძველი, უვარგისი კედლის საათივით – უბრალოდ, ჩვეულების გამო აგრძელებს ნიკნიკს და გუ-გუს ძახილს, თორემ არც ნიკნიკი და არც ეს ძახილი აღარაფერს ნიშნავს.

ორი საათი სრულდება, არადა ჯგუფი ჯერ ისევ საცოდავ ჰარდინგს ფლეთს და აქუცმაცებს.

ზუსტად ორზე ექიმი სკამზე ცქმუტვას იწყებს. საკუთარ თეორიაზე თუ არ ლაპარაკობს ხოლმე, შეკრებებზე მთლად კომფორტულად ვერ გრძნობს თავს; ამ დროს უფრო დიდი სიამოვნებით კაბინეტში გაატარებდა, დიაგრამების ხაზვაში. ვერაფრით ისვენებს, ერთი-ორჯერ ახველებს კიდეც, ბოლოს მთავარი ექთანიც იყურება საათზე და – სააბაზანოდან ისევ უკან შემოიტანეთ

მაგიდებო, – გვეუბნება; შეკრების შედეგების შეჯამებას კი სახვალოდ, პირველ საათზე გვპირდება. მწვავეები ტკაცატკუცით გამოდიან ტრანსიდან, წამით ჰარდინგისკენ გაურბით თვალები. სახეები სირცხვილისგან უხურთ, თითქოს ეს-ესაა გამოელვიდათ და მიხვდნენ, ერთხელ კიდევ გაგვასულელესო. ზოგი დერეფანში გადის მაგიდების შემოსატანად, სხვები ჟურნალების თაროებისკენ მიფრატუნებენ და ენით უთქმელი ინტერესით ჩაკირკიტებენ „მაკქოლის“ ადამისდროინდელ ნომრებს, სინამდვილეში კი ყველანი ჰარდინგთან ურთიერთობას არიდებენ თავს. ამჯერადაც იძულებით მიუქსიეს სანამებლად ამხანაგს, თითქოს ის მსჯავრდებული იყო, თვითონ კი ბრალმძებლები, მოსამართლეები, მსაჯულები, ჯალათები... ორმოცდახუთ წუთს წვრილად კეპავდნენ კაცს, თან თითქოს ხალისითაც, სიამოვნებითაც აყრიდნენ კითხვას კითხვაზე: მაინც როგორ გგონია, ეგეთი რა უნდა გჭირდეს, პატარა ქალბატონისთვის რომ ვერ გისიამოვნებიაო; ასე დაბეჯითებით რატომ ამტკიცებ, სხვა კაცთან საქმე არ ჰქონიაო; როგორ აპირებ განკურნებას, თუკი კითხვებზე გულწრფელად არ გვიპასუხებო? ამდენი შეკითხვის დასმის და ამხანაგის ასეთი დამცირების მერე ახლა თვითონაც საძაგლად გრძნობენ თავს და, უფრო დიდ უხერხულობაში არ ჩავცვივდეთო, ჰარდინგს გარე-გარე უვლიან.

მაკმერფის თვალს არაფერი ეპარება. თავისი სავარძლიდან ჯერ არ წამომდგარა და ისევ გაოგნებული კაცის სახე ადევს. კიდევ ცოტა ხანს გაუნძრევლად ზის, მწვავეებს შესცქერის, ბანქოს დასტით ნიკაპზე მოდებულ ჟღერს ჯაგარს იფხანს. მერე ისიც დგება, ამთქნარებს, იზმორება, ერთს ჩამოიკრავს ბანქოს დასტას პერანგის ღილზე, ჯიბეში ინახავს და მარტოდმარტო მჯდომი, ოფლში განურული და სკამზე დანებებული ჰარდინგისკენ აღერებს თავს.

ცოტა ხანს ზევიდან დაყურებს ჰარდინგს, მერე ვეებერთელა ტორით შორიახლოს მდგარ სკამს თავისკენ ითრევს, ჰაერში ატრიალებს, ზურგით ჰარდინგისკენ დგამს და ისე ჯდება

ზედ, როგორც პანანინა პონიზე. ჰარდინგს არაფერი შეუმჩნევია. მაკმერფი ხელებს ჯიბეებზე იტყაპუნებს, სიგარეტს ეძებს, კოლოფიდან ერთ ღერს იღებს და უკიდებს. ანთებული სიგარეტი სახესთან მიაქვს, მოლუშული დასცქერის, მერე ცერს ნერწყვით ისველებს და სველი თითით თავის გემოზე აღვივებს ცეცხლს.

ერთმანეთს თითქოს ვერც ამჩნევენ. დაბეჯითებით იმის თქმაც გამიჭირდება, საერთოდ თუ შეამჩნია ჰარდინგმა მაკმერფის მისვლა. მწვანე ფრთებივით დაკრეფილი თხელი მხრები ლამის მიუტყუპებია, დაჭიმული, წელგამართული, ნკიპზე ზის სკამზე და თეთრი ხელები მუხლებშუა მოუმწყვდევია. პირდაპირ იყურება, თავისთვის ღიღინებს რაღაცას და ცდილობს, სრულიად მშვიდი კაცის იერი შეინარჩუნოს – არადა შიგნიდან ლოყებს ღეჭავს, გაღიმებულ თავის ქალას ჰგავს და სიმშვიდის ნამდვილად არაფერი სცხია.

მაკმერფი ისევ კბილებში იმწყვდევს სიგარეტს, ხელებს სკამის საზურგეზე აწყობს, ნიკაპით ზედ ეყრდნობა და ბოლით დამწვარ ცალ თვალს ჭუტავს. მეორე თვალით ჰარდინგს გასცქერის ცოტა ხანს, მერე ლაპარაკს იწყებს და კბილებში გაჩრილი სიგარეტიც ზევით-ქვევით დაუხტის.

„ერთი მითხარი, ძმაკაც, ეს საყვარელი შეკრებები ყოველთვის ამნაირად ტარდება ხოლმე?“

„ყოველთვის ამნაირად?“ ჰარდინგი აღარ ღიღინებს. აღარც ლოყებს ღეჭავს, მაგრამ ჯერაც წინ იყურება, მაკმერფის თვალს არიდებს.

„სულ ეს მენიუ გაქვთ ჯგუფური თერაპიის ბანკეტებზე? ასე კორტნით საქათმეში წინილები ერთმანეთს?“

ჰარდინგი მოწყვეტით აბრუნებს თავს, იმის თვალები ბოლოს და ბოლოს ამჩნევენ მაკმერფის, თითქოს მხოლოდ ახლა ხვდება, ვიღაც დამსკუპებია წინო. ერთხელაც ეტანება შიგნიდან ლოყებს საკბენად, ლოყები ისევ უცვივდება და ისევ გაღიმებულ თავის ქალას ემსგავსება. მხრებს შლის, სკამზე ითხლამება და ცდილობს, მოთენთილი კაცის იერით ილაპარაკოს.

„კორტინით, ბრძანეთ? ვშიშობ, ჩემთვის გაუგებარი დარჩება თქვენი უცნაური, სოფლური შედარებები, მეგობარო. მიახლოებითაც ვერ ვხვდები, რის თქმა გნებავთ.“

„კეთილი და პატიოსანი, მაშინ მე თითონ აგისხნი.“ მაკმერფი ხმას უწევს. მართალია, ზურგს უკან შეგროვილ, ყურებდაც-ქვეტილ მწვავეებს ზედ არ უყურებს, მაინც იმათ გასაგონად ლაპარაკობს. „წინილები თუ ერთ-ერთი თავისიანის ბუმბულზე სისხლის წვეთს დაინახავენ, ყველანი დასაკორტნად მიესევინან ხოლმე, გესმის, რასაც გეუბნები? არ მოეშვებიან, სანამ ნაკუნ-ნაკუნ არ დაფლეთენ, მარტო სისხლს, ძვალს და ბუმბულს არ დატოვებენ იმისგან. ოღონდ ამ რია-რიაში, როგორც წესი, ერთი-ორი სხვაც სისხლიანდება და მერე უკვე იმათი ჯერი დგება. მერე კიდევ ჩნდება ახალ-ახალი საკბილო და ესე... ოოოო, შენ არ იცი, ტოტალური კორტნა ორიოდ საათში მთელ გუნდს აჩანაგებს, ძმაკაც, ჩემი თვალთ მაქ ნანახი. მართლა საზარელი საყურებელია. გადარჩენის ერთადერთი გზა – წინილისთვის – თვალების ახვევაა. ვერაფერი რო ველარ დაინახოს.“

ჰარდინგი მუხლზე იჭდობს გრძელ თითებს და, სკამზე უკან გადანოლილი, მუხლსაც თავისკენ ეზიდება. „საყოველთაო კორტნა! ეს მართლა სასიამოვნო ანალოგიაა, მეგობარო.“

„არ დაგიმაღავ, საქათმე და წინილები თქვენმა შეკრებამ გამახსენა. მწარე სიმართლე ეს არი, რა ვქნა?! ბინძური წინილების ზედახორა...“

„ესე იგი, მე სისხლით დანინკლული წინილა ვარ, არა?“

„გამოცანა გერგება, ძმაკაც.“

ჯერ ისევ უღიმიან ერთმანეთს, მაგრამ ხმას ისე დაუწიეს, ისე დაიძაბა ორივე, ცოტა ახლოს თუ არ მიუწუცუცქედი ჩემი ცოცხიანად, ველარაფერს გავიგონებ. ნელა-ნელა მწვავეებიც მიინევენ წინ.

„გინდა, სხვა რამეც აგისხნა, ძმაკაც? გინდა იცოდე, პირველი ვინ გაგკრავს ნისკარტს?“

ჰარდინგი უხმოდ ელოდება, როდის გააგრძელებს მაკმერფი სათქმელს.

„ვინა და, ის ბებერი ექთანი.“

სიჩუმეში შეძრწუნებული ნკმუტუნი ისმის. კედლებში დატანებულმა მანქანებმა ეს ხმა დაიჭირეს და გააგრძელეს. ჰარდინგს დიდი ჯაფა ადგას, ხელები უძრავად რომ გააჩეროს, თუმცა მაინც ვაჟკაცურად ცდილობს სიმშვიდის შენარჩუნებას.

„ესე იგი,“ ვითომ წყნარად ამბობს ჰარდინგი, „ყველაფერი ასე მარტივად და იოლად აიხსნება, არა? ბრიყვიც მიხვდება! ექვსი საათიც არ გაგიტარებიათ ჩვენს განყოფილებაში და უკვე ფროიდის, იუნგის და მექსველ ჯონსის მთელი ნაღვანი გაამართივით, ერთ ანალოგიამდე, რალაც საყოველთაო კორტნამდე დაიყვანეთ!“

„ფრედ იუნგები და მექსველ ჯონსები მე არ ვიცი, ძმაკაც, მე იმაზე გელაპარაკები, რაც წელან ბანძ შეკრებაზე გიყვეს იმ თქვენმა ექთანმაც და დანარჩენმა ახვრებმაც. ტრაქტორივით გადაგიარეს ზედ!“

„მე გადამიარეს?!“

„არა, მე! არ დაგზოგეს. ბოლომდე მოგანვინენ. ეტყობა, მართლა ქენი რალაც იმისთანა, აქ ამდენი მტერი გაიჩალოჩე, ძმაკაც. აბა, მტრის მეტი ეგრე ვინ გაგიმეტებს.“

„არა, ეს უკვე მართლა წარმოუდგენელი ამბავია! თქვენ საერთოდ არ ითვალისწინებთ, ვერც ამჩნევთ და არც ითვალისწინებთ იმ ფაქტს, რომ ბიჭების დღევანდელი საქციელი მხოლოდ და მხოლოდ ჩემივე საკუთარ კეთილდღეობაზე ზრუნვით იყო განპირობებული! განა მის რეჩედის, გინდაც პერსონალის ნებისმიერი სხვა წევრის დასმული შეკითხვები მხოლოდ თერაპიულ მიზნებს არ ემსახურებოდა? თქვენ, გეტყობათ, ექიმ სპაივის საუბრიდან სიტყვაც არ გაგიგონიათ თერაპიული საზოგადოების თეორიაზე, ანდა, თუ გაიგონეთ რამე, განათლება არ გყოფნით მისახვედრად. არა, ნამდვილად იმედი გამიცრუეთ, მეგობარო, ოოო, რომ იცოდეთ, რა მწარედ გამიცრუეთ!.. დილით, გაცნობისას, უფრო ჭკვიანი მეჩვენეთ – თქვენი ტეტიური უნიგნურობა თავიდანვე კი მეცა თვალში, რა თქმა უნდა, მაშინვე მივხვდი,

ერთი ბაქია და ცრუპენტელა ტყიური რომ ბრძანდებოდით და ბატზე მეტი მგრძობიარობა არ გახასიათებდათ, მაგრამ, გამოგიტყდებით, არსებითად მაინც გონებაგახსნილ კაცად ჩავთვალეთ. რას ვიზამთ, ჩემი ჩვეული დაკვირვებულობის და გამჭრიახობის მიუხედავად, ეტყობა, შეცდომებისგან ჯერჯერობით არც მე ვარ დაზღვეული.“

„მიდი ერთი, კოჭი გააგორე, თუ ძმა ხარ!“

„დიახ, რა თქმა უნდა, დამავიწყდა მეტეკვა, რომ დილით თქვენი პრიმიტიული უხეშობაც შევამჩნიე. ფსიქოპათია გამოკვეთილი სადისტური მიდრეკილებებით, რაც, შესაძლოა, უსაგნო ეგომანიითაც იყოს განპირობებული. დიახ. როგორც ჩანს, ბუნებით მომადლებულმა ყველა ამ ღირსებამ კომპეტენტურ თერაპევტად ჩამოგაყალიბათ და, ამდენად, სრული უფლებაც გაქვთ, მის რეჩედისეული მეთოდები გააკრიტიკოთ, მიუხედავად იმისა, რომ ამ ქალბატონს ფსიქიატრი ექთნის უალრესად მდიდარი გამოცდილება და მუშაობის ოცნლიანი სტაჟი უმაგრებს ზურგს. დიახ, მეგობარო, თქვენი ნიჭის პატრონს ნამდვილად შეგეძლოთ ქვეცნობიერის სასწაულებზე გემუშავათ, მტკივანი Id დაგენწყნარებინათ და დაჭრილი სუპერეგოც განგეკურნათ. თქვენ შეგეძლოთ, მხსნელად მოვლენოდით მთელ განყოფილებას, ბოსტნეულებსაც და, საერთოდ, ყველას. ბატონებო და ქალბატონებო! მისტერ მაკმერფის ნყალობით თქვენი ავადმყოფობა ექვს უმოკლეს თვეში უკვალოდ გაქრება, თუ არადა, შეგიძლიათ, თქვენი ფული უკანვე მოითხოვოთ!“

მაკმერფი კამათში აყოლას არ აპირებს, ისევ ძველებურად შესცქერის ჰარდინგს, ბოლოს კი ძალიან ნყნარად ეკითხება – და შენ ალალად გგონია, დღეს შეკრებაზე მოსმენილ ბოდვას რამე სიკეთის მოტანა და ვინმეს მორჩენა მართლა შეუძლიაო?

„აბა, სხვა რა მიზეზით უნდა ვმონანილებდეთ ამ შეკრებებში?!“ ცხარობს ჰარდინგი. „პერსონალსაც ხომ ზუსტად ისევე უნდა ჩვენი განკურნება, როგორც ჩვენ თვითონ. ურჩხულები კი არ არიან. შეიძლება, მის რეჩედი მკაცრი შუახნის მანდილოსნის

შთაბეჭდილებას ტოვებს, მაგრამ საქათმეში დაბუდებული და ჩვენი თვალების სადისტურად ამოკორტნის მოსურნე ურჩხული ნამდვილად არ გახლავთ, მეგობარო. ამას ნამდვილად ვერ დასწამებთ, ხომ ასეა?”

„არა, ძმაკაც, მაგას არც მე ვამბობ. თვალები რა შუაშია? ის რასაც ემუქრება, იმას სხვა სახელი ქვია.“

ჰარდინგი კრთება, ვხედავ, როგორ უსხლტება მუხლებშიორის მომწყვდეული ხელები – თითქოს ხავსმოდებულ ტოტებზე ორი თეთრი ობობა მიცოცავს ქვევით, ტოტების განაყარისკენ.

„სხვა სახელი?“ ეკითხება მაკმერფის. „თუ ღმერთი გნამთ, მაშინ აბა ისიც გვიბრძანეთ, მეგობარო, რას გვგლეჯს და გვკორტნის, რას ემუქრება?“

მაკმერფი იღიმება. „შენ რა, თითონ ვერა ხვდები, ძმაკაც?“

„რასაკვირველია, ვერ ვხვდები! რა თქმა უნდა, თუკი ასე დაიჟი...“

„ყვერებს, ძმაკაც, ყვერებს; შენ ორ ცალ ძვირფას კვერცხს.“

ობობები ტოტების განაყარს აღწევენ და, ათროლოლებულები, იქიკალათებენ. გაღიმებას ჰარდინგიც ცდილობს, მაგრამ გადათეთრებულ სახეზე და ტუჩებზე ღიმილი არა და არ ეკარება. გაშტერებული უყურებს მაკმერფის. მაკმერფი პირიდან სიგარეტს იღებს და ნათქვამს იმეორებს.

„ზუსტად შენ კვერცხებს. ეგ თქვენი ექთანის რაღაც საშინელი მონსტრი-ნინილა კი არ არის, ერთი ჩვეულებრივი ყვერიგლეჯიაა. ათასობით მინახია მაგისტანები. ბებრებიც და ახალგაზრდებიც, ქალებიც და კაცებიც. სად არ შევხვედრივარ, შინაც და გარეთაც, სავსეა ქვეყანა... მაგათ შენი დასუსტება უნდათ ძან გულით, მერე რო დაგიტრიონ და თავის ჭკუაზე გატარონ, თავიანთი ნესებით გაცხოვრონ, თავიანთებურად, თავიანთ ნებაზე. კაცის დასასუსტებლად და დასაჩმორებლად კიდე უკეთესი რა გინდა, ყველაზე მტკივნეულ ადგილზე უნდა ნაატანო ხელი. ჩხუბის დროს შენთვის ნაშენში ამოურტყიათ, ძმაკაც? ხო მაშინვე ითიშები? უარესი ვარიანტი არ არსებობს. ეგრე არა-



ფერი გბრიდავს, ბოლო წვეთამდე გაცლის ძალას. ისეთს თუ გადაეყარე ვინმეს, ვისაც თავისი სიძლიერით კი არა, შენი სისუსტით უნდა გაჯობოს, იცოდე, იმის ფეხს არ მოაშორო თვალი, უეჭველი იქ დაგიმიზნებს, ჩვენ რო ვიცით. ეს ბებერი სვავიც ეგრეა, ყველაზე მტკივნეულ ადგილას გიჭახუნებთ.“

ჰარდინგს ჯერაც არ დაბრუნებია სახეზე ფერი, მაგრამ ახლა ხელების დამორჩილებას ისევ ახერხებს; დუნედ, ულონოდ იქნევს ცხვირწინ მაკმერფის სიტყვების მოსაგერიებლად.

„ჩვენი ძვირფასი მის რეჩედი? ჩვენი ტკბილად მოლიმარი, ჩვენი მწყალობელი ანგელოზი, დედის მაგიერი მის რეჩედია ყვერიგლეჯია? კარგი ერთი, თუ ღმერთი გწამს, მართლა უძვლოა კაცის ენა!“

„ძმაკაც, არ გინდა ეს სიაბანდი ბაზარი ნაზ დედიკოებზე! ვისთვის იქნებ დედაზე ტკბილიც იყოს, ოლონდ, თუ ძმა ხარ, ნუ დამაბრმავებ მაინც – ტრაქტორივითაა და თან დანასავით მჭრელი. ამ დილით რო შემოვედი, ერთი სამი ნუთი მეც გამაბრიყვა თავისი კეთილი, ბებრული ღიმილით, მარა სამი ნუთზე მეტი ვერა. ვერ დავიჯერებ, თქვენც მართლა წლობით გასულელებდეთ, ან გინდაც ექვსი თვე... უუუუხ, ბევრი ძუკნა შემხვედრია ცხოვრებაში, მარა ეგეთი ძნელად!“

„ძუკნა? ნუთის წინ ყვერიგლეჯიაო, მერე სვავიო – თუ წინილა? თქვენი შედარებები ურთიერთს ანადგურებს, მეგობარო.“

„აი, ამ ჩემ ფეხებს, თუ არ ანადგურებს! ერთიცაა, მეორეც და მესამეც და ნუ მაბოლებ ეხლა, ვითომ ვერ ვხვდებო.“

ჰარდინგის ხელებიც და სახის ნაკვეთებიც ახლა უფრო სწრაფად მოძრაობენ, ვიდრე ოდესმე – მიმიკის, ჟესტების, მანჭვანგრების და ხითხითის აჩქარებული კადრებივით. რაც უფრო მონდომებით ცდილობს დაწყნარებას, მით უფრო უმატებს სიჩქარეს. როცა არც ხელების და არც სახის დაწყნარებაზე არ ფიქრობს, მისი მოძრაობები მართლა საამო საცქერია, მაგრამ თუ დაფიქრდა და თანაც შენუხდა, კიდურების ძალით დამორჩილებას შეეცადა – გადარეულ, სხვის ნებაზე მოხტუნავე, გიჟურად აცეკვებულ

ტიკინას ემსგავსება. სულ უფრო ჩქარ-ჩქარა იქნევს ხელ-ფეხს და ცდილობს, სიტყვებიც ამ სისწრაფეს ააყოლოს.

„კი მაგრამ, მისმინეთ, მისტერ მაკმერფი, მეგობარო, ჩემო ფსიქოპათო კოლეგავ, მის რეჩედი ჩვენი ჭეშმარიტი მფარველი ანგელოზია და ეს საყოველთაოდაა ცნობილი. ის ქარივით უანგაროა, მაღლობისთვის კი არ ემსახურება საყოველთაო კეთილდღეობის საქმეს დილიდან დაღამებამდე, კვირაში ხუთი უსასრულო დღის განმავლობაში. ამას გული უნდა, ჩემო კარგო, გული. სხვათა შორის, სანდო წყაროდან ჩემთვის ისიცაა ცნობილი – წყაროს გამხელის უფლება არ მაქვს, ისე კი, იმ ხალხს მისტერ მარტინიც დიდი ხანია იცნობს, – კაცთა მოდგმის სამსახურს უქმე დღეებშიც რომ აგრძელებს, ათას საქმეს აუდის ქალაქში და თან მხოლოდ და მხოლოდ საკუთარი სურვილით, უანგაროდ და უსასყიდლოდ. დღენიადაგ ქველმოქმედებაზე ფიქრობს, გაამზადებს საჩუქრად კონსერვებს, ყველს, საპონს და რომელიმე ხელმოკლე, ახლად შეუღლებული წყვილის მაღლს მოისხამს ხოლმე.“ ჰარდინგის ხელები ჰაერში დაფარფატებენ, ნათქვამს ასურათხატებენ. „აჰა, შეხედეთ: აი ისიც, ჩვენი მთავარი ექთანია. ნაზად აკაკუნებს კარზე ბაფთებიანი კალათით ხელდამშვენებული. ახალგაზრდა ცოლ-ქმარს სიხარულისგან ენა მუცელში უვარდება. ქმარს პირი დაუფრენია, ცოლი ქვითინებს და ცრემლის დამალვას არც ცდილობს. მის რეჩედი ბინას ათვალიერებს. პირდება, სარეცხის ფხვნილისთვის ფულს გამოგიგზავნითო. დიახ, ჩემო ბატონო. კალათს შუა ოთახში დგამს. და როცა ჰაეროვანი კოცნებისა და ეთერული ღიმბილების მერე ჩვენი ანგელოზი იქიდან მოდის, იმდენადაა გაბრუებული უანგარო ღვანჯლის წყალობით მის ვეება მკერდში ჩამდგარი, ადამიანური სიკეთის ტკბილი რძით, საკუთარი დიდსულოვნებისაგან არაქათი ეცლება და ერთიანად იბნიდება. იბნიდება-მეთქი, გესმით? ნამით კართან შეყოვნებული, ორი სიტყვის სათქმელად იმარტოხელებს მორცხვ პატარძალს და თავისი ჯიბიდან აძლევს ოც დოლარს: „ნადი, შე საცოდავო, უბედურო ბავშვო, ნადი და ერთი რიგიანი კაბა მაინც იყიდე.

მესმის, შენს ქმარს ამის საშუალება არა აქვს, მაგრამ აჰა, ეს გამო-  
მართვი და წადი!“ ამ საარაკო გულმონყალებისთვის ახალგაზ-  
რდა ცოლ-ქმარი სამუდამოდ დავალებული რჩება მისგან.“

ჰარდინგი ტყვიამფრქვევივით ისვრის სიტყვებს, კისერზე  
ლამის ძარღვები დააწყდეს... როცა ბოლოს და ბოლოს ჩუმდება,  
განყოფილებაში სამარისებური დუმილია გამეფებული. არა-  
ვითარი სხვა ხმა არ ისმის რაღაცის სუსტი ბზრილის გარდა –  
ეტყობა, მაგნიტოფონზე ინერენ ყველაფერს.

ჰარდინგი აქეთ-იქით იხედება, ხედავს, ყველა მე მომჩე-  
რებიან და მთელი მონდომებით ცდილობს, გაიცინოს. ყელიდან  
ისეთი ხმა ამოსდის, თითქოს ნედლი ფიჭვის ფიცრიდან ლურ-  
სმანს აძრობენო – იიიყ–იიიყ–იიიყ. ვერაფერს უხერხებს ამ ხმას.  
ობობას საცეცებივით გრეხს თითებს და თვალებსაც მაგრად  
ხუჭავს ამ საშინელი წრიპინით შეძრწუნებული. გაჩერება კი არ  
შეუძლია. ნაძალადევი სიცილი თანდათან ძლიერდება, სანამ  
ბოლოს ერთს არ ამოიხრიალებს და მოწყვეტით არ ჩააგდებს  
თავს უკვე მომლოდინე ხელებში.

„ოხ, ეგ ძუენა, ძუენა, ძუენა,“ ცრის კბილებში გამწარებული.

მაკმერფი მეორე სიგარეტსაც უკიდებს და ჰარდინგს უწ-  
ვდის. ჰარდინგი უსიტყვოდ ართმევს. მაკმერფი ჯერ ისევ რა-  
ღაცნაირი გაცეცებული ინტერესით მისჩერებია, ისე უყურებს,  
თითქოს პირველად ხედავს ადამიანის სახეს. მანამდე უცქერის,  
ვიდრე მოკრუნჩხული ჰარდინგი ცოტა არ დაწყნარდება და ისევ  
მალლა არ აწევს თავს.

„თქვენ მართალი ხართ,“ ამბობს ჰარდინგი. „აბსოლუტურად  
მართალი.“ მერე დანარჩენ პაციენტებზე გადააქვს მზერა.  
„ადრე ვერავინ გაბედა ამის თქმა, მაგრამ ყველა, როგორც ერთი,  
იმავეს ფიქრობს, იმავეს განიცდის სადღაც, საკუთარი დამ-  
ფრთხალი, პანია სულის ფსკერზე.“

„ის გაპარული ცუანა ექიმი რაღას მიკეთებს?“ შუბლშეჭ-  
მუხნილი ეკითხება მაკმერფი. „მთლად დალაგებულს არ გავს,  
მარა ხო ხედავს, როგორ დაგატარებთ ყველას თავის ქკუაზე?!“

ჰარდინგი ღრმა ნაფაზს არტყამს და სიტყვებს ბოლს აყოლებს. „ექიმი სპაივი... ექიმიც ზუსტად ჩვენს დღეშია, მაკმერფი, მშვენივრად ხვდება საკუთარ არასრულფასოვნებას. ერთი გულგახეთქილი, სასონარკვეთილი, უსუსური პატარა ბაჭიაა, აბსოლუტურად უძლური, ძვირფასი მის რეჩედის დახმარების გარეშე გაუძღვეს ამ განყოფილების საქმეებს. და ეს თვითონაც იცის. კიდევ უარესი, ქალმაც იცის, ექიმმა რომ იცის და შემთხვევას არ უშვებს ხელიდან, ხშირ-ხშირად არ შეახსენოს. საკმარისია, ჩანანერებში ან დიაგრამებში რამე უმნიშვნელო შეცდომა უპოვოს, სულ ცხვირს არტყმევინებს მაგიდაზე.“

„სწორია,“ ამბობს ჩესვიკიც და მაკმერფის უახლოვდება, „მტრისას, შეცდომა თუ გაგვეპარა.“

„მერე რატო არ დაიქნევს?“

„ამ საავადმყოფოში,“ უხსნის ჰარდინგი, „ექიმს არც არავის დანიშნის უფლება აქვს და არც დათხოვნის. ეს უფროს ზედამხედველს ეხება, უფროსი ზედამხედველი კი ქალია, მის რეჩედის ძველისძველი და გულითადი მეგობარი: ოცდაათიან წლებში ერთად მსახურობდნენ მოწყალების დებად ჯარში. ჩვენ მატრიარქატის მსხვერპლი გახლავართ, ჩემო მეგობარო, და ამ მატრიარქატის წინაშე ექიმიც ჩვენსავით უძლურია. კარგად იცის, საკმარისია მის რეჩედმა ხელი გაიწვინოს, ტელეფონის ყურმილს დასწვდეს, ზედამხედველს დაურეკოს და სხვათა შორის უთხრას, ვთქვათ, ასეთი რამ – ექიმი სპაივი, მგონი, მეტისმეტად ბევრ დემეროლს უკვეთავსო...“

„მოიცა, მოიცა, ჰარდინგ. ეგეთი ალაფრონცკი სიტყვების გაგება ცოტა მიჭირს.“

„დემეროლი, ჩემო მეგობარო, სინთეტიკური ნარკოტიკია, რომელსაც კაცი ორჯერ უფრო სწრაფად ეჩვევა, ვიდრე ჰეროინს. ექიმებისთვის ამგვარი გართობა საკმაოდ ხშირი და ჩვეულებრივი ამბავია.“

„ეგ ცუანა? ნარკომანი?“

„არ ვიცი, დაბეჯითებით ვერაფერს ვიტყვი.“

„აბა, მაშინ სიაბანდზე დაბრალებით რას მოიგებს...“

„ოოო, თქვენ, ეტყობა, გულისყურით არ მისმენთ, ჩემო მეგობარო. არაფერსაც არ აბრალებს. უბრალოდ ეჭვს აღვივებს, ნებისმიერ ეჭვს, ვერ ხვდებით? აი, თუნდაც დღეს, ვერ შეამჩნიეთ? მიიხმობს ხოლმე ვინმეს, მაგალითად, ექთნების სამორიგეოსთან, დააყუდებს და სანოლის ქვეშ ნაპოვნ ქალაღდის ხელსახოცზე ჩამოუგდებს სიტყვას. უბრალოდ შეეკითხება, იქ საიდან გაჩნდაო? მეტი არაფერი. ავადმყოფი კი დარწმუნებულია, რაც არ უნდა ვუპასუხო, მაინც ტყუილი გამომივაო. თუ ეტყვის, კალმისტრის გასანმენდად მინდოდაო, – აჰა, კალმისტრის, გასაგებიაო – მიუგებს ქალი; თუ სურდოს მოიმიზეზებს, – გასაგებია, სურდოო – დაუქნევს პანია, კოხტად დავარცხნილ ჭალარა თავს და გაიღიმებს, სათნო, უზადო ღიმილით დააჯილდოებს, ისევ ექთნების სამორიგეოში შებრუნდება, პაციენტს კი გაოგნებულს დატოვებს კარებთან – ნეტავი მართლა რაში დამჭირდა ის ხელსახოციო?“

ჰარდინგს ისევ ცახცახი იტანს, ისევ მხრებში მალავს მკერდს.

„არა. ვინმეს დადანაშაულება და ბრალის დადება არაფერში სჭირდება. უბრალოდ, ეჭვის დათესვის გენიითაა დაჯილდოებული. განა დღეს, დღევანდელ შეკრებაზე, რამეში დამდო ბრალი? არადა, მაინც თითქოს უამრავი ბრალდება წამიყენეს, ეჭვიანობაც დამაბრალეს, პარანოიაც, უვარგისი ქმრობაც, მამრობითი სქესის მეგობრებთან არაჯანსაღი ურთიერთობაც, ხელში სიგარეტის უცნაურად დაჭერაც, ის კი არა, მგონი, დარწმუნდნენ კიდევ – ლაჯებშია არაფერი ჰქონია ერთი ბლუჯა თმის მეტიო! თანაც ფაფუკი, ნაზი ქერა თმის მეტი! ყვერიგლეჯიაო? არა, თქვენ მას სათანადოდ ვერ აფასებთ!“

ჰარდინგი მოულოდნელად ჩუმდება, წინ იხრება და ცდილობს, მაკმერფის ხელი ხელებში მოიმწყვდიოს. უცნაურად ნამახვია, უცნაურად წანვეტებია, წითელ და ნაცრისფერ კუთხეებად ქცევია სახე – დამსხვრეული ღვინის ბოთლი.

„ეს ქვეყანა... ძლიერებს ეკუთვნით, ჩემო მეგობარო! ჩვენი

არსებობის რიტუალი სუსტის შთანთქმის გზით ძლიერის კიდევ უფრო გაძლიერებაზეა დაფუძნებული. ამ ამბავს თამამად უნდა გავუსწოროთ თვალი. ასეც უნდა იყოს, ეს სრული ჭეშმარიტებაა. ჩვენ უნდა ვისწავლოთ სამყაროს კანონად ამის აღიარება. რიტუალში კურდღლები მორჩილად ასრულებენ საკუთარ როლს და მგლის ძლიერებას აღიარებენ. თავდაცვის მიზნით კურდღელი ეშმაკი ხდება, მშიშარა, ფეხმარდი, სოროებს თხრის და შორიახლოს მგლის სუნი თუ იკრა, სოროში იმალება. მხოლოდ ასე ძლებს, ასე აგრძელებს სიცოცხლეს. იცის თავისი ადგილი. რასაკვირველია, მგელს არასოდეს იწვევს ბრძოლაში. და რომც გამოენვია, განა ეს გონივრული იქნებოდა? ა, გონივრული იქნებოდა-მეთქი?“

მაკმერფის ხელს უშვებს, სკამის საზურგეს ეყუდება, ფეხს ფეხზე იდებს და ერთხელაც არტყამს ღრმა ნაფაზს. მერე განწელილი, ნაძალადევი ღიმილიდან სიგარეტს იძრობს და ისევ სიცილს იწყებს – იიყ-იიყ-იიყ, თითქოს ფიცრიდან ლურსმანს ექაჩებინაო.

„მისტერ მაკმერფი... ჩემო მეგობარო... მე წინილა არა ვარ, მე კურდღელი ვარ. ექიმიც კურდღელია. აი, ჩესვიკიც. ბილი ბიბიტიც. ყველანი კურდღლები ვართ, სხვადასხვა ასაკის და სხვადასხვანაირი, დავბტუნავთ და დავკუნტრუშებთ ამ ჩვენს უოლტ დისნეის სამყაროში. სწორად გამიგეთ, ჩვენ აქ იმიტომ კი არ მოგვიყარეს თავი, კურდღლები რომ ვართ – ჩვენ ყველგან კურდღლები ვიქნებოდით – არამედ იმიტომ, საკუთარ კურდღლობასთან შეგუება რომ არ შეგვიძლია. ექთანვიით ძლიერი და ღონიერი ერთი კარგი მგლის გარეშე გაგვიჭირდებოდა ჩვენი ადგილის პოვნა.“

„შენ, ძმაო, მართლა სულელივით ლაპარაკობ. ესე იგი, აპირებ, გულხელდაკრეფილი იჯდე აქ და ვილაც ბებერ, ცისფერთმიან ქალს მიცენება გიჩიჩინოს, კურდღელი ხარო?“

„არავინ არაფერი არ უნდა მიჩიჩინოს, არა. მე კურდღლად დავიბადე. აბა შემომხედე. უბრალოდ, გადია მჭირდება, ჩემმა ხვედრმა თან ბედნიერებაც რომ განმაცდევინოს.“

„კურდღელი არა, ჩემი ფეხები!“

„ყურებს ხედავ? აცახცახებულ ცხვირს? პატარა, მოკლე, კობტა კუდს?“

„ისე ლაპარაკობ, თითქოს მართლა გი...“

„გიჟი ვიყო, არა? როგორი გამჭრიახი ბრძანებულხართ!“

„მორჩი ეხლა, ჰარდინგ, ხო ხვდები, რასაც გეუბნები? ეგეთ გიჟობას არ ვგულისხმობ. შენ... ფუი ეშმაკს... გამიკვირდა კიდევ, რა ჭკვიანები ხართ ყველანი. მე თუ მკითხავთ, ქუჩაში გამვლელ ნებისმიერ სირზე გიჟებს ნაღდად არ გავხართ...“

„აჰა, ესე იგი, ქუჩაში გამვლელ ნებისმიერ სირზე, არა?“

„მოკლედ, ისეთი გიჟები არა ხართ, აი, კინოებში რო არიან ხოლმე, ხო გესმის? უბრალოდ, გათიშულები ხართ და... რალაც-ნაირად...“

„რალაცნაირად კურდღლებს ვგავართ, ხომ?“

„კურდღლების დედაც!.. რა გამიხურე შენი კურდღლებით!“

„მისტერ ბიბიტ, აბა ერთი ხტუნვა-ხტუნვით შემოუარეთ მისტერ მაკმერფის! მისტერ ჩესვიკ, აჩვენეთ ჩვენს ახალ მეგობარს, როგორი ფაფუკი ბენვი გაქვთ!“

ბილი ბიბიტიც და ჩესვიკიც უცებ, პირდაპირ ჩემ თვალწინ, მობუზულ, თეთრ კურდღლებად იქცევიან, ოღონდ, ეტყობა, ჰარდინგის ბრძანების შესრულების ძალიან რცხვენიათ.

„ხედავთ, მაკმერფი, ეუხერხულებათ. ისე, რა ლამაზები არიან, არა, რა საყვარლები?! შეიძლება იმისიც რცხვენიათ, მეგობარს გვერდში ვერ დავუდექითო. შეიძლება დამნაშავედ გრძნობენ თავს, რადგან ერთხელ კიდევ იძულებით აქციეს დაკითხვის თანამონაწილეებად. გამხნევდით, მეგობრებო, არაფერი გჭირთ სასირცხვილო. ყველაფერი ზუსტად ისე ხდება, როგორც უნდა მოხდეს. კურდღელს მოძმისთვის თავგამოდება არ მოეთხოვება. ასეთ საქციელს უგუნურობადაც კი ჩაუთვლიდნენ. ნუ ლელავთ, თქვენ ჭკვიანურად მოიქეცით, ლაჩრულად, მაგრამ ჭკვიანურად.“

„მომისმინე, ჰარდინგ,“ ამბობს ჩესვიკი.

„არა, არა, ჩესვიკ. სიმართლე ნუ გაგაბრაზებს.“

„მომისმინე-მეთქი! დრო იყო, მეც იგივეს ვამბობდი ბებერ ქალბატონზე, რაც ახლა მაკმერფიმ თქვა.“

„ხო, ოღონდ ძალიან ჩუმად ლაპარაკობდი და მერე საკუთარი სიტყვები უკან წაიღე. შენც კურდღელი ხარ და ნუ ცდილობ, სიმართლეს თვალი აარიდო. ამიტომაც არ მწყენია დღევანდელი შენი შეკითხვები. შენც დაკისრებულ როლს თამაშობდი. ტატამზე შენ რომ გაეყვანე ან ბილი, ან, ვთქვათ, ფრედრიქსონი, მეც ზუსტად ისეთივე გაშმაგებით შემოგიტყვედით. ჩვენ საკუთარი საქციელის არ უნდა შეგვრცხვეს; ჩვენგან, უმწეო ცხოველებისგან, სხვას არც მოელის არავინ.“

მაკმერფი სკამზე სანახევროდ ტრიალდება და მწვავეებს ათვალიერებს, რიგრიგობით, დაუინებით. „მართალი გითხრა, არ მესმის რატო არ უნდა ცხვენოდეთ. ჩვენში დარჩეს, ძაან ბინძურად მოგანენენ იმ აფთართან ერთად. ერთი ნუთით ისიც ვიფიქრე, უკან, წითელი ჩინელების ბანაკში ხო არ დამაბრუნეს-მეთქი...“

„თუ ღმერთი გნამს, მაკმერფი,“ ამბობს ჩესვიკი, „ერთი მეც მომისმინე.“

მაკმერფი ინტერესით უყურებს, მოსასმენად ემზადება, მაგრამ ჩესვიკი სიტყვას აღარ აგრძელებს. სხვათა შორის, სულ ასე იცის, ერთი იმათგანია, დიდ ალიაქოტს რომ წამოინყებენ ხოლმე, თითქოს შეტევაზე გადასულ ჯარს სარდლობენო, ყიჟინით მოუნოდებს ყველას იერიშისკენ, ცოტა ხანს ფეხებსაც აბაკუნებს, ერთ-ორ ნაბიჯსაც გადადგამს წინ, მერე კი ჯორივით შტერდება. მაკმერფი თვალს არ აშორებს ისევ უწინდელივით დამფრთხალ და გაპარულ ჩესვიკს, ცოტა ხანში კი ეუბნება – ხო, მართლა ძაან გავდა ჩინელების ბანაკსო.

ჰარდინგი შემრიგებლურად სწევს მალლა ორივე ხელს. „არა, არა, ეგ სწორი არ არის. თქვენ არ უნდა დაგვძრახოთ, მეგობარო. არავითარ შემთხვევაში. სინამდვილეში...“

ვხედავ, ჰარდინგს ისევ ეშმაკურად აციმციმებია თვალები; მგონია, ისევ სიცილს აპირებს-მეთქი, მაგრამ არ იცინის, პი-



რიდან სიგარეტს იღებს და მაკმერფისკენ იშვერს – აბოლებული სიგარეტიც იმის ერთ-ერთ თხელ, თეთრ, ნატიფ თითს გავს.

„...თქვენც, მაკმერფი, მთელი თქვენი კოვბოური ბაქიბუქის და ბალაგანური ყოყლოჩინობის მიუხედავად, მაგ უხეში გარსის ქვეშ ალბათ ისეთივე ფაფუკი და ფუმფულა ყურცქვიტა ბრძანდებით, როგორც ნებისმიერი ჩვენგანი.“

„აბა, ბიჭო, გამოცანა გერგება! მეც პატარა ნაცარა ვარ. არა, მაინც რით მამსგავსებ კურდღელს, ჰა, ჰარდინგ? ჩემი ფსიქოპათიური მიდრეკილებებით? ჩხუბის სიყვარულით თუ ქალების? ალბათ ქალების, არა? ჩქარ-ჩქარა, ერთი, ორი და მორჩა, არა? ეგრე ფიქრობ? მაგით ვგავარ კურდღელს?..“

„მოითმინეთ, ვშიშობ, ისეთი საკითხი წამოჭერით, უთუოდ სერიოზული დაფიქრება სჭირდება. კურდღლები სწორედ მაგ უნარით არიან ცნობილი, არა? შეიძლება ითქვას, საარაკოდ ცნობილიც ამ თავიანთი სისწრაფის გამო. დიახ, ჰმ. მაგრამ, ასეა თუ ისე, თქვენი შენიშვნა მხოლოდ იმაზე მიუთითებს, რომ უბრალოდ ჯანმრთელი, სრულყოფილი და უაღრესად აქტიური კურდღელი ბრძანდებით, მაშინ, როცა ჩვენი უმრავლესობა აქ ნებისმიერ სექსუალურ გამოცდილებას მოკლებულია და სრულყოფილ კურდღლადაც ვერ ჩაითვლება. ჩვენ, დამარცხებათა ნამსხვრევები – სუსტი რასის ყველაზე გამოფიტული, უვარგისი და უმაქნისი წარმომადგენლები ვართ. სისწრაფედაკარგული კურდღლები – თუკი ეს განსაზღვრება მეტისმეტად პათეტიკურად არ მოგეჩვენებათ.“

„დაიცა, ნუ გაუტევ; ჩემ ნათქვამს ყოველ ნუთას ნუ ამახინჯებ...“

„არა, თქვენ მართალი იყავით. გახსოვთ, აკი სწორედ თქვენ მიაპყარით ყურადღება იმ ადგილს, სადაც ასეთი შეუპოვრობით გვინისკარტებს მთავარი ექთანნი? სრული სიმართლე ბრძანეთ. ერთ კაცსაც ვერ ნახავთ აქ, ვისაც შიში არ კლავდეს, ვაითუ დავკარგო ანდა სულაც უკვე დავკარგე კურდღლის ჯიშის საამაყო სისწრაფეო. ჩვენ, პანანინა კომიკურ არსებებს, კურდღლების

სამყაროშიც კი არ შეგვიძლია საკუთარი მამრობის გამომჟღავნება, რა ვქნათ, აი, ასეთი სუსტები და არასრულფასოვნები ვართ! აბაა. ჩვენ, თუ შეიძლება ასე ითქვას, კურდღლებშიც ყველაზე დიდი კურდღლები გახლავართ!”

ჰარდინგი ერთხელ კიდევ იხრება წინ, ყელიდანაც ისევ ის დაჭიმული, ჭრაჭუნა ხმა ამოსდის, რასაც ამდენ ხანს ველოდი, და სახედალრეჯილი, უაზროდ იწყებს ჰაერში ხელების ფათურს.

„მოკეტე, ჰარდინგ!“

გინდაც სილა გაერტყას მაკმერფის. ჰარდინგი ჩუმდება, ჯერაც პირდაფრენილი და ტუჩმოქცეული, უცებ მოდის გონს და აწეული ხელები თამბაქოს ცისფერ ღრუბელში უშეშდება. წამით ასეა გახევებული, მერე თვალები ეშმაკურად უვიწროვდება, ორ პანანინა ხვრელად ექცევა, თვალებს ნებას აძლევს, მაკმერფისკენ გაექცნენ და თან ისე ჩუმად ლაპარაკობს, იძულებული ვხდები, ლამის ზედ გადავანყდე ჩემი ცოცხიანად, ოღონდ რამე გავიგონო.

„თქვენ... ჩემო მეგობარო... თქვენ, შეიძლება მგელიც იყოთ.“

„მორჩი ბაზარს, რა კურდღელიც შენა ხარ, მეც ის მგელი ვარ. არ გადამიყვანა ჭკუიდან, ცხოვრებაში არ გამიგია ეგეთი...“

„რა ვიცი, ძალიან მგელივით კი იღრინებით.“

მაკმერფი ხმამალალი შიშინით უშვებს ფილტვებიდან ჰაერს და მზერა ჰარდინგიდან ირგვლივ მდგომ მწვავეებზე გადააქვს. „მისმინეთ ყველამ! რა ჯანდაბა გჭირთ? ბოლო-ბოლო არც ეგეთი გიჟები ხართ, თქვენი თავი რალაც ცხოველები გეგონოთ.“

„არა,“ ამბობს ჩესვიკი და მაკმერფის გვერდით დგება. „ნაღდად არა ვართ, ყოველ შემთხვევაში, მე მაინც. რა კურდღელი, რის კურდღელი...“

„ჯიგარი ხარ, ჩესვიკ. აბა, ეხლა თქვენც, ყველამ ერთად მიაფურთხეთ ამ სისულელეს. შეხედეთ ერთმანეთს, რა დღეში ხართ, იქამდე მიგიყვანეს, ჩასვრილები კანკალებთ ვილაც ორმოცდაათი წლის დედაკაცის შიშით. აზრზე მოდით, რა შეუძლია, რას გიზამთ?“

„მართლაც, რას?“ ამბობს ჩესვიკი და დაჟინებით ამტკრდება დანარჩენებს.

„როზგით ვერ გცემთ, შანთით ვერ დაგდალავთ, ძელზე ვერ გაგსვამთ. ეგეთები ეხლა კანონით ისჯება, შუა საუკუნეები ხო აღარ არი. არ არსებობს ვარიანტი...“

„შენ თვითონ ნნნახე, რაც შეუძლია გგგვიყოს! დღეს, შშშეეკრებაზე.“

ვხედავ, ბილი ბიბიტს ისევ ადამიანური სახე დაბრუნებია. დორბლით პირდამბალი და სახეაჭარხლებული მაკმერფისკენ იხრება, ცდილობს, სათქმელი დააბოლოოს. მერე ტრიალდება და მიდის. „ეეეხ, უუუაზრობაა ყველაფერი. თთთავის მოკვლა ჯობია.“

მაკმერფი უკან ადევნებს სიტყვას. „დღეს? რა ვნახე მაინც დღეს? ჩემი ფეხები, უბრალოდ ერთი-ორი რაღაც გკითხათ, თან სუერთმანეთზე უკეთესი, იოლი შეკითხვები იყო. შეკითხვა რა, ძვლებს დაგიმტვრევთ? კომბალია თუ ქვა?“

ბილი უკან ბრუნდება. „კი, მაგრამ როროროგორ გვეკითხებოდა...“

„შენც ნუ უპასუხებდი, რა, არ შეიძლება?“

„თუ ააარ უპასუხებ, ერთს გაგაგაგილიმებს და რაღაცას ჩჩჩჩაინერს თავის პატარა წიგნაკში, მერე ადადად... ოოოხ, ჯანდაბას ყყყველაფერი!“

ბილის სქანლონი უბამს მხარს. „შეკითხვებზე თუ არ უპასუხე, მაკ, დუმილით მხოლოდ საკუთარ დანაშაულს აღიარებ, ზუსტად ისევეა, როგორც ხელისუფლებაში გაჩითული ნაბიჭვრები გამოგიჭერენ ხოლმე კაცს. ვერაფერს ვერ იზამ. ერთადერთი – ძირფესვიანად უნდა ააფეთქო ქვეყნიერება, სამუდამოდ აღგავო ამ დამპალი მიწიდან – ერთხელ და სამუდამოდ.“

„კარგი და, როცა რამეს გეკითხება, რატო არ ეტყვი, საყვარელო, მოკეტე და კოჭი გააგორეო?“

„დიახ,“ ამბობს ჩესვიკი და მუშტს იქნევს, „უთხარით, მოკეტოს და კოჭი გააგოროს.“

„მაგით რა გამოვა, მაკ? ღიმილით მოგიბრუნდება და – სწორედ ამ შეკითხვამ რატომ გაგალიზიანათ ასე, პაციენტო მაკ-მერფიო – გეტყვის.“

„ხოდა, შენც კიდე ერთხელ გააგორებინე კოჭი. იმასაც და სხვასაც. ჯერ ხო არ გერჩიან მაგისტვის?“

მწვავეები სულ უფრო და უფრო უახლოვდებიან მაკმერფის, წრეში იქცევენ. ამჯერად უკვე ფრედრიქსონი პასუხობს. „კი ბატონო, შენ ეგრე ეტყვი და მაშინვე პოტენციურად აგრესიულების სიაში ჩაგწერენ, ზედა სართულზე აგაბრძანებენ დასაბმელების განყოფილებაში. ეგ გამოვცადე. სამჯერ. იმ შტერებს, ზევით, შაბათობით კინოს საყურებლად გასვლის ნებას არ აძლევენ და ტელევიზორიც კი არ უდგათ განყოფილებაში.“

„თანაც, ჩემო მეგობარო, თუკი თქვენ ჯიუტად ეცდებით ამგვარი მტრული მიდრეკილებების გამომჟღავნებას – კოჭის გაგორებაზე გეუბნებით – დასაშოკში მიმავალთა მწკრივშიც ჩაგაყენებენ. შეიძლება უარესიც დაგმართონ, ვთქვათ, ოპერაცია, ან...“

„გეყოფა, ჰარდინგ, ხო გითხარი, ეგეთი ლაპარაკი არ მესმის-მეთქი.“

„დასაშოკი, მისტერ მაკმერფი, ჟარგონია და ეშთ-ს მანქანას ნიშნავს, ელექტროშოკური თერაპიის მანქანას. ამ მოწყობილობას შეიძლება ძილის წამლის ფუნქციის შესრულება დააკისრონ ან ელექტრონის სკამის, ან რამე სხვა წამების იარაღის. ხანმოკლე, გონივრული პროცედურაა – მარტივი, სწრაფი და თითქმის უმტკივნეულო ამ სისწრაფის წყალობით. თუმცა ხელმეორედ იგივეს განცდა ჯერ არასდროს არავის მონდომებია. არასდროს.“

„მაინც რას შვება ეგ რაღაცა?“

„პაციენტს მაგიდაზე აბამენ, თქვენ შეიძლება დაცივდაც მოგეჩვენოთ, მაგრამ ზუსტად ჯვარცმულივით აკრავენ ზედ, ეკლის გვირგვინის ნაცვლად ელექტრონული ნაპერწკლების გვირგვინს ადგამენ თავზე და აქეთ-იქიდან მავთულებს უერ-

თებენ. ზაპ! და ხუთი ცენტის ღირებულების ელექტროენერგია თვალის დახამხამებაში გაირბენს ტვინში. თქვენ უკვე ნამკურნალებიც ხართ და დასჯილიც თქვენი კოჭების გაგორ-გამოგორებისთვის, თანაც ველარავის გადაელობებით გზაზე სულ ცოტა ექვსი საათი ანდა სულაც სამი დღე – ეს ინდივიდზეა დამოკიდებული. გონზე მოსვლის შემდეგაც, რამდენიმე დღის განმავლობაში ორიენტაცია და კარგული გექნებათ, რალაც-რალაცებს ვერ გაიხსენებთ. ერთი-ორჯერ ამ მეთოდით მკურნალობა და კაცი შეიძლება მისტერ ელისად იქცეს – აგერ, მოპირდაპირე კედელთან ხედავთ! დორბლიან, ქვეშაფსია იდიოტად ოცდათხუთმეტი წლის ასაკში. ანდა უგუნურ ორგანიზმად, რომელიც მხოლოდ ჭამს, კუჭში გადის და „ცოლის დედაცო“ – ღრიალებს ჩვენი რაქლივით. გნებავთ, თუნდაც ბელად ცოცხს შეავლეთ თვალი, საკუთარ სეხნიას რომ ჩაფრენია სწორედ თქვენ გვერდით.“

ჰარდინგი ჩემკენ იშვერს სიგარეტს, იმდენად მოულოდნელად, ვეღარც ვასწრებ უკან გავდგე, თითქოს ვერაფერს ვამჩნევდე და ვერაფერს ვხვდებოდე, და იქვე ვაგრძელებ იატაკის მოგვას.

„როგორც ამბობენ, რამდენიმე წლის წინ, როცა შოკური თერაპია ძალიან მოდურად ითვლებოდა, ბელადისთვის ორასზე მეტი პროცედურა ჩაუტარებიათ. წარმოიდგინეთ, რა დღეში ჩავარდებოდა უკვე ისედაც თითქმის ამღვრეული გონება. შეხედეთ, რას ჰგავს: ბუმბერაზი დამლაგებელი. გადაშენების გზაზე დამდგარი ჭეშმარიტი ამერიკელი, ორმეტრიანი მანქანა-ცოცხი, ვისაც საკუთარი ჩრდილის დანახვაზეც კი გული უსკდება. აი, რა გვემუქრება ყველას, ჩემო მეგობარო.“

მაკმერფი ცოტა ხანს უხმოდ მიყურებს და მერე ისევ ჰარდინგისკენ ტრიალდება. „მეც მაგას გეუბნები, როგორ ითმენთ-მეთქი ეგეთ რამეებს? ხმის უმრავლესობით ვერ გადანყვეტთ ყველაფერს? ექიმი რა, სიაბანდზე ბაზრობდა დემოკრატიაზე?“

ჰარდინგს ამ სიტყვებზე მხოლოდ ეღიმება, დინჯად არცყამს კიდევ ერთ ნაფაზს. „კი მაგრამ, რას ვუყაროთ კენჭი?

შეკრებებზე მთავარმა ექთანმა რამის კითხვა გაგვიბედოს თუ არა? თავისებურად აღარ შემოგვხედოს ხოლმე? მითხარით ერთი, მაინც რა გადავწყვიტოთ ხმის უმრავლესობით, მისტერ მაკმერფი?“

„სულერთია, რაც გინდათ. რა მნიშვნელობა აქვს? უბრალოდ, უნდა დაანახოთ, ცოტა ვაჟკაცობა მაინც შეგვრჩაო. ბოლომდე არ უნდა დაისვათ თავზე. სარკეში ჩაიხედეთ: ამბობთ, ბელადს თავისი ჩრდილის ეშინიაო, არადა, თუ სიმართლე გინდათ, თქვენისთანა ჩაფსმულები ჯერ არ მინახია, ძმებო!“

„ჩემ გარდა!“ ამბობს ჩესვიკი.

„კი ბატონო, მარა დანარჩენებს კაცურად გაცინებისაც ეშინიათ. თავიდანაც მაგან დამცენტრა – არავინ რო არ იცინოდა. რაც აქ შემოვედი, ჯერ გულიანი სიცილი არ გამიგონია, როგორი ამბავია?! გაცინებაც თუ ველარ მოახერხე, მორჩა, საბოლოოდ დაბრედილი ხარ. ქალი თუ ეგრე გაათამამე, სიცილიც რო დაგავიწყოს, დაგრხვეია და ეგ არი. ეჭვიც თუ გაგიჩდა, მგონი მაჯობაო, ჩათვალე...“

„აჰა, ძმებო კურდღლებო! მე მგონი, ჩვენი მეგობარი თანდათან რალაცეებს ხვდება. თუ შეიძლება, მითხარით, მისტერ მაკმერფი, მაინც როგორ უნდა დაუმტკიცოს მამაკაცმა ქალს უპირატესობა, თუკი, რა თქმა უნდა, არ დასცინებს და აბუჩად არ აიგდებს? როგორ დაანახვოს, ვინ არის კვერთხის მპყრობელი? თქვენნაირმა კაცმა, წესით, უნდა აგვიხსნას. ცემას ხომ არ დაუნყებს? თუ სცემთ, აუცილებლად გიჩივლებთ. არც ყვირილს და თმის გლეჯას ექნება აზრი; მაინც გაჯობებთ, მშვიდად ეცდება, დაანყნაროს დიდი, ბებერი, ბრაზიანი ბიჭუნა: „ჩვენი პატარა გაჭირვეულდა? ოოიიი, რა ცუდი ბიჭი ყოფილა.“ როგორ ფიქრობთ, ადვილია ღირსეული და გაბრაზებული სახის შენარჩუნება, როცა ასე გელაპარაკებიან? მოკლედ, დაახლოებით მართლა ისეა საქმე, როგორც თქვენ ბრძანეთ: თანამედროვე მსახვრალი მატრიარქატის წინააღმდეგ კაცს მხოლოდ ერთადერთი ნამდვილად ქმედითი იარაღი მოეძვეება. ოღონდ, რა თქმა უნდა,

ეს იარაღი სიცილი არ გახლავთ. არადა, ჩვენს მელანქოლიურად მოქანცულ და მოტივაციურად გამოკვლეულ საზოგადოებაში ყოველწლიურად სულ უფრო და უფრო მეტი ადამიანი ხვდება, როგორ აქციოს უსარგებლოდ ეს ერთადერთი იარაღი და როგორ დაიპყროს ისინი, ვინც ერთ დროს დამპყრობლები იყვნენ...”

„ღმერთო, შენ მაინც მიშველე, ჰარდინგ, უკვე მართლა გარეკე, აი,“ ამბობს მაკმერფი.

„...თქვენ კი გგონიათ, მთელი თქვენი საჯაროდ გამომზეურებული ფსიქოპათიური ღირსებების მიუხედავად, შეძლებთ ეფექტურად გამოიყენოთ თქვენი იარაღი ჩვენი ჩემპიონის წინააღმდეგ? მისტერ რეჩედის წინააღმდეგ, მისტერ მაკმერფი? როდისმე მაინც?“

ცალ ხელს შუშის კოლოფისკენ იშვერს. ყველა იქითკენ აბრუნებს თავს. ის კი ზის იმ კოლოფში, ფანჯარასთან, მაგნიტოფონიც სადღაც დაუმალა, არადა, ვიცი, ყველაფერს იწერს და უკვე გეგმებსაც აწყობს, რა ზომები უნდა მიიღოს.

ამჩნევს, ყველა იმას რომ მივჩერებივართ, თავს გვიქნევს და ჩვენც მაშინვე ვარიდებთ თვალს. მაკმერფი ქუდს იხდის და თითებს წითურ თმაში იფათურებს. ახლა უკვე ყველას მზერა მისკენაა მიმართული; ყველანი მაკმერფის პასუხს ელოდებიან და ამას თვითონაც ხვდება. გრძნობს, რალაც ხაფანგში გავებიო. ქუდს ისევ იხურავს და ნაიარევ ცხვირს იფხანს.

„შენ თუ ის გაინტერესებს, ამ ბებერ სვავს დავადებდი თუ ვერა, არა მგონია, მაგდენზეც გავქაჩო...“

„რატომ, არც ეგეთი ჩამოსაწერია, მაკმერფი. სახე საკმაოდ სანდომიანი აქვს, შენახულიც კარგადაა და მთელი მონდომების მიუხედავად – უსქესო არსებად მოგვაჩვენოს თავი – მართლაც რომ არაჩვეულებრივი ძუძუები მაინც აუცილებლად გეცემა კაცს თვალში. თავის დროზე ლამაზი ქალი იქნებოდა. და მაინც, რაკი ვკამათობთ, იმ შემთხვევაში თუ იკისრებდით, ხნიერი რომ არ იყოს, ახალგაზრდასთან და ელენესავით მშვენიერთან?“

„ელენეს არ ვიცნობ, მარა ვხვდები, საითაც ურაკუნებ.“

ალაღად გეუბნები – მართალი ხარ. მაინც ვერ ვიკისრებდი. მერ-  
ლინ მონროც რო იყოს, ეს გაყინული სახე მაინც დამიგდებდა.“

„მეც მანდა ვარ! ესე იგი, გაჯობებდათ.“

ესაა და ეს. ჰარდინგი სკამზე ითხლაშება და ყველა ელო-  
დება, ამაზე რაღას უპასუხებს მაკმერფი. მაკმერფიც ხვდება,  
კუთხეში მიმომწყვდიესო. ერთ წუთს გარშემო მდგომთა სახე-  
ებს ათვალიერებს, მერე მხრებს იჩეჩავს და დგება.

„კი ბატონო, ეგრე იყოს, მეტი სადარდებელი არ მომცა  
ღმერთმა.“

„სწორია, არც უნდა იდარდოთ.“

„რა ჩემფეხებად მინდა, ვილაც ბებერი, შექანებული ექთანი  
კუდში დამდევეს და სამი ათასი ვოლტით მემუქრებოდეს. მით  
უმეტეს, თუ ამ საქმიდან ვერაფერს ვიხეირებ პატარა თავგა-  
დასავლის გარდა.“

„სწორი ბრძანებაა. ვერაფერს.“

ჰარდინგმა კამათში კი გაიმარჯვა, მაგრამ ამას არავინ გა-  
უხარებია. მაკმერფი ცერებს ჯიბეებში იყოფს და ცდილობს,  
გაიცინოს.

„არა, ბატონო, მარტო საქველმოქმედო მიზნით ამ ბებერ  
ყვერიგლეჯიას ნაღდად ვერ დავადებ.“

ამ სიტყვებზე ყველას ეღიმება, თუმცა უგულოდ, ნაძალა-  
დევად. მიხარია, ყველაფრის მიუხედავად, მაკმერფი იხტიბარს  
რომ არ იტეხს და არც ისეთ საქმეში გარეგას აპირებს, რასაც  
ვერ მოერევა. თუმცა ისიც ვიცი, ბიჭები რას ფიქრობენ. მაინ-  
ცდამაინც ბედნიერად არც თვითონ ვგრძნობ თავს. მაკმერფი  
ახალ სიგარეტს უკიდებს. ჯერ არავინ შერხეულა, უწინდებურად  
დგანან, უხერხულად იღიმებიან. მაკმერფი ერთხელ კიდევ  
იფხანს ცხვირს და მზერა მწვავეების ერთმანეთს მიტყუპე-  
ბული, გაშტერებული სახეებიდან ისევ მთავარ ექთანზე გადა-  
აქვს, თან ტუჩს იკვნეტს.

„მარა, შენ ამბობ... სანამ ბოლომდე არ ამოგიყვანს ყელში,  
იქ, ზევით, ვერ გაგაგზავნისო, არა? სანამ რამენაირად მოთმი-



ნებიდან არ გამოგიყვანს და ბოლო-ბოლო დედას არ გაგინებინებს, ფანჯრებს არ ჩაგალენინებს ან რამე ეგეთი, არა?”

„დაახლოებით.“

„დარწმუნებული ხარ? ერთი ბუნდოვანი აზრი გამიჩდა, ცოტა-ცოტაროგორ გაგპუტოთ ნინილები და იმიტო გეკითხები. ოღონდ შარი არ მინდა. ერთი სიცოცხლე გავათავე, სანამ იმ მეორე ორმოდან ამოვძვერი; ისე არ მომივიდეს – ვაის გავეყარე და ვუის შევეყარეო.“

„აბსოლუტურად დარწმუნებული. სანამ რამე ისეთს არ ჩაიღენ, რაც ნამდვილად იმსახურებს დასაბმელების განყოფილებაში გადაყვანას ან ემთ-ს, დედიკო ფაქტიურად უძღურია. თუ მაგარი ბიჭი გამოდექი და ბოლომდე არ აყვევი, ვერაფერს გიზამს.“

„მოკლედ, კარგად თუ მოვიქეცი და არ ვაგინე...“

„ან იმას, ან იმის ერთ-ერთ თანაშემწეს.“

„...ან ერთ-ერთ თანაშემწეს თუ არ დავახურე, ან აქაურობას ჩემ გემოზე არ დავუარე, ფეხებსაც ვერ მომჭამს?“

„ამ წესებს ვიცავთ თამაშისას. თუმცა გამარჯვებული, რა თქმა უნდა, მუდამ ის რჩება ხოლმე. მუდამ. იმას ხომ არაფერი ემუქრება, შეუვალია, და რაკი დროც იმის მხარესაა, არსად არ ეჩქარება, ნელ-ნელა ყველას ამოგვიტრიალებს გულ-მუცელს. ამიტომაც ითვლება საავადმყოფოს საუკეთესო ექთნად და ამიტომაც აძლევენ ამდენის უფლებას; მოცახცახე ლიბიდოს საამ-კარაოზე გამოტანის უბადლო ოსტატია...“

„გავარტყი მაგებს. შენ ის მითხარი, რამე თუ მემუქრება, თამაშში რო აყვევ? კრავივით წყნარი და უწყინარი თუ ვიქენი და ფეხქვეშ გავეგე, სხვას ჩემთვის რასაც არ უნდა ვეშმაკობდე, დენს არ შემიერთებს?“

„სანამ თავს იკავებ, არაფერი გემუქრება. სანამ მოთმინებიდან არ გამოდიხარ და მართლა არ აძლევ საბაბს, დასაბმელებში შენი ათრევა მოითხოვოს; ანდა ელექტროშოკის თერაპიული სიკეთეები გამოგინეროს. მანამდე არაფერი გიჭირს. ოღონდ მაგისთვის, უპირველეს ყოვლისა და უმთავრესად, დიდი მოთმი-

ნებაა აუცილებელი. გესმით, მოთმინება! თქვენ კი, მაგ ჟღალი თმისა და შავი პირადი საქმის პატრონს, რისი იმედი უნდა გქონდეთ? თავს ნუ მოიტყუებთ.“

„კარგი. კეთილი.“ მაკმერფი ხელისგულებს ერთმანეთს უხახუნებს. „აი, რას ვფიქრობ! თქვენ, ჩიტუნებო, გგონიათ თქვენი ჩემპიონი გყავთ აქ, არა? მაგარი და – რას ეძახით? – ხო, შეუვალი. მაინტერესებს, მაინც რამდენი ხართ მაგ ამბავში დარწმუნებული და რამდენი გამოხვალთ ფოსტას მაზიანზე?“

„მაგ ამბავში დარწმუნებული?..“

„დიახ, დიახ: რომელს გინდათ, ხუთი დოლარი ამახიოთ, ლამაზებო, აი, გეუბნებით – ამ კვირის ბოლომდე მაგ ჩემის შეუვალს ავაგდებ-მეთქი, ის კიდე ვერ ამაგდებს! ერთ კვირაში თუ სუ „ვაი დედა“ არ ვაძახებინე, რა გინდათ, ნიძლავს თქვენ მოიგებთ.“

„მაგაზე დავნაძლევდეთ?“ ჩესვიკი ჩქარ-ჩქარა ინაცვლებს იატაკზე ფეხებს და ხელებს ზუსტად მაკმერფივით იფშენეტს.

„სწორედ მაგაზე, მოსულა?“

ჰარდინგი და ზოგი სხვაც ამბობენ, ვერაფერი გავიგეთო.

„რა ვერ გაიგეთ? უბრალო ამბავია. დიდი ფილოსოფია არ უნდა. მე თამაში მიყვარს. თამაში და მოგება. ვიცი, ამ თამაშს ასიანი მოვიგებ, გაიგეთ? პენდლტონში ბიჭებს ბოლოს ცენტის დადებაზეც ხელები უკანკალებდათ, ისე გავატყავე ყველანი. უფრო მაგიტომაც გადმოვაყვანინე თქვენთან თავი, ახალ-ახალი არიფები რო მჭირდებოდა. ერთს გეტყვით: სანამ აქ მოვხვდებოდი, წინასწარ რაღაც-რაღაცეები გავიკითხე. თქვენში თითქმის ყველა მეორე კომპენსაციას იღებს – სამას, ოთხას დოლარს თვეში და არაფერში ხარჯავს, მტვერს და ობს აჭმევინებს. ვიფიქრე, იქნება საქმეს მოვკიდო ხელი და თქვენი და საკუთარი ცხოვრებაც ცოტა გავახალისო-მეთქი. თავიდანვე ალაღად გეუბნებით: მოთამაშე ვარ და ნაგება არ მჩვევია. თანაც ჯერ ისეთი ქალი არ შემხვედრია, ჩემზე მაგარ კაცად ჩამეთვალოს, სულერთია, ვიკისრებდი იმასთან თუ ვერა. შეიძლება, დრო იმის მხარეს კი იყოს, მარა მეც კაიხანია სუ მოგებაში ვარ.“

ქუდს იხდის, თითზე იბზრიალებს, ჰაერში აგდებს და მეორე ხელით ოსტატურად, ლამაზად იჭერს ზურგს უკან.

„მეორე ამბავი: აქ იმიტომ ვარ, მე თითონვე რო გავიჩალიჩე გადმოსვლა. უბრალოდ და მარტივად – აქაურობა კოლონიას ჯობია და იმიტომ. როგორც ვიცი, გიჟი არ უნდა ვიყო, ყოველ შემთხვევაში, აქამდე საკუთარ თავს გიჟობა ნაღდად ვერ შევატყე. თქვენმა შეუვალმა ეგ არ იცის; არ ელოდება, ჩემსავით ჩახმახივით მომართული ჭკუა-გონების პატრონი თუ შერჩება ხელში. ჩემი კოზირები მეც ბლომად მაქ. მოკლედ, თუ ერთ კვირაში თავისივე იდაყვები არ დავაკბენინე, თითო ხუთ-ხუთ დოლარს დაირტყამთ, გინდათ, გინდათ, არადა კარგად იყავით.“

„მაინც არა ვარ დარწმუნებული...“

„ეგრეა რა! იდაყვებსაც დავაკბენინებ და გაჩენის დღესაც ვანყევლინებ. კედლებზე გავიყვან. იმდენს ვუზამ, ნაოჭებზე გაირღვეს და ერთხელ მაინც დაგანახებთ, არც ისეთი შეუვალ-გაუვალაია, როგორც თქვენ გგონიათ-მეთქი. ერთ კვირაში. შენ კინებას გაძლევ, იმსაჯო და გადაწყვიტო, მოვიგე თუ ნავაგე.“

ჰარდინგი ფანქარს იღებს და რალაცას წერს პატარა ბლოკნოტში.

„აი, მტვრით შეჭმული ფულიდან ათი დოლარის მინდობილობა ჩემი სახელით, ორი ამდენიც მიღირს იმის ნახვა, როგორ განხორციელდება ეს დაუჯერებელი სასწაული.“

მაკმერფი ბლოკნოტიდან ამოხეულ ფურცელს დასცქერის, მერე კეცავს. „აბა, ბიჭებო, სხვას არავის გიღირთ?“ მწვავეები მწკრივად დგებიან, რიგრიგობით წერენ ბლოკნოტში. წერას რომ ამთავრებენ, ფურცლებს მაკმერფის უწვდიან, ისიც ხელის-გულზე იწყობს, ზევიდან გაუხეშებულ ცერს აფარებს. ვხედავ, როგორ იზრდება დასტა. კმაყოფილი მაკმერფიც დასტას ვერ ამორებს თვალს.

„მანდობთ ხელწერილების შენახვას, ძმებო?“

„მე მგონი, შეგვიძლია მშვიდად ვიყოთ,“ ამბობს ჰარდინგი. „ჯერჯერობით აქედან სხვაგან გადაბარგება არ გემუქრებათ.“

**უ**ობა ღამეა. ზუსტად თორმეტ საათზე ძველ კორპუსში ხმაურით იღება განყოფილების კარი, მსუქანი, წვერებიანი კაცი შემოდის, ყინვისგან თვალების გარშემო ნითელი რკალები ეტყობა და ცხვირიც გააღებლისფრება. შავი ბიჭები დერეფნის ბოლოს, კუთხეში იმწყვდევენ თავიანთი ჯიბის ფარნების სხივებით. ვხედავ, როგორ თავფეხიანად გაბლანდულა ყველა მხრიდან ჩამოკონწიალებულ კილიტებში (ჩვენმა პიარის დიდოსტატმა მორთო და მოგვიკაზმა იქაურობა) და სიბნელეში ნაბიჯის გადადგმასაც ვერ ახერხებს. ფარნების შუქით დაბრმავებული, ჩანითლებულ თვალებზე ხელებს იფარებს და უღვაშს იწუნნის.

„ჰოხ-ჰოხ-ჰოხ,“ ხორხოცებს მსუქანა, „სიამოვნებით დავრჩებოდი თქვენთან, მაგრამ უნდა ვიჩქარო. იცით, ალბათ, რა მკაცრი განრიგი გვაქვს. ჰოხ-ჰოხ. უნდა ვიჩქარო...“

ფარნებიანი ბიჭები უახლოვდებიან. ექვსი წლის მერეღა გაუშვეს ჩვენგან, პირნიინდად გაპარსული და კამფეტივით გალოკილი.

ფოლადის კარში დატანებული ერთ-ერთი დისკოს უბრალო გადატრიალებით მთავარ ექთანს შეუძლია, რა სიჩქარითაც უნდა, იმ სიჩქარით აამუშაოს კედლის საათი – თუ ჩვენი შეფუცხუნება გადაწყვიტა, სიჩქარეს უმატებს ხოლმე და საათის ისრებიც ბორბლის მანებივით ტრიალებენ ციფერბლატზე. ფანჯარა-

ეკრანზე ჩქარ-ჩქარა მიხტიან კადრები – დილა, შუადღე და ღამე, ნათელი და ბნელი თვალის დახამხამებაში ენაცვლება ერთმანეთს და ყველა დამდულრულივით დაქრის, ოღონდ კი როგორმე აუნყოს ფეხი ამ ყალბი დროის დინებას; გიჟურად ირევა ერთმანეთში გაპარსვა, საუზმე, ექიმის დანიშნულებები, სადილი, წამლების მიღება და ათწუთიანი ღამე, როცა ხეირიანად თვალის დახუჭვასაც ვერ ასწრებ და საძინებელი ოთახის სინათლეები უკვე დაგკვივან – ადგომის დროაო. ისევ იწყება ფაცაფუცი, ისევ დანყველილივით უნდა გაიარო იგივე გზა, შეიძლება მთელი დღის განაწესი ოცჯერ ამონურო ერთ საათში, სანამ მთავარი ექთანის არ დარწმუნდება, ყველას ქანცი გაუნყდაო და სიჩქარეს არ შეანელებს, ბოლო-ბოლო არ მოეშვება ციფერბლატის ტრიალს, ცელქი ბავშვივით, კინოპროექტორით რომ ერთობოდა და როგორც იქნა დალალა ბუნებრივზე ათჯერ უფრო სწრაფად გაშვებული ფილმის ყურებამ, მობეზრდა მთელი ეს უაზრო ცუხცუხი, გამაშტერებელ წკავნკავად ქცეულმა ლაპარაკმა ცყურები გაუყურა და მაიმუნობას თავი დაანება.

ასეთი თავბრუდამხვევი სიჩქარეები უფრო მაშინ მოენატრება ხოლმე, როცა, ვთქვათ, სტუმრად აპირებს ვინმე მოსვლას, ანდა როცა ვეტერანების შეხვედრას გადმოცემენ პორტლენდიდან – მოკლედ, ისეთ დროს, როცა კაცს გინდა, ერთიანად მოეშვა და სიამოვნება გაიხანგრძლივო. სწორედ მაშინ შეუბერავს ხოლმე ბოლომდე.

ისე, როგორც წესი, მაინც სხვანაირად ვცხოვრობთ, უფრო ნელა. მკვდარ წერტილში გააქვავებს ხოლმე დისკოს და მზესაც ყინავს ეკრანზე ისე, რომ ერთხელაც ვერ შეიცვალოს ადგილი რამდენიმე კვირა, ფოთოლი ვერ შეთრთოლდეს ხეზე, ბალახის ღერი ვერ შეირხეს მდელოზე. საათის მკვდარ ციფერბლატზე სამს ორი წუთი აკლია, მანამდე შეუძლია ასე გაუნძრევლად დატოვოს ისრები, სანამ საბოლოოდ არ დავჟანგდებით. ზიხარ ერთ ადგილს მიჯაჭვული და ფეხი ვერ მოგიცვლია, ვერც გაივლი, ვერც იმოძრავებ, ცოტა მაინც რომ გამოაცოცხლო ჯდომისგან გახევებული

კუნთები; ნერწყვს ვერ ჩაყლაპავ, ჰაერს ვერ ჩაისუნთქავ... მარტო თვალები შეგიძლია ამოძრაო, არადა, დანახვითაც ვერაფერს დაინახავ ოთახის მეორე ბოლოში გახვეებული მწვავეების გარდა – ერთმანეთს მიჩერებიან და ვერ გადაუნყვეტიათ, ვისი სვლაა. ჩემ გვერდით ექვსი დღის მკვდარი ბებერი ქრონიკული სკამზევე ლპება. ზოგჯერ ნისლის მაგივრად ვენტილატორებში უფერულ ქიმიურ გაზს უშვებს ხოლმე და გაზის პლასტიკად ქცევისთანავე მთელი განყოფილება ერთბაშად მკვრივდება.

მარტო ღმერთმა იცის, რამდენ ხანს ვართ ასე ჰაერში გამოკიდებული.

მერე თანდათანობით ერთი დანაყოფით აბრუნებს დისკოს და ეს კიდე უარესია. მკვდარ უძრაობას უფრო შემიძლია გავუძლო, ვიდრე იმის ყურებას, ბლანტი სიროფივით როგორ მოძრაობს სქანლონის ხელი ოთახის მეორე ბოლოში, სამი დღე უნდება მაგიდაზე კარტის ჩამოსვლას. დიდი ბრძოლის ფასად ვახერხებ და სქელ, პლასტიკურ ჰაერს ვისუნთქავ, ჰაერი თითქოს ნემსის ყუნწის გავლით ჩამდის ფილტვებში. ტუალეტში მიხდა გასვლა, არადა ვგრძნობ, ტონა ქვიშის ქვეშ ვარ ჩამარხული. იქამდე ვკუმშავ შარდის ბუშტს, სანამ შუბლიდან მწვანე ნაპერწკლები არ დამცვივა ტკაცატკუცით.

ყველა კუნთს და სახსარს ვჭიმავ, ოღონდ როგორმე სკამიდან წამოვდგე და ტუალეტამდე მივალწიო, იქამდე ვწვალობ და ვჯახხირობ, სანამ მკლავები და ფეხები არ ამიცახცახდება და კბილები არ ამტკივდება. ვიძაბები, თავს ძალას ვატან, მაგრამ მარტო იმას ვახერხებ, დაახლოებით მეოთხედი გოჯით წამოვიწიო ტყავ-გადაკრული სკამიდან, ბოლოს ისევ სკამზე ვეშვები, ფარ-ხმალს ვყრი და ქვეშ ვიფსამ. მარცხენა ფეხის გაყოლებაზე ცხელი, მლაშე მავთული იმუხტება, ირთვება გამაბითურებელი განგაში, სირენები, ნათურები... ყველა ყვირილით წამოცვენილა და აქეთ-იქით აწყდება, მაღალ-მაღალი შავი ბიჭები ბრბოში მუჯლუგუნებით მოიკვლევენ გზას ჩემკენ, ტყვიანაკრავებივით მოქრიან, თან სპილენძის სველი მავთულების საზარელ ბლუჯებს იქნევენ თავ-

ზემოთ და წყლისგან მოკლედ ჩართული მავთულებიც ტკაცუ-  
ნობენ და ნაპერწკლებს ისვრიან.

დროით ასეთი კონტროლისგან მარტონისლში თუ ვისვენებთ  
ხოლმე; მაშინ დრო უკვე აღარაფერს ნიშნავს. ისიც ისევე იკარ-  
გება ნისლში, როგორც სხვა ყველაფერი (მაკმერფის მოსვლის  
მერე ხეირიანად რაღაც არ დავუნისლივართ. სანაძლეოს დავ-  
დებ, მანქანა დღესაც მთელი ძალით რომ ამეშავებინათ, მაკმერ-  
ფი ხარივით აბლავლდებოდა).

სხვა საინტერესო თუ არაფერი ხდება, ჩვეულებრივ ნისლს  
ან დროით მაიმუნობას ვებრძვით ხოლმე, მაგრამ დღეს, ეტყობა,  
რაღაც მოხდა: მთელი დღეა, გაპარსვის მერე, არც ნისლი გახ-  
სენებია მთავარ ექთანს და არც ციფერბლატის ბზრიალი. ნაშუ-  
ადღევსაც ყველაფერი ბუნებრივი დროით მიედინება ჩვეულ  
კალაპოტში. ხუთის ნახევარზე საღამოს ცვლა რომ ცხადდება  
სამორიგეოდ, საათიც წუთი-წუთში ხუთის ნახევარს აჩვენებს.  
მთავარი ექთანი თავის შავ სამეულს დილამდე უშვებს და ბოლო-  
ჯერ ათვალეირებს განყოფილებას. კეფაზე დაგრანული ტყვი-  
ისფრად ცისფერი თმიდან გრძელ ვერცხლის თმის სამაგრს  
იძრობს, თეთრ ქუდს იხდის, ფრთხილად დებს მუყაოს ყუთში  
(ყუთში ნაფტალინის ბურთულები ყრია) და ხელის მონყვეტილი  
მოძრაობით სამაგრს ისევ თმაში ირჭობს.

შუშის იქით ვხედავ, როგორ ემშვიდობება ყველას. თავის  
შემცვლელს, პატარა, ხალიან ექთანს რაღაც ბარათს უწვდის;  
მერე ფოლადის კარებში დატანებული საკონტროლო დაფისკენ  
იშვერს ხელს და დღის პალატაში რეპროდუქტორი ირთვება:  
„დილამდე, ბიჭებო. ჭკუით იყავით.“ მერე ჩვეულებრივზე მეტად,  
თითქმის ბოლომდე უწევს მუსიკას ხმას. შუშაზე ხელისგულს  
უსვამს; სამორიგეოდ ეს-ესაა მოსულ ჩასუქებულ შავ ბიჭს  
ზიზლიანი მზერით კარნახობს – ჯობია, ამწუთასვე შეუდგე შუ-  
შის წმენდასო – და მართლაც, სანამ მთავარი ექთანი განყოფი-  
ლების კარს ბოლომდე მოიხურავდეს ზურგს უკან, ის უკვე ქა-  
ლადღის ხელსახოცით ებრძვის ლაქას.

კედლებში მექანიზმები უსტვენენ, ოხრავენ, ბრუნვას ანელებენ.

მერე, დალამებამდე, ვვახშმობთ, შხაპს ვივლებთ და ისევ დღის პალატაში ვბრუნდებით. ბებერი ბლასტიკი, ყველაზე ხნიერი ბოსტნეული, მუცელზე იკიდებს ხელს და კვნესის. ჯორჯი (შავი ბიჭები ხან „პუნკიას“ ეძახიან, ხან „წყლის გიჟს“) ჰიგიენურ შადრევანში იბანს ხელებს. რამდენიმე მწვავე კარტის სათამაშოდ დამჯდარა, დანარჩენები ტელევიზორს ეომებიან – მთელ ოთახში, სადამდეც ზონარი მიწვდება, აქეთ-იქით დაატარებენ წესიერი გამოსახულების დასაჭერად.

ჭერიდან ჯერაც გვაყრუებენ მუსიკით რეპროდუქტორები. სხვა ტალღაზე მომართულებს, კედლებში ჩამონტაჟებული მექანიზმები მუშაობაში ხელს არ უშლიან. მუსიკა მაგნიტოფონზეა ჩანერილი, უსასრულოდ გრძელ ფირზე და უკვე ყველამ ისე კარგად დავიზეპირეთ, ახალმოსული მაკმერფის გარდა ყურს აღარავინ უგდებს. ის ჯერ არ შეჩვევია. სიგარეტზე თამაშობს „ოცდაერთს“, ზუსტად რეპროდუქტორის ქვეშ ზის. ქუდი შუბლზე ჩამოუფხატია, კარტში ჩასახედად მაგრად უნდა გადანოს თავი უკან. სიგარეტი კბილებით უჭირავს და ისე ლაპარაკობს, აუქციონერივით, დაღეზში რომ ვნახე ერთხელ საქონლის ბაზრობაზე.

„ჰე, ჰე, ჰე, აბა მოდი, ჯიგრებო,“ ხმამაღლა, სწრაფად ისვრის სიტყვებს. „გელოდებით, ჩიტუნებო, ერთიც თუ გეყოფა? ერთიც? კეთილი, კეთილი, ბატონო ჩემო, ბაბუა მოგეცი და კიდე გინდა... იცის ბიჭმა თავის საქმე და რას ერჩი?! არ გაგიმართლა გოგონამ, არ უნდა ენდო ამ ბოზანდარებს, ხო ხედავ, გილალატა, იჯექი ეხლა და მიყურე! ესეც შენ, სქანლონ. ნეტა ვინმე იდიოტმა მოიფიქროს და ექთნის სათბურში იმ ბანძ მუსიკას ჩაუწიოს! გახვრიტა ყური. ეგ რა, ოცდაოთხი საათი ეგრე უბერავს, ჰარდინგ? ცხოვრებაში არ მომისმენია ამისთანა რახარუხი, წაიღო რა ტრაკის ტვინი...“

ჰარდინგი უაზროდ უყურებს. „მაინც რა ხმაურს უჩივით, მისტერ მაკმერფი?“



„ამ სირულ რადიოს. ჩემი კარგი... დილიდან არ გაჩერებულა. შენც რას მეკაიფები, ვითომ არ გესმის, არა?“

ჰარდინგი რეპროდუქტორისკენ იგრძელებს კისერს. „ახ, ეგრეთ წოდებულ მუსიკაზე ბრძანებთ? დიახ, რა თქმა უნდა, გვესმის, თუკი გულისყურს მოვიკრებთ, მაგრამ ეგრე კაცს საკუთარი გულისცემაც ესმის, ძალიან თუ დაიძაბა.“ ჰარდინგი მაკმერფის უღიმის. „ეს რადიო არ გახლავთ, ჩემო მეგობარო, მაგნიტოფონის ჩანანერს უკრავენ. რადიოს იშვიათად ვუსმენთ ხოლმე. თერაპიული თვალსაზრისით, მსოფლიო სიახლეების გაგებამ ჩვენზე შეიძლება უარყოფითად იმოქმედოს. ეს ჩანანერი კი უკვე იმდენჯერ მოვისმინეთ, ახლა უბრალოდ სმენას აღარ გვიღიზიანებს. სხვათა შორის, სწორედ ასე ერგევა ხმაურს ჩანჩქერთან ახლოს მცხოვრები ხალხიც. როგორ ფიქრობთ, ჩანჩქერთან რომ ცხოვრობდეთ, დიდხანს შეგანუხებდათ მისი ხმა?“

(ჯერაც ყურში მიდგას წყლის ვარდნის ხმა ქალამბიაზე, ყოველთვის გავიგონებ კიდეც და არც არასდროს შემანუხებს... მესმის, როგორ დასცა ყიჟინა დათვის ფაშვმა ჩარლიმ, როცა წამახული ბარჯი ჩაასო დიდ ჩაინუკს, წყალში თევზის ფართხალიც მესმის, ტიტლიკანა ბავშვების ყრიაშული ნაპირზე, მრეცხავი ქალების სიცილი... შორეული, დიდი ხნის წინანდელი).

„და ჩანჩქერივით ეგეც არასდროს არ ჩუმდება?“ კითხულობს მაკმერფი.

„ჩუმდება, როცა გვძინავს,“ ამბობს ჩესვიკი. „სხვა დროს კი მართლა გაუჩერებლად უკრავს.“

„აი, ეგლა აკლდა ჩემ ბედნიერებას. ეხლა მივალ, იმ ტარაკანას ვეტყვი გამორთოს, თუ არადა, მაგრა მოხვდება ჩასუქებულ ტაკუნებზე!“

მაკმერფი წამოდგომას აპირებს, მაგრამ ჰარდინგი მკლავზე კიდებს ხელს: „მეგობარო, მსგავსი შინაარსის განცხადება სავსებით საკმარისია პაციენტის აგრესიულად ჩასათვლელად. დავიჯერო, ასე გულით გინდათ ნაძლევის წაგება?“

მაკმერფი ჰარდინგს უყურებს. „ნახე, როგორ ქონიათ დაყენებული საქმე! პრესინგს გვთავაზობენ მთელ მოედანზე? ბოლომდე შეყავთ?“

„დაახლოებით.“

მაკმერფი მძიმე-მძიმედ ისევ სკამზე ეშვება და – ნეხვის ჭიებიო – ამბობს ჩუმად.

ჰარდინგი გამარჯვებული სახით უყურებს მაგიდის გარშემო მჯდომ მწვანეებს. „ბატონებო, უკვე ვამჩნევ, რა სამარცხვინოდ ირყევა ჩვენი წითური ყოჩის, ჩვენი ეკრანული კოვბოის სტოიციზმის საფუძვლები.“

თან მაკმერფის უღიმის, ისიც თავს უქნევს, მერე, უკან თავგადაგდებული, თვალს უკრავს და ცერა თითს ილოკავს. „კეთილი, ჩემო ბატონო, პატივცემული პრაფესორი ჰარდინგი ისე ჭიკჭიკებს, ეტყობა, გული მიეცა. ერთი-ორი ხელი მოიგო და მაგარი ჭკუისკოლოფი გონია თავი. კეთილი, კეთილი... აი, ორიანი ამოუტრიალებია, ესეც „მარლბოროს“ კოლოფი, როგორც მესმის, ჩვენი ჭკუისკოლოფი აგრძელებს... რაშია საქმე? შემეშალა? თქვენც შემოდინხართ? კაი ბიჭი! აი, პრაფესორს სამიანი, კიდევ ნებავს? ნებავს და ესეც კიდევ ერთი ორიანი, ხუთის მოგროვება გინდოდათ, პრაფესორო? იქნება გაგეორმაგებინათ ბანკი, თუ წყნარად გააგრძელებთ თამაშს? მეორე კოლოფი გვაუნყებს, არაფერსაც არ გააორმაგებსო. რა ვუყოთ მერე?! პრაფესორი ასწორებს, ყველაფერი გასაგებია, ფინთათაა საქმე, ერთი პატარა გოგოცუნაც და ჩვენი პრაფესორი ჩაინვა...“

რეპროდუქტორი ახალ სიმღერას იწყებს, უფრო ხმამაღალს და ჟღერიალას, აკორდეონით ზედმეტად გადატვირთულს. მაკმერფი რეპროდუქტორს ასცქერის და იმის ჯინაზე, თვითონაც სულ უფრო და უფრო ხმამაღლა ყაყანებს.

„ჰე, ჰე, ჰე, ო'კეი, აბა შემდეგი, დაგწყევლოთ გამჩენმა, ან შემოდი, ან გაიარ-გამოიარე... ეს შენ...“

ათის ნახევრამდე გრძელდება ასე, სანამ შუქს არ ჩააქრობენ.

მთელი ღამე არ მომბეზრდებოდა მაკმერფის თამაშის ცქერა, სიამოვნებით ვუყურებდი, როგორ არიგებდა, როგორ ლაქ-ლაქებდა, ნელ-ნელა როგორ იტყუებდა პარტნიორებს, როგორ მიყავდა იქამდე, ყველანი მზად იყვნენ, თამაშისთვის მიეფურ-თხებინათ, მერე ერთ ან ორ ხელს აგებდა – არიფებისთვის მადა რომ გაელვიძებინა და ისევ ეშხში შეეყვანა. ერთხელ სიგარეტის მოსანევად შეისვენა, სკამის ზურგზე გადანვა, ხელები კეფაზე შემოიჭდო და ბიჭებს უთხრა: „მაგარ მოთამაშედ მაშინ ჩაით-ვლები, როცა გამოიცნობ, რა უნდა არიფს და თან იმასაც აფიქ-რებინებ, ჩემსას ვალწევო. ერთი წელი მოხეტიალე ატრაქციონებ-ზე ვიმუშავე და მაშინ მივხვდი. მოვა ვინმე არიფი, ერთს შეხედავ, უკვე მოხარშულს იცნობ და შენთვის ფიქრობ – აი, ამ ქინძს უნდა მაგარ ბიჭად იგრძნოს თავიო. ყოველ ჯერზე, როცა აჯობებ, ის კიდე გიბღვერს და თვალებით გჭამს, შენ ვითომ შიშისგან შარ-ვალში იფსამ, გაპარული ხმით ეხვენები – ძაან გთხოვთ, სერ, გულთან არ მიიტანოთ. მოდის ეს ოხერი კარტი დარა ვქნაო. ხოდა, ისიც კმაყოფილია, ბოლო-ბოლო ორივე მართლა იმას იღებთ, რასაც ეძებდით.“

მაკმერფი წინ იხრება, სკამის ფეხებს ხმაურით აბჯენს იატაკს. მერე ისევ ბანქოს დასტას იღებს, ცერით ატკაცუნებს, გვერდულად აკაკუნებს მაგიდაზე და ცერს და საჩვენებელ თითს ილოკავს.

„თქვენ რაც შეგეხებათ, არიფებო, თქვენ, როგორც შე-გატყეთ, გასალიზიანებლად დიდი ბანკი გჭირდებათ. აჰა, ამ დარიგებაზე ათ კოლოფს ჩამოვდივარ. ჰე, ჰე, ჰე, ვინყებთ, წავიდა, ვისაც ეშინია – თვალები დახუჭოს!“

თავს უკან აგდებს და ხმამალა იცინის, სანამ ბიჭები ჩქარ-ჩქარა, ფაცაფუცით ჩამოდიან თავიანთ ფსონს.

ეს სიცილი მთელი საღამო ეხლებოდა პალატის კედლებს. ყოველთვის, როცა არიგებდა და თან გაუჩერებლად შაყრობდა და ლაყბობდა, ცდილობდა დანარჩენებიც აეყოლიებინა. იმათ კი ეშინოდათ, ვერ ბედავდნენ, ცოტათი მაინც მოღუნებუ-

ლიყვნენ და მოშვებულიყვნენ. დიდი ხნის წინ გადაეჩვივნენ ამ ყველაფერს. ბოლოს მაკმერფიმაც ჩაიქნია ხელი და სერიოზულად შეუდგა თამაშს. ერთი-ორჯერ მოუგეს ბანკი, მაგრამ წაგებულს მალევე იბრუნებდა უკან და თანდათანობით სიგარეტის კოლოფების უშველებელი პირამიდები აიშენა წინ.

მერე, დაძინების დრო რომ მოახლოვდა, წაგება დაიწყო, ყველაფერი ისევ ჩვენებს მოაგებინა და თან ისე სწრაფად, წაგება აღარავის ახსოვდა. აი, უკანასკნელ ორ ღერსაც აბარებს მოგებულს, დასტას მაგიდაზე დებს, ოხვრით სკამის ზურგს ეყუდება და ქუდსაც იწევს შუბლიდან – თამაში დამთავრებულია.

„კეთილი, ბატონებო. როგორც იტყვიან – ცოტა მოვიგე, დანარჩენი წავაგე.“ სევდიანად აქნევს თავს. „ვერაფერი გამიგია – „ოცდაერთში“ ყოველთვის კერკეტი კაკალი ვიყავი, მარა თქვენ, ჩიტუნებო, ეტყობა, ჩემთვის ნამეტანი ეშმაკები ბრძანდებით. რალაც სხვანაირი ჯიგრით თამაშობთ, თქვენნაირ ყისმათებს კაცი მარტო ნაღდ ფულზე უნდა ეთამაშოს. ერთი სული მაქ, ხვალინდელი დილა როდის გათენდება.“

არა მგონია, თავს იტყუებდეს, აქაოდა მართლა დამიჯერებენო. ძალით მოაგებინა და ვინც თამაშს ვუყურებდით, ყველამ მშვენივრად ვიცით. თვითონ მოთამაშებმაც იციან. არადა იმათში, ვინც ორ-ორი ხელით ითრევს თავისკენ სიგარეტებს – სინამდვილეში მოგებულს კი არა, საკუთარს, უბრალოდ უკან დაბრუნებულს – ერთიც არაა ისეთი, სახე ეშმაკურად არ უცინოდეს და მთელ მისისიპის შტატში ყველაზე შებერტყილ ყომარბაზად არ მიაჩნდეს თავი.

ლამის მორიგე, ჩასუქებული შავი ბიჭი და იმისი მენყვილე, გივერი, დღის პალატიდან გვერეკებიან და შუქების ჩაქრობას იწყებენ ჯაჭვზე ჩამოკონწიალებული ციცქნა გასალებებით. რაც უფრო მეტად ბინდდება და ბნელდება განყოფილებაში, მით უფრო უდიდდება და უელავს თვალები პატარა, ხალიან ექთანს სამორიგეოში. შუშის სამორიგეოს კართან დგას, ღამე დასალეე აბებს უწვდის რიგში ჩამდგარ პაციენტებს და დიდი გასაჭირიც

ადგას, არ უნდა შეეშალოს, ვინ რითი მოწამლოს ამაღამ. არც უყურებს, სად ასხამს წყალს. ყურადღება კი სწორედ იმ წითურმა ახალმა გაუფანტა, საშინელი ქუდი რომ ახურავს და საზარელი იარა უმახინჯებს სახეს, სწორედ ის უახლოვდება. მას მერე არ მოუშორებია თვალი, რაც მაკმერფიმ კარტის თამაში მოათავა და სხვებთან ერთად ჩადგა რიგში. ახლა დაკოჟრილი თითებით პატიმრის პერანგის გაღვლილი საკინძიდან ამოჩრილ თმის წითელ ბლუჯას ინვალებს და დამფრთხალი ექთანიც უკან-უკან ინევს, ვხვდები, ეტყობა, მთავარმა ექთანმა გააფრთხილა წინასწარ მაკმერფის შესახებ. „ჰო, და კიდევ, მის ფილბოუ! სანამ ამდამინდელ საქმეებს გადაიბარებდეთ, ერთიც უნდა გითხრათ: ეგ ახალმოსული, აგერ, იქ რომ ზის, წითურ ბაკენბარდებიანი და სახედალადრული ყბედი – ჩემი ღრმა რწმენით, სექსუალური მანიაკი უნდა იყოს, ყველა საფუძველი გამაჩნია ამის სათქმელად.“

მაკმერფიც ამჩნევს, რა შეშინებული მიჩერებია თვალებდაყვლეპილი ექთანი, სამორიგეოს კარებში თავს ყოფს და, მთელი არსებით გაცნობის სურვილის გამომხატველი, გულიანად, მეგობრულად უღიმის. ეს ღიმილი ექთანს იმდენად აბნევს, წყლით სავსე გრაფინი უვარდება ხელიდან. ყვირის და ცალ ფეხზე ხტუნავს, თან ხელებს ასავსავებს. ჩემთვის მოსაცემი აბი პატარა ფინჯნიდან უხტება და პირდაპირ ხალათის საკინძეში უვარდება – ზუსტად იქ, საიდანაც ის ხალი ღვინის ნაკადულივით ჩარბის დაბლობისკენ.

„ნება მომეცით, მოგეხმაროთ, ქალბატონო.“ მაკმერფი სამორიგეოს კარებში ყოფს უმი ხორცისფერ, ნაიარევ და მოსვირინგებულ ტორს.

„ფეხი არ მოიცვალოთ მაქედან! ჩემთან ერთად განყოფილებაში კიდევ ორი სანიტარია!“

შავი ბიჭებისკენ გაურბის თვალი, მაგრამ ისინი სანოლებზე ქრონიკულების დაბმით არიან დაკავებულები, სწრაფად მორბენას ვერ მოასწრებენ. მაკმერფი ილიმება და ხელის მტევანს

აქეთ-იქით აბრუნებს – დანა არ მიჭირავსო, უჩვენებს ექთანს. ის კი მარტო ცვილისფერი, გლუვი, გაქვავებული ხელისგულიდან არეკლილ შუქს ხედავს.

„მის, მე უბრალოდ მინდოდა...“

„არ გაბედოთ ფეხის შემოდგმა! პაციენტებს აქ შემოსვლის უფლება არა აქვთ... ოხ, გაჩერდით-მეთქი, მე კათოლიკე ვარ!“ ლონივრად ექაჩება კისერზე ჩამოკიდებულ ოქროს ძეწკვს და ძუძუებშორის მომწყვდეული ჯვარიც ზევით მოფრინავს დაკარგულ აბთან ერთად! მაკმერფი ჰაერში, ზუსტად ექთნის ცხვირწინ კრავს მუშტს. ექთანი კივის, ჯვარს პირში იჩრის და თვალებს მაგრად ხუჭავს, თითქოს დარტყმას ელოდება; ასე დგას, მიტკალივით გაფითრებული თავფეხიანად, ხალის გარდა – ხალი, პირიქით, უფრო მუქდება, ვიდრე ოდესმე, თითქოს მთელი დანარჩენი სხეულიდან შეუნოვია სისხლი. როცა ბოლოს და ბოლოს ისევ ბედავს თვალის გახელას, თვალწინ სწორედ გაქვავებულ ხელისგულს ხედავს, ზედ ჩემი პატარა, წითელი კაფსულა დევს.

„...ეს სარწყავი ამელო, ხელიდან რო გაგივარდათ.“ მაკმერფის მეორე ხელში გრაფინი უჭირავს.

ექთანი ხმაურით სუნთქავს, შიშინით. მაკმერფის გრაფინს ართმევს და ისიც სამორიგეოდან გამოდის. „მადლობა და ღამე მშვიდობის, ღამე მშვიდობის...“ რიგში მაკმერფის უკან მოჩლატუნე პაციენტის ცხვირწინ კეტავს კარს, ამაღამ აბები აღარ იქნება.

საძინებელ ოთახში მაკმერფი აბს ჩემს საწოლზე ავდებს. „არ გინდა შენი შაქარყინული, ბელადო?“

აბის დანახვაზე უარით ვაქნევ თავს და მაკმერფიც ნკიპურტით ისვრის საწოლიდან, როგორც აბეზარ ხოჭოს. აბი იატაკზე მიხტუნავს და კალიასავით მიტკაცუნობს. მაკმერფი დასაწოლად ემზადება, ტანისამოსს იხდის. პატიმრის შარვლის ქვეშ ნახშირივით შავი სატინის შორტები აცვია, დიდი თეთრი, წითელთვალეა ვეშაპები ახატია ზედ. ამჩნევს, იმის შორტებს

რომ ვუყურებ და ელიმება. „ერთმა ორეგონის უნივერსტეტელმა ნაშამ დამიადა, ბელადო, ლიტერატურის ფაკულტეტის სტუდენტმა.“ ელასტიკურ რეზინს ცერით იტკაცუნებს მუცელზე. „სიმბოლო ხარ და იმიტო გჩუქნიო.“

მკლავებიც და კისერიც სახესავით მზით გარუჯვია, ხვეული, ნარინჯისფერი თმით დაფარვია. ლონიერი ბეჭები მოსვირინგებული აქვს. ცალ ბეჭზე „ტყავის საყელოები“ აწერია, თან წითელთვალეა, წითელრქებიანი ეშმაკიც და M-1 შაშხანაც მიუხატია, მეორეზე – პოკერის გადაშლილი კომბინაცია: ტუზები და რვიანები. დახვეულ ტანსაცმელს ლამის ტუმბაზე დებს ჩემი სანოლის გვერდით და ბალიშის გაფუებას იწყებს. ჩემ მეზობლად მიუჩინეს ადგილი.

მერე წვება და მეუბნება, ჯობია, შენც წაუპლაცკარტო, თორე შავი ბიჭი მოდის შუქის ჩასაქრობადო. თავს ვატრიალებ და მართლა ვხედავ გივერს, ფეხსაცმელს ვიხდი და ვწვები სწორედ იმ დროს, როცა გივერი ზენრების გადასაჭერად მიახლოვდება. ამ საქმეს რომ ამთავრებს, უკანასკნელად ათვალიერებს საძინებელ ოთახს, ხითხითებს და შუქს აქრობს.

ექთნების სამორიგეოდან მომავალი, დერეფანში მობნეული შუქის თეთრ ფხვნილს თუ არ ჩავთვლით, საძინებელი ოთახი მთლად ჩაბნელებულია. მარტო მაკმერფის სილუეტს ვარჩევ ჩემ გვერდით, ღრმად და თანაბრად სუნთქავს, საბანი გამოზომილად ადი-ჩადის. მერე, ნელ-ნელა, სუნთქვა კიდევ უფრო უმშვიდდება და ვხვდები, დაუძინია-მეთქი. უცებ იმისი სანოლის მხრიდან ჩუმი, ხორხისმიერი, ცხენის ხვიხვინივით ხმა მესმის. თურმე ჯერაც ღვიძავს და თავისთვის იცინის რაღაცაზე.

მალევე წყნარდება და ჩურჩულებს: „ისე, მაგრა კი შეხტი, აი, შავი მოდის-მეთქი, რო გითხარი. არადა, ბელადო, მგონი, შენზე თქვეს – ყრუაო.“

**ღ**იდი, ძალიან დიდი ხნის მერე პირველად დავწექი წითელი აბის ჩაუყლაპავად (როცა წამლების მიღებისას დამალვას ვცდილობ, როგორმე ჩემს წილ შხამს რომ გადავურჩე, ხალიანი ლამის ექთანი გივერს აგ ზავნის ხოლმე ჩემ მოსაძებნად. ისიც თავისი ფარნის სხივით მიჭერს და იქამდე ვყავარ კუთხეში მიმწყვდეული, სანამ ექთანი შპრიცს გაამზადებს) და როცა ფარან-მომარჯვებული შავი ბიჭი გვერდით ჩამივლის, დიდი მონდომებით ვიმძინარებ თავს.

წითელი აბი უბრალოდ კი არ გაძინებს, ძილით გადამბლავებს და მერე მთელი ღამე აღარ გაგედვიძება, სულერთია, რაც უნდა მოხდეს ირგვლივ. ამიტომაც მაძალებს პერსონალი წამალს; ძველ კორპუსში ზოგჯერ ღამლამობით მეღვიძებოდა და ვხედავდი, რა საზიზღრობებს უშვრებოდნენ მძინარე პაციენტებს.

გაუნძრევლად ვწევარ და ვცდილობ, სუნთქვაც შევიკავო, ვიცდი, მინდა ვნახო, მოხდება რამე თუ არა. კუნაპეტი სიბნელეა და მესმის, როგორ დაცაცუნებენ აქეთ-იქით თავიანთი რეზინის-ძირიანი ფეხსაცმელებით, ორჯერ საძინებელ ოთახშიც იჭყიტებიან, თავზე გადაგვატარ-გადმოგვატარებენ ფარნების შუქს. თვალს არ ვახელ, თუმცა არ მძინავს. დასაბმელების განყოფილებიდან მოთქმა მესმის – ვუუუ, ვუუუ, ვუუუ... ეტყობა, ვილაცას მავთულები შეუერთეს კოდური სიგნალების მისაღებად.

„რა გაიყვანს, შეჩემა, ამსიგრძე ღამეს ულუდოდ,“ ეჩურჩუ-



ლება ერთი შავი ჯეელი მეორეს. რეზინისძირიანი ფეხსაცმელები სამორიგეოსკენ მიწკმუტუნებენ, მაცივარი იქ დგას. „გიყვარს ლუდი, ხალიანო? გრძელ ღამეში?“

დასაბმელებში ბიჭი ჩუმდება. კედლებში დატანებული მონყობილობების ხმდაბალი ღმუილიც თანდათან უფრო სუსტდება, მერე საბოლოოდ წყდება. მთელ საავადმყოფოში არავითარი ხმა აღარ ისმის ბუნდოვანი, მონოტონური, ყრუ დგანდგარის გარდა. სადღაც ქვემოდან, შენობის სიღრმიდან მოდის, ადრე არასდროს გამიგონია. ასეთ ხმას მარტო ჰიდროელექტროსადგურის კაშხლის წვერზე შუალამისას მდგომი თუ გაიგონებ. დაგუბებული, მოუთოკავი, სასტიკი ძალა იგრძნობა ხმაში.

ჩასუქებული შავი ბიჭი დერეფანში დგას. კარგად ვხედავ, თვალებს აქეთ-იქით აცეცებს და ხითხითებს. საძინებელი ოთახის კარებისკენ მოდის ნელ-ნელა, სველ, ნაცრისფერ ხელისგულებს ილღიებში იმშრალებს. იმის სპილოსავით ვეებერთელა ჩრდილს ექთნების სამორიგეოს შუქი საძინებელი ოთახის კედელს ახლის, რაც უფრო უახლოვდება კარს, ჩრდილიც პატარავდება, შავი ბიჭი ოთახში იხედება. ისევ ხითხითებს, კარის გვერდით დამცველების ჩაკეტილ კარადას ალებს და ხელს შიგ ყოფს. „კარგია პატარებო, ღრმა ძილით იძინეთ.“

კარადაში რაღაცას ატრიალებს და იატაკიც ქვევით მიცურავს, ნელ-ნელა შორდება კართან დარჩენილ შავ ბიჭს და მარცვლეულის ელევატორის პლატფორმასავით დაბლა ეშვება.

იატაკის გარდა სხვა არაფერი იძვრის ადგილიდან. კედლებს, კარებს, ფანჯრებს ვწყდებით და ჯოჯოხეთური სისწრაფით მივექანებით – საწოლებიანად, ღამის ტუმბებიანად და საერთოდ ყველაფრიანად. მექანიზმები – ეტყობა, შახტის ოთხივე კუთხეში დატანებული კბილანები და მუხლუხოები – სამარისებურ სიჩუმემდეა დახეთილი. მარტო ბიჭების ფშვინვა მესმის და ის ბაგაბუგი ქვევიდან, სულ უფრო და უფრო რომ ძლიერდება, რაც უფრო მეტად ვეშვებით. საძინებელი ოთახის კარში შემომავალი შუქი – სადღაც შორს, ზევით, ხუთასი ნაბიჯის იქით დარჩენილი – პა-

ტარა ლაქადაა ქცეული და ეს ლაქა მკრთალ ფხვნილს აფრქვევს შახტის ოთხკუთხა ხახას. შუქი სულ უფრო მკრთალდება, სანამ შორეული კივილის ექო – „შეჩერდით!“ – ხათქახუთქით არ ჩამო-  
უყვება შახტის კედლებს და მთლად არ დაბნელდება.

იატაკი რალაც მყარ ფსკერს აღწევს და მსუბუქი თრთოლვით ჩერდება. უკუნეთი სიბნელეა, ზენრის მარნუხები სულს მიხუ-  
თავს. ზენრის გახსნას ვაპირებ და სწორედ ამ დროს სუსტი ბიძ-  
გით იატაკი წინ გასრიალდება. ალბათ რამე გორგოლაჭებზე დგას,  
თუმცა გორგოლაჭების ხმა არ მესმის. აღარ მესმის არც მძინარე  
ბიჭების სუნთქვა და უცებ ვხვდები, როგორ გადაფარა და ჩაახშო  
თანდათანობით სხვა ყველაფერი იმ დგანდგარმა. ეტყობა, უკვე  
მთლად იმის გულისგულში უნდა ვიყოთ. ერთხელაც ვეჯჯგუ-  
რები ტანზე გადაჭერილ დანყველილ ზენარს და თითქმის ვიხსნი  
კიდევ, როცა ახლა მთელი კედელი ასრიალდება ზევით: უთვალა-  
ვი მანქანა-მექანიზმით გადაჭედულ ოთახს ვხედავ, ბოლო არ  
უჩანს ამათ რიგებს, მანქანებს შორის ოფლიანი, ნელზევით შიშ-  
ველი კაცები დაქრიან, აღმა-დაღმა დარბიან ვინრო კიბეებზე,  
ასობით ბრძმედიდან გამოვარდნილი ცეცხლის შუქზე უაზრო,  
გათიშული სახეები ულაპლაპებთ.

ეს ყველაფერი – რასაც ვხედავ – მარტო ხმით კი არა, შესახე-  
დადაც უზარმაზარი კაშხლის შიგანს გავს. სპილენძის დიდი  
მილები ზევით, სიბნელეში, უჩინარდებიან. მავთულები უხილავი  
ტრანსფორმატორებისკენ გარბიან. ზეთი და წიდა აკვრია ყვე-  
ლაფერს, ნითლად და ნახშირისფრად დალაქულა შემაერთებელი  
ქუროებიც, ძრავებიც, დინამოებიც...

ყველა მუშა ერთნაირად მოძრაობს, სწრაფად, განაფულად,  
მსუბუქი, ნარნარი ბიძგებით. არავინ ფაციფუცობს. მარტო წამით  
თუ შეჩერდება რომელიმე, ციფერბლატს გადაატრიალებს, ლი-  
ლაკს თითს დააჭერს, ჩამრთველის ბერკეტს ასწევს, კონტაქტის-  
გან გაყრილ ნაპერწკლებს სახეს აარიდებს და ისევ გარბის,  
ფოლადის საფეხურებს აათავებს და რკინის ოღროჩოღრო, ვინრო  
ბაქანს გაუყვება – მუშები ისე სწრაფად და ისე ახლოს ჩაურბენენ

ხოლმე ერთმანეთს, წყალზე ორაგულის კუდის თხლაშუნივით ისმის იმათი ფერდების შეხლა-შემოხლა; ისევ ის მუშა მერე სხვაგან ჩერდება, სულ ერთი წამით, ახლა სხვა ჩამრთველს გააყრევიანებს ნაპერწკლებს და სირბილით აგრძელებს გზას. საითაც გაიხედავ, ყველგან იგივე სურათია – მორბენალი მუშების აღმურმოდებული, თოჯინებივით გაშტერებული სახეები კრებიან ოთხივე მხარეს.

ერთ-ერთ მუშას, ეტყობა, სირბილშივე მოერია ძილი, თვალები დაეხუჭა, ფეხი აერია და ძირს გაიშხლართა; ორმა ამხანაგმა, იმის გვერდით რომ მირბოდნენ, ხელი დასტაცა და ნაბიჯის შეუნელებლად, სირბილშივე გვერდულად შეუძახა ლუმელში. ლუმელმა ხვნეშით ამოაფურთხა ცეცხლის ბურთი, გავიგონე, როგორ გასკდა ერთბაშად მილიონი რადიონათურა, თითქოს სპილოების ჯოგმა ცერცვის მინდორს გადაურბინაო. ეს ხმაც დანარჩენი მანქანების ზუზუნსა და ჟღერიალში ირევა.

ყველაფერს თავისებური რიტმი ახლავს, ქუხილის პულსაციისმაგვარი.

საძინებლის იატაკი კიდევ უფრო წინ მისრიალებს, შახტიდან პირდაპირ მანქანებიანი საამქროსკენ. მაშინვე ვამჩნევ, რა დაგვცქერის ზევიდან – ზუსტად ისეთი, ლიანდაგზე შეყენებული გორგოლაჭები, სასაკლაოზე გატყავებულ-გამოშიგნული საქონლის მაცივრიდან ყასბამდე უდავიდარაბოდ მისატანად რომ ხმარობენ ხოლმე. ორი, შავ შარვლებში, სახელოებაკაპინებულ, თეთრ პერანგებში და ვინრო, შავ ჰალსტუხებში გამონკეპილი ტიპი თუჯის კიბიდან ჩვენი სანოლებისკენ გადმოხრილა, საუბრისას ხელებით ანიშნებენ ერთმანეთს რალაცას, წითლად ხაზავენ ჰაერს გრძელ მუნდშტუკებში გარჭობილი სიგარეტებით. კი ლაპარაკობენ, მაგრამ რიტმულ ხმაურში იმათ სიტყვებს ვერ ვარჩევ. ერთ-ერთი თითებს ატკაცუნებს, უახლოესი მუშა სირბილშივე, მონყევით ტრიალდება და მისკენ მიიჩქარის. ტიპი თავისი მუნდშტუკით ქვევით, რომელიღაც სანოლისკენ უთითებს. მუშა კიბეზე ჩამოვობის და ჩვენკენ აღერებს თავს, ცოტა ხნით თვალს

ეფარება, ორ ვეებერთელა, კარტოფილის სანყობისოდენა ტრანსფორმატორს შორის უჩინარდება. როცა ისევე ვხედავ, უკვე სქელ ჯაჭვზე დაკიდებულ კაუჭს მოაგორებს ქერში გადებულ ლიანდაგზე და გოლიათური ნაბიჯებით მოიწვეს წინ. გვერდით ჩამივლის და რომელიღაც მოგუგუნე ლუმლიდან უეცრად გამოვარდნილი ცეცხლის ალიც სწორედ ამ დროს უნათებს სახეს – საკმაოდ სიმპათიურს, მკაცრს, ცვილის ნიღბისნაირს, არაფრის მდომელს. ადრეც მინახავს მილიონი ასეთი სახე.

ბებერი ბოსტნეული ბლასტიკის საწოლთან მიდის და ქუსლში ავლებს საცოდავს ხელს, მაღლა სწევს, თითქოს ბლასტიკს საერთოდ არ ჰქონდეს წონა, მეორე ხელით კაუჭს უყრის ქუსლის მყესში და ჩვენი ბებერიც თავდაყირა ფართხალებს ჰაერში, ობმოდებული სახე გაბერვია და გადიდება, დაფეთებულ თვალებში უსიტყვო შიში ჩადგომია. იქამდე იქნევს ორივე ხელს და თავისუფალ ფეხს, სანამ პიჟამის კალთები თავზე არ ჩამოეფარება. მუშა კალთებს ბლუჯავს, ჭმუჭნის, ტომრის პირივით კრავს, მერე ხმაურით მიაგორებს გორგოლაჭებს ლიანდაგზე კიბის ბაქნისკენ და თეთრპერანგებიან ტიპებს ასცქერის. ერთ-ერთი ქამარზე ჩამოკიდებული ბუდიდან სკალპელს იღებს. სკალპელი ჯაჭვზეა მიდუღებული. ტიპი სკალპელს მუშას უწვდის, ჯაჭვის ბოლოს კი მოაჯირზე ახვევს – შეიარაღებულმა მუშამ გაქცევა რომ ვერ მოახერხოს.

მუშა სკალპელს ართმევს, ერთი მოძრაობით უსერავს გულმკერდს ბებერ ბლასტიკს და ისიც მაშინვე წყვეტს ფართხალს. ვუცდი, საცაა გული წამივა-მეთქი, მაგრამ ბლასტიკს ჭრილობიდან არც სისხლი სდის და არც ნანლავები უცვივა – მარტო ჟანგის და ნაცრის ჭავლი იფრქვევა, შიგადაშიგ მავთულის ნაკუნები და შუშის ნამსხვრევები. მუშა უკვე მუხლამდე რაღაც ხენჯისმაგვარ გროვაში დგას.

კიდევ ერთმა ლუმელმა დაალო ხახა, ვიღაც ალოკა ცეცხლის ენით.

ვფიქრობ წამოვხტე, გავიქცე, მაკმერფი, ჰარდინგი და

დანარჩენებიც გავალვიძო, თუმცა ამას არანაირი აზრი არ ექნება. გინდაც იმდენ ხანს ვანჯღრიო, ბოლოს მართლა ჩავაგდო გონში, მეტყვიან – რა გჭირს, შე იდიოტო, რა ჯანდაბა გეტაკა ამ შუალამისასო? მერე, ალბათ, მუშასაც მიეხმარებიან ჩემს აწვევაში და კაუჭზე ჩამოცმაში, თან დაინტერესდებიან, მოდი ერთი ვნახოთ, ამ ინდიელს რა უყრია მუცელშიო?

ნისლის მანქანის ხმამალალი, ცივი, სველი, სტვენისმაგვარი სუნთქვა მესმის, ვხედავ, მაკმერფის სანოლის ქვემოდან ნელ-ნელა როგორ მოცოცავენ ნისლის პირველი ბოლქვები. იმედი მაქვს, მაკმერფის იმდენი ჭკუა ეყოფა, ნისლში დაიმალოს.

მერე სხვა ხმაც მესმის, ვილაც ძალიან ნაცნობის უაზრო ტიტინი. იმდენზე ვტრიალდები სანოლში, გვერდზე გახედვა მოვახერხო და თურმე მართლა საზოგადოებასთან ჩვენი მელოტი ხიდისგამდები არ ყოფილა! ახლაც თავისებურად სახეშეშუპებულა. სხვათა შორის, პაციენტები სულ კამათობენ და ვერ აუხსნიათ, რამ შეუშუპა სახე ასე უღმერთოდ. „გეუბნებით, ნაღია, წყალი არ გაუვა-მეთქი,“ ვერა და ვერ თანხმდებიან ხოლმე ერთმანეთში. „ვარიანტი არ არსებობს, სად გაგიგიათ კაცს ეგეთი რამე ცმოდეს?“ „კარგი და, მასეთი კაცი ბევრი შეგხვედრია?“ მოკამათეები მხრებს იჩეჩავენ და აღიარებენ – ეგ მართლა საყურადღებო არგუმენტიო.

ჩვენს ჭკუის კოლოფს მარტო გრძელი ღამის პერანგი აცვია, მკერდზე და ზურგზე ამოქარგული უცნაური წითელი მონოგრამებით. საკუთარი თვალით ვხედავ და ამიტომ საბოლოოდ ვრწმუნდები (გვერდით რომ ჩამივლის და ერთს ცერად გამომხედავს, პერანგი ცოტაზე ეჩაჩება) – თურმე მართლა კორსეტს ხმარობს, ზონრები ისე მოუჭერია, ყოველ წამს შეიძლება ტანზე შემოასკდეს.

კორსეტზე კი ათიოდე ჩამომჭკნარი საგანი კონწიალებს, სკალპებივით თმით ჩამოკიდული.

ხელში პატარა მათარა უჭირავს, რალაცას ყლორწავს ლაპარაკის დაწყებამდე ყელის ჩასანმენდად და აქაური ყროლის სუ-

ნის გასაქარვებლადაც დროდადრო ქაფურში დასველებული ცხვირსახოცი მიაქვს ცხვირთან. უკან ჯგროდ მოსდევენ მასწავლებლები და კოლეჯის სტუდენტი გოგოები – მთელი თავისი ამაღლა. ლურჯი წინსაფრები უკეთიათ და დაკულულებული თმა კეფაზე შეუკრავთ. გზადაგზა მის მოკლე განმარტებებს ისმენენ.

უცებ რაღაც სასაცილო ახსენდება და იძულებული ხდება, კაი ხნით შეწყვიტოს ლექცია, ხითხითის შესაჩერებლად მათარას უნდა დაენაფოს საფუძვლიანად. პაუზის დროს ერთ-ერთი მისი მხლებელი თვალებს აქეთ-იქით აცეცებს და ქუსლით ჩამოკონწიალებულ, გამოფატრულ ქრონიკულს ხედავს. კივის და გველნაკებნივით უკან ხტება. ჩვენი ჯიგარიც იქით იხედება, გვამს ამჩნევს, მივარდება, იმის უსიცოცხლო ხელს ჩააფრინდება და უგრისავს. სტუდენტი გოგონაც უკან მიყვება, დამფრთხალი, მაგრამ თან სახეგაბრწყინებული.

„ხედავთ? ხედავთ?“ წკმუტუნებს, თვალებს აცეცებს და ისე გულიანად იცინის, გარშემო აფრქვევს მათარაში დარჩენილ სითხეს. მგონია, იმდენს იცინებს, ბოლოს გასკდება კიდეც.

ძლივძლივობით წყნარდება, ისევ მანქანების რიგს მიუყვება და თავის ლექციასაც აგრძელებს. მერე უეცრად ჩერდება, შუბლზე ირტყამს ხელს – „ოხ, ჩემი ჭკუა რა ვთქვი!“ – და სირბილით ბრუნდება ჩამოკონწიალებულ ქრონიკულთან: ხო უნდა დაითრიოს კიდე ერთი ნადავლი და სარტყელზეც ჩამოიკიდოს.

ირგვლივ, მარჯვნივაც და მარცხნივაც, სხვა ასეთივე ცუდი და კიდეე უარესი ამბებიც ხდება – გიჟური, საზარელი, იმდენად უაზრო და ველური, ვერ იტირებ, და იმდენად ნამდვილი – არ გაგეცინება. თუმცა ნისლი უფრო და უფრო სქელდება და ცქერასაც აზრი ეკარგება. ვილაც მექაჩება მკლავზე. ვიცი, რაც მოხდება: ნისლიდან გამათრევენ, ყველანი ისევ განყოფილებაში აღმოვჩნდებით და ღამე თავს გადახდენილის კვალიც არ იქნება არსად; მე კი, თუ ჭკუა არ მეყო და ვინმესთვის რამის მოყოლა ვცადე, მეტყვიან – იდიოტო, კომმარი დაგსიზმრებიაო; ეგეთი გიჟური

ამბები არ ხდება, არავითარი მანქანებიანი ოთახი, სადაც რობოტი-მუშები ხალხს ფატრავენ, არ არსებობსო.

მაგრამ, თუ არ არსებობს, როგორღა ხედავ?

თურმე ბატონი თერქლი მექაჩება მკლავზე, ნისლიდან მომათრევს, მანჯღრევს და თან ილიმება: ცუდ სიზმარს ხედავ, მისტა ბრომდენო – მეკითხება. თერქლიც სანიტარია, მარტო მორიგეობს ლამის გრძელ ცვლაში, თერთმეტიდან შვიდამდე, ბებერი ზანგია, მთელ სახეზე რულმორეული ღიმილი გადაფენია და ჟირაფის კისერი უყანყალებს. ისეთი სუნი ასდის, ეტყობა ცოტა ჩაურტყამს. „ძილი შეიბრუნე, მისტა ბრომდენ.“

ზოგჯერ, ღამლამობით, ზენარს მხსნის ხოლმე, თუ მაგრად ვარ გაკოჭილი და ძილში ვბორგავ. არ ეშინია, დღის ცვლა ჩემზე იფიქრებსო. რომ გაუგონ, ალბათ დაითხოვენ, მაგრამ დარწმუნებულია, დღის ცვლა ამასაც მე დამაბრალებს. მგონი, მართლა კეთილი გულით მეხმარება, თუმცა მაინც უნდა დარწმუნდეს – არაფერი მემუქრებაო.

ზენარს ამჯერად არ მხსნის, სანოლს შორდება და აქამდე ჩემთვის უცნობ ორ სანიტარს და ახალგაზრდა ექიმს ეხმარება ზენარგდაფარებული ბლასტიკის ბორბლებიან საკაცეზე გადატანაში. მერე საკაცეს მიაგორებენ – ისე ფრთხილად და ისეთი ყურადღებით ეპყრობიან ცხონებულ ბლასტიკს, როგორც მთელი ცხოვრება არავინ მოპყრობია.

დილაა. მაკმერფი ჩემზე ადრე ამდგარა. კედლებზე მოსი-  
არულე ძია ჯულზის მერე პირველად დამასწრო ვილაცამ  
ადგომა. ძია ჯულზი ერთი ბებერი გამჭრიახი ქალარა ზანგი იყო,  
თავისი თეორია ჰქონდა – ლამლამობით შავი ბიჭები მთელ ქვე-  
ყანას გვერდზე აფერდებენო; როგორც წესი, სისხამ დილით გა-  
მოძვრებოდა ხოლმე ლოგინიდან და უნდოდა შავი ბიჭებისთვის  
ამ საქმეზე წაესწრო. ჯულზის არ იყოს, დილაობით მეც ადრე  
ვდგები, თვალს ვადევნებ, დღეს რა აპარატურას შემოგვჩრიან  
განყოფილებაში, რა ეშმაკის მანქანებს დააყენებენ სადალაქოში...  
სანამ ვინმე სხვაც ადგებოდეს, ჩვეულებრივ მთელი თხუთმეტი  
წუთი მარტო მე და შავი ბიჭები ვართ ხოლმე დილაობით დერე-  
ფანში. ამ დილით კი, გაღვიძებისთანავე, საპირფარეშოდან მაკ-  
მერფის ხმა მესმის. იმისი სიმღერა! ისე მღერის, იფიქრებ, თავის  
დღეში სადარდებელი არ ჰქონიაო. დანმენდილი, ძლიერი ხმა  
ცემენტს და ფოლადს ეხლება. „მგონი შენ ცხენებს შიათო, მორ-  
ცხვად მითხრა...“ მომწონს, როგორ რეკს ხმა საპირფარეშოში.  
„...დაჯექი, ნუ ჩქარობ, შეჭამონო შვრია“. ჰაერს ხარბად ისუნ-  
თქავს და ხმას უწევს, მეტ სიმაღლეს და ძალას აძლევს, სანამ  
კედლებში ყველა მავთული არ აჟღერიალდება. „არ შიათ ჩემ ცხე-  
ნებს, არც ეგ შვრია უ-უ-უ-უ-ნდა-ა-ათ.“ ერთ ნოტს იჭერს და  
ათამაშებს, მერე დარჩენილი ტექსტის ჩასათავებლად ისევ ქვე-  
ვით ხტება. „მშვიდობით მენახე, მე შორ გზას ვადგავარ.“



მლერის! ყველა გაშტერებულია. საუკუნეა, აქ მსგავსი არავის არაფერი გაუგონია, ყოველ შემთხვევაში, ამ განყოფილებაში მაინც. ახალგაღვიძებული მწვავეები იდაყვებზე წამონეულან, თვალებს ახამხამებენ და მაკმერფის უსმენენ. წარბებანკები-ლები გადახედავენ ხოლმე ერთმანეთს – რა ხდება, რატომ არ აჩუმებენ შავი ბიჭები? როდის იყო, ვინმეს ამდენი ხმაურის ნებას აძლევდნენ? ვითომ ეს ახალი რა ნითელი კოჭია? ისიც ადამიანია, იმასაც ჩვეულებრივი ხორცი და ძვალი აქვს, სხვასავით ისიც შეიძლება შეშინდეს, დაუძღურდეს, მოკვდეს... ყველა დანარჩენით ისიც იმავე კანონებს ემორჩილება, იმასაც უნდა ჭამა, ვერც ის გაექცევა ყველასთვის საერთო უსიამოვნებებს; მოკლედ, ნესით ისიც აბსოლუტურად დაუცველია კომბინატის წინაშე, სხვანებისმიერივით, რა, არ არის ასე?

ოღონდ ახალი მაინც სხვა ჩამოსხმაა და ამას მწვავეებიც ხედავენ, ყველასგან განსხვავდება, ვისაც კი ბოლო ათ წელიწადში ამ განყოფილებაში შემოუდგამს ფეხი, ამ კედლებს გარეთ ნანახთაგანაც კი არ ჰგავს არავის. მართალია, ალბათ, ისიც სხვებივით დაუცველია საბოლოო ჯამში, მაგრამ აქამდე მაინც როგორღაც გადარჩენია კომბინატის კლანჭებს.

„ურმებიც დავტვირთე,“ მლერის მაკმერფი, „შოლტიც მოვიმარჯვე...“

არა, ნეტა მაინც როგორ დაიძვრინა თავი? ბებერი პიტის არ იყოს, ეტყობა, დროზე ვერც ეს ჩაიგდო კომბინატმა ხელში და საკონტროლო რეგულატორების ჩადგმაც დაუგვიანა. შეიძლება, ბავშვობიდანვე ველურად იზრდებოდა, ლობე-ყორეს ედებოდა, აღმა-დაღმა დანანნალებდა, რამდენიმე თვეზე დიდხანს არც ერთ ქალაქში არ ჩერდებოდა და სკოლაც ვერ მოერია... მერე ხან ხეს ჭრიდა, ხან კარტს თამაშობდა, ხან კარუსელებს ატრიალებდა, ზედმეტი ბარგი-ბარხანის გარეშე დახეტილებდა, ადგილსამყოფელს სწრაფ-სწრაფად იცვლიდა და კომბინატმაც ვერაფრის ჩამონტაჟება ვერ მოუხერხა. ალბათ ასეა, ალბათ კომბინატსაც არაფერი აცალა, როგორც გუშინ დილით არაცალა

თერმომეტრიან შავ ბიჭს მიახლოება – მოძრავი სამიზნისთვის მორტყმა მართლა ძნელი საქმეა.

ცოლი ამას არ უბურღავს ტვინს ახალ ლინოლეუმზე ნუნუნით და ბებერი, თვალბანყლიანებული ნათესავები არ უწვრილებენ გულს. კაციშვილი არ ყავს მოსავლელ-საპატრონებელი საკუთარი თავის გარდა და სხვა რა უნდა საქმის მცოდნე თაღლითს?! ეტყობა, იმიტომაც არ უვარდებიან შავი ბიჭები საპირფარეოში და იმიტომაც არ აწყვეტინებენ ხმას, იციან – არანაირ კონტროლს არ ემორჩილებო; პიტთან გატარებული დრო ახსოვთ და მშვენივრად მოეხსენებათ, რა შეუძლია უკონტროლო კაცს. თან ხედავენ, ბებერ პიტთან შედარებით გოლიათია: ამის გაქაჩვაზე თუ მიდგა საქმე, მარტო სამივე ერთად კი არ უნდა დაეძგეროს, მთავარი ექთანიც იქვე უნდა იდგეს შპრიცმომარჯვებული. მწვავეები ერთმანეთს თავებს უქნევენ, კი, ესაა მიზეზიო, ფიქრობენ; ამიტომ არ აწყვეტინებენ სიმღერას, თორემ ჩვენ ამდენს აბა ვინ დაგვაცდიდაო.

დერეფანში სწორედ იმ დროს გავდივარ, როცა მაკმერფიც გამოდის საპირფარეოდან. თავზე ქუდი ახურავს, არადა ისე, სხვა მხრივ, თითქმის დედიშობილაა – მარტო პირსახოცი შემოუხვევია თეძოებზე და ცალი ხელით იმაგრებს. მეორე ხელში კბილის ჯაგრისი უჭირავს. დერეფანში დგას, აქეთ-იქით იყურება და რაც შეუძლია მაგრად იწევა თითის წვერებზე, ცდილობს ტერფები ცივ იატაკს მოაშოროს. სამში ყველაზე დაგვაჯულ შავ ბიჭს ირჩევს, იმისკენ მიდის და მხარზე ხელს უტყაპუნებს კაი ძმაკაცივით.

„ჩვენი ძმა, არსებობს რამე ვარიანტი, კაცმა კიჭების გასაკრიალეבלად ცოტა პასტა იშოვოს?“

ჯუჯა თავს ატრიალებს და ცხვირით პირდაპირ მაკმერფის ტორს ეხლება. ტორს უბღვერს, მერე საჩქაროდ მეგობრების ძებნას იწყებს თვალებით – რა იცი, რა ხდება? – და მაკმერფის ეუბნება, სანამ შვიდს თხუთმეტი არ დააკლდება, კაბინეტს არ ვაღებთ, ჩვენთან ასეთი წესიაო.

„დედას გაფიცებ! ესე იგი, თუ სწორად გაგიგე, კბილის პასტას იქინახავთ ხოლმე? კაბინეტში?“

„სწორია, კარადაშია ჩაკეტილი.“

შავ ბიჭს უნდა, ისევე პლინტუსების ხეხვა გააგრძელოს, არადა მაკმერფის ხელი ჯერაც დიდი, წითელი კავივით აქვს მხარზე მოდებული.

„კაბინეტში, არა? კარგია, კარგი... აბა, ეხლა ერთი შენ თითონ დაფიქრდი და ისე მიპასუხე, რატო უნდა ინახავდნენ კბილის პასტას ჩაკეტილს? არა, მე იმას გეუბნები, მაინცდამაინც სახიფათო იარაღს არ უნდა გავდეს-მეთქი, არა? რას იტყვი? კაცს იმით ვერ მოწამლავ, ეგრეა? ვერც თავს გაუხეთქავ... შენი აზრი მაინტერესებს, რატო უნდა კეტავდნენ ეგეთ უვნებელ რამეს ცხრაკლიტულში?“

„განყოფილების შინაგანანესია ასეთი, მისტა მაკმერფი, მიზეზიც ეგაა.“ მაგრამ როცა რწმუნდება, ეს უკანასკნელი მიზეზი პაციენტზე სასურველ ზემოქმედებას ვერ ახდენსო, იმისი წითელი ტორის დანახვაზე ერთხელაც იჭმუხნის შუბლს და ამატებს: „როგორ გგონიათ, რას დაემგვანება აქაურობა, ყველამ თუ მაშინ დაიწყო კბილების ხეხვა, როცა ჯაგრისს მოკრავს სადმე თვალს?“

მაკმერფი ოდნავ ათავისუფლებს შავი ბიჭის მხარს, მეორე ხელით წითელი ბანჯგელის ბლუჯას ინვალებს კისერთან და იმის ნათქვამზე ფიქრობს. „აჰა-ჰაა, მგონი მივხვდი, საითაც უკაუნებ: განყოფილების შინაგანანესია იმათთვისაა მოგონილი, ვისაც ყოველი ჭამის მერე არ შეუძლია კბილების გახეხვა.“

„ღმერთო ჩემო, აბა რა!“

„კი, ეხლა ვხვდები. ესე იგი, შენ ამბობ, კბილებს ყველა მაშინ გაიხეხავდა, როცა ხოში მოუვიდოდათო, არა?“

„სწორია, ამიტომაც...“

„არა, მართლა, წარმოგიდგენია? ზოგი შვიდის ოც წუთზე, ზოგი შვიდის ნახევარზე – ამათსას გაიგებ? – ზოგმა იქნებ ექვსზეც მოინდომოს! კი, ეხლა ნაღდად დავრწმუნდი შენ სიმართლეში, ძმაო!“

მე კედელთან ვდგავარ, მაკმერფი თვალს მიკრავს, შავმა ბიჭმა რომ არ დაინახოს, ისე.

„ეს პლინტუსი მაქ გასანმენდი, მაკმერფი.“

„აბა რა, მიდი, თუ ძმა ხარ, საქმეს არ მოცდე.“ უკან-უკან იხევს და სანიტარიც ისევ პლინტუსისკენ იხრება. მერე მაკმერფი ისევ უახლოვდება და შავი ბიჭის გვერდით მდგარ რკინის ყუთში იჭყიტება. „ეე, ნახე! ეს რაღაა?“

შავი ბიჭიც იყურება ყუთში. „რა ვნახო?“

„ნახე, ნახე, მაგ ჟანგიან ყუთში, სემ. რა გაქ მანდ?“

„ესა?.. საპნის ფხვნილია.“

„კარგი, მართალია, მე პასტას ვხმარობ ხოლმე, მარა...“ ჯაგრის ფხვნილიან ყუთში ყოფს, ღონივრად ატრიალებს, მერე იღებს და ყუთის კედელზე აკაკუნებს. „...ესეც გამოდგება. მადლობელი ვარ. რო მოიცლი, შინაგანანესზე ლაპარაკი გავაგრძელოთ.“

ისევ საპირფარეშოსკენ აღერებს თავს, ცოტა ხანში იქიდან ისევ ისმის ჯაგრისის დგუშისებურ, ფეთქებად ხმებში არეული სიმღერა.

შავი ბიჭი გაშტერებული დგას, საპირფარეშოსკენ იყურება, ნაცრისფერ ხელში უსიცოცხლოდ ჩამოკიდებული ჩვარი უჭირავს. როდის-როდის ახამხამებს თვალს, ცოტა აზრზე მოდის, ამჩნევს რომ ვუცქერი, მიახლოვდება და პიჟამის ზონრით მიმართევს დერეფნის ბოლოსკენ, იმ ადგილისკენ მექაჩება, რომელიც გუშინ უკვე მოვაპრიალე.

„აგე! აი აქ, შე კრეტინო! აქ უნდა იმუშაო და ნუ გაშტერებულხარ რძეგამშრალ ძროხასავით! აქ-მეთქი! აქ!“

ნელში ვიხრები და, შავი ჯუჯასკენ ზურგმექცეული, ჩვრით იატაკის ხეხვას ვიწყებ, არ მინდა ღიმილი დავანახო. მშვენიერ გუნებაზე ვარ, საკუთარი თვალით ვნახე, როგორ ამოვიდა მაკმერფი შავი ბიჭის ოხტში, ბევრი ვერ მოახერხებდა ამას; მამაჩემს შეეძლო ასეთი რამეები – იმ დღეს, პირველად რომ მოგვადგნენ მთავრობის კაცები თამასუქის გამოსასყიდად, მამა ფეხებგალა-

ჯული, თვალგაშტერებული, ცას მიჩერებული დახვდათ. აგე, აიხედეთ, კანადური ბატებიო – ეუბნება მთავრობის კაცებს, თან ცას არ ამორებს თვალს. ისინიც მალლა იხედებიან და რალაც ფურცლებს ამრიალებენ. „რას ბრძანებთ? ივლისში? ამ დროს – ჰმ! – აქ ბატებს რა უნდათ. როგორ გეკადრებათო“.

აღმოსავლეთ სანაპიროდან მოსული ტურისტებივით ლაპარაკობდნენ, იმათსავით, ვისაც ჰგონია, ინდიელს სხვანაირად ვერაფერს გააგებინებო. მამას არაფერზე შეტყობია, საერთოდ თუ აქცევდა ყურადღებას იმათ ლაპარაკს. ისევ ცას ასცქეროდა. „ბატები მიფრინავენ, თეთრო კაცო. თქვენც ხომ იცით?! წელსაც მიფრინავენ. როგორც შარშან. შარშანწინაც. იმის წინაც.“

მოსულები ერთმანეთს გადახედავდნენ ხოლმე და მალ-მალე ახველებდნენ. „დიახ, შეიძლება მართლაც ასეა, ბელადო ბრომდენ. მაგრამ, მოდი, ახლა ბატები დაივინყეთ. კონტრაქტს მიაქციეთ ყურადღება. ჩვენს წინადადებას თუ დასთანხმდებით, დიდ სარგებელს ნახავთ – თქვენც და თქვენი ხალხიც. წითელკანიანთა ცხოვრება ერთხელ და სამუდამოდ შეიცვლება.“

მამა კი – იმის წინაც, და იმის წინაც, და იმის იმის იმის წინაცო – აგრძელებდა თავისას.

როცა მთავრობის კაცები ბოლო-ბოლო მიხვდნენ, გვაშაყირებსო, ჩვენი ქოხის პარმალზე უკვე მთელი ტომის სათათბირო იჯდა: ჩაიყოფდნენ ჩიბუხებს თავიანთი წითელ- და შავუჯრედებიანი შალის პერანგების ჯიბეებში, ისევ ამოილებდნენ და ერთმანეთს და მამაჩემს შესცინოდნენ – ლამის მუცლები დაასკდათ სიცილისგან. ძია ერ ჯი მგელი მიწაზე გორაობდა, სიცილისგან იფხრინებოდა და – თქვენც ხო იცით, თეთრო კაცებოო – გაიძახოდა.

მართლა ამოვიდნენ მაშინ იმათ ოხტში. მთავრობის კაცები უსიტყვოდ შებრუნდნენ და გზატკეცილისკენ წაცუხცუხდნენ კეფაანითლებულები. ჩვენი სიცილი მიაცილებდათ. ზოგჯერ მავინყდება კიდეც, რა ძალა აქვს სიცილს.

მთავარი ექთანი გასაღებს არგებს კარის საკეტს, შემოდის და შავი ბიჭიც მაშინვე გვერდზე აეტყუება, მალ-მალე ინაცვლებს იატაკზე ფეხს, თითქოს პატარა ბავშვია და ფისი მოუნდაო. საკმაოდ ახლოს ვარ იმათთან და მესმის, რამდენჯერმე როგორ ახსენებს მაკმერფის გვარს, ეტყობა, კბილის გახეხვის ამბავს უყვება ქალს, ნუხელ გარდაცვლილი ბებერი ბოსტნეული არც ახსენდება, კრინტსაც არ ძრავს იმაზე. თან ლაპარაკში ხელებს იქნევს, ერთი სული აქვს, წვრილად ჩაუკაკლოს, უკვე რამდენი მოასწრო ამ სისხამ დილით წითურმა გიჟმა – ყველაფერი აურდაურია, ყველა ფეხებზე დაიკიდა, წესებს არ დაემორჩილა და ბოლო იმედად მთავარი ექთანილა რჩება.

ქალი ჯიქურ მიჩერებია, სანამ შავი ბიჭი ფაცაფუცს არ მორჩება, მერე დერეფნის ბოლოსკენ გადააქვს მზერა, საპირფარეშოს კარებისკენ, საიდანაც უწინდელზე ხმამალა მოგუგუნებს მაკმერფის სიმღერა. „ღარიბიაო, შენ მშობლებს არ მოო-ო-ვნონვა-ა-არ; ახლოს არ გაეკაროო ჩვენ ეზო-კარს.“

მთავარ ექთანს თავიდან აშკარად გაოგნებული სახე აქვს; ყველა ჩვენგანის არ იყოს, სიმღერა იმდენი ხანია აღარ მოუსმენია, დრო ჭირდება მისახვედრად, რა ხდება მის თავს.

„სიღარიბის არ მრცხვენია, რაცა ვარ, ესა ვ-ა-ა-არ, არ მოგწონვარ და კარგს იზამ, თუ დამანებებ თავს.“

ერთ წუთს კიდე უსმენს, უნდა დარწმუნდეს, არაფერი მეჩვენებაო; მერე თანდათანობით სივდება. ნესტოები ებერება და ყოველ ამოსუნთქვაზე დიდდება, ამოდენა და ასეთი საშინელი თეიბერის ამბის მერე აღარასდროს მინახავს. აი, იდაყვის და თითების სახსრები აამუშავა. სუსტი ჭრიალი მესმის. მერე ადგილიდან წყდება, მე კედელს ვეკვრები, გვერდით რომ ჩამიქროლებს, უკვე საბარგო მანქანისოდენაა, როგორც მისაბმელს, ისე მიაპრონილებს ზურგს უკან მოწნულ ჩანთას, გამონაბოლქვის ბოლში გახვეულს. ტუჩები შუაზე გაპოზია, ღიმილი რადიატორის ბადესავით მიუძღვის წინ. ცხელი ზეთის სუნი მცემს და მაგნეტოს ნაპერწკლებს ვხედავ ყოველი ნაბიჯის გადადგმაზე ერთი-

ორად იზრდება, იბერება, სივდება, ყველაფერს სპობს თავის გზაზე! გაფიქრებაც კი მზარავს, რა შეიძლება მოიმოქმედოს.

უზომოდ გაბერილი და უსაშველოდ გაბრაზებული უკვე საპირფარეოს კარებთანაა და სწორედ ამ დროს იქიდან თედოებზე პირსახოცმემოხვეული მაკმერფიც გამოდის, თითქმის ზედანყდება და ტყვიანაკრავით აშეშებს ერთ ადგილას! მთავარი ექთანის იბუზება, პატარავდება, თავით ძლივს სწვდება მაკმერფის პირსახოცამდე და მაკმერფიც ღიმილით დასცქერის ზემოდან. მთავარ ექთანს ღიმილი სახეზე აჭკნება, ტუჩის კუთხეები ებრცება.

„დილა მშვიდობისა, მის რეჩედ! რა ხდება გარეთ, რა ამბავია?“

„აქ ასე სირბილი არ შეიძლება... პირსახოცით...“

„არა?“ მაკმერფი სველ, ტანზე შემოტკეცილ პირსახოცს დასცქერის, სწორედ ქალის თვალების დონეზე. „პირსახოცებიც განყოფილების შინაგანანესს ეწინააღმდეგება? კეთილი, რა გაეწყობა, მაშინ უნდა...“

„გაჩერდით! არ გაბედოთ. შებრუნდით საძინებელში და ამ წუთშივე ჩაიცვით ტანზე.“

ისე უწყრება, როგორც მასწავლებელი მოწაფეს, მაკმერფიც მართლა მოწაფესავით თავჩაღუნული დგას და ისეთი ხმა აქვს, თითქოს საცაა ზღუქუნს ამოუშვებსო. „მაგას ვერ ვიზამ, ქალბატონო. ვშიშობ, ვილაც ხელმრუდმა წუხელ ტანსაცმელი ამწაპნა. ეს რა ლეიბები გქონიათ, მკვდარივით დამეძინა.“

„ვილაცამ აგწაპნათ?“

„დამანერა. შეიტყაპუნა. ამახია. მომპარა,“ ბედნიერი სახით უხსნის მაკმერფი. „ეტყობა, მაგრა დაევასა ჩემი ზმანები.“ ეს ამბავი ისე ამხიარულებს, ფეხშიშველი ერთს ნაუცეკვებს კიდევ მთავარი ექთნის წინ.

„ტანსაცმელი მოგპარეს?“

„დიახ, თქვენ ზუსტად ჩანვდით ჩემი ნათქვამის აზრს.“

„კი, მაგრამ... პატიმრის ტანისამოსი?.. რად უნდოდათ?“

მაკმერფი ტლინკაობას წყვეტს და ისევ თავჩაქინდრული ჩერდება. „კარგად მახსოვს, დანოლისას ტანსაცმელი გვერდით

დავილაგე, დილით კი აღარ დამხვდა. ვითომ არც მქონია. არა, მე კი ვიცი, პატიმრის უბრალო ჭინჭები იყო, ქალბატონო, გაზინთული, გახუნებული, უვარგისი... როგორ არ ვიცი! ვის ნაუცდებოდა მაგაზე ხელი, ვისაც სხვაც მოეძებნება რამე ჩასაცმელი, მარა შიშველი კაცისთვის...”

„თქვენი ტანისამოსის წაღება გათვალისწინებული იყო,“ როგორც იქნა, ახსენდება მთავარ ექთანს. „ამ დილით მწვანე ფორმა გამოგიყვეს.“

ჯერაც დარცხვენილი მაკმერფი თავს აქნევს და ოხრავს. „არა, არა, მე მგონი, ცდებით, არაფერიც არ გამოუყვიათ. დილით ამ ქუდის და ამ...”

„უილიამს!“ ეძახის მთავარი ექთანი შავ ბიჭს, რომელიც ისევ განყოფილების კარებთანაა ატუზული, თითქოს გასაქცევად გამზადებული. „უილიამს, ერთი წუთით აქხომ არ მობრძანდებოდით?“

უილიამის ისე მოხობავს მისკენ, როგორც ძალღირსისკენ.

„უილიამს, რატომ არ გამოუყვეს ამ პაციენტს სათანადო ტანისამოსი?“

სანიტარი მშვიდდება. ნელში იმართება, ილიმება, ნაცრისფერ ხელს მალლა სწევს და დერეფნის მეორე ბოლოში მდგომი ერთ-ერთი მაღალი ამხანაგისკენ უთითებს მთავარ ექთანს.

„მე არა. არა. დღეს თეთრეულზე მისტა უოშინგტონია პასუხისმგებელი.“

„მისტერ უოშინგტონ!“ მთავარი ექთანი თვალებით ყინავს ადგილზე ვედროში ტილოს გასავლებად გამზადებულ უოშინგტონს, თვალებითვე ალურსმავს კედელს. „ერთი აქეთ მობრძანდით!“

ტილო უხმაუროდ მისრიალებს ვედროში, სანიტარი ნელ-ნელა, ფრთხილად იმშრალებს ხელებს, მთელი ტანით ტრიალდება და მაკმერფისკენ, ჯუჯასკენ და მთავარი ექთნისკენ აპარებს თვალს. მერე ჯერ მარცხნივ იხედება, შემდეგ მარჯვნივაც – თითქოს ქალი სხვას ეძახდეს ვინმეს.

„მოდით აქ!“

უოშინგტონი ხელებს ჯიბეებში იწყობს და ფეხების ფლა-



ტუნით მოუყვება დერეფანს. საერთოდაც არასდროს დადის ჩქარა, მაგრამ ახლა, ვატყობ, ცოტა თუ არ შეფუცხუნდა, მთავარ ექთანს შეუძლია მარტო თავისი მზერით მიაყინოს ერთ ადგილს და წამში აქციოს ყინულის ნამსხვრევებად. მაკმერფისთვის განკუთვნილი მთელი ზიზლი, რისხვა და სიძულვილი ახლა უოშინგტონის კენაა მიმართული და ისიც გრძნობს, ქარაშოტივით როგორ ეხლება ცხვირ-პირში ყველა ეს გრძნობა, კიდევ უფრო მეტად ებორკება ფეხები, ვიდრე სხვა დროს. თითქოს მართლა ქარაშოტს ებრძვის ტანზე მაგრად ხელებშიტყუპებული. თმაზე და წვერზე თრთვილი ედება. ლამის ნაქცევამდე იხრება წინ, არადა ნაბიჯის გადმოდგმა სულ უფრო და უფრო უჭირს; ველარასდროს მიაღწევს დანიშნულ ადგილს.

მერე მაკმერფი „ტკბილი ჯორჯია ბრაუნის“ სტვენას იწყებს და მთავარი ექთანიც სწორედ დროზე არიდებს თვალს უოშინგტონს. ასეთი გაცოფებული და გაბითურებული ჯერ არც მინახავს. თოჯინას ღიმილის კვალიც აღარსად ჩანს, ტუჩები გავარვარებული მავთულებივით განითლება, დაჭიმვია და განვრილებია. ახლა დერეფანში რომელიმე პაციენტი რომ გამოვიდეს და ამ დღეში ნახოს, მაკმერფის თამამად შეუძლია, მოგებული ფული ჯიბეში ჩაიჩხრილოს.

ბოლოს და ბოლოს შავი ბიჭიც აღწევს დანიშნულების ადგილს. ორი საათი მოანდომა გზას. მთავარი ექთანი ღრმად სუნთქავს. „უოშინგტონ, რატომ არ მისცეს ამ კაცს დილით თავისი კუთვნილი მწვანე პიჟამა? ვერ ხედავთ, პირსახოცის ამარა რომაა დარჩენილი?“

„და ქუდის“, ჩურჩულით კარნახობს მაკმერფი და ქუდზე თითს იკაკუნებს.

„ჰა, მისტერ უოშინგტონ?“

მაღალ-მაღალი უოშინგტონი დაგვაჯულს ქამს თვალებით, ვინც წელან თითი მიუშვირა, და ისიც ისევ იწყებს ადგილზე ცქმუტვას. დიდხანს არ აშორებს რადიოლამპებად ქცეულ თვალებს, ანგარიშის გასწორებას კი მოგვიანებით აპირებს; მერე თავს

აბრუნებს და მაკმერფის ახედ-დახედავს, იმის ლონიერ, დაკუნთულ მხრებს, დამცინავ ღიმილს, ნაიარევ ცხვირს, პირსახოცს ჩაფრენილ ხელს ათვალეირებს და ბოლოს მზერა მთავარ ექთანზე გადააქვს.

„ჩემი აზრით...“ აპირებს რალაცის თქმას.

„თქვენი აზრით! მაშ, აზრიც გაგაჩნიათ? ამნუთასვე მოუტანეთ ფორმა, მისტერ უოშინგტონ, თორემ მომდევნო ორი კვირა გერიატრიულ განყოფილებაში მოგინევთ მუშაობა! დიახ. ცოტა ხანს ლამის ქოთნების და ტალახის აბაზანების სურნელს რომ იყნოსავთ, შეიძლება, მაშინ მიხვდეთ, რა ცოტა გევალებათ სანიტრებს ამ განყოფილებაში. თქვენი აზრით, სხვაგან ვინ დაგიდგებოდათ მთელი დღე დერეფნების სახეხად? მისტერ ბრომდენი? მე მგონი, პასუხი თვითონაც მშვენივრად იცით. ჩვენ ბევრი შავი საქმისგან მარტო იმიტომ გათავისუფლებთ, პაციენტებს მეტი ყურადღება მიაქციოთ. ამაში ისიც იგულისხმება, დედიშობილა არ დარბოდნენ ყველას დასანახად. როგორ გგონიათ, რა მოხდებოდა, რომელიმე ახალგაზრდა ექთანი ადრიანად რომ მოსულიყო და დერეფანში მოტანტალე შიშველი პაციენტი ენახა? როგორ გგონიათ-მეთქი, ჰა?“

შავ ბიჭს, ეტყობა, ჯერ მთლად ნათლად არა აქვს წარმოდგენილი, მაინც რა მოხდებოდა, მაგრამ ნათქვამის აზრს ძირითადად ხვდება და დაოთხილი მითოხარიკობს თეთრეულის საწყობისკენ მაკმერფისთვის ერთი ხელი ტანისამოსის მოსატანად – ალბათ, სულ ცოტა ათი ზომით პატარა ტანისამოსის, მერე თოხარიკითვე ბრუნდება უკან და ტანსაცმელს ისეთი დაუფარავი სიძულვილით უწვდის, რის მსგავსიც ადრე არაფერი მინახავს. მაკმერფი, ერთი შეხედვით, დაბნეული ჩანს, თითქოს არ იცის, ტანსაცმელი როგორ ჩამოართვას, როცა ცალ ხელში ჯაგრისი უჭირავს, მეორით კი თეძოებზე პირსახოცის შემაგრებას ცდილობს; ბოლოს მთავარ ექთანს თვალს უკრავს, მხრებს იჩეჩავს, პირსახოცს იხსნის და ექთანს კიდებს კისერზე, ვითომ ტანსაცმლის საკიდი იყოს.

ვხედავ, პირსახოცის ქვეშ თურმე თავისი ვეშაპებიანი შორტები სცმია.

ჩემი აზრით, მთავარ ექთანს ერჩივნა კიდეც, მართლა შიშველი ყოფილიყო, ამ შორტების დანახვაზე მთლად ექცევა ღრანჭი. შორტებზე მოდგაფუნე დიდ, თეთრ ვეშაპებს უტყვი აღშფოთებით მიჩერებია. ამდენის მოთმენა უკვე იმასაც კი უჭირს; მთელი ნუთი სჭირდება, სანამ იმდენად მაინც მოერევა თავს, დაგვაჯულ შავ ბიჭს მიუბრუნდეს; ისეთი გაცოფებულია, ხმა უკანკალებს, ვერაფრით იმორჩილებს.

„უილიამს... მე მგონი... ჩემს მოსვლამდე ექთნების სამორიგეოს ფანჯარა თქვენ უნდა გაგეპრიალე ბინათ.“ ჯუჯა თეთრინი-ნკლებიან შავ ხოჭოსავით გარბის ფართხაფურთხით. „თქვენ კი, უოშინგტონ, თქვენ...“ უოშინგტონიც ისევ თავისი ვედროსკენ მიქრის თავექუდმოგლეჯილი. ქალი დერეფანს ათვალეერებს, სხვას ვის ვეცეო, ფიქრობს. მე მამჩნევს, მაგრამ ამ დროს უკვე სხვებიც გამოდიან საძინებელი ოთახიდან, ძალიან აინტერესებთ, რატომ შეკრებილა ეს პატარა ჯგუფი დერეფანში. მთავარი ექთანი თვალებს ხუჭავს და ცდილობს, გულისყური მოიკრიბოს. ასეთი სახით ვერავის დაენახვება – გადაფითრებული, რისხვისგან დამანჭული სახით. მთელი თავისი საარაკო ნებისყოფის მოხმობა სჭირდება. თანდათანობით ტუჩები ისევ იყრიან თავს პანია, თეთრი ცხვირის ქვეშ, უწინდელ ფორმას იბრუნებენ – თითქოს განითლებულ-გავარვარებული მავთული მეტისმეტად გახურდა, დნობის წერტილს მიაღწია, წამით იციმციმა, მერე ყალიბში ჩახმული ლითონივით გამკვრივდა, ნელ-ნელა გაცივდა და უცნაურად გაუფერულდაო. ბაგე ორად ეპობა და ტუჩებს შორის ენა – ტყვიის ნატეხი – მოჩანს. ისევ ახელს თვალებს, თვალეებიც, ტუჩე-ბივით, უცნაურად გაუფერულებულან, ტუჩებივით გაციებულან და დაბლაგეებულან, მაგრამ, აქაოდა არაფერი განსაკუთრებული არ მომხდარაო, მაინც ჩვეულებრივად ესალმება ყველას, იმედი აქვს, ნამძინარევი პაციენტები ვერაფერს შემატყობენო.

„დილა მშვიდობისა, მისტერ სეფელტ, ისე ძალიან ხომ აღარ

განუხებთ კბილები? დილა მშვიდობისა, მისტერ ფრედრიქსონ, კარგად გეძინათ წუხელ თქვენ და მისტერ სეფელტს? თქვენი სანოლები ხომ გვერდიგვერდ დგას? ამასწინათ მითხრეს, თურმე წამლების დაღვევის თქვენებური წესი მოგიგონიათ, თქვენს წამალს ბრუსი სვამს და პირიქით. ასეა, მისტერ სეფელტ? ამაზე მოგვიანებით კიდევ ვისაუბრებთ. დილა მშვიდობისა, ბილი. აქეთ რომ მოვდიოდი, დედაშენი შემხვდა და მთხოვა, აუცილებლად გადმომეცა შენთვის, სულ ბილიზე ვფიქრობ და დარწმუნებული ვარ, იმედს არ გამიცრუებსო. დილა მშვიდობისა, მისტერ ჰარდინგ. უი, ნახეთ, თითის წვერები გაგწითლებიათ და აგქერცლიათ, ისევ იჭამდით ფრჩხილებს?“

სანამ ვინმე უპასუხებდეს, გინდაც ჰქონდეთ რამე საპასუხო, ჯერაც შორტებისამარა მდგომი მაკმერფისკენ ტრიალდება. შორტებს ჰარდინგიც ამჩნევს და შთაბეჭდილებას სტვენით გამოხატავს.

„თქვენ კი, მისტერ მაკმერფი,“ უკვე ჩვეული ღიმილით ეუბნება შაქარივით დამტკბარი მთავარი ექთანი, „თუკი თქვენი მამაკაცური ღირსებებისა და მყვირალა საცვლების დემონსტრირება დაამთავრეთ, იქნებ საძინებელ ოთახში შებრძანებულიყავით და ჩაგეცვათ.“

მაკმერფის ქუდთან მიაქვს ხელი, მთავარ ექთანს და თვალვებგაბრწყინებულ, მხიარულად აჟივჟივებულ, ვეშაპებიანი შორტებით მოხიბლულ პაციენტებს მხედრულად ესალმება და უსიცივოდ შედის საძინებელ ოთახში. მთავარი ექთანიც უკვე დერეფნის მეორე ბოლოსკენ მიაბიჯებს, წინ გადღაბნილი წითელი ღიმილი მიუძღვება; სანამ სამორიგეოს კარს მოიკეტავდეს, საძინებლიდან ერთხელაც ესმის ტალღა-ტალღა მომავალი სიმღერის ხმა.

„მანც შემიტყუა შინ, გა-აა-ააშალა მარაო,“ უბერავს მაკმერფი და თან შიშველ მუცელზე იტყაპუნებს ხელს, „დედი, ეს კაცი მიი-იი-ყვარსო, რა ვქნა – სხვა არაო.“

დაცარიელდება თუ არა, მეც მაშინვე ვიწყებ საძინებელი ოთახის დალაგებას; დასორსოლავებულ მტვერს ვგვი მაკმერფის საწოლის ქვემოდან და უცებ რალაც სუნი მცემს. საავადმყოფოში მოხვედრის მერე პირველად ვხვდები, პირველად ვაქცევ ყურადღებას, რომ ეს უშველებელი, ორმოცი ზრდასრული მამაკაცის საწოლებით გადაჭედული ოთახი თურმე მუდმივად ათასი სხვადასხვანაირი სუნით ყარდა – დეზინფექციის, თუთიის მალამოსი, ფეხის ფხვნილის, შარდის, ბერიკაცების განავლის, რძის ფაფის, თვალის საფენების, ეს წუთია სამრეცხაოდან მოტანილი და მაინც ობმოდებული ნიფხვებისა და წინდების, თეთრეულის სახამებლის, ახლად გაღვიძებულების პირების, მანქანის ზეთის და ზოგჯერ შეტრუსული თმის სუნითაც – თუმცა აქამდე, მაკმერფის გამოჩენამდე, ჯერ არასდროს მცემია ტრიალი მინდვრიდან მობრუნებული დამტვერილი, გაჭუჭყიანებული, ნაშრომ-ნაჯაფი კაცის ოფლის სუნი.

**მ**თელი საუზმისგანმავლობაში მაკმერფი ნუთში ერთი მილის სიჩქარით ყბედობს და იცინის. ეტყობა, დილანდელი ამბის მერე მთავარი ექთანი უკვე იოლ საკბილოდ ეჩვენება. იმდენს ვერ ხვდება, წარმატებას მოულოდნელი შეტევის წყალობით მივალწიე და საქმეზე საქმეზე თუ მიდგა, მთავარი ექთანი უბრალოდ იძულებული იქნება, გულისყურიც და ძალ-ღონეც კიდევ უფრო მოიკრიბოსო.

ჯამბაზობს, ცდილობს, ვინმე მაინც აიყოლიოს და გააცინოს. არ მონონს, ბიჭები მორცხვი ლიმილის და შიგადაშიგ ჩუმი ხითხითის მეტს რომ ვერაფერს ბედავენ. მაგიდაზე გადანოლილი პირდაპირ მჯდომ ბილი ბიბიტს მუჯლუგუნს კრავს და გასაიდუმლოებული ხმით ეკითხება – „ბილი ჩემო, გახსოვს ის დრო, სიეტლში ორი ნაშა რო დავითრიეთ მე და შენ? ეგეთი დრო იშვიათად მიტარებია...“

თვალეზადმოცვენილი ბილი თეფშიდან იღებს თავს. ტუჩებს აცმაცუნებს, მაგრამ ვერაფერს ამბობს. მაკმერფი ჰარდინგისკენ ტრიალდება.

„არაფერი არ გამოგვივიდოდა, ეგრე უცებ ნალდად ვერ შევაბამდით, ბილი ბიბიტის ამბავი რო არ ქონოდათ გაგებული. ბილი „ყვერება“ ბიბიტის. იმ დროს ეგრე ეძახდნენ. გოგოები უკვე ათესვას აპირებდნენ, მარა ერთმა შეხედა და ეუბნება – შენ ის ბილი ბიბიტი ხო არა ხარო? ცნობილი ოცდაათსანტიმეტრიანის

პატრონიო? – ბილიმ მორცხვად დახარა თავი და განითლდა, აი, ზუსტად ესე, როგორც ეხლა. შეუბერეთ, მარა რა შეუბერეთ! მახსოვს, უკვე სასტუმროში ვართ და ბილის საწოლიდან გოგოს ხმა მესმის – მისტერ ბიბიტ, ძაან გამიცრუეთ იმედიო; თქვენზე მითხრესო და, უცებ – ოოოოოოო, თუ ღმერთი გნამს, ბილი, მეტი აღარ შემიძლიაო!“

თახთახებს, ბარდაყზე ხელს იტყაპუნებს, თან მალ-მალე ბილის წაკრავს ხოლმე ცერა თითს. ასე მგონია, ბილი საცაა გონებას დაკარგავს და მკვდარივით იატაკზე მოადენს ზღართანს, ამდენჯერ განითლებსგან და შეკავებული სიცილისგან სიქაგამოცლილი.

მერე მაკმერფი სხვათა შორის ამბობს, აქაურობას რამე თუ აკლია, ერთი-ორი იმათნაირი ტკბილი ნაშა აკლიაო. ნუხელ რო მეძინა, ეგეთ საწოლში ჯერ ცხოვრებაში არ მძინებია და სუფრაც მშვენიერი გაშალესო. ვერ გამიგია, აქ მოხვედრილი კაცი უკმაყოფილო რით უნდა იყოსო.

„აბა შემომხედეთ,“ ეუბნება ბიჭებს და სინათლეზე გასცქერის თავის ჭიქას, „ექვს თვეში პირველად ვსვამ ფორთოხლის წვენს. რაც კაია, კაია! ეხლა გეკითხებით, კოლონიაში რას მომართმევდნენ საუზმეზე? რით გამიმასპინძლებოდნენ? კი ბატონო, შესახედად რა იქნებოდა, შემიძლია გითხრათ, ოღონდ სახელს ნაღდად ვერ დავარქმევ; დილასაც, შუადღეზეც და საღამოსაც რაღაც ერთნაირად შავი და დამწვარი მოქონდათ, კარტოფილგარეული და ხის ნებოს გემოსი. ერთ რამეზე ალაღად დავიფიცებ: ფორთოხლის წვენი ასიანი არ ყოფილა. ეხლა აქეთ მოიხედეთ: ბეკონიო, ტოსტიო, კარაქი, კვერცხი, ყავა – პატარა ცუგრუმელამ, სამზარეულოში, ისიც კი მკითხა, რძიანს ინებებთ თუ ურძეოსო – და, ღმერთო, შენი სახელის ჭირიმე, ვეებერთელა! დიიდი! ჩაციებული ჭიქა ფორთოხლის წვენი! არა, ძმაო, ფულიც რო შემომამძლიონ, აქედან ფეხის მომცვლელი არა ვარ!“

ყველაფერს იმატებს, ყავის ჩამომსხმელ გოგოს პაემანს უნიშნავს – აქედან რო გავალ, მე და შენ აუცილებლად უნდა შევხვდეთ ერთმანეთსო, ზანგ მზარეულს ნახელავს უქებს: მსგავსი

ერბოკვერცხი ჩემ დღეში არ მიგემიაო. ბატიბუტთან ერთად ბანანი მოაქვთ და მთელ ბლუჯა ბანანს ითრევს, თან შავ ბიჭს ეუბნება, ერთ ცალს შენც გაგიშანსავ, რალაც ძაან მშიერი თვალებით მიყურებო. შავი ბიჭი დერეფნის ბოლოსკენ აპარებს თვალს, შუშის კოლოფში დასკუპებული მთავარი ექთნისკენ და ბურდღუნებს – პაციენტებთან ერთად ჭამის უფლება არა გვაქვსო.

„ეგეც განყოფილების შინაგანანესს ეწინააღმდეგება?“  
„სწორია.“

„არა მშურს შენი ბედი,“ – მაკმერფი ბანანს ფცქენის, სამ ცალს ზედიზედ, ლამის შავი ბიჭის ცხვირწინ, და მადიანად ილუქმება. ბიჭს ეუბნება – როცა მოგინდეს, მითხარი, სემ, არ მოგერიდოს და სასადილოდან შენთვისაც დავითრევო.

უკანასკნელ ბანანსაც უღებს ბოლოს, ხელს მუცელზე იტყაპუნებს, დგება და კარისკენ მიდის. შავი მუტრუკი გზას უღობავს, ეუბნება, აქაური წესებით პაციენტები მანამდე სხედან სასადილოში თავ-თავიანთ ადგილებზე, სანამ ყველა ერთად არ გავარვის ნახევარზეო. მაკმერფი ისეთი სახით უყურებს, თითქოს საკუთარი ყურებისთვის ვერ დაუჯერებია, მერე ჰარდინგისკენ ტრიალდება და თვალებით თხოვს ნათქვამის დადასტურებას, ჰარდინგიც თავს უქნევს, მაკმერფი მხრებს იჩიჩავს, ისევ თავის სკამთან ბრუნდება. – ღმერთმა ხო იცის, თქვენი სულელური წესების დარღვევა სრულებით არ მეპიტნავებო, ამბობს.

სასადილოს ბოლოში კედლის საათი რვის თხუთმეტი წუთს აჩვენებს. ტყუის მამაძალღი, ვითომ მარტო თხუთმეტი წუთია, რაც აქ ვსხედვართ, არადა, სულ ცოტა, ერთი საათი მაინც გავიდა. ყველამ მოათავა ჭამა, სკამების საზურგეებზე გადაწვინენ, უყურებენ, როდის მიაღწევს დიდი ისარი რვის ნახევრამდე. შავ ბიჭებს ბოსტნეულების მოწუნწკლული ლანგრები მოაქვთ და სავარძლებით ორ ბებერსაც მოაგორებენ, შლანგებით უნდა გადაავლონ წყალი. პაციენტების თითქმის ნახევარს თავი მკლავებზე ჩამოუდვია, სანიტრების დაბრუნებამდე იქნებ ცოტა წავუძინოთო. სხვას რას გააკეთებენ – არც ბანქო აქვთ, არც



ჟურნალები და არც სურათებიანი რეზუსები. ან უნდა დაიძინო, ანდა გაშტერებულმა საათს უყურო.

ოლონდ მაკმერფის წყნარად გაჩერება არ შეუძლია; რაღაც უნდა მოიგონოს. დაახლოებით ორ წუთს თეფშზე საჭმლის მონარჩენებს ურევს კოვზით და უკვე მზადაა ახალი გასართობისთვის. ცერებს ჯიბეებში იჩრის, სკამს უკანა ფეხებზე აყენებს და თვალმოჭუტული ასცქერის კედლის საათს. მერე ცხვირს იფხანს.

„იცით, ძმებო, ეს ძველი საათი ფორტ რაილის სასროლეთის სამიზნეებს მახსენებს. ზუსტად იქ მივიღე ჩემი პირველი მედალი, სნაიპერის ჯილდო. მაგრა ვისროდი. ვის გინდათ, დოლარზე გაგიმაზოთ, აი, ამ კარაქის გუნდას პირდაპირ ციფერბლატის შუაში დავაჭედებ, ყოველ შემთხვევაში, ციფერბლატს უეჭველი მოვარტყამ?“

სამნი ენაძლევებიან, ისიც კარაქს დანის წვერით იღებს და ისვრის. კარაქი საათიდან ოციოდე სანტიმეტრით მარცხნივ ეტყუება კედელს და სანამ მაკმერფი წაგებულს იხდის, ყველა აშაყირებს. ჯერაც ელადავებიან – შენ ისროდი თუ სვრიდიო? – როცა ბოსტნეულების გასარეცხად წასული დაგვაჯული შავი ბიჭი უკან ბრუნდება. ყველა ისევ თეფშებში რგავს ცხვირს და ხმას იკმენდს. შავ ბიჭს გული რაღაც ავს კი უგრძნობს, მაგრამ ჯერ ვერაფერს ხედავს. ალბათ, ვერც დაინახავდა ვერაფერს, ბებერი პოლკოვნიკი მეთერსონი რომ არ აცეცებდეს გაუჩერებლად თვალს, სწორედ ის ამჩნევს კედელზე მიდღაბნილ კარაქს და ხელს იქითკენ იშვერს, თავისებურად იწყებს ლექციის კითხვას, ყოვლისმომთმენი, დაგუდული ხმით ცდილობს, რაღაც აგვიხსნას, თითქოს იმის ნათქვამს რამე აზრი ჰქონდეს.

„კა-რა-ქი... რეს-პუბ-ლი-კელ-თა პარტიანა...“

შავ ბიჭსაც იქით გაურბის თვალი, საითაც პოლკოვნიკს გაუმვერია თითი. კარაქი კედელზე იღვენთება ყვითელ ლოკოკინასავით. შავი ბიჭი გაშტერებული მისჩერებია, მაგრამ ხმას არ იღებს, არც იმის გარკვევას ცდილობს, ვინ ჩაიდინა ეს მკრეხელობა.

მაკმერფი ირგვლივ მჯდომ პაციენტებს ეჩურჩულება და მუჯღუგუნებს კრავს, ცოტა ხანში ყველა თანხმობის ნიშნად უქნევს თავს და მაკმერფიც სამ დოლარს დებს მაგიდაზე. საერთო ყურადღება კედელზე გადღაბნილი კარაქის ლაქისკენაა მიპყრობილი, კარაქი ქვევით მოჟონავს, მერე ქვაკვდება, ცოტა ხანში ისევ აგრძელებს გზას და ბრჭყვიალა კვალს ტოვებს კედლის საღებავზე. კრინტსაც არავინ ძრავს, კარაქს არ აშორებენ თვალს, მერე მზერა საათზე გადააქვთ, მერე ისევ კარაქზე. საათის ისრები უკვე ამოძრავებულან.

კარაქი იატაკამდე აღწევს. დაახლოებით ნახევარი ნუთით ადრე, სანამ რვის ნახევარი შესრულდება, და მაკმერფიც მთელ წაგებულ ფულს უკან იბრუნებს.

შავი ბიჭი რინდიდან ფხიზლდება, კედელზე დარჩენილ ქონიან ზოლს თვალს აშორებს და – შეგიძლიათ გახვიდეთო – გვეუბნება. მაკმერფი ფულს ჯიბეში იჩრის და სასადილოდან გამოდის. კარებთან შავ ბიჭს მხარზე ხვევს ხელს და არ ვიცი, მიყავს თუ მიაქვს დღის პალატისკენ. „სემ, შე ძველო, თითქმის ნახევარი დღე გავიდა და ჯერაც წაგებაში ვარ. რამეს თუ ვაპირებ, ცოტა უნდა დავუჩქარო. თუ ძმა ხარ, იქნებ კაბინეტში ჩაკეტილი კარტი დაიადო და მერე ვნახოთ, გაგაგონებთ ჩემ ხმას ამ რეპროდუქტორის კივილში თუ ვერა.“

მაკმერფი მთელი დღია წაგებულს უკან იბრუნებს, „ოცდაერთს“ თამაშობს, ოღონდ ახლა სიგარეტზე კი არა, ხელწერილებზე. ორჯერ თუ სამჯერ უცვლის ადგილს მაგიდას, ცდილობს, როგორმე რეპროდუქტორს გაექცეს. აშკარად ძალიან უშლის ნერვებს. ბოლოს ექთნების სამორიგეოსთან მიდის, იქამდე აკაკუნებს შუშაზე, სანამ მთავარი ექთანი თავის სავარძელს იმისკენ შემოაბრუნებს და კარს გაუღებს, მაკმერფი ეკითხება – რა დაშავდება, ცოტა ხნით ეს ჯოჯოხეთური ხმაური შეწყვიტოთო? სავარძელში მოკალათებული მთავარი ექთანი უკვე ისეთი მშვიდია, როგორიც არასდროს; უკვე აღარავის გამოყავს

წონასწორობიდან, დერეფანში წინ და უკან აღარ დარბიან ნახევრად შიშველი კერპთაყვანისმცემლები. ღიმილი მყარად მოურგია სახეზე. თვალებს ნაბავს, თავს აქნევს და ძალიან ტკბილად პასუხობს – არ შეიძლებაო.

„ცოტა ხმას მაინც ვერ ჩაუნევთ? ვითომ აუცილებელია, მთელმა ორეგონის შტატმა საათში სამჯერ მოისმინოს, როგორ უკრავს ლორენს უელკი „ორისთვის განყოფილ ჩაის“? ცოტათი რო ჩაგენიათ, იქნებ პარტნიორების ხმაც გამეგონა და პოკერიც წამოგვენყო...“

„მისტერ მაკმერფი, თქვენ ერთხელ უკვე აგისხნეს, ფულზე თამაში განყოფილებაში დადგენილ წესებს ეწინააღმდეგება.“

„ო'კეი, მაშინ იმდენზე მაინც დაუნიეთ, ასანთის ღერებზე ვითამაშოთ ან შარვლის ღილებზე... ჩაანყვეტინეთ მაგ ოხერს ხმა!“

„მისტერ მაკმერფი...“ ქალი ცოტა ხნით ჩუმდება, საწინააღმდეგო სიტყვას გააგრძელებდეს, ელოდება, როდის მოახდენს მისი მშვიდი, პედაგოგიური ტონი საჭირო ზემოქმედებას; თან ისიც იცის, ყველა მწვავე გაფაციცებული გვიგდებს ყურსო. „...გინდათ იცოდეთ, მე რას ვფიქრობ? მე მგონი, თქვენ დიდი ეგოისტი ბრძანდებით. ნუთუ ვერ ამჩნევთ, ამ საავადმყოფოში, თქვენ გარდა, სხვებიც არიან?! მაგალითად, მოხუცები, რომლებიც საერთოდ ვეღარ მოუსმენენ რადიოს, ხმას თუ დავუწიეთ; მათ არც კითხვა შეუძლიათ, არც რეზუსების ამოხსნა, სხვათა შორის, არც სხვების კუთვნილი სიგარეტების ბანქოში მოგება. მეთერსონისა და ქითლინგისნაირ მოხუცებს ამ მუსიკის მეტი სხვა სიხარული არ გააჩნიათ, თქვენ კი ესეც გინდათ წაართვათ. ჩვენ არასოდეს ვამბობთ უარს პაციენტების მოსაზრებებისა და მოთხოვნების მოსმენაზე, მაგრამ, ჩემი აზრით, საწინააღმდეგო მოითხოვით, აჯობებდა, ცოტა სხვაზეც გეფიქრათ.“

მაკმერფი ქალისკენ ზურგით დგება და ქრონიკულებისკენ იყურება, რწმუნდება, მთავარი ექთნის ნათქვამში სიმართლის ნატამალი ნამდვილად არისო. ქუდს იხდის, თმაში თითებს იცუ-

რებს და ისევ მთავარი ექთონისკენ ტრიალდება. იმისი არ იყოს, თვითონაც ხვდება, მწვავეები ყურებად არიან ქცეულიო.

„ო'კეი, მაგაზე მართლა არ მიფიქრია...“

„მეც ასე მგონია.“

მაკმერფი მწვანე პიჟამის საყელოდან ამოჩრილ თმის პატარა ბლუჯას იწინკნის, მერე ამბობს: „კეთილი, მარა იმაზე რას იტყვით, კარტი სადმე სხვაგან რო ვითამაშოთ? სხვა ოთახში? მაგალითად, შეკრებების დროს მაგიდები სადაც გაგაქთ, იქ? სხვა დროს ხო სუ ცარიელია? გაგვიღეთ ის ოთახი, დაჯვდებით ჩვენთვის, წყნარად ვითამაშებთ და ბებრებიც იმდენ მუსიკას მოისმენენ, რამდენიც იმათ გულს და სულს გაეხარდება – რა გინდათ უკეთესი?“

ქალი იღიმება, ისევ ნაბავს თვალებს და ნაზად აქნევს თავს. „რასაკვირველია, თქვენი მოსაზრება როდისმე შეგიძლიათ ხელმძღვანელობის სხვა წარმომადგენლებსაც გაუზიაროთ, მაგრამ ვშიშობ, ყველას აზრი ჩემსას დაემთხვევა: დღის ორი პალატის მოსავლელად საკმარისი ზედამხედველები არა გვყავს. პერსონალი არ გვეყოფა. კარგი იქნებოდა, ამ შუშას თუ არ მიეყრდნობოდით, გეთაყვა; ქონიანი ხელები გაქვთ და ფანჯარას ლაქავთ. დამლაგებლის შრომასაც უნდა ვცეთ პატივი.“

მაკმერფი დამდულრულივით იღებს შუშიდან ხელს, ვხედავ, რალაცის თქმას აპირებს, მაგრამ დროზევე აჭერს ენას კბილს, ხვდება, ლანძღვა-გინებას თუ არ მოვყევი, პრინციპში სხვა სათქმელი ქალმა არაფერი დამიტოვაო. სახე და კისერი აჭარხლებია. ხარბად ისუნთქავს ჰაერს და ცდილობს, ნებისყოფა მოიკრიბოს, სწორედ ისევე, როგორც დილით მთავარი ექთანის ცდილობდა; ძალიან ვნუხვარ, ტყუილა შეგანუხეთო – ეუბნება და ბანქოს სათამაშო მაგიდასთან ბრუნდება.

ყველა ხვდება – დაინყო.

თერთმეტ საათზე პალატაში ექიმი შემოდის და მაკმერფის ეპატიყება – კარგი იქნებოდა, ჩემს კაბინეტში თუ წამობრძანდებიდით, ცოტა ვისაუბროთო. „ახალმოსულებს მეორე დღეს ყოველთვის ვესაუბრები ხოლმე.“

მაკმერფი ბანქოს მაგიდაზე ალაგებს, დგება და ექიმისკენ მიდის. ექიმი ეკითხება – როგორ გეძინათო? – მაგრამ მაკმერფი პასუხად რაღაც გაუგებარს ბურღუნებს.

„დღეს რაღაც ჩაფიქრებული ჩანხართ, მაკმერფი.“

„ო, მე საერთოდ ძაან ფიქრიანი ბიჭი ვარ,“ ამბობს მაკმერფი და მერე ექიმთან ერთად დერეფანში გადის. როცა ისევ უკან ბრუნდებიან, თითქოს რამდენიმე დღის შემდეგ, ორივე ილიმება, ხალისიანად საუბრობენ რაღაცით გაბედნიერებულები. ექიმი ცრემლით დანამულ სათვალის შუშებს აპრიალებს – ეტყობა, მართლა ძალიან გულით იცინა, მაკმერფიც ისეთივე ხმაურიანი, თავხედი და ტრაბახაა, როგორც ყოველთვის. მთელი სადილის განმავლობაშიც გადასარევე ხასიათზეა და პირველი საათი რომ სრულდება, ყველაზე ადრე იკავებს თავის ადგილს ჯგუფის შეკრებაზე, კუთხეში ზის და ლურჯ თვალებს ზარმაცად აუუყუნებს.

ქალღმერთით სავსე კალათით ხელდამშვენებული მთავარი ექთანის სტუდენტი-ექთნების ამალის თანხლებით შემოდის დღის პალატაში. მაგიდიდან დავთარს იღებს და ნუთით კოპებშეკრული რაღაცას ეძებს შიგ (მთელი დღეა, დავთარში ახალი არავის არაფერი ჩაუწერია), მერე კარებთან ჯდება თავის სკამზე. კალათიდან რამდენიმე საქალაღდეს იღებს, მუხლებზე ილაგებს, ჰარდინგის ისტორიას შლის.

„როგორც მახსოვს, გუშინ მისტერ ჰარდინგის პრობლემების განხილვისას საკმაოდ წავინიეთ წინ...“

„დიახ... ოღონდ ვიდრე მაგ საკითხს დავუბრუნდებოდეთ,“ აწყვეტინებს ექიმი, „თუ შეიძლება, ნუთით ჩაგერთვებით. ორი სიტყვით გეტყვით, რაზე ვისაუბრეთ მე და მისტერ მაკმერფიმ ამ დილით ჩემს კაბინეტში. უფრო სწორად, რა გავიხსენეთ. ძველ დროზე ვლაპარაკობდით. იცით, ბევრი საერთოც აღმოვაჩინეთ – თურმე მისტერ მაკმერფის და მე ერთ სკოლაში გვისწავლია.“

ექთნები ერთმანეთს უცქერენ და ვერ გაუგიათ, რამ უკბინა ამ კაცსო. პაციენტები ოთახის კუთხეში გაყუჩებული, მოლი-

მარი მაკმერფისკენ აპარებენ თვალს და ელოდებიან, როდის გააგრძელებს სიტყვას ექიმი. ექიმი თავს აკანტურებს.

„ღიახ, ერთ სკოლაში. სხვათა შორის, იმ სკოლაში გამართული კარნავალებიც მოვიგონეთ – შესანიშნავი, ხმაურიანი გალა-წარმოდგენები! დეკორაციებით, ფერად-ფერადი ალმებით, კიოსკებით, თამაშობებით... წლის უმთავრესი მოვლენა იყო ხოლმე! მე – მაკმერფისაც ვუთხარი – ბოლო ორ კლასში სწავლისას კარნავალების პირველი მოთავე ვიყავი. რა მშვენიერი, რა უდარდელი წლები იყო...“

დღის პალატაში მართლა ბუზის გაფრენას გაიგონებს კაცი. ექიმი თავს მაღლა სწევს, მსმენელების სახეებს ათვალეირებს – ძალიან სულელურად ხომ არ გამოვიყურებო. მთავარი ექთანისეთი სახით მიჩერებია, წესით ეჭვი აღარაფერში უნდა შეეპაროს, მაგრამ სათვალე არ უკეთია და ქალის მზერაც მიზანს ვერ აღწევს.

„ასეა თუ ისე, ამ ნოსტალგიური გრძნობების სენტიმენტალურ ამოფრქვევას, ჯობია წერტილი დავუსვათ და საქმეზე ვილაპარაკოთ: მე და მაკმერფის იდეა დაგვებადა – რას იტყვოდი, კარნავალი აქაც, ჩვენს განყოფილებაში რომ დაგვემართა?“

სათვალეს იკეთებს და ერთხელ კიდევ ავლებს თვალს გარშემო მსხდომებს. თუმცა ამ სიტყვების გაგონებაზე სიხარულისგან ხტუნვას არავინ იწყებს. ზოგ ჩვენთანს კარგად ახსოვს, რამდენიმე წლის წინ თეიბერიც ცდილობდა კარნავალის მონყობას და მტრისას, რაც ამ ამბიდან გამოვიდა. სანამ ექიმი მდუმარედ ელოდება პასუხს, სიჩუმე მთავარი ექთნის ირგვლივ ყალყზე დგება და მერე ყველას და ყველაფერს თავზე ექცევა, ბიჭი ხარ და გაარღვიე ეს კედელი. ვიცი, მაკმერფიც ვერ დაძრავს კრინტს, კარნავალის იდეის შთამაგონებელი. საბოლოოდ ვრწმუნდები, ეგეთი სულელი ნამდვილად არავინ გამოდგება, ახლა სიჩუმე დაარღვიოს-მეთქი, მაგრამ სწორედ ამ დროს მაკმერფის გვერდით მჯდომი ჩესვიკი ბუზლუნ-ბუზლუნით და ფერდების ფხანა-ფხანით დგება ფეხზე.

„ხოოო, მე თუ მკითხავთ... მე პირადად... როგორ გითხრათ...“  
თან მაკმერფის სკამის სახელურზე ჩამოდებულ ვეება ტორს  
დასცქერის – მაკმერფის მუშტი შეუკრავს, დიდი, გახევებული  
ცერი კი, ძროხის ცურს რომ უგავს, მაღლა აუშვევრია. „კარნა-  
ვალი მართლა კარგი იდეაა. რალაცა მაინც დაარღვევს ერთფე-  
როვნებას.“

„სწორია, ჩარლი,“ უხარია ექიმს, ღირსეულად აფასებს ჩეს-  
ვიკის დახმარებას, „თანაც არც სამკურნალო ეფექტი დაგა-  
ვინწყდეს!“

„რა თქმა უნდა,“ ჩესვიკი უკვე ველარ მალავს ბედნიერებას,  
„რა თქმა უნდა, არ უნდა დამავინწყდეს. კარნავალივით არაფერი  
უხდება ჯანმრთელობას! თქვენგან არ მიკვირს?!...“

„ძა-ა-ან ვვ-ი-იმხიარულებთ,“ ამბობს ბილი ბიბიტი.

„გეცაა, აბა რა,“ ეთანხმება ჩესვიკი. „მაგ საქმეს თავს მოვა-  
ბამთ, ექიმო სპაივი, ნამდვილად არ გაგვიჭირდება. სქანლონი  
თავის ნომერს გვიჩვენებს – კაცი-ყუმბარა, მე კიდევ საწარმოო  
თერაპიის ოთახში სერსოებს გავაკეთებ...“

„მე გიმკითხავებთ,“ ამბობს მარტინი და ჭერში ერთ წერ-  
ტილს უშტერებს თვალს.

„მეც მეხერხება ხელისგულზე მკითხაობა, პათოლოგიების  
დიაგნოსტიკება შემძლია,“ ამბობს ჰარდინგი.

„კარგია, გადასარევია,“ უხარია ჩესვიკს და ტაშს უკრავს.  
ადრე მის ნათქვამს მომხრე არასდროს გამოჩენია.

„მე კი,“ სიტყვებს წელავს მაკმერფი, „ატრაქციონებზე თუ  
მამუშავებთ, დიდ პატივად ჩაგითვლით. ცოტ-ცოტა გამოცდი-  
ლებაც მაქ...“

„ცხადია, რა თქმა უნდა, უამრავი შესაძლებლობა არსებობს,“  
ამბობს ექიმი და ამაყად სწორდება სავარძელში – მართლა გახა-  
ლისებული და დაინტერესებული. „მეც მილიონი იდეა მიტრი-  
ალებს თავში...“

კიდევ ხუთი ნუთი ლაპარაკობს მოქოქილი. მაშინვე შეატყობ,  
ეს მილიონი იდეა მაკმერფისთვის უკვე გაზიარებული აქვს.

სხვადასხვა თამაშებს იგონებს, რაღაც კიოსკებს ახსენებს, გვიხსნის, როგორ აპირებს ბილეთების გაყიდვას და უცებ ისე მოულოდნელად ჩუმდება, თითქოს მთავარმა ექთანმა მზერა პირდაპირ თვალებშია ჩააჭედა ტყვიასავითო. რეალობას დაბრუნებული, წამნამებს აფახულებს და ეკითხება – თქვენ რას იტყვით, მის რეჩედ, აქ, ამ განყოფილებაში კარნავალის მონყობაზეო?

„გეთანხმებით, ამ წამონწყებას შეიძლება მართლაც მოჰყვეს მთელი რიგი სამკურნალო ეფექტები,“ პასუხობს მთავარი ექთანი და ცოტა ხნით ისევ ჩუმდება. სიჩუმეს აცდის ხელახლა აზვირთებას და ყალყზე შედგომას. როცა რწმუნდება, სიჩუმის დარღვევას არავინ ფიქრობსო, სიტყვას აგრძელებს: „თუმცა, ჩემი ღრმა რწმენით, სანამ საბოლოო გადანყვეტილებას მივიღებდეთ, მსგავსი იდეა ხელმძღვანელობის საერთო კრებაზე უნდა იქნეს ყოველმხრივ ანონილ-დანონილი. არ მეთანხმებით, ექიმო?“

„რა თქმა უნდა. უბრალოდ, მე ვიფიქრე... ხომ გესმით? ჯერ ზოგიერთების აზრს გავიგებ-მეთქი. თუმცა, რასაკვირველია, უპირველეს ყოვლისა ხელმძღვანელობას მოვეთათბირებით, მერე კი გავაგრძელოთ ჩვენს გეგმებზე საუბარი...“

ყველა ხვდება, კარნავალმა ჭირი მოგვჭამაო.

მთავარი ექთანი ქალაქლების ფურცვლას იწყებს და სადავებებსაც ისევ იბრუნებს. „ძალიან კარგი! მაშინ, თუ სხვა ახალი ამბავი არაფერი გვაქვს გასარჩევი – და თუკი მისტერ ჩესვიკიც კეთილს ინებებს და დაბრძანდება – ვფიქრობ აჯობებს, საქმეზე გადავიდეთ. ჩვენ...“ კალათიდან საათს იღებს და დასცქერის – „... ორმოცდახუთი წუთილა დაგვრჩა. და როგორც უკვე...“

„ბოდიში რა, ერთი წუთიც, კიდე გამახსენდა რაღაც.“ მაკმერფის ხელი აუწევია და თითებს ხმაურით ატკაცუნებს. სანამ რამეს უპასუხებდეს, მთავარი ექთანი კარგა ხანს უცქერის უხმოდ.

„ბრძანეთ, მისტერ მაკმერფი.“

„უფრო სწორად, ექიმ სპაივის გაახსენდა. ექიმო, გვითხარით ერთი, რა გადანყვიტეთ ჩვენი სმენადაქვეითებულების და რადიოს ამბავში!“



მთავარი ექთანი ნერვიულად, ოდნავ შესამჩნევად აქნევს თავს, თუმცა მე მაინც გული გუგუნს მიწყებს. ქალღმერთებს ისევ კალათში ალაგებს და ექიმისკენ ტრიალდება.

„დიახ,“ ამბობს ექიმი. „კინალამ დამავინყდა.“ სკამის ზურგს ეყრდნობა, ფეხს ფეხზე იდებს და ხელის თითებს ერთმანეთს ატყუპებს; ვხედავ, კარნავალის წყალობით ჯერაც კარგ გუნებაზეა. „იცით, მე და მაკმერფიმ ვისაუბრეთ იმ ძველისძველ პროლემაზე, რომელიც დღემდე აწუხებს ჩვენს განყოფილებას: ჭრელ შემადგენლობაზე, მოხუცების და ახალგაზრდების გვერდიგვერდ ცხოვრებაზე. თერაპიული თვალსაზრისით, ამგვარი მდგომარეობა იდეალურად ნამდვილად ვერ ჩაითვლება, მაგრამ ადმინისტრაცია აცხადებს, გადატვირთული გერიატრიული კორპუსის პირობებში ამჟამად სხვა გამოსავალი არ არსებობსო. არ შემიძლია, გულწრფელად არ ვალიარო – ნებისმიერისათვის, ვისაც უშუალოდ ეხება, არსებული სიტუაცია ნამდვილად არასასიამოვნოა. ჰოდა, მე და მაკმერფის ერთი აზრი დაგვებადა, რამაც ორივე ასაკობრივი ჯგუფის ყოფა შეიძლება შედარებით გააუმჯობესოს. მაკმერფის შეუმჩნევია, ზოგიერთ ჩვენს მოხუცს, ეტყობა, რადიოს ხმა ძნელად ესმისო. გვთავაზობს, რეპროდუქტორები უფრო ხმამაღლა ჩავრთოთ, სმენადაქვეითებულმა ქრონიკულებმა შვება რომ იგრძნონ. ჩემი აზრით, უალრესად ჰუმანური წინადადებაა.“

მაკმერფი ხელს იქნევს და თავმდაბლად უარობს – მე რა შუაში ვარო; ექიმი თავს უკანტურებს და აგრძელებს:

„მაგრამ მე არ დავუმაღლე, რამდენიმე შედარებით ახალგაზრდა პაციენტმა ადრე უკვე მომმართა-მეთქი საჩივრით – რადიო ისეთ ხმაზეა ჩართული, საუბარი და კითხვა შეუძლებელიაო. მაკმერფი გამომიტყდა, ამაზე არ მიფიქრიაო, თუმცა შენიშნა, სირცხვილია, კაცს კითხვა უნდოდეს და არ შეეძლოს სადმე თავისთვის მყუდროდ მოკალათდეს, რადიო კი მთლიანად იმას დაუთმოს, ვისაც მოსმენა უნდაო. დავეთანხმე, მართლაც სირცხვილია-მეთქი და ამ საკითხზე საუბარიც ფაქტიურად ამო-

წურულად ჩავთვალე, როცა მოულოდნელად გამახსენდა ძველი სააბაზანო ოთახი, სადაც შეკრებების დროს მაგიდები გაგვაქვს ხოლმე. სხვაში არც არაფერში ვიყენებთ. ჰიდროთერაპიამ, რისთვისაც ის ოთახი თავიდან იყო განკუთვნილი, თავისი დრო მოქამა, ისეთი წამლები გვაქვს, ჰიდროთერაპია ვილას ახსოვს. რას იტყვით, იმ ოთახში რაღაც მეორე დღის პალატასავით რომ მოგვეწყო, ვთქვათ, სათამაშო ოთახი დაგვერქმია?“

არავინ იღებს ხმას. ყველამ იცის, ახლა ვისი ლაპარაკის ჯერიცაა. მთავარი ექთანი ერთხელ კიდევ ხურავს ჰარდინგის საქალაქს, მუხლებზე იღებს, საქალაქზე აჯვარედინებს ხელებს და ისეთი სახით ათვალიერებს ოთახს, თითქოს ვინმე სულელი გაბედავდეს და კრინტს დაძრავდეს. როცა რწმუნდება, ამჯერად მაინც ველარავინ დაასწრებს სიტყვის თქმას, თავს ექიმისკენ აბრუნებს. „ორი აზრი არ არსებობს, თავისთავად შესანიშნავი გეგმაა, ექიმო სპაივი; და მეც მხოლოდ მივესალმები მისტერ მაკმერფის ზრუნვას სხვა პაციენტებზე, ოღონდ ვშიშობ, მეორე დღის პალატისთვის პერსონალი არ გვეყოფა.“

იმდენადაა დარწმუნებული, ამ სიტყვების მერე საუბარს წერტილი დაესმებაო, ისევ საქალაქის გადაშლას აპირებს, მაგრამ ექიმი, მთავარი ექთნის გასაოცრად, ეტყობა, ზედმინევნით კარგადაა მომზადებული.

„მაგაზე მეც ვიფიქრე, მის რეჩედ. რამდენადაც აქ, რადიოსთან, უმეტესად ქრონიკულები დარჩებიან – უმრავლესობა სავარძლებს მიჯაჭვული – ერთი სანიტარი და ერთი ექთანი სავსებით იოლად მოახერხებენ ნებისმიერი შფოთის და ჯანყის ჩანასახშივე ჩახშობას, რა თქმა უნდა, თუკი საერთოდ დაგვემუქრება მსგავსი საშიშროება. თქვენ არ მეთანხმებით?“

ქალი არაფერს პასუხობს, შფოთსა და ჯანყზე ხუმრობით გადაკრული სიტყვა მაინცდამაინც არ ეჭაშნიკება, თუმცა სახეც არ ეცვლება. ღიმილს არ იშორებს.

„ამდენად, დანარჩენი სანიტრები და ექთნებიც ალბათ კიდევ უფრო უკეთესად მიაღვენებენ პაციენტებს თვალს სააბა-

ზანოში, ვიდრე აქ, ამოდენა პალატაში. თქვენ თვითონ რას ფიქრობთ, ბიჭებო? მოგწონთ ეს იდეა? მე პირადად ძალიან დამიჯდა ჭკუაში. ჩემი აზრით, უნდა ვცადოთ, რამდენიმე დღე შევხედოთ, რა გამოვა. თუ არ გაამართლა, კი ბატონო, ისევ ძველი წესი და რიგი აღვადგინოთ, ჩვენი ნება არ არის?!“

„სწორია,“ ასკვნის ჩესვიკი და ხელისგულზე მუშტს ირტყამს. ჯერ ისევ ფეხზე დგას, თითქოს მაკმერფის ვეება ტორთან მიახლოების ემინია. „სწორია, ექიმო სპაივი, არ გაამართლებს და, სააბაზანოს გასაღები კი არ დაგვკარგვია! ისევ ჩავკეტავთ, თქვენგან არ მიკვირს?!“

ექიმი ოთახს ათვალიერებს, ხედავს, ყველა დანარჩენი მწვავეც თავს უქნევს, იღიმება. ყველას მონონს იდეა, რომელიც ექიმს უკვე თავის საკუთრებად მიაჩნია, და ექიმიც ბილი ბიბიტივით წითლდება, სანამ სიტყვას გააგრძელებდეს, იძულებულია რამდენჯერმე გააპრილოს სათვალის შუშები. ვუყურებ და მეცინება, იმდენად კმაყოფილია პატარა კაცუნა საკუთარი თავით. პაციენტებს აყოლილი, თვითონაც აკანტურებს თავს, მშვენიერია, მშვენიერო, – იმეორებს რამდენჯერმე და ხელებს მუხლებზე იწყობს. „ძალიან კარგი, მაშინ, თუ ეს ამბავი გადანყვეტილია... მგონი, დამავინყდა კიდეც, რაზე ვაპირებდით დღეს საუბარს?“

მთავარ ექთანს ერთხელაც ოდნავშესამჩნევად უთრთის თავი, კალათისკენ იხრება, საქალაღდეს იღებს. ფურცლავს და თითქოს ხელებიც უკანკალებს. საჭირო ფურცელს პოულობს, მაგრამ სანამ კითხვას დაიწყებდეს, მაკმერფი ისევ დგება, ხელს მალლა სწევს, მოუთმენლად ინაცვლებს იატაკზე ფეხებს და გაბმულად, ფიქრიანად ამბობს – მოოოიიიცათო; ქალს ხელი უშეშდება, ქვავდება, თითქოს მაკმერფის ხმამ ახლა ისიც ისევე მიაყინა სკამს, როგორც თვითონ გაყინა ამ დილით დერეფანში შავი ბიჭი. ამის დანახვაზე ერთხელაც ჟრუანტელივით მივლის ტანში სასიამოვნო შეგრძნება. სანამ მაკმერფი ლაპარაკობს, მთავარ ექთანს არ ვაშორებ თვალს.

„მოოოოცათ, ექიმო! გავგიჟდები, თუ არ გამარკვით, ჩემი წუხანდელი საზმარი რას ნიშნავს. მოკლეთ, სიზმარში თითქოს მე – მე ვიყავი, და მერე უცებ თითქოს მე – მე არ ვიყავი; ვილაც სხვა გაიჩითა, არადა მაგრა მგავდა, როგორც... როგორც მამა-ჩემი! ხო, ნაღდად, მამაჩემი იყო. იმიტო, რო ჯერ ჩემ თავსაც – როცა მე მე ვიყავი, და მერე იმასაც ყბაში რკინის სოლგაყრილს ვხედავდი, ზუსტად მამაჩემივით...“

„მამათქვენს ყბაში რკინის სოლი აქვს გაყრილი?“

„არა, ეხლა უკვე აღარ... ადრე ქონდა, როცა მე პატარა ბიჭი ვიყავი. აი, აქედან გაუყარეს და აქედან გამოუყარეს! სუფთა ფრანკენშტეინს გავდა! რალაცა დაკა-დაკა ატყდა სამხერხაოში ტბისპირელებთან და ნაჯახის ყუა თხლიშეს ყბაში – აბაა! ერთი, ეგ ამბავი უნდა მოგიყვეთ...“

ქალს ახლაც მშვიდი სახე აქვს, თითქოს სასურველი გამო-მეტყველების ნილაბი შეკვეთით ჩამოუსხმევინებია და შეუღებინებია. თავდაჯერებული, ყოვლის მომთმენი და გაუბზარავი. აღარც თავი უთრთის წელანდელივით, ოდნავშესამჩნევად, მართო საშინელ, ცივ სახეს ვხედავ და მშვიდ, დაშტამპულ, ნითელი პლასტმასის ლიმილს; გადატკეცილ, გლუვ შუბლს, რომელსაც სისუსტის ან შეშფოთების ერთი ნაოჭიც არ ამჩნევია; ფართო, დიდ, დახატულ მწვანე თვალებს: უსასრულოდ შემიძლია ლოღინიო, ამბობენ ეს თვალები, დროდადრო, შეიძლება, თითო გოჯი დავთმო, მაგრამ მოვიცდი, მოვითმენ, სიმშვიდეს და რწმენას შევინარჩუნებ, რადგან ვიცი, ჭეშმარიტი დამარცხებისგან ყოველთვის დაზღვეული ვარო.

მხოლოდ წუთით გამკრა ფიქრში, ახლა კი გატყდა-მეთქი. შეიძლება, მართალიც ვიყავი. მაგრამ ახლა ვხედავ, არც ამასა აქვს რამე მნიშვნელობა. პაციენტები რიგრიგობით აპარებენ ქალისკენ ქურდულ მზერას, ხედავენ, როგორ არაფრად აგდებს შეკრებაზე მაკმერფის გალაღებას და ისინიც იმავეს ფიქრობენ, რასაც მე. ძალიან დიდია საიმისოდ, ვინმემ დაამარცხოს. იაპონურ ქანდაკებასავით დაუპყრია ოთახის მთელი ერთი მხარე.

ვერც შეარყევ, ვერც თავს დაიძვრენ იმისგან. დღეს პატარა ბრძოლა კი დათმო, მაგრამ ეს მხოლოდ ერთი უმნიშვნელო შეტაკებაა იმ დიდ ომში, რომელიც ადრეც არაერთხელ მოუგია და საბოლოოდაც მოიგებს. არ უნდა მივცეთ მაკმერფის ნება, ფუჭი იმედები გაგვიღვივოს, თავისი თამაშის უტყვე მონაწილეებად გვაქციოს. ეს ქალი მაინც ყოველთვის მოგებულ დარჩება, როგორც კომბინატი, იმიტომ რომ ზურგს კომბინატის მთელი ძალაუფლება უმაგრებს. ერთი ნაგებით არაფერს კარგავს, ჩვენი დანაკარგებით კი ძალიან ბევრს იგებს. თუ გინდა დაამარცხო, არ კმარა, სამიდან ორჯერ ან ხუთიდან სამჯერ აჯობო: უკლებლივ ყველა შეტაკებაში უნდა დააჩოქო. თუ არადა, როგორც კი ოდნავ მოადუნებ სიფხიზლეს, როგორც კი თუნდაც ერთხელ დათმობ, საბოლოო გამარჯვება იმას დარჩება, ჩვენ კი რიგრიგობით, ცალ-ცალკე დავმარცხდებით. ამ საქმეს არაფერი ეშველება.

აი ახლაც ნისლის მანქანა ჩართო. ისე სწრაფად იგრაგნება ნისლი, იმისი სახის მეტს ველარაფერს ვხედავ – სქელდება და სქელდება, უკვე ისეთსავე უძლურებას და უიმედობას განვიცდი, როგორ ბედნიერებასაც ხუთი წუთის წინ განვიცდიდი, როცა ოდნავ შესამჩნევად შეუთრთოლდა თავი; უფრო დიდ უიმედობას, ვიდრე ოდესმე, რადგან უკვე ვიცი – მისგან და მისი კომბინატისგან საშველი ნამდვილად არ არსებობს. მაკმერფიც ჩემსავით უძლურია. ვერავინ ვერაფერს გააწყობს. რაც უფრო მეტს ვფიქრობ უსაშველობაზე, მით უფრო სწრაფად იკარგება ყველაფერი ნისლში.

მეც ვიკარგები და მიხარია, იმიტომ რომ შემიძლია მოვეშვა და ხიფათს ცოტა ხნით მაინც გადავურჩე.

დღის პალატად ქცეულ სააბაზანოში „მონოპოლიის“ თამაშია გახურებული. სამი დღეა გრძელდება. საითაც გაიხედავ, სახლებისა და სასტუმროების ცვენაა, ორი მაგიდაა ერთმანეთზე მიდგმული – მთელი ბარათები და სათამაშო ფულის დასტები რომ დაეტიოს. მაკმერფიმ დანარჩენებიც დაიყოლია, ინტერესისთვის აჯობებს, ბანკიდან აღებულ ყოველ სათამაშო დოლარში თითო ნალდი პენი გადავიხადოთო; „მონოპოლიის“ ყუთი ხურდა ფულითაა სავსე.

„შენი გაგორებაა, ჩესვიკ.“

„ერთი წუთი მოიცათ, სანამ გააგორებს. ამ სასტუმროების საყიდლად რა მჭირდება?“

„რა გჭირდება, მარტინი და, ერთი ფერის ყველა უჯრაზე ოთხ-ოთხი სახლი. თუ ძმა ხარ, დრო წუ გაგყავს.“

„მოიცათ ერთი წუთი!“

მაგიდის იქიდან ფულების წვიმა მოდის, წითელი, მწვანე და ყვითელი ბარათები დაფრინავენ ჰაერში.

„შენ, ძმურად, სასტუმროს ყიდულობ თუ ახალ წელს ზეიმობ?“

„შენც გააგორე რა, ჩესვიკ, რა დაგეტაკა?“

„იაგანი! ჰე-ჰე, ჩესვიკუნა, მაჩვენე ერთი, სად ამოყავი თავი? შემთხვევით ჩემ „მარვინ გარდენზე“ ხო არ შემოგიცდა ფეხი? მაიცა, კარგად ვნახო... სამას ორმოცდაათი დოლარი უნდა გადავიხადოთ, თუ არ შეწუხდებით!“

„ფუ, მე ამის...“

„ეგ რაღაა? მოიცადეთ ერთი წუთი. ეგ რეებია მთელ დაფაზე?“

„მარტინი, მაგ რაღაცეებს უკვე ორი დღეა უყურებ! მოდი ახლა და ითამაშე ამათთან. მაკმერფი, თუ ღმერთი გნამს, მითხარი, რანაირად შეგიძლია ყურადღება მოიკრიბო, როცა გვერდზე მარტინი გიზის და წუთში ერთი მილის სიჩქარით ხედავს ჰალუცინაციებს?“

„ჩესვიკ, მარტინის შეეშვი! მარტინი ჭკუას არ წააგებს. შენ გირჩევნია, სამას ორმოცდაათი დოლარი დაყაჭო. მარტინი თავის თავს თითონ მოუვლის; რა გინდა, ქირას ხო ვახდევინებთ, როცა იმის „რაღაცა“ სხვის მიწაზე ხვდება?“

„ერთი წუთი მოიცათ. ნახეთ რამდენია.“

„ეგ არაფერი, მარტ. შენ უბრალოდ გვითხარი ხოლმე, ვის მამულეებში გაგორდებიან. ჩესვიკ, ნუ აგლახავებ კამათელს ამდენი ხანი! წყვილია. ისევ შენ აგორებ. ჯიგარი ხარ. ნახე! ექვსია.“

„ესე იგი, სად მოვედით?.. შანსი: „თქვენ დირექტორთა საბჭოს თავმჯდომარედ აგირჩიეს, გადაუხადეთ ყოველ მოთამაშეს...“ ნადი, შენი დედაც და მამაც!“

„ღმერთი არა გნამთ? მითხარით, ეს ვისი სასტუმროა რედინგის რკინიგზაზე?“

„ჩემო მეგობარო, ნუთუ ვერ ხედავთ, ეს სასტუმრო არ არის, ეს – დეპოა.“

„ერთი წუთი მოიცათ...“

მაკმერფი მაგიდის ერთ მხარეს მიდი-მოდის, ქალღმერთებს ადგილს უცვლის, ფულს ხელახლა ალაგებს, „სასტუმროებს“ ასწორებს. ქუდიდან წიგნის სანიშნესავით გამოჩრია ასდოლარიანი; არამად ნაშოვნი ფულიაო – თვითონ ასე ამბობს.

„სქანლონ, თუ არ მეშლება, შენი ჯერია, ძმაკაც!“

„მომეცით კამათელი. ბდღვირს ავადენ ამ დაფას. ნავიდაა. ძაღლის ძვალო... თერთმეტზე გადამისვი, მარტინი!“

„კი ბატონო.“

„ეგ არა, შე გამოტვინებული, მაგას გაუშვი, ეგ ჩემი სახლია!“

„ფერი ერთი აქვთ და...“

„ამ პატარა სახლს ელექტროკომპანიის მინაზე რა უნდა?“

„ეგ ელექტოსადგურია.“

„მარტინი, კამათლები აქ ყრია, შენ რას ურევ, ნუ გადამრიე!“

„აცალე. რა მნიშვნელობა აქვს?“

„ორი სახლი აუღია!“

„აუჰ! შემახედეთ, ცხრამეტზე ნაინია წინ ჩვენმა მარტინიმ. რა მადლიანი ხელი გაქ, მარტ; ესე იგი, შენ მიხვედი... სად არი შენი ფიგურა?“

„ჰა? აგერ არ არის?!“

„პირში ედო, მაკმერფი. ძალიან კარგი! მაშასადამე, ორი ნაბიჯით ნაუნევია წინ ფუძის მეორე და მესამე კბილებზე, ოთხი უჯრით დაფაზე და ბოლოს თავი ამოუყვია... ბელთიქ ავენიუზე, ჩემო მარტინი. შენივე საკუთარ და ერთადერთ სამფლობელოში. არა, ზოგს მაინც რა ბედი აქვს, არა, მეგობრებო? მესამე დღეა, თამაშობს და ჯერ სხვის ტერიტორიაზე ცხვირი არ შეუყვია.“

„ენა გააჩუმე და გააგორე, ჰარდინგ, შენი ჯერია!“

ჰარდინგი გრძელი თითებით კამათლებს იღებს, ცერით ნიბოებს უსინჯავს, თითქოს ბრმაა. თითებიც კამათლისფერია. კამათელს ურევს, მუჭში აჩხარუნებს. მერე აგორებს და კამათლები ზუსტად მაკმერფის წინ ჩერდებიან.

„აუუუჰ, ხუთი... ექვსი... შვიდი! ბედი არა გაქ, ძმაკაც. ისევ ჩემ უსაზღვრო მამულებში მოხვდი. ჩემი გმართებს... ვნახოთ, ვნახოთ, დიახ, ორასი დოლარი მთლიანად დაფარავს თქვენ ვალს.“

„სამნუხარო ამბავია.“

კამათლის ჩხრიალში და ფულის შარიშურში თამაში უსასრულოდ გრძელდება.



ზოგჯერ დროის ისეთი ხანგრძლივი მონაკვეთები გამოერევა ხოლმე – სამდღიანი, რამდენიმენდღიანი – როცა ირგვლივ ვერაფერს ხედავ და მარტო რეპროდუქტორებიდან მომავალი, ნისლში დარხეული ზარის ექოსმაგვარი ხმა გაგებინებს სად ხარ, სად იმყოფები. მერე, როცა მხედველობა ისევ მიბრუნდება, ბიჭები ჩვეულებრივად მიდი-მოდინ და ისეთი უზრუნველი სახეები აქვთ, ვითომ ჰაერში ნისლის ნატამალიც არ შეუმჩნევიათ. მე მგონი, ნისლი იმათ მახსოვრობაზე რალაცნაირად მოქმედებს, ჩემსაზე კი არა.

ეტყობა, მაკმერფიც ვერ ხვდება, თავფეხიანად მხვევენ ნისლშიო. ყოველ შემთხვევაში, თუ ხვდება, ყველანაირად ცდილობს არ შეიმჩნიოს, ეს ამბავი ოდნავ მაინც თუ ანუხებს. ძალიან უნდა, პერსონალის ვერც ერთმა წევრმა ვერ შეატყოს, საერთოდ თუ ანუხებს რამე; როცა ვილაც ნატრობს, ცხოვრება გაგიმწაროს, მთავარია უზრუნველი და უდარდელი კაცის იერი შეინარჩუნო, უკეთესად ძნელად გააღიზიანებ.

ექთნებთან და შავ ბიჭებთან ურთიერთობისას არასდროს ღალატობს თავისი დახვეწილი მანერები – სულერთია, რას ეუბნებიან, რა ეშმაკობებს მიმართავენ წონასწორობიდან გამოსაყვანად. ხანდახან რომელიმე უტვინო წესი გადარევეს ხოლმე, მაგრამ ასეთ დროს უბრალოდ თავს ძალას ატანს და კიდევ უფრო ზრდილობიანად იქცევა, იქამდე იკავებს თავს, სანამ მართლა არ

დამშვიდდება და არ გაიაზრებს, რა სასაცილოა ეს ყველაფერი – ნესებიც, ამ ნესების ძალით თავზე მოსახვევად გამიზნული მკაცრი მზერაც და ამხელა ხალხთან ენის მოჩლექით ლაპარაკიც, ვითომ საბავშვო ბაღის აღსაზრდელები ვიყოთ. და მართლაც, როცა რწმუნდება, მთელი ეს მაიმუნობა სასაცილოაო, გულიანადაც იცინის, მთლად აგიჟებს პერსონალს. სანამ სიცილი შეუძლია, არაფერი ემუქრება, თვითონაც ასე ჰგონია და ჯერჯერობით ვარაუდიც უმართლებს. მარტო ერთხელ უჭირს თავის შეკავება, ერთადერთხელ ეტყობა, როგორი გაცოფებულია, ოღონდ მთავარი ექთანის ან იმისი ბიჭები კი არ აცოფებენ, იმათ ნამოქმედარს კი არ გამოყავს წონასწორობიდან, არამედ პაციენტების უმოქმედობას.

ეს ამბავი ერთ-ერთი ჯგუფური შეკრების დროს მოხდა. მაშინ გაამწარეს ბიჭებმა თავიანთი მეტისმეტი სიფრთხილით – მეტისმეტი კურდღლობით – როგორც მაკმერფიმ თქვა. პარასკევს ბეისბოლის ფინალური მატჩების სერია უნდა დაწყებულიყო და ისიც ბიჭებისგან ფსონებს იზარებდა. იმედი ჰქონდა, თამაშებს ტელევიზორში ვუყურებთო, თუმცა მატჩები ტელევიზორის საყურებლად ნებადართულ დროს არ იწყებოდა. რამდენიმე დღით ადრე შეკრებაზე მთავარ ექთანს ეკითხება, რა იქნება, პალატები საღამოს დავალაგოთ, სატელევიზიო დროს, შუადღისას კი თამაშებს ვუყუროთო. მთავარი ექთანიც – არავითარ შემთხვევაშიო – უჭირს და, მე მგონი, სხვა პასუხს არც მაკმერფი ელოდება. მერე ქალი არ იზარებს და უხსნის, შინაგანანესი საგულდაგულოდ ანონ-დანონილი მოსაზრებებით იქნა შედგენილი და ნესების შეცვლა ზედმეტ არევ-დარევას გამოიწვევსო.

მაკმერფის მთავარი ექთნის პასუხი არ აკვირვებს, მწვავეების რეაქციითაა გაოგნებული – როცა ეკითხება, თქვენ რას ფიქრობთ ჩემი დეაზეო, და არავინ არაფერს პასუხობს. ყველა ნისლის პატარ-პატარა ქულებში იყუჟება. ძლივს ვხედავ დამალულებს.

„ერთი აქეთ მომხედეთ,“ ეუბნება დანარჩენებს, მაგრამ ისინი თვალს ვერ უსწორებენ, მზერას არიდებენ. რა თქმა უნდა, ელოდებოდა, ვინმე მაინც გაბედავს ხმის ამოლებას, ერთი კაცი მაინც

მიპასუხებს კითხვაზეო. არადა, ყველას ისე უჭირავს თავი, ვითომ შეკითხვა არც გაუგონიათ. „მოიხედეთ-მეთქი, რამ დაგაყრუათ?“ უკვე ბრაზობს საერთო აპათიით გადარეული. „რაც მე ვიცი, სუცოტა თორმეტ კაცს მაინც აინტერესებს და ანერვიულებს, ვინ მოიგებს ამ სერიას. ვითომ სულერთია, თქვენი თვალითაც ნახავთ თუ ვერა?“

„არ ვიცი, მაკ,“ ბოლოს და ბოლოს სქანლონი არღვევს საერთო ღუმილს, „მე უკვე დიდი ხანია, ექვს საათზე ახალი ამბების ყურებას მივეჩვიე. და თუ დროის შეცვლა მართლა ისე არევს შინაგანანებს, როგორც მის რეჩედი ამბობს...“

„ჯანდაბას შინაგანანესი! იმ კვირაში, როცა თამაშები მორჩება, ისევ აღადგინეთ თქვენი ძველი წესები. რას იტყვით, ძმებო? მოდი, კენჭი ვყაროთ, ვის უნდა სალამოს მაგივრად შუადღისას უყუროს ტელევიზორს? რომელია მომხრე?“

„მე!“ ყვირის ჩესვიკი და ფეხზე დგება.

„ვინც მომხრეა, ხელი აწიოს, გესმით? ვინც მომხრეა-მეთქი!“

ჩესვიკი ხელს სწევს. დანარჩენები თვალეებს აცეცებენ, აბა სხვა სულელიც თუ გამოჩნდებაო. მაკმერფი გაშტერებული დგას.

„რა იყო, რა გეტაკათ? მე მეგონა, შეგეძლოთ კენჭისყრით საქმის გადანყვეტა, აკი ადრეც გვიყრია კენჭი, როცა რალაც-რალაცეები არ მოგვწონებიაო? ეგრე არ არი, ექიმო?“

ექიმი იატაკს ჩასცქერის და თავს აკანტურებს.

„ჰა, აბა, ვის უნდა თამაშების ყურება?“

ჩესვიკი კიდევ უფრო მაღლა სწევს ხელს და თან აქეთ-იქით იყურება. სქანლონი თავს აქნევს და მერე, სკამის სახელურზე იდაყვიამოდებული, ისიც მორცხვად სწევს ხელს. მეტი არავინ. მაკმერფი კრინტს ველარ ძრავს.

„თუკი საკითხი გადანყვეტილია,“ ამბობს მთავარი ექთანი, „იქნებ შეკრებაც დაგვენყო.“

„კეთილი,“ კბილებში ცრის მაკმერფი და ლამის წვება სკამზე, ქუდის ბოლო თითქმის მკერდზე ედება. „კეთილი, ჩემო ბატონო, ეტყობა, მართლა დროა, ეს ოხერი შეხვედრა დავინყოთ.“

„დაახ,“ ბუზლუნებს ჩესვიკი, რიგრიგობით ბურღავს თვალებით ყველას და გაბრაზებული ჯდება. „დავინყოთ ღვთითკურთხეული შეკრება!“ პირქუშად აქნევს თავს, მერე ნიკაპს მკერდზე იბჯენს – მკაცრი და მოლუშული. ჩესვიკს მაკმერფის გვერდით ჯდომაც სიამოვნებს და ასეთი სიმამაცის გამოჩენაც. პირველი შემთხვევაა, როცა იმთავითვე წაგებულ საქმეში მოკავშირე შეიძინა.

შეკრების დამთავრების მერე მაკმერფი ხმას არავის სცემს, ძალიან გაბრაზებულია, გაცოფებული, ყველა ეზიზღება. მაკმერფის ბილი ბიბიტი უახლოვდება.

„ზოგი ჩვენგანი უ-უკვე ხუ-ხუთთი წელია აქ არის, რენდლ,“ ეუბნება ბილი. ხელში დაგრაგნილი ჟურნალი უჭირავს და თითებით აწვალებს; ორივე ხელის ზურგი სიგარეტით აქვს ამომწვარი. „ბევრი შეიძლება კი-კი-კიდევ ერთი ამდენი დარჩეს, შ-შ-შენი წასვლის და ამ ფი-ფი-ფინალური თთ-ააა-მაშების დამთავრების მ-მ-მერრრეც. და... რ-როგორ ვერ ხვდები...“ ჟურნალს ძირს აგდებს და მიდის. „ეეჰ, რა აზრი აქვს, სულერთია ყველაფერი.“

მაკმერფი თვალს აყოლებს, გაცოცხლებულს უფერული წარბები ანკეპია და ერთმანეთზე გადაბმია.

მთელი ის დღე ბიჭებს ეჯიჯლინება, მხარი რატო არ ამიბითო, მაგრამ ისინი ლაპარაკს აშკარად გაურბიან, მაკმერფიც აღარ კამათობს, თითქოს ყველაფერს ივინყებს და კრინტს აღარ ძრავს ამ ამბავზე; ფინალური სერიის წინა დღესღა ამბობს ვითომ თავისთვის – ხუთშაბათიც დადგაო – და მოწყენილი აქნევს თავს.

სააბაზანოში მაგიდაზე ზის, ფეხები სკამზე უწყვია და თითზე ქუდის ტრიალით ერთობა. მწვავეები დანალვლიანებულები მიდი-მოდიან და ცდილობენ არავითარი ყურადღება არ მიაქციონ. მაკმერფისთან ფულზე პოკერის და „ოცდაერთის“ თამაშს აღარავინ აპირებს – გაბრაზებულ გულზე ისე გაატყავა ყველა, უკვე დიდ ვალში არიან და უფრო შორს შეტოპვის ეშინიათ; ველარც სიგარეტზე ითამაშებენ, მთავარმა ექთანმა ყველას სამორიგეოში შეანახვინა კუთვნილი სიგარეტები და ახლა თვითონვე ანაწილებს – თითო მწვევლს დღეში თითო კოლოფს აძლევს

და ამბობს, მხოლოდ და მხოლოდ თქვენს ჯანმრთელობაზე ზრუნვა მაიძულებს, ასე მოვიქცეო. ის კი ამას ამბობს, მაგრამ ბიჭები მშვენივრად ხვდებიან, სინამდვილეში მაკმერფის უდგას კრიჭაში, მაკმერფის ართმევს ლუკმას. უპოკეროდ და უოცდაერთოდ სააბაზანოში სრული სინყნარეა, მარტო დღის პალატიდან მომავალი რეპროდუქტორის სუსტი ხმა არღვევს ამ სინყნარეს. ისეთი სიჩუმეა, გაიგონებ ზევით, დასაბმელებში, როგორ გადის ვილაც კედლებზე – ლუუ, ლუუ, ლუუ – სიგნალს გვაძლევს დროდადრო გულისგამანვრილებელი, მოსაწყენი ხმით, თითქოს ჩვილი ღნავის და ღნავილ-ღნავილში დაძინებას ცდილობსო.

„ხუთშაბათი,“ ერთხელაც იმეორებს მაკმერფი.

„ლუუუუუუუუ,“ უბერავს ბიჭი ზედა სართულზე.

„როულერია,“ ამბობს სქანლონი, თან ჭერს ასცქერის. ცდილობს, მაკმერფის ნათქვამს ყურადღება არ მიაქციოს. „ქალაჩუნა როულერი. რამდენიმე წლის წინ ჩვენთან იყო. მაგრამ არა და არ მოასვენა მის რეჩედი. გახსოვს, ბილი? ლუუ და ლუუ და ლუუო – გაუთავებლად ღნაოდა, კინალამ შევიშალე. ამათ ადგილზე, ავდგებოდი და იმ დასაბმელებს, ზევით, ერთ-ორ ხელყუმბარას შევუგდებდი საძინებელში. მაინც არაფერი ხეირი არ არის მაგათვან...“

„ხვალ კი პარასკევია,“ თავისას ერეკება მაკმერფი. ძალიან არ უნდა, სქანლონმა საუბარი სხვა თემაზე გადაიტანოს.

„ხო,“ ამბობს ჩესვიკი და მუქარით ათვალიერებს ოთახს. „ხვალ პარასკევია.“

ჰარდინგი ჟურნალს ფურცლავს. „ესე იგი, თითქმის ერთი კვირაა, რაც ჩვენი მეგობარი მაკმერფი აქაა და ჯერ მაინცდამაინც ვერ წაიწია წინ ხელისუფლების დამხობის საქმეში, ამის თქმა გინდა, ჩესვიკუნა? ღმერთო ჩემო, არა, მაინც რა აპათიამ დაგვრია ხელი – სირცხვილია, სირცხვილი და თავის მოჭრა.“

„ხელისუფლების ქუაც!..“ ამბობს მაკმერფი. „ჩესვიკს იმის თქმა უნდა, ხვალ უკვე პირველი თამაშის რეპორტაჟია და ჩვენ რას ვაპირებთო? ისევ ამ ბაგა-ბალის კედლები ვხეხოთ?“

„მართლაც,“ კვერს უკრავს ჩესვიკი. „შაქარივით ტკბილი დედილო რეჩედის თერაპიული ბაგა-ბალის.“

სააბაზანოს კედელს ვარ აკრული და თავი ჯაშუში მგონია. ხელში გრძელი, ლითონისტარიანი ცოცხი მიჭირავს (ლითონი ხეზე უკეთესი გამტარია). ტარი შიგნიდან ფუტუროა – უამრავი მინიატურული მიკროფონის ჩამონტაჟება შეიძლება. მთავარ ექთანს თუ ეს ლაპარაკი ესმის, ჩესვიკს კარგი არაფერი ემუქრება. ჯიბიდან დასორსლილ, გახევებულ კევს ვიღებ, პატარას ვაგლეჯ და პირში ვიღებ, ვარბილებ.

„მოდით, ერთხელაც ვცადოთ,“ არა და არ ისვენებს მაკმერფი, „ეხლა რამდენი აწევთ ხელს, ჩიტუნებო, დღესაც რო დავაყენო ჩემი წინადადება კენჭისყრაზე?“

მწვავეების დაახლოებით ნახევარი თანხმობის ნიშნად აქნევს თავს, ბევრად მეტი, ვიდრე სინამდვილეში აყვება მაკმერფის, საქმე საქმეზე თუ მიდგა. მაკმერფი ისევ იხურავს ქუდს და ნიკაპს ხელისგულებზე აბჯენს.

„არა, დედას გეფიცებით, თქვენი ვერ გამიგია! ჰარდინგ, შენ რაღა დაგემართა, რა სახე ჩამოგტირის? რისი გეშინია, ხელს თუ აწევ, რა, ბებერი სვავი გეცემა და ძირში წაგანყვიტავს?“

ჰარდინგი მეჩხერ წარბს მაღლა წკიპავს. „შეიძლება, მეშინია კიდეც; მეშინია, ხელი თუ აწვნიე, ძირში არ წამანყვიტოს.“

„შენა, ბილი? შენც მაგის გეშინია?“

„არა. არა მგონია, რ-რ-რამე გვიყოს, მაგრამ...“ ბილი მხრებს იჩეჩავს, ოხრავს და შხაპის შლანგების საკონტროლო დიდ პულტზე ძვრება, მაიმუნივით იკალათებს ზედ. „... მაგრამ, უბრალოდ არა მგონია, კენჭისყრამ რ-რ-რამე გვარგოს. ს-ს-საბოლოო ჯამში. უბ-ბ-ბ-რალოდ, აზრი არა აქვს, მაკ.“

„რამე გვარგოს?! ჩემი კარგი!.. ჩიტუნებო, მარტო ხელის აწევ-დანევა გარგებთ – ცოტას წაივარჯიშებთ მაინც.“

„რისკი მაინც არსებობს, ჩემო მეგობარო. ყოველთვის შეუძლია, კიდეც უფრო უარეს დღეში ჩაგვაგდოს. ბეისბოლის მატჩი ასეთ რისკად წამდვილად არ ღირს,“ ამბობს ჰარდინგი.

„ერთი დამენახეთ, რომელი ამბობთ მაგას! ღმერთო ჩემო, რამდენი წელია ფინალური სერია არ გამიცდენია! ციხეში გვაყურებინებდნენ, ციხეში! დაგვიშლიდნენ და, იმათი აჯობებდა! ნეტა რას გეჩიჩინებთ?! ჩამოვიღებ ამ გოთვერან კარს, დავუბერავ ქალაქში და სადმე ბარში ჩავუჯდები ტელევიზორს, მარტო მე და ჩემი ძმაკაცი ჩესვიკი წავალთ!“

„აი, ეს უკვე მართლა გენიალურთან წილნაყარი აზრია,“ ამბობს ჰარდინგი და ჟურნალს იატაკზე აგდებს. „აი, რას უნდა ვუყაროთ კენჭი ხვალინდელ შეკრებაზე! „მის რეჩედ, გთხოვთ, კენჭისყრაზე დააყენოთ ჩემი წინადადება: მე მინდა, მთელი განყოფილება სრული შემადგენლობით, ასე ვთქვათ *en masse*, კაფე „მკვდარ საათში“ გადავიდეს ლუდის დასალევად და ტელევიზორის საყურებლად.“

„მე მხარს დავუჭერდი,“ ამბობს ჩესვიკი. „ძალიანაც სწორია.“

„მე ეგ ანმას-ალემანსები არ ვიცი,“ ბრაზობს მაკმერფი. „და ამ კუანა ქალაჩუნების თავყრილობის ყურებაც მომზეზრდა. როცა მე და ჩესვიკი აქედან ავაცვამთ, კარსაც ავჭედავთ. ასიანი! თქვენ იჯექით და ინუნუნეთ – დედიკო ქუჩაში მარტოკებს არ გვიშვებსო!“

„არა, მართლა?... სერიოზულად ამბობ?“ ფრედრიქსონი მაკმერფის უახლოვდება. „იმ შენ ნალებიან ჩექმას ხეთქავ კარს და ჩამოიღებ? მართლა მაგარი ბიჭი ხარ.“

მაკმერფი ფრედრიქსონს ზედაც არ უყურებს; უკვე იცის, ფრედრიქსონმა ხანდახან კი შეიძლება თავი გამოიღოს, მაგრამ ერთი პატარა დაცაცხანება უნდა და ისევ ბუჩქებში დაიმალება.

„მითხარი ერთი, მაგარო ბიჭო,“ არ ეშვება ფრედრიქსონი, „მართლა ჩამოიღებ კარს, მართლა გვაჩვენებ, რა ვაჟკაცი ხარ?“

„არა, ფრედ, ალბათ არა. ფეხსაცმელს ხო არ გავცვითავ!“

„ჰოოო? კაი ბატონო! არადა, ისე კარგად კი ლაპარაკობდი – აქედან ავაცვამო, ესაო, ისაო...“

მაკმერფი აქეთ-იქით იყურება. „ჩვენში დარჩეს და, ძან თუ მოვიწოდებ, სკამით ფანჯრის გისოსის განგრევას კი მოვახერხებ...“

„არა, მართლა? მოახერხებ? სკამს აიღებ და ეგრევე თხლი-შავ? ძალიან კარგი, აბა ვნახოთ! მოდი, ათ დოლარზე დაგენიძ-ლავები, მაგარო ბიჭო, რომ არაფერი გამოგივა.“

„ნურც ეცდები, მაკ,“ ეუბნება ჩესვიკი. „ფრედრიქსონი აზ-რზეა, მარტო სკამს დაამტვრევ და თან დასაბმელებშიც გიკრავ-ვენ თავს. აქ გადმოყვანის პირველივე დღეს ჩაგვიტარეს დარა-ბების სიმტკიცის დემონსტრირება. სპეცშეკვეთაა. ტექნიკოსმა ერთი ეგეთი სკამი აიღო, აი, შენ რომ ფეხები გიწყვია ზედ, და გისოსს ლენა, მანამდე ურტყა, სანამ სკამი ნაფოტებად არ იქცა, გისოსს საერთოდ არაფერი შეტყობია.“

„კაი მაშინ,“ ამბობს მაკმერფი და თან ისევ აქეთ-იქით იყუ-რება, ვატყობ, თანდათან სულ უფრო და უფრო როგორ ვარდება ინტერესში. იმედი მაქვს, მთავარ ექთანს არაფერი ესმის: უკვე დიდი ხანია დასაბმელებში იქნებოდა. „ესე იგი, რაღაც უფრო მძიმე გვჭირდება. მაგიდა არ გამოდგება?“

„მაგიდაც იგივეა. ხისაა და სკამის წონა აქვს.“

„კეთილი და პატიოსანი... ლმერთო ჩემო, ცოტა თქვენც გაან-ძრეთ ტვინი – რა შეიძლება ვგლიჯო ამ გისოსს, რითი გავანგრიო? ისე, ჩიტუნებო, თუ გგონიათ, ჩემისთანა გულით მონადინებულ კაცს არაფერი გამოუვა, ძან შემცდარხართ! დიდი იმედგაცრუება გელით. ო'კეი, რაღაცა... მაგიდაზე და სკამზე უფრო მძიმე... ეხ-ლავე, ეხლავე... ღამე იყოს, კი ვიცი, რასაც ვიზამდი. იმ გასიებულ ზანგს ვგლიჯავდი ფანჯარას... კაი მძიმე ბიჭი ჩანს, ჰა?“

„ოღონდ თან ფუმფულა,“ ამბობს ჰარდინგი. „განგრევა არ ვიცი და ნაკუნ-ნაკუნ დაფლეთილი კი შეიძლება გამძვრალიყო გისოსებში, ხორცის მანქანაში გატარებული ფარშივით.“

„სანოლზე რას იტყვით?“

„სანოლი ძალიან დიდია. გინდაც აწიო, ფანჯარაში არ გაეტევა.“

„ანევით, იცოცხლე, ავნევ. კი მარა, აგე, იმ პულტს რას უწუ-ნებთ, ბილი რო დასკუბებულა ზედ? რამ დამასირა?! ნახე, რამ-დენი სახელურები და ბერკეტები აქ, ვითომ არ იქნება მძიმე? კაი მაგარიც უნდა იყოს, ჩემმა მზემ...“



„ანევ, კი.“ ამბობს ფრედრიქსონი. „ერთი მაგას ანევ და მეორე ჩვენი განყოფილების ფოლადის კარს გაანგრევ ნიხლით!“

„რა უჭირს, პულტი რო ვცადოთ? იატაკზე დაბმულსაც არ გავს...“

„არცარის დამაგრებული – ალბათ, სულ რამდენიმე მავთულს უჭირავს – მაგრამ, თუ ღმერთი გწამს, ერთი კარგად შეხედე!“

ყველა პულტს უყურებს. ფოლადის და ცემენტის ნაგლეჯს. ნახევარი მაგიდისოდენა, სულ ცოტა, ალბათ, ოთხას ფუნტს მაინც იწონის.

„აჰა, შევხედე. რაა რო? მე რო ფურგონებზე თივით სავსე ტომრებს ვტვირთავდი, იმ ტომრებზე დიდი არა ჩანს.“

„დიდი არა ჩანს, ოღონდ დაახლოებით მეოთხედი ტონით მეტს იწონის; თუ გინდა, დაგენიძლავები,“ ამბობს ფრედრიქსონი.

„მართალს ამბობს, მაკ,“ ლელავს ჩესვიკი. „საშინლად მძიმე იქნება.“

„იყოს, მაგის დედაც... თქვენ რა, ჩიტუნებო, მიმტკიცებთ, აი, ამ მახინას ვერ მოერევიო?“

„ჩემო მეგობარო, რაღაც ვერ ვიხსენებ, რომ სხვა უამრავ ღირსებასთან ერთად ფსიქოპათებს როდისმე მთების გადაადგილების უნარიც გამოემჟღავნებინოთ.“

„ო'კეი. თქვენ ამბობთ, ვერ ანევო. ძალიან კარგი! დედას ვფიცავარ...“

მაკმერფი მაგიდიდან ხტება და მწვანე ქურთუკს იხდის. დაკუნთულ მკლავებზე მოტკეცილი მაისურის მოკლე სახელოებიდან სვირინგებს გამოუყვიათ ბოლოები.

„თუ ეგრეა, მაშინ რომელი ჩამოყაჭავთ ხუთ დოლარს? სანამ თითონ არ ვცდი, სიტყვაზე არავის დაგიჯერებთ – რამეს ვერ მოახერხებო! აბა, ხუთი დოლარი...“

„ძველის არიყოს, ეს ნაძღვევიც სრული უაზრობაა, მაკმერფი.“

„ჰა, რომელსა გაქთ დასაკარგი ხუთი დოლარი? ტყუილი ბაზარ-ვაგზალი არ მინდა...“

ბიჭები მაშინვე ხელწერილების წერას იწყებენ. უკვე იმდენი წააგეს მაკმერფისთან პოკერშიც და „ოცდაერთშიც“, ერთი სული აქვთ, როდის გადაუხდიან სამაგიეროს, ამაზე ნალდი შანსი კი, ვინ იცის, როდის მიეცემათ. აი, მაკმერფი საით უმიზნებს, ვერ ვხვდები. ჩასხმული და ჯანიანი ბიჭი კია, მაგრამ სამი იმის-ნაირი არ ეყოფა პულტის ადგილიდან დაძვრას, თვითონაც მშვენივრად იცის. ერთი შეხედვითაც ცხადია, ძვრასაც ვერ უზამს, აწევას ვილა ჩივის. ამ პულტის მორევას გოლიათის ღონე უნდა. არადა, როგორც კი მწვავეები ხელწერილების წერას ამთავრებენ, მაინც გულდაჯერებული უახლოვდება პულტს, ბილი ბიბიტს ძირს სვამს, რიგრიგობით იფურთხებს თავის ვეება, დაკოჟრილ ხელისგულეებზე, ხელებს იფშვნეტს და მხრებს ათამაშებს.

„აბა, ბიჭებო, გზიდან მომეცალეთ. ზოგჯერ, როცა ძალღონე მაქ მოსაკრები, მთელ ჰაერს ვხაპავ ხოლმე და სხვები გონებას კარგავენ, სული ეხუთებათ. უკან გაინით. გამორიცხული არ არი, ცემენტი დასკდეს და ნამსხვრევეები მოგხვდეთ. ქალები და ბავშვები გახიზნეთ. უკან დაინიეთ-მეთქი!“

„ღმერთო, შენ მიშველე, მგონი, მართლა აწევს, ხო იცით!“ ბუტბუტებს ჩესვიკი.

„ნამდვილად. იმდენს ილაპარაკებს, ლაპარაკით უზამს ძვრას,“ ამბობს ფრედრიქსონი.

„რა გითხრათ?! მე მგონი, ერთ კარგ თიაქარს აიკიდებს,“ ამბობს ჰარდინგი. „მორჩი ახლა, მაკმერფი, გეყოფა მაიმუნობა. ადამიანს მაგის აწევა არ შეუძლია.“

„უკან გაინით, სირიკოებო! ჟანგბადში ნუ მეცილებით.“

რამდენჯერმე ინაცვლებს იატაკზე ფეხს, საყრდენს ეძებს, მერე ხელებს ბარძაყებზე ისვამს, წინ იხრება და პულტის სახელურებს ეჭიდება. საბოლოოდ იკრებს ძალას, იძაბება, ტყუილად იჭინთება და ბიჭებიც ყიჟინას სცემენ, ელადავებიან.

მაკმერფი დუნდება, წელში სწორდება და ერთხელ კიდევ ინაცვლებს ფეხს.

„დაყარე ფარ-ხმალი?“ იღიმება ფრედრიქსონი.

„ჯერ ვვარჯიშობ. ეხლა იწყება თავდავიწყება!“ ისევ ორივე ხელით აფრინდება სახელურებს.

უცებ ყველა მუნჯდება, აღარავინ უკიჟინებს და ელადავება. მაკმერფის მკლავები ეძაგრება, ლამისაა დაანყდეს. მაგრად ხუჭავს თვალებს, კბილებს კრეჭს. თავი უკან გადაუგდია, დაჭიმული კისრიდან ძარღვები დანასკვული თოკებივით მოუყვებიან მკლავებს ხელის მტევნებისკენ. დაძაბულობისგან მთელი ტანი უძაგდაგებს, თვითონაც იცის, ისეთი ტვირთის აწევას ცდილობს, რასაც ვერ მოერევა, ვხვდებით – არაფერი გამოუვაო.

მაგრამ უცებ სულ ერთი წამით, როცა ფეხქვეშ ცემენტი აგვიხრამუნდება, ისეთი განცდა გვეუფლება ყველას, ვითომ შეიძლება მართლა მოახერხოს და აწიოს.

მერე, თითქოს რაღაც ჩაუნყდაო, ისეთი ხმით უშვებს ფილტვებიდან ჰაერს და არაქათგამოცლილი ზურგით აწყდება კედელს. სახელურებზე სისხლის კვალია – ხელისგულები ხორცამდე დაუტყავებია. ერთ წუთს კედელს მიყრდნობილი, თვალდახუჭული ქმინავს ხმამაღლა. სხვა ხმა არც ისმის, იმისი ჩახრინული სუნთქვის გარდა. კრინტს არ ძრავს არავინ.

მერე თვალებს ახელს და გვათვალიერებს. სათითაოდ. მეც კი მიყურებს. ორ თითს იყოფს ჯიბეში და ბოლო ორ დღეში მოგებულ ხელწერილებს იღებს. მაგიდისკენ იხრება, ცდილობს ფურცლები დააცალკეოს, მაგრამ ხელები გათოშვია, წითელ კლანჭებად ქცევია, ვერ იმორჩილებს გახვევებულ თითებს.

მთელ დასტას იატაკზე აგდებს – თითო კაცისგან, ალბათ, ორმოცი-ორმოცდაათი დოლარი მაინც ერგება – ტრიალდება და სააბაზანოდან გასვლას აპირებს. კართან ერთხელაც ჩერდება, ერთხელ კიდევ გვათვალიერებს რიგრიგობით.

„ხო, მარა მე ვცადე მაინც,“ გვეუბნება ჩუმად. „დამწყველოს გამჩენმა, მაგას ხო ვერ დამიკარგავთ, ხო ვცადე მაინც?“

ოთახიდან გადის და ყველა მსურველს გადასარჩევად უტოვებს იატაკზე მობნეულ ჭუჭყიან ქალაღებს.

ყვითელ თავის ქალაზე ნაცრისფერ აბლაბუდამოდებული მონვეული ექიმი ახალგაზრდა კოლეგებს მოძღვრავს პერსონალის ოთახში.

მეც შორიახლოს ვგვი იატაკს. „ოჰო, ეს ვილაა?“ ისეთი თვალებით მიყურებს, ვითომ ხოჭო ვიყო. ერთ-ერთი ჩვენნიანი ყურზე იდებს ხელს, ყრუაო – ანიშნებს და მონვეული კორიფეც ლაპარაკს აგრძელებს.

გრძელტარიან ცოცხს მალლა ვნევ, კედელზე დაკიდებულ დიდ ნახატს ვუსწორებ, რომელიც ერთხელ ისეთ ნისლში მოათრია ჩვენმა პიარტექნოლოგმა, მაშინ ვერაფერი გავარჩიე ზედ. სურათზე ვილაც ტიპი ბუზის მისატყუარათი თევზაობს სადღაც მთებში, ფეინვილთან, ოჩოკოსსაც ჰგავს იქაურობა: ფიჭვებს იქით დათოვლილი მწვერვალები მოჩანს, ნაკადულს მალალი, თეთრი ვერხვები გასდევენ, ირგვლივ ყველაფერს მწკლარტე, მწვანე ნაკუნებად მოსდებია მჟაუნა. ის ტიპი თავის ბუზიან ანკესს კლდის უკან, დამდგარ წყალში ისვრის. ეგეთ ადგილას მისატყუარად ბუზი არ გამოდგება, აქ ბრჭყვიალა სატყუარა უნდა ექვს ნომერ ანკესზე – უკეთესს იზამდა, თავის ბუზიანად ცოტა ქვევით თუ დაუყვებოდა დინებას, ჩქარობისკენ.

ვერხვებს შორის ბილიკი მიიკლაკნება. მთელი ძალით ვუსვამ ცოცხს ბილიკზე, მერე ქვაზე ვჯდები და ჩარჩოდან გამოვცქერი მონვეულ ექიმს, რაღაცას რომ უმტკიცებს აქაურებს.

ხელისგულზე ერთ წერტილს უჩვენებს პირდაღებულ მსმენელებს, ოღონდ რას ამბობს, არ ვიცი, იმის ხმა არ მესმის, ისე ხმაურობს გაყინული, ქაფიანი, კლდეებიდან გამოვარდნილი ნაკადული. მთებიდან მონაბერ ქარს თოვლის სურნელი მოაქვს. სარეველა ბალახში თხუნელას სოროებს ვხედავ. ჩამოსაჯდომად და მოსასვენებლად უკეთეს ადგილს ვერ ინატრებ.

კაცს ზოგჯერ გავიწყდება კიდეც – თავს ძალა თუ არ დაატანე, არ დაჯექი და საგანგებოდ არ გაიხსენე – რა ცხოვრება გექონდა ძველ საავადმყოფოში. სად იყო ასეთი ადგილი, კედელზე ამძვრალიყავი და თან შენ გემოზეც დაგესვენა. არც ტელევიზორი იყო, არც საცურაო აუზი, არც წინილას გაჭმევდნენ კვირასში ორჯერ... მარტო შიშველი კედლები, სკამები და გიჟის პერანგები, თან იმისთანა, საათობით უნდა გეჯახირა გახდაზე. მას მერე ბევრი რამე ისწავლეს. დიდი გზა გავიარეთო – ამბობს ხოლმე ჩვენი პუტკუნა, საზოგადოებასთან ურთიერთობის დამამყარებელი. ძალიან გაგვილამაზეს ცხოვრება ნახატებით, სათამაშოებით და ქრომიანი სანტექნიკით. „აქედან გაქცევა რომ მოუნდება, ის კაცი მთლად დალაგებული ვერ უნდა იყოსო“, – ხშირად იმეორებს პუტკუნა.

ადგილობრივი ექიმების ყველა კითხვაზე პასუხისას მონვეული ავტორიტეტი იდაყვებს ფერდებზე იჭერს და ისე კანკალებს, თითქოს გათოშილია და იყინებაო. გამხდარი კაცია, გაძვალტყავებული, ტანსაცმელი ტომარასავით კიდია ზედ. აკანკალებული დგას, აწურული: შეიძლება, იმანაც იგრძნო დათოვლილი მწვერვალებიდან მონაბერი ქარის სუსხი.

**ლ**ამლამობით სულ უფრო და უფრო მიჭირს ხოლმე ჩემი ლოგინის მიგნება; დაოთხილს მინევს ხოხვა, საწოლის ზამბარების ქვევიდან სინჯვა, სანამ ზედ მიკრულ ჩემს კევს ვიპოვი. ნისლს არავინ უჩივის. უკვე ვიცი, რატომაც: როგორი უსიამოვნოც არ უნდა იყოს, ნისლში მაინც შეგიძლია შეიყუჟო, დაიმალო და ცოტა ხნით ხიფათს გაერიდო. მაკმერფიმ ეს ვერ გაიგო, ვერა და ვერ შეეგუა, ვერ გვაპატია, ხიფათს რომ ვერიდებით. ჯიუტად ცდილობს, ძალით გაგვათრიოს ნისლიდან, მოტიტვლებულ ადგილზე, სადაც იოლად გვტაცებენ ხელს.

**ქ**ვევით გაყინული ორგანოები მოიტანეს – გულები, თირკმლები, ტვინები და ასე შემდეგ. მესმის, როგორ მიახრიგინებენ მაცივრებისკენ, სარდაფში ნახშირის ჩასაზიდი კიბით. ოთახში ვიღაც უჩინარი ამბობს, დასაბმელებში ერთმა თავი მოიკლაო. ბებერმა როულერმა. ორივე ყვერი მოიჭრა და სისხლისგან დაცალა ტუალეტში, უნიტაზზე დამჯდარი. ათი კაცი მაინც იყო იქვე, მაგრამ სანამ უსულოდ არ დაენარცხა იატაკზე, ვერაფერი გაიგეს.

არ მესმის, როგორ შეიძლება, კაცი ეგეთი მოუთმენელი გახდეს. რა ეჩქარებოდა საცოდავს, ცოტაც მოეცადა.

**მ**შენივრად ვიცი, როგორც ამუშავებენ – ნისლის მანქანაზე ვამბობ. ომის დროს ევროპაში აეროდრომების გარშემო დაყენებულ ნისლის მანქანებს სპეციალური ოცეული ემსახურებოდა. დაზვერვა რომ შეგვატყობინებდა, დაბომბვაა მოსალოდნელიო, ანდა როცა გენერლებს გამოუჩნებოდათ ხოლმე რამე საიდუმლო საქმე – თავისიანებისგანაც დამალული – მაშინვე ნისლით ფარავდნენ მთელ მინდორს.

სულ უბრალო ეშმაკობა უნდა: ჩვეულებრივი კომპრესორი ერთი ავზიდან წყალს ისრუტავს, მეორიდან კი სპეციალურ ზეთს; მერე ერთსაც და მეორესაც ერთად კუმშავს და მანქანის უკან დატანებული შავი ხვრელიდანაც ნისლის თეთრი ღრუბელი იფრქვევა – ნუთ-ნახევარში მთელი აეროდრომის დაფარვა შეუძლია. პირველი, რაც ევროპაში ფეხის დადგმისთანავე დავინახე, სწორედ ამ მანქანის გამონაბოლქვი ნისლი იყო. ჩვენს სამხედრო ტრანსპორტს მტრის თვითმფრინავები დაედევნენ, გზის გადაჭრა დაუპირეს და ლამის მაშინვე, ბორბლებით მინას შევეხეთ თუ არა, ოცეულმა ნისლის მანქანები აამუშავა. მრგვალი, დაკანრული ილუმინატორებიდან ვხედავდით, როგორ მოაყენეს ჯიპებმა ეს მანქანები თვითმფრინავს, მერე თუხთუხით გამოიფრქვა ნისლი, მთელი მინდორი დაფარა და ფანჯრებსაც სველ ბამბასავით აეკრო.

თვითმფრინავიდან გადმოსულები გზას მსაჯის პატარა



სასტვენის ხმით ვიგნებდით. ლეიტენანტი გაუჩერებლად უსტვენდა და სასტვენის ხმა ბატის ყიყინს გავდა. ტრაპზე ფეხს გადმოდგამდი და აღარაფერი ჩანდა, ოთხივე მხრიდან ნისლის გაუმჭვირვალე კედელი გერტყა ირგვლივ. ისეთი გრძნობა გეუფლებოდა, თითქოს ამოდენა აეროდრომზე მარტოდმარტო იყავი დარჩენილი. მტრისგან დაცული, მაგრამ ყველასგან მიტოვებული. რამდენიმე ნაბიჯის გადადგმის მერე უკვე სიტყვებსაც ველარ არჩევდი, ისინიც ნისლში ითქვიფებოდნენ, შენიანების ხმა აღარ გესმოდა, საერთოდ არავითარი ხმა პატარა სასტვენის წრიპინის თუ ყიყინის გარდა რბილი, ფუმფულა სითეთრიდან, ისეთი სქელი სითეთრიდან, ქამარს ქვემოთ სხეული უბრალოდ უჩინარდებოდა ამ სითეთრეში; ყველაფერი ქრებოდა, მარტო ყავისფერი პერანგი და თითბრის ბალთალა ჩანდა, სხვა არაფერი – მხოლოდ ერთიანი სითეთრე: თითქოს წელს ქვევით შენც ნისლში იყავი გაათქვეფილი.

მერე მოულოდნელად ვილაც შენსავით ნისლში დაკარგულ, აბორიალებულ ჯარისკაცს გადააწყდებოდი, პირისპირ ეფეთებოდი და ასე მკაფიოდ ცხოვრებაში პირველად დანახული ადამიანის ამოდენა სახე მართლა გზარავდა და გაფორიაქებდა. თუნდაც რამის გასარჩევად თვალები ისე გეძაბებოდა, ვინმე შენიანს როცა ხედავდი, იმისი ყოველი ნაკვთი ჩვეულებრივზე ათჯერ ნათლად ჩანდა, იმდენად მკაფიოდ, ორივე იძულებული ხდებოდა, მაშინვე თვალი აგერიდებინათ ერთმანეთისთვის. აღარც შენ გინდოდა იმისი სახის დანახვა და აღარც იმას შენი, იმიტომ რომ ასეთი მკაფიო სახის ცქერა ტკივილსაც კი გაყენებს, თითქოს შიგნიდან ხედავ ადამიანს. არადა, ბოლომდე თვალის მონყვეტასაც ვერ ბედავდი, იმ მეორე კაცის საბოლოოდ დაკარგვას. სერიოზული არჩევანის წინაშე იდექი: ან, ტკივილის მიუხედავად, თავისთვის ძალა დაგეტანებინა და მაინც გეცქირა, ან არადა, მოშვებულიყავი და მარტოდმარტო ჩაკარგულიყავი ნისლში.

როცა განყოფილებაში პირველად ჩართეს ნისლის მანქანა – ჩამონეროილი სამხედრო მანქანა იყიდეს და ახალ კორპუსში ჩვენს

გადაყვანამდე მიუერთეს ვენტილაციის სისტემას – სანამ შემოდ-  
ლო, ყველაფერს დაძაბული, გაფაციცებული ვადევნებდი თვალს,  
რაც კინისლში გამოკრთებოდა ხოლმე; ვცდილობდი, გზა-კვალი  
არ დამკარგვოდა, როგორც იქ, ევროპაში, აეროდრომებზე. ოღონდ  
საავადმყოფოში სასტვენს უკვე აღარავინ უსტვენდა და არც  
თოკებს გვიბამდნენ, ხელი რომ ჩაგვევლო და ისე გვემოძრავა.  
ერთადერთი, რაც ნისლში დაკარგვას გადაგარჩენდა, მოულოდ-  
ნელად დანახული საგნისთვის თვალის გამტერება იყო. თუმცა  
ზოგჯერ მაინც ვიკარგებოდი – დამალვას თუ დავაპირებდი, მეტის-  
მეტად ღრმად ვყვინთავდი ნისლში და ყოველთვის ერთსა და იმავე  
ადგილზე ამოვყოფდი ხოლმე თავს, ერთსა და იმავე ლითონის  
კართან, რომელსაც ადამიანის თვალისმაგვარი მოქლონების რიგი  
ჩასდევდა და არავითარი ნომერი არ ეწერა. ეს კარი და ეს ოთახი  
თითქოს თვითონ მიზიდავდნენ თავისკენ და სულერთია, როგორც  
არ ვცდილობდი, შორს დამეჭირა თავი, სანადელს მაინც აღწევ-  
დნენ; თითქოს იმ ოთახში რაღაც ავი სულების გამომუშავებულ  
დენის ნაკადს ნისლში სხივად უშვებდნენ და მეც რობოტივით  
ვემორჩილებოდი და მივყვებოდი ამ სხივს. რამდენიმე დღე  
დავბორიალებდი ხოლმე ნისლში, თან გული მისკდებოდა, იმ კარის  
მეტს ვერაფერს დავინახავ-მეთქი. აი, საცაა გაილება, მოფრი-  
ალებდა და ხმების ჩასახშობად კედლებზე აკრულ ლეიბებს, მო-  
ელვარე სპილენძის მავთულებს, მოციმციმე ნათურებს და თვა-  
ლისმომჭრელ, მოტკაცუნე ელექტრონულ ნაპერწკლებში ზომბე-  
ბივით ჩამწკრივებულ კაცებს დამანახვებს-მეთქი. მეც ჩემი ადგი-  
ლი უნდა დამეკავებინა იმ მწკრივში, მეც უნდა დავლოდებოდი,  
როდის მიმიყვანდნენ მაგიდასთან. ჯვრის ფორმის მაგიდას  
ათასობით მოკლულის ჩრდილი ეფინა ზედ, ხშირი ხმარებისა და  
ოფლისგან გამწვანებულ ტყავის ღვედებს მაჯების და კოჭების  
ანაბეჭდები შერჩენოდათ, კისრებისა და თავების სილუეტები კი  
შუბლზე გადასაჭერი ვერცხლის საღებებისკენ წაგრძელებუ-  
ლიყვნენ... საკონტროლო პულტთან მჯდარი ტექნიკოსი ციფერ-  
ბლატს თვალს მოაშორებდა, რიგს ჩაათვალიერებდა, რეზინის

ხელთათმანიან ხელს მომაშვერდა და იტყოდა – მოიცათ, ამ დიდ ნაბიჭვარს ხო ვიცნობ! ჯობია, გათიშეთ ან მოსახმარებლად დაუძახეთ ვინმეს. ამან შეიძლება დალენოს აქაურობაო.

მოკლედ, ვცდილობდი ძალიან ღრმადაც არ შემეტოპა, მე-შინოდა, არ დავკარგულიყავი და დასაშოკის კართან არ ამომეყო თავი. დაძაბული მივაშტერდებოდი ხოლმე ყველაფერს, რაც კი ნისლში გამოჩნდებოდა და თვალს აღარ ვაშორებდი, ისე ვებლაუჭებოდი, როგორც ქარბუქში მოხვედრილი კაცი ებლაუჭება მესერს. მაგრამ ნისლს სულ უფრო და უფრო ასქელებდნენ და მთელი ჩემი მცდელობის მიუხედავად, თვეში ორჯერ ან სამჯერ მაინც იმ კართან აღმოვჩნდებოდი ხოლმე ჩემდა უნებურად, კარიც იღებოდა და სახეში ნაპერწკლებისა და ოზონის მომწარო სუნს მაფრქვევდა. ყველაფერს ვაკეთებდი, რაც შემეძლო, მაგრამ გზა-კვალი მაინც მეზნეოდა.

მერელა მივხვდი: როცა ნისლი მომეჯარებოდა, თუკი უბრალოდ გაუნძრევლად გავჩერდებოდი და ხმასაც არ ამოვლებდი, შეიძლება ჩემი გზა იმ კართან არც დასრულებულიყო. საქმეს ის ართულებდა, ზოგჯერ კარს მე თვითონვე დავეძებდი ხოლმე – ძალიან მეშინოდა დიდხანს ნისლში უგზო-უკვლოდ ბორილის და ხანდახან ყვირილსაც კი ვინყებდი, მშველელს ვეძახდი და ისინიც იოლად მპოულობდნენ. მართალი გითხრათ, შეგნებულად ვყვიროდი, მალე მიპოვონ-მეთქი; მეგონა, უკვალოდ დაკარგვას ყველაფერი ჯობდა, შოკის ოთახიც კი. ახლა უკვე აღარ ვიცი, რა ვიფიქრო. დაკარგვა არც ისე არასასიამოვნოა.

მთელი დღევანდელი დილა ველოდებოდი, ერთი როდის დაგვისლავენ-მეთქი – ბოლო რამდენიმე დღეა, ძალიან მოუხშირეს. მე მგონი, მაკმერფის გამო. ჯერ იმისთვის საკონტროლო რეგულატორები არ ჩაუდგამთ და მოულოდნელად უპირებენ თავდასხმას. ატყობენ, ბევრ თავსატეხს გაგვიჩენსო. რამდენჯერმე უკვე ისე ნააქეზა ჩესვიკი, ჰარდინგი და ზოგი სხვაც, თითქმის მართლა მზად იყვნენ, რომელიმე შავ ბიჭს დატაკებოდნენ; თუმცა ყოველთვის, სწორედ იმნუთას, როცა ამბოხებულ პა-

ციენტს თითქოს დანარჩენებიც უნდა აყოლოდნენ, მაშინვე ნის-  
ლის მანქანა ირთვებოდა, დღევანდელივით.

გავიგონე, რამდენიმე წუთის წინ გისოსებს იქით როგორ  
აბუყბუყდა კომპრესორი. სწორედ იმ დროს, როცა თერაპიული  
შეკრების სამზადისში ბიჭები დღის პალატიდან მაგიდებს ეზი-  
დებიან, ბურუსი უკვე ისე სქლად იგრავნება იატაკზე, შარვლის  
ტოტებს მისვლელებს. ექთნების სამორიგეოს შუშის კარს ვაპრი-  
ალებ და მესმის, როგორ იღებს მთავარი ექთანი ტელეფონის  
ყურმილს და ექიმს ურეკავს – თითქმის მზად ვართ შეკრების  
დასაწყებად, შუადღისას კი იქნებ ერთი საათი გამონახოთ პერ-  
სონალის თათბირის ჩასატარებლადო. „საქმე ის გახლავთ,“ ეუბ-  
ნება ექიმს, „რომ, ჩემი აზრით, უკვე კარგა ხანია, პაციენტ რენდლ  
მაკმერფის საკითხის გარკვევის დრო დადგა; ბოლოს და ბოლოს  
უნდა გადაწყდეს, ამ განყოფილებაშია მისი ადგილი თუ სხვაგან.“  
ცოტა ხანს ექიმის პასუხს უსმენს, მერე აგრძელებს: „დიდი უგუ-  
ნურება იქნება ჩვენი მხრიდან, კიდევ ამდენის ნება თუ მივეცით;  
ბოლო დროს უკვე ძალიან ააფორიაქა პაციენტები.“

აი, სწორედ ამიტომ ნისლავს განყოფილებას შეკრების  
დაწყების წინ. ჩვეულებრივ ასე არ იქცევა ხოლმე, მაგრამ ახლა  
რადაცას უპირებს მაკმერფის, ალბათ, დასაბმელებში უკრავს  
თავს. ჩვარს ვდებ და ჩემი სკამისკენ მივდივარ ქრონიკულების  
რიგის ბოლოში, ძლივსღა ვხედავ, როგორ იკავებენ ბიჭები თავ-  
თავიანთ ადგილებს და როგორ შემოდის პალატაში ექიმი სათ-  
ვალის წმენდა-წმენდით, ეტყობა, დაბინდულ მზერას ნისლს კი  
არა, დაორთქლილ ლინზებს აბრალებს.

ასე სქლად დაგრავნილი ნისლი ჯერ არასდროს მინახავს.

საიდანღაც მესმის ხმები, შეკრების დაწყებას ცდილობენ, რა-  
ღაც სისულელეს მიედ-მოედებიან ბილის სიბლუეზე – როდიდან  
დაგეწყო, რანაირადო. ისეთი სქელი ნისლი დგას, თითქოს წყალში  
მესმის იმათი სიტყვები. მართლა ისე გავს წყალს, სკამიდან მივ-  
ცურავ და ცოტა ხანს მიჭირს კიდევ, გავარკვიო, სად თავია და  
სად – ბოლო. ერთი პირობა, ცოტა ხანს, ცურვა მუცელს მატკიებს.

ვერაფერს ვხედავ. ასეთ სქელ ნისლში ჯერ არ მიცურავია.

სიტყვები იკარგება, ხმები სუსტდება და მერე ისევ ძლიერდება, ქრება და კვლავ ისმის, სანამ მე დავცურავ და დავცურავ, თუმცა როცა ძლიერდება, ისე მკაფიოდ მესმის, ვხვდები – ახლა ზუსტად მოლაპარაკეს გვერდითა ვარ-მეთქი. დანახვით კი მაინც ვერაფერს ვხედავ.

ბილის ხმას ვცნობ, ჩვეულებრივზე მეტად უკიდებს ენას, ეტყობა, ძალიან ალგზნებულია. „...კო-კო-კოლეჯიდან გა-გა-გამომრიცხეს, ი-მმმ-იტომ რ-რ-რომ სა-სა-სამხედროზე აღარ დავდიოდი. ვერ ვ-ვ-ვუძლებდი! რო-რო-როცა კიმორიგეო-ოო-ოფიცერი კლასში ს-ს-სიას ამოიკითხავდა და „ბიბიტო“ – ილრიალებდა, პას-ს-სუხს ვერ ვცემდი. უნდა მეთქვა – „ა-ა-ა...“ სიტყვა ყელში ერხირება, ძვალივით. მესმის, როგორ ყლაპავს ნერწყვს და თავიდან იწყებს. „უნდა გეპასუხა: „აქ ვარ, სერ!“, მე კი ვ-ვ-ვერ-აფრით ვახერხებდი.“

ბილის ხმა სუსტდება; მერე მარცხნიდან მთავარი ექთნის ხმა იჭრება ნისლში დანასავით. „ბილი, შეგიძლია გაიხსენო, პირველად როდის გაგიჭირდა მეტყველება? როდის დაგება პირველად ენა, გახსოვს?“

ვერ გამიგია, იცინის ბილი თუ რას შვრება. „ე-ე-ენა პირველად როდის დ-დ-ამება? პირველად? პირველად დ-დ-დედა რომ ვთქვი, მ-მ-მ-აშინ.“

მერე საუბარი მთლად წყდება; ადრე მსგავსი არაფერი მომხდარა. შეიძლება, ბილიც დაიმალა. შეიძლება, ბოლოს და ბოლოს, ბიჭები ერთიანად, საიმედოდ შეიყუყუნენ ნისლში.

ერთ მხარეს მე მივცურავ და მეორე მხარეს – ჩემი სკამი. სკამს კარგად ვხედავ. ნისლიდან იჭყიტება, ჩემგან მარჯვნივ, და რამდენიმე წამს ზედ ჩემ სახესთან ტივტივებს, ხელის განვდენაზე. ბოლო დროს მივეჩვიე, ნისლში გამოჩენილ საგნებს ყურადღება აღარ მივაქციო, ჩემთვის ვიყო, წყნარად და აღარ წავეტანო ხოლმე. ახლა კი მეშინია, ძველი შიში მიპყრობს ისევ, რაც ძალა და ღონე მაქვს, ვფართხალებ, ვცდილობ, სკამს ხელი

ჩავავლო, მაგრამ საყრდენს ვერ ვპოულობ და უაზროდ ვაფათურებ ჰაერში ხელებს, სხვა არაფერი გამომდის – შორიდან ვუცქერი, როგორ ახლოვდება, თანდათან როგორ ნათლად იკვეთება სკამი, უფრო ნათლად, ვიდრე ოდესმე; იმდენზე ახლოვდება, იმ ადგილას, სადაც ღურგალი შემთხვევით ჯერაც შეუმშრალ ლაქს შეხებია, თითის ანაბეჭდებსაც კი ვარჩევ; მერე, რამდენიმე წამით, სკამი უკვე ბუნდოვნად მოჩანს და ბოლოს ისე უჩინარდება. არასდროს მინახავს, საგნები ასე დაცურავდნენ. არც ამსისქე და ასე მკვრივი ნისლი მინახავს, იმდენად მკვრივია, იატაკზეც ვერ დაეშვები, რომც გინდოდეს, ფეხზე ვერ დადგები და ვერ გაივლი. ამიტომაც ვარ ასე შეშინებული; ისეთი გრძნობა მაქვს, თითქოს ამჯერად უკვე სამუდამოდ და უკანმოუხედავად უნდა გავცურდე სადღაც.

ჩემგან ოდნავ ქვევით ნისლიდან ვილაც ქრონიკული გამოცურდა. ბებერი პოლკოვნიკი მეთერსონი ყოფილა. თავის სიფრიფანა, გაყვითლებულ, დახეთქილ ხელისგულზე იდუმალ წარწერებს კითხულობს. ყურადღებით ვაკვირდები, რადგან მგონია, ცხოვრებაში უკანასკნელად ვხედავ-მეთქი. უშველებელი, აუტანლად დიდი სახე აქვს. იმოდენა მოჩანს იმისი თმის ყოველი ღერი და იმისი სახის ყველა ნაოჭი, თითქოს მიკროსკოპში ვუყურებდე. ისე ნათლად ვხედავ, მთელი მისი ცხოვრება მეშლება თვალწინ. პოლკოვნიკის სახე სამხრეთ-დასავლეთის სამხედრო ბანაკებში გატარებული სამოცი წლის სარკეა, ზარბაზნების რკინისსალტებიანი ბორბლებით დათხრილ-დაღარული და ორდღიანი მარმ-გადასვლების მონაწილე ჯარისკაცების ათასობით ჩექმით დაჩეჩქვილი.

სიფრიფანა ხელისგულს შლის, მალლა სწევს, თვალეზთან მიაქვს და დაელმებული დასცქერის, მერე მეორე ხელსაც სწევს და ხელისგულზე დანერილ სიტყვებს გახევებულ, ნიკოტინისგან ჩაჟანგებულ, თოფის კონდახისფერ თითს აყოლებს. დაგუდული, დუნე, ყოვლისმომთმენი ხმა აქვს, ვხედავ, კითხვისას როგორ შავად და მძიმედ წყდებიან სიტყვები იმის მყიფე ტუჩებს.

„არა... დროშა... აჰ-მერ-იკაა. ამერიკა არის... ქლიავი. ატამი. საჰ-ზამ-თრო. ამერიკა არის... შაქარყინული. გოგრის თესლი. ამერიკა არის... ტე-ლეჰ-ვიზორი.“

მართალს ამბობს. ეს ყველაფერი ჩაყვითლებულ ხელის-გულზე წერია. მეც ზუსტად იმავეს ვკითხულობ ზედ.

„ახლა... ჯვარი... მექსიკა.“ თავს მაღლა სწევს, აბა, მიყურებს თუ არაო? როცა რწმუნდება, თვალს არ ვაშორებ, მილიმის და აგრძელებს: „მექსიკა არის... კაკალი. ნიგოზი. რკო. მექსიკა არის... ცისარტყელა. ცისარტყელა... ხისაა. მექსიკა... ხი-საა.“

ვხვდები, საით უკაკუნებს. რაც აქაა, უკვე სრული ექვსი წელიწადი, სულ ასეთ რამეებს გაიძახის, მაგრამ აქამდე ყურადღება არასდროს მიმიქცევია; ვფიქრობდი, მოლაპარაკე ქანდაკებაა და სხვა არაფერი-მეთქი, ძვლებისგან და ართრიტებისგან შეკონინებული რალაც ნივთი, რომელიც უაზროდ და უსასრულოდ აფრქევს ამგვარ ტუტუცურ შედარებებს. ახლა კი, ბოლოს და ბოლოს, ვხვდები, რასაც ამბობს. ვცდილობ, ჩემი დაჟინებული მზერით ცოტა ხანსაც შევაკავო, კარგად მინდა დავიმახსოვრო ნათქვამი, ჯიუტად ვაშტერდები და მინდა ბოლომდე გავუგო. წამით სიტყვა უწყდება, ისევ ჩემკენ აპარებს თვალს, დასარწმუნებლად – ესმის თუ არაო, და მეც მთელი ხმით მინდა ვუყვირო: ხო, ვხედავ, მექსიკა მართლა კაკალს გავს, ყავისფერია და მაგარი, თვალითაც შეგიძლია იგრძნო, მართლა კერკეტი კაკალივითაა-მეთქი! ჭკვიანურ რამეს ამბობ, ბებერო, ოღონდ შენებურად. არც ისეთი გიჟი ხარ, ვილაც-ვილაცეებს რომ გონიათ. ხო... ვხედავ...

მაგრამ ნისლმა ყელი გამომივსო და კრინტსაც ვერ ვძრავ. მოხუცი ნელ-ნელა იცრიცება, თან ისევ თავის ხელისგულს ჩაკირკიტებს.

„ახლა... მწვანე ცხვარი... ეს კა-ნა-დაა. კანადა არის... ნაძვი. პურის ყანა. კა-ლენ-დარი...“

ნელ-ნელა მშორდება და მეც კიდევ უფრო ვიძახები, მინდა, თვალი გავაყოლო. ისე ვიძახები, თვალეები მტკივდება და იძულებული ვხდები, დავხუჭო. როცა ისევ ვახელ, პოლკოვნიკი

ალარსად ჩანს. მე ძველებურად ვტივტივებ – სიმარტოვეში კიდევ უფრო მეტად ჩაკარგული, ვიდრე როდისმე.

ჩემი დროც მოსულა-მეთქი, ვეუბნები საკუთარ თავს. მივდივარ და მივდივარ...

მერე ბებერი პიტი ჩნდება საიდანღაც, სახე პროჟექტორს მიუგავს. ჩემგან ორმოცდაათ ნაბიჯზეა, თუმცა ისე გარკვევით ვხედავ, თითქოს ნისლის ხსენებაც არსად იყოს. ანდა, შეიძლება, სულაც აქვეა, გვერდით და მართლა ასეთი პატარაა – არ ვიცი, ველარ გამიგია. ერთხელ მეუბნება, ძალიან დალლილი ვარო: სწორედ ამ სიტყვებმა დამანახვა თვალნათლივ მთელი იმის ცხოვრება, რკინიგზაზე გატარებული წლები; დამანახვა, როგორ ცდილობდა, საათის ცნობა ესწავლა, როგორ იღვრებოდა ოფლად რკინიგზელის ფორმაზე ღილებს სწორად შეკვრისას, როგორ იდგამდა წელებზე ფეხს იმ საქმის გასაკეთებლად, რასაც სხვები სულ იოლად ართმევდნენ თავს – იმდენი თავისუფალი დრო რჩებოდათ, შეეძლოთ, თითქმის მთელი დღე მუყაოგადაკრულ სკამებზე მსხდარიყვნენ და დეტექტივები ეკითხათ, ანდა ტიტველგოგობიანი ჟურნალები ეთვალიერებინათ. თავიდანვე იცოდა, გამიჭირდებაო, მაგრამ მაინც უნდა ეცადა საცდელი, ყველასგან რომ არ გარიყულიყო და არ დაკარგულიყო. ასე იცხოვრა ორმოცი წელი ადამიანების სამყაროს შუაგულში თუ არა, ამ სამყაროს მიჯნაზე მაინც.

ყველაფერს ვხედავ და დანახული ტკივილს მაყენებს ისევე, როგორც ომის დროს ჯარში ნანახი მაყენებდა ტკივილს. მაშინაც ზუსტად ასეთ ტკივილს ვგრძნობდი, როცა ვნახე, რა დაემართა მამას და მთელ ჩვენს ტომს. მეგონა, მსგავსსაც ველარაფერს ვნახავ და აღარც ვიდარდებ-მეთქი. ან რა აზრი აქვს დარდს?! მაინც ვერაფერს იზამ.

„დავიღალე,“ ახლაც თავისას ამბობს პიტი.

„ვიცი, პიტ, ვიცი... ოლონდ, მეც რომ შენსავით ვიდარდო მაგაზე, რას გიშველი? თვითონაც ხვდები – ვერაფერს.“

პიტიც მოხუცი პოლკოვნიკის გზას მიუყვება და უჩინარდება. ახლა უკვე ბილი ბიბიტს ვხედავ, ისიც იქიდან ჩნდება, სა-



იდანაც წელან პიტი გამოჩნდა. კვალში ჩამდგრები მოყვებიან ერთმანეთს, უნდათ, უკანასკნელად შემავლონ თვალი. ვიცი, არ შეიძლება ბილი ჩემგან რამდენიმე ფუტზე შორს იყოს, მაგრამ ისეთი პანანინაა, თითქოს მთელი მილი გვაშორებს ერთმანეთს. ჩემკენ იხედება, სახე მათხოვარს მიუგავს, რალაცას ითხოვს, გაცილებით იმაზე მეტს, ვიდრე ვინმემ შეიძლება მისცეს. პატარა თოჯინასავით აცმაცუნებს ტუჩებს.

„მაშინაც, როცა ხე-ხელი ვთხოვე, თავი შევირცხვინე. ვე-უბნები – ძვირფასო, გა-მომყვები ც-ცო-ცო-ცო... იმას კი სი-სი-ცილი აუვარდა.“

მთავარ ექთანს ვერ ვხედავ, მარტო ხმა მესმის: „დედაშენი მელაპარაკა იმ გოგოზე, ბილი. შენი შესაფერისი ნამდვილად არ ყოფილა. როგორ გგონია, ასე ძალიან რით დაგაფრთხო?“

„მე ის მიჰ-მიჰ-მი-ყვარდა.“

ვერც შენ მოგეხმარები ვერაფრით, ბილი. შენც იცი. ვერც ერთი ჩვენგანი ვერ მოგეხმარება. უნდა მიხვდე, როგორც კი კაცი სხვის საშველად გამოიღებს თავს, მაშინვე თვითონაც თავფეხიანად შიშვლდება. ეშმაკობაა საჭირო, ბილი; და ეს ერთხელ და სამუდამოდ უნდა შეიგნოთ შენც და ყველამ. მერა შემიძლია? მეტყველებას ვერ გამოგისწორებ, მაჯებიდან სამართებლის ნაიარევს ვერ მოგაშორებ და ვერც ჩამქრალი სიგარეტების კვალს გაგიქრობ ხელებიდან! ვერც სხვა დედას გიშოვი. კი, მთავარი ექთანიც ძალიან გამასხარავებს, შენი სისუსტით სარგებლობს და ყოველ წუთას გამცირებს, თუ რამე ღირსება შეგრჩენია, იმასაც გართმევს და არარაობად გაქცევს, მაგრამ მე ხომ ვერც იმისგან დაგიცავ? ანციოში ჩემი ძმაკაცი ხეზე მიაბეს, ჩემგან სულ ორმოცდაათ ნაბიჯზე, ვხედავდი, რა დღეში იყო, ბლაოდა, წყალს ითხოვდა, იმდენ ხანს გააჩერეს მზის გულზე, სახე ერთიანად დაუნყლულდა. უნდოდათ, იმის საშველად გამოვეტყუებინეთ. თვითონ ფერმაში იყვნენ ჩასაფრებულები. ცხვირი რომ გამომეყო, საცერივით დამცხრილავდნენ.

განე სახე, ბილი.

ისევ მოსდევენ ერთმანეთს, დამწკრივებულები.

სახეები თითქოს წარწერებიანი ფირფიტებია, აი ისეთი, პორტლენდში იტალიელ აკორდეონისტებს რომ კიდიათ ხოლმე კისერზე და – ბრმა ვარო – აწერიათ ზედ. ოლონდ, ამ სახე-ფირფიტებზე სხვა სიტყვები წერია – „დავიღალე“, „მეშინია“, „ციროზით ვკვდები“, ან: „მავთულებით ვარ გაკოჭილი და ყველა მე მიტყაპუნებს თავში“. სიტყვების ნაკითხვა არ მიჭირს, სულერთია, რა წვრილადაც არ უნდა იყოს ნაწერი. ზოგი სახე სხვას მიჩერებია, ვინც მოინდომებს, თავისუფლად წაიკითხავს მეორის ფირფიტას, თუმცა რა აზრი აქვს? სახეები ფანტელებივით დნებიან ნისლში.

ახლა უფრო შორსა ვარ, ვიდრე როდისმე. ასეთი იქნება ალბათ სიკვდილიც. ვხვდები, რას ნიშნავს ბოსტნეულად ყოფნა: საკუთარი თავი გეკარგება ნისლში. ვერ ინძრევი. შენს სხეულს იქამდე კვებავენ, სანამ საბოლოოდ არ კარგავ ჭამის უნარს; მერე გწვავენ. ეს არც ისე ცუდია. არანაირი ტკივილი არ განუხებს. ბევრს ვერაფერს გრძნობ სიგრილის შეხების გარდა და იცი, თავის დროზე ეს შეგრძნებაც გაივლის.

ვხედავ, ჩვენი ოფიცერი განცხადებების დაფაზე ახალ ბრძანებას აკრავს – დღეს რა უნდა ჩავიცვათ. მერე იმასაც ვხედავ, აშშ-ს შინაგან საქმეთა დეპარტამენტი როგორ უტევს ჩვენს მცირერიცხოვან ტომს ქვის სამტვრევი მანქანით.

ვხედავ, ლარტაფიდან ხტუნვა-ხტუნვით მამა მორბის, მერე ნაბიჯს ანელებს, ცდილობს, მიზანში ამოილოს დიდი, ექვსად გატოტილქიანი მამალი ირემი, რომელიც კედრებში აპირებს თავის შეფარებას. ტყვიას ტყვიაზე ახლის, მტვრის ბუქს აყენებს ირმის გარშემო. მამას ფეხდაფეხ მოვყვები ლარტაფიდან და მეორე გასროლით უსულოდ ვაგდებ ირემს ზუსტად იმ წუთას, როცა ქვიშრობის კბოდეზე ცდილობს აფორთხებას. მამას ვუღიმი.

*შენი აცდენილი ტყვია პირველად ვნახე, მამა.*

*ძველებურად აღარ მიჭრის, შვილო, თვალი. უწინდებურად*

ველარ ვუმიზნებ. ახლაც ისე მიკანკალებდა ლულა, როგორც ატმის კურკების დასაყრელად ჩაცუცქეულ ძაღლს უკანკალებს ხოლმე ტრაკი.

მამა, ადრეც გითხარი: იცოდე, სიდის გამოხდილი კაქტუსის არაყი დროზე ადრე მოგიღებს ბოლოს.

ეეე, შვილო, კაცმა თუ სიდის არყის სმა დაიწყო, იმის საქმე უკვე წასულია. წამო, სანამ ბუზები დასევია, ირემი გამოვშიგნოთ.

ეს ამბავი ახლა არ ხდება. ხვდებით ალბათ, არა? წარსულიდან უეცრად ამოტივტივებულ მოგონებას კი ვერაფერს მოუხერხებ.

აბა, ერთი იქით გაიხედე...

შავი სანიტრების ჩურჩული მესმის.

ნახე, ყეყეჩ ცოცხს რა ტკბილად ჩაძინებია.

სწორი ხარ, ბელადო, სწორი. აი, ეგრე. გძინავს და ფეხებზე გკიდია ყველაფერი. აი, ეგრე.

აღარ მცივია. მე მგონი, მივალწიე დანიშნულ ადგილს. უკვე იქა ვარ, სადაც სიცივეც ვერ მომწვდება. შემიძლია, სამუდამოდ აქ დავრჩე. აღარც მეშინია. ველარ მომწვდებიან. მარტო სიტყვები აღწევს ჩემამდე და ნელ-ნელა ისინიც იკარგებიან.

კეთილი... მაშინ, რაკი ბილიმ საუბარს თავი აარიდა, იქნებ სხვას სურს ვინმეს, ჯგუფის თანდასწრებით რამე პრობლემის განხილვა?

სხვათა შორის, ქალბატონო, ერთი პრობლემა კი მაწუხებს...

ისევ მაკმერფია. სადღაც შორს. ჯერ ისევ ცდილობს, ძალით გამოათრიოს ხალხი ნისლიდან. ნეტა რატომ არ მანებებს თავს?

„...გახსოვთ არა, ორი დღის წინ ტელევიზორის ამბავზე კენჭი რო ვყარეთ? კი გეხსომებათ... დღეს პარასკევია და ვიფიქრე, ერთხელაც ხო არ წამომეჭრა-მეთქი ეს საკითხი, უბრალოდ, მინდა გავიგო, ვინმე სხვასაც ხო არ მიეცა გული.“

„მისტერ მაკმერფი, ამ შეკრების მიზანი თერაპიაა, ჯგუფური თერაპია და მე სულაც არ ვფიქრობ, რომ ეს უმნიშვნელო საჩივრები...“

„კარგი, კარგი, გვეყოფა... ეგ ლაპარაკი ადრეც ბევრჯერ მოგვისმენია. მე და რამდენიმე ბიჭმა გადავწყვიტეთ...“

„ერთი წუთით, მისტერ მაკმერფი, ნება მომეცით, ჯგუფს ვკითხო: ხომ არ გეჩვენებათ, რომ მისტერ მაკმერფი გადამეტებული მონდომებით გახვევთ საკუთარ ნება-სურვილს? იქნებ უკეთ გეგრძნოთ თავი, თუ მას სხვა განყოფილებაში გადავიყვანდით?“

მთელი წუთი ხმას არავინ იღებს. მერე ვილაც ამბობს: „უყაროს კენჭი, რატომაც არა? ვითომ ერთი კენჭისყრისთვის დასაბმელებში რატომ უნდა უკრათ თავი? რა დაშავდება, ტელევიზორის ყურების დრო თუ შეიცვლება?“

„კი, მაგრამ, მისტერ სქანლონ, როგორც მახსოვს, თქვენ სამდღიანი შიმშილობით დაგვემუქრეთ, თუკი შვიდის ნახევრის ნაცვლად ექვსზე არ ჩაგირთავდით ტელევიზორს.“

„ხომ უნდა გაიგოს კაცმა, რა ხდება მსოფლიოში?! ღმერთო ჩემო, იმათ შეიძლება დედაქალაქი დაგვიბომბონ და ჩვენ ერთი კვირის მერელა გავიგოთ!“

„მართლა? აბა, ახლა რატომღა გირჩევნიათ ახალი ამბების გაგებას ოფლიანი ბეისბოლისტების ცქერა?“

„ორივე ერთად არ შეიძლება, ჰა? ეტყობა, არ შეიძლება. კარგი, ჯანდაბას – არა მგონია, ამ კვირაში დაგვბომბონ.“

„აცალეთ, ყაროს კენჭი, მის რეჩედ!“

„კეთილი, ბატონებო. მაგრამ, ჩემი აზრით, სწორედ ესაა ნათელი მაგალითი, როგორ გაღიზიანებთ იგი ზოგიერთებს. აბა, რას გვთავაზობთ, მისტერ მაკმერფი?“

„ერთხელაც ვყაროთ კენჭი და გავარკვიოთ, ვის უნდა ტელევიზორის ყურება შუადღისას.“

„დარწმუნებული ბრძანდებით, რომ კიდევ ერთი კენჭისყრა საბოლოოდ დაგაკმაყოფილებთ? ჩვენ უფრო მნიშვნელოვანი საქმეებიც გვაქვს.“

„დამაკმაყოფილებს. გამიხარდება, ვნახო, ამ ჩიტუნებიდან რომელს შერჩა ცოტა ვაჟკაცობა და რომელს – არა.“

„აი, ექიმო სპაივი, სწორედ ამგვარი ლაპარაკი მაფიქრე-

ბინებს, მისტერ მაკმერფი სხვაგან ხომ არ გადაგვეყვანა-მეთქი. პაციენტები უფრო მშვიდად იქნებოდნენ...”

„ვაცალოთ, ყაროს კენჭი, რა უშავს?“

„რა თქმა უნდა, მისტერ ჩესვიკ, ჯგუფი კენჭისყრისთვის მზადაა. ხელის აწევა საკმარისია თუ ფარულ კენჭისყრას მოითხოვთ, მისტერ მაკმერფი?“

„მარტო ხელების დანახვა მინდა. თანაც არა მხოლოდ ზევით აწეულის.“

„აბა, ყველამ, ვისაც შუადღისას უნდა ტელევიზორის ყურება, ხელი ასწიოს!“

პირველს მაკმერფის ხელს ვხედავ, სხვაში არ შემეშლება, იმ დღეს საკონტროლო პულტზე გაიჭრა და ახლა შეხვეული აქვს. მერე და მერე, სულ უფრო შორს და შორს, სხვა ხელებსაც, ნისლიდან ამოყოფილებს. თითქოს... თითქოს მაკმერფის ვეება, წითელი ტორი ნისლში დაფათურობს, ეძებს, პოულობს კიდეც და ხელებით მოათრევს ნისლიდან ხალხს, სინათლით დაბრმავებულს და თვალეხამხამებულს. ჯერ ერთს, მერე მეორეს, მესამეს... ყველა მწვავეს რიგრიგობით, სანამ ოცივე არ ჩამწკრივდება. ხმას მარტო ტელევიზორის სასარგებლოდ კი არა, მთავარი ექთნის წინააღმდეგაც აძლევენ – მაკმერფის დასაბმელებში გადაყვანის, ქალის ლაპარაკის, ქცევის, ამდენხნიანი ბატონობის წინააღმდეგ...

სრული სიჩუმეა. ვგრძნობ, როგორი შემცბარია ყველა, პაციენტებიც და პერსონალიც. მთავარი ექთანი ვერ მიმხვდარა, რა ხდება: გუშინ, სანამ მაკმერფი საკონტროლო პულტს დაეძგერებოდა, ოთხი-ხუთი მომხრე ძლივს მოუგროვებოდა... თუმცა, როცა ლაპარაკს იწყებს, მთავარი ექთანი მაინც ახერხებს, გაოცება არ შეიმჩნიოს.

„მე მხოლოდ ოცი დავთვალე, მისტერ მაკმერფი.“

„ოცი? კი ბატონო, ძალიანაც კარგი. ოცნი არა ვართ აქ?..“ მერე ხვდება, საითაც უმიზნებს ქალი და ხმა უწყდება. „აბა, აბა, ქალბატონო, ეხლა მოიცათ...“

„ვშიშობ, კენჭისყრა თქვენთვის არასახარბიელოდ დამთავრდა.“

„მოიცათ-მეთქი ერთი წუთი!“

„განყოფილებაში ორმოცი პაციენტი, მისტერ მაკმერფი, ორმოცი პაციენტი, თანახმა კი მხოლოდ ოცია. შინაგანაწესის შესაცვლელად უმრავლესობის ნება-სურვილია საჭირო. ვწუხვარ, მაგრამ კენჭისყრა დასრულებულია.“

ხელები მონყვევით ცვივა ქვევით. ბიჭები ხვდებიან, დავმარცხდითო და ცდილობენ, ისევ უკან, უხიფათო ნისლში შეიყუჟონ. მაკმერფი ფეხზე დგას.

„მაშინ კარგი... ძალიშვილი ვიყო!.. ესე იგი, ამნაირათ შეატრიალე, არა? კუთხეში მიყუჟული იმ ბებრების ხმებიც მითვალე, არა?“

„კენჭისყრის წესი არ აგიხსნიათ მისთვის, ექიმო?“

„იცით, უმრავლესობა მართლაც საჭიროა, მაკმერფი. მთავარი ექთანის სწორს ბრძანებს, სწორს...“

„უმრავლესობა, მისტერ მაკმერფი; ასე წერია განყოფილების წესდებაში.“

„და, როგორც გავიგე, ამ დანყვევლილი წესდების შეცვლის ერთადერთი გზაც უმრავლესობის სურვილია! აბა რა! ბევრი ტრაკობა მინახია ცხოვრებაში, მარა ამან ყველას მოუჯოკრა, ჩემი კაი!..“

„ვწუხვარ, მისტერ მაკმერფი, მაგრამ შინაგანაწესში ასე წერია, თუ გნებავთ, მე შემოძლია...“

„აქ ესე ატარებთ, არა, დემოკრატიულ მამაძაღლობებს?.. ბოზიშვილი ვიყო!..“

„თქვენ აღელვებული ჩანხართ, მისტერ მაკმერფი. აღელვებული ჩანს, არა, ექიმო? ჩაინიშნეთ, თუ არ შეწუხდებით!“

„ეხლა, მაგ ლაპარაკს მოეშვი, ქალბატონო! კაცი თუ გააგიჟე, იყვირებს, აბა რას იზამს?! კიდე კაი ჭკუაზე ვართ ყველა.“

„ექიმო, პაციენტის მდგომარეობიდან გამომდინარე, დღევანდელი შეკრება ალბათ ადრე უნდა დავასრულოთ...“

„მოიცათ! ერთი წუთი მაცალეთ, იმ ბებრებსაც დაველაპარაკო.“

„კენჭისყრა დამთავრებულია, მისტერ მაკმერფი!“

„მაცალეთ, დაველაპარაკო..“

ჩვენკენ მოდის. ნელ-ნელა დიდდება და დიდდება, სახე წითლად უვარვარებს. ნისლში ყვინთავს და ცდილობს, რაქლი ზედაპირზე ამოათრიოს, რაქლი ყველაზე ახალგაზრდაა და იმიტომ.

„აბა, ერთი შენ რას იტყვი, ძმაკაც? არ გინდა ფინალური სერიის ყურება? ბეისბოლის ყურება გინდა? მაშინ, აი, ეს ხელი ესე ანიე..“

„ცცცცოლის დედაც!“

„კაი, ბატონო, ვითომც არაფერი მითქვია. შენა, ჩემნაირო, შენ რა აზრისა ხარ? რა მითხარი, რა მქვიაო – ელისი? რას იტყვი, ელის, შე ძველო, არ გინდა ტელევიზორში ბურთაობის ყურება? მარტო ხელი ანიე...“

ელისს ორივე ხელი კედელზე აქვს მიჭედებული, ცხადია, თანხმობად ვერ ჩაეთვლება.

„მე ვთქვი, კენჭისყრა დამთავრებულია-მეთქი, მისტერ მაკმერფი! სასაცილოდ იხდით თავს.“

მაკმერფი ყურადღებას არ აქცევს. ქრონიკულების რიგს მოუყვება. „მიდით, ჰა, შობეთ! მარტო ერთი თქვენი ხმაა საჭირო, ჩიტებო, ერთი ხელი ანიეთ ვინმემ! დაანახეთ ქალბატონს, ხელის აწევა ჯერ კიდე შეგვიძლიაო!“

„დავიღალე,“ ამბობს პიტი და თავს აქნევს.

„ღამე... არის... წყნარი ოკეანე.“ პოლკოვნიკი ხელისგულზე კითხულობს, კენჭისყრის გამოც კი არ შეიძლება მისი შეწუხება.

„აბა, რომელიმემ ჭეჭეთ ხმამალლა, ბიჭებო! აი, სად გვეძლევა შანსი, ვერა ხვდებით? ეხლა უნდა ვივაჟუცაოთ – არადა, ყოფა გვეტირება! არ გესმით, ტვინგანყალბულებო, რას გეუბნებით? ვერავინ აწევთ ხელს? შენ, გებრიელ? ჯორჯ? ვერა? შენა, ბელადო, შენ რას იტყვი?“

ნისლში ზედ წამომდგომია. რატომ არ დამანებებს თავს?  
„ბელადო, შენა ხარ ჩვენი ბოლო იმედი!“

მთავარი ექთანი ქალაქებს ერთად აქუჩებს. დანარჩენი ექთნები გარს შემოხვევიან, უკვე ფეხზე დგანან. ბოლოს მთავარი ექთანიც დგება.

„მაშ ასე, დღევანდელი შეკრება გადადებულია,“ მესმის მისი ხმა. „პერსონალს ჩვენს ოთახში ველოდები, დაახლოებით ერთ საათში. რაკი სხვა...“

უკვე ძალიან გვიანია, ველარ გავაჩერებ. იმ პირველ დღესვე უყო რალაც მაკმერფიმ, თავისი ხელით მოაჯადოვა და უკვე აღარც მემორჩილება. არადა, ბრიყვიც მიხვდება, მაინც არავითარი აზრი არა აქვს; ჩემი ნებით არც მე ვიზამდი. საკმარისია, მთავარი ექთნის მზერა ვიგრძნო, დავინახო, როგორ შემორობია ბაგეზე სიტყვა, და მაშინვე მივხვდე – საცაა, მაგარ შარში გავეხვევი-მეთქი, მაგრამ მაინც ვერ ვაჩერებ. ეტყობა, მაკმერფის ძაფი შეუბამს ზედ, ოღონდ სადღაც მაღავს; მერე ნელ-ნელა ზევით ექაჩება, მარტო იმიტომ, ნისლიდან გამომათრიოს და სააშკარაოზე გამომიყვანოს, ყველასთვის იოლ სამიზნედ მაქციოს. ეს უნდა ალბათ. ძაფი...

არა. ტყუილს ვამბობ. მე თვითონ ავწიე ხელი!

მაკმერფი სიხარულისგან ჭყივის, ძალით მაგდება ფეხზე და ბეჭებზე ხელს მიბაგუნებს.

„ოცდაერთი! ბელადიანად ოცდაერთია! და ღმერთს გეფიცებით, ესეც თუ არ ნიშნავს უმრავლესობას, ავდგები და აი, ამ ჩემ ქუდს შევჭამ!“

„ჰე-ჰე-ჰეეე!“ ჭყლოპინებს ჩესვიკი. დანარჩენი მწვავეები ოთახის მეორე ბოლოდან ჩემკენ მოიჩქარიან.

„შეკრება დამთავრებული იყო,“ ამბობს მთავარი ექთანი. ტუჩებზე ჯერაც ღიმილი აფენია, მაგრამ როცა დღის პალატიდან ექთნების სამორიგეოში გადის, კეფა ისეთი აჭარხლებული აქვს და კისრის ძარღვებიც ისე დაბერვია, თითქოს საცაა უნდა აფეთქდეს და გასკდესო.



თუმცა არ ფეთქდება, ყოველ შემთხვევაში, დაახლოებით ერთ საათს მაინც. შუშის იქით მჯდარს, ღიმილი მორღვევია, უცნაური სახე ადევს, ჯერ არნახული. გაუნძრევლად ზის. ვხედავ, სუნთქვისას როგორ აუდ-ჩაუდის მხრები.

მაკმერფი კედლის საათს ასცქერის და ამბობს – დაიწყოთ თამაშიო. ის და კიდევ რამდენიმე მწვავე ჰიგიენურ შადრევანთან დგანან მუხლებზე და პლინტუსს ხეხავენ. მე საკუჭნაოსთან ვგვიიატაკს, დღეს უკვე მეთედ. სქანლონი და ჰარდინგი დერეფანში აღმა-დაღმა დაატარებენ იატაკის საპრიალებელ მანქანას, კოხტა, მბზინავი რვიანები გამოყავთ ახლად წასმულ მასტიკაზე. მაკმერფი ერთხელაც იმეორებს, ჩემი მოკლე ჭკუით, უკვე თამაშის დაწყების დრო უნდა იყოსო და ფეხზე დგება, ჩვარს იქვე აგდებს. დანარჩენები საქმეს აგრძელებენ. ქალი ფანჯრიდან მოსჩერებია მაკმერფის, გვერდით რომ ჩაუვლის, მაკმერფი ისე უღიმის, თითქოს ეჭვიც აღარ ეპარება – მაგარი ჭოჭი მივეციო. მერე თვალსაც უკრავს და ქალს ისევ ოდნავ შესამჩნევად უთრთის თავი.

შეფარულად ყველა მაკმერფის უყურებს, ოღონდ აშკარად თვალის გაყოლებას ვერ ბედავენ. ის კი უკვე სავარძელს მოათრევს, ტელევიზორის წინ დგამს, ტელევიზორს რთავს და ჯდება. ეკრანი ჯერ ჭრელდება, მერე გამოსახულება ინმინდება – ბეისბოლის მოედანზე თუთიყუში სახუმარო კუპლეტებს მღერის. მაკმერფი დგება, რეპროდუქტორების მუსიკის ჩასახშობად ტელევიზორს ხმას უწევს, სავარძლის წინ სკამსაც დგამს, სავარძელში ითხლაშება, ფეხებს სკამზე აჯვარედინებს, სიგარეტს უკიდებს, მუცელს იფხანს და გემრიელად ამთქნარებს.

„ჰუუუ-ჰუ! ეხლა ერთი ქილა ლუდი და ერთი გოგოც მომცა და პირველი კაცი ვარ!“

მთავარი ექთანი გამტერებული მისჩერებია, ვხედავ, ნელ-ნელა როგორ უნითლდება სახე და ტურების უაზრო ცმაცუნსაც იწყებს. წამით ჩვენკენ გამოურბის თვალი და ხედავს, ყველა იმის შემდეგ ნაბიჯს ველოდებით, ძალიან გვანტიერებს, ახლა

რალას მოიმოქმედებს. ყველანი: ჩვენც, შავი ბიჭებიც, უმცროსი ექთნებიც და პერსონალის თათბირზე გამოცხადებული ახალგაზრდა ექიმებიც ქურდულად ვუთვალთვალეთ. ისევ მაკმერფიზე გადააქვს მზერა და იცდის, როდის მორჩება თუთიყუში სიმღერას; მერე დგება და სამართავლილაკებიანი ფოლადის კარისკენ მიდის, ნკიპურტით თიშავს ტელევიზორს, გამოსახულება ისევ ჭრელდება, მერე ნაცრისფრდება და ეკრანზეც აღარაფერი რჩება სინათლის პანანინა თვალის გარდა – ისიც სავარძელში მოკალათებულ მაკმერფის მიჩერებია.

ჯიუტად მიჩერებული თვალი მაკმერფის ოდნავადაც ვერ უფუჭებს გუნებას. სიმართლე ითქვას, არც ეტყობა არაფერზე, საერთოდ თუ შეამჩნია ტელევიზორის გამორთვა. სიგარეტს კბილებში იჩრის და ქუდს ისე იფხატებს, ლამის უნდა დანვეს, ქუდს ქვევიდან რამე მაინც რომ დაინახოს.

ზის ასე, კეფაზე ხელებშემოჭდობილი, სავარძელში გადათხლაშული – სახე არც უჩანს, მარტო ანთებული სიგარეტი – და ტელევიზორის ჩამქრალ ეკრანს უყურებს.

მთავარი ექთანი დიდხანს ვერ უძლებს ამ სანახაობას; ექთნების სამორიგეოს კართან მიდის და გამოსძახის – მაკმერფი, უკეთესი იქნება, სხვებს მიეხმაროთ განყოფილების დალაგებაშიო. მაკმერფი ყურადღებას არ აქცევს.

„მისტერ მაკმერფი, მე გეუბნებით, ამ დროს მუშაობა გევალებათ-მეთქი!“ ქალის ხმა ფიჭვს შეჭიდებული ელექტროხერხის ღმუილს გავს. „მისტერ მაკმერფი, იცოდეთ, უკანასკნელად გაფრთხილებთ!“

ყველამ მიაწვია საქმეს თავი. მთავარი ექთანი თვალს აცეცებს, მერე ექთნების სამორიგეოდან მაკმერფისკენ დგამს ნაბიჯს.

„თქვენ აქ კანონის ძალით ხართ მოყვანილი, გესმით? თქვენ... ჩემი იურისდიქციის ქვეშ იმყოფებით... პერსონალის.“ ქალს მუშტები აუნწვია, ათივე მონითალო-მონარინჯისფრო ფრჩხილი იმის ხელისგულებში იწვის. „იურისდიქციის და მეთვალყურეობის...“

ჰარდინგი იატაკის საპრიალებელს აჩუმებს, დერეფანში ტოვებს, პალატაში შედის, სკამს ირჩევს, მაკმერფის გვერდით დგამს, ჯდება და ისიც სიგარეტს უკიდებს.

„მისტერ ჰარდინგ! თქვენ შინაგანანესით დადგენილი საქმე გაქვთ დასამთავრებელი!“

ისეთი ხმა აქვს, თითქოს ხერხი ლურსმანს გადააწყდაო. ამის გაფიქრება მამხიარულებს, ცოტაც და გამეცინება.

„მისტერ ჰარ-დინგ!“

მერე ჩესვიკიც ითრევს სკამს, მერე ბილი ბიბიტცი, მერე სქანლონი, მერე ფრედრიქსონი და სეფელტი, მერე უკვე ყველა ვყრით ჩვენ-ჩვენს ჩვრებს, ცოცხებს, ჯაგრისებს და ტელევიზორის წინ ვამწკრივებთ სკამებს.

„ახლავე შეწყვიტეთ ეს უმსგავსობა... თქვენ გეუბნებით, ახლავე!“

გამორთული ტელევიზორის წინ ვსხედვართ და ნაცრისფერ ეკრანს არ ვაშორებთ თვალს, თითქოს მართლა დაძაბულ თამაშს ვუყურებდეთ გაფაციცებულები, ის კი, სადღაც ჩვენ ზურგს უკან, თუხთუხებს და კივის.

ვინმეს ცალი თვალით რომ შემოეჭყიტა და დაენახა, როგორ მიშტერებოდა ამდენი ხალხი გამოთიშულ ტელევიზორს, ან რა ხმით კიოდა იმათ ზურგს უკან ორმოცდაათი წლის დარბაისელი ქალი რაღაც აბდაუბდას დისციპლინაზე, წესრიგსა და სასჯელზე, ჩვენს სიგიჟეში ნაღდად არ შეეპარებოდა ეჭვი.

სადღაც შორს, ზედ ჩემი თვალსაწიერის ზღვარზე, ექთნების სამორიგეოში, იმ თეთრ მინანქრის სახეს ვხედავ. ვხედავ, მაგიდისკენ დახრილი, ათრთოლებული, მორღვეული და დაბრეცილი, როგორ ცდილობს ჩვეული ფორმის მიღებას. დანარჩენი ბიჭებიც ამ სახეს უცქერენ, თუმცა ძალიან არ უნდათ, შეიმჩნიონ. ისე უჭირავთ თავი, ვითომ ჯერაც ტელევიზორის ჩამქრალ ეკრანს მიშტერებიან, სხვა არაფერი აინტერესებთ, ოღონდ ვის მოატყუებენ? ჩემი არ იყოს, იმათაც ყველას შუშის ყუთისკენ გაურბის ქურდულად თვალი. შუშის იქით დარჩენილი მთავარი ექთანიც ცხოვრებაში პირველად ცდის საკუთარ ტყავზე, როგორია, როცა ამდენი თვალი მოგჩერებია, შენ კი იმაზე უფრო არაფერი გინდა, ამ თვალებსა და შენს სახეს შორის გაუმჭვირვალე ფარდის ჩამოფარება შეგეძლოს.

ახალგაზრდა ექიმებიც, შავი ბიჭებიც, უმცროსი ექთნებიც – ყველა ქალს უცქერის, ელოდებიან, როდის წამოდგება და როდის გაუყვება დერეფანს იქით, სადაც უკვე კარგა ხნის წინ უნდა დაწყებულიყო მისივე დანიშნული თათბირი; ერთი სული აქვთ ნახონ, ახლა როგორღა მოიქცევა, როცა აშკარა გახდა, იმისი

წონასწორობიდან გამოყვანაც შეძლება ვილაცასო. იცის, რომ უცქერენ, მაგრამ არ ინძრევა, მაშინაც კი, როცა სხვები ფეხათრევით, უიმისოდ მიიზღაზნებიან პერსონალის ოთახისკენ. ვამჩნევ, კედლებში ჩატანებული ყველა მონყობილობაც ჩაჩუმებულია, თითქოს ისინიც ქალის შერხევას ელოდებიან.

ნისლის კვალიც აღარსად ჩანს.

ახლალა მახსენდება, რომ პერსონალის ოთახი არ გამომიგვია. უკვე რამდენი წელია, მე ვალაგებ იქაურობას. მაგრამ ისეთი შეშინებული ვარ, სკამიდან წამოდგომაც კი მესიკვდილება. გაგანია თათბირების დროსაც ვტრიალებ ხოლმე იქ, არ მიკრძალავენ, დარწმუნებულები არიან, არაფერი ესმისო, თუმცა დღეს, როცა იმ ჩემი ცოდვით სავსე მაკმერფიმ ყველას დასანახად ამანვევინა ხელი, ალბათ მიხვდებიან, ყრუ რომ არა ვარ. მიხვდებიან, მთელი ამ ხნის მანძილზე მეც რომ მესმოდა მარტო იმათი ყურისთვის განკუთვნილი საიდუმლოებები. ხოდა, თუკი მიხვდებიან, კარგ ჩიტსაც დამაჭერინებენ! თანაც ჩემივე ფეხით უნდა ვეახლო.

არ ვეახლები და უარესად დაეჭვდებიან, საბოლოოდ აეხილებათ თვალი: აი, ხომ ხედავთ, რას გეუბნებოდით, ახლაც არ გჯერათ, დასალაგებლად აღარ მოეთრაო! ხომ უკვე ნათელია, როგორც უნდა მოვიქცეთო...

უკვე ბოლომდე ვიაზრებ, რა საფრთხეშიც ჩავიგდეთ თავი, როცა მაკმერფის არ გავუძალიანდით და ნისლში არ დავრჩით შეყუჟულები.

კარებთან შავი ბიჭი მიყუდებია კედელს, გულხელდაკრეფილი დგას, ვარდისფერი ენით გაუჩერებლად იტლექს ტუჩებს და თვალებით გვჭამს ტელევიზორთან მსხდომებს. ენის არ იყოს, არც თვალებს აჩერებს და ბოლოს მე მაშტერდება ჯიქურად. ვხედავ, სულ ოდნავ როგორ ეწევა ზევით ქუთუთო. დიდხანს მიყურებს, წელანდელ ჩემს საქციელზე ფიქრობს. მერე, თითქოს საყრდენი გამოეცალაო, ტორტმანით შორდება კედელს, საკუჭნაოსკენ მიდის, იქიდან საპნიანი წყლით სავსე ვედრო და ღრუბელი მოაქვს, ძალით მანვევინებს ხელს, ვედროს სახელურს

მკლავზე მაცმევს – თითქოს ატკრცილებულ კოცონზე ჩაიდანი ჩამოკიდაო.

„აბა, მიდი, ბელადო,“ მეუბნება, „აბა, ადექი და მიხედე საქმეს!“

არ ვინძრევი. მკლავზე ვედრო ქანაობს. ვცდილობ, არაფერზე შემეტყოს, იმისი ნათქვამი თუ გავიგე. ეს კრუხის პალოც ჩემს მოტყუებას ცდილობს. ერთხელაც მიყვავებს – ადექიო – დაროცა მაინც არ ვიცვლი ფეხს, ტანჯული კაცივით ატრიალებს თვალებს, ოხრავს, საყელოში მაფრინდება და ოდნავ მქაჩავს. მაშინლა ვდგები. ღრუბელს ჯიბეში მიჩურთავს და დერეფნის ბოლოსკენ, პერსონალის ოთახისკენ მითითებს. მითითებს და მეც იქით მივდივარ.

სანამ მკლავზე ვედრო ჩამოკიდებული დერეფანს მივუყვები – ზზზზუუუუო – და მთავარი ექთანიც ჩამიქროლებს გვერდით, ძველებურად მშვიდი და ძლევამოსილი, მერე კარებში უხვევს და უჩინარდება. თავსატეხი და სადარდებელი მაკლდა ვითომ!

უკაცრიელ დერეფანში დარჩენილს, უჩვეულო სინათლე მებამუშება – ნისლის ხსენებაც აღარსადაა. იქ, სადაც ეს-ესაა მთავარმა ექთანმა ჩაიქროლა, ოდნავ უფრო მეტად ცივა და ჭერში დატანებულ გრძელ, თეთრ, ხვეულ ნათურებშიც შუქი ყინულის კაშკაშა ლოლუებივით ჩაყინულა, თითქოს მაცივრის შეთრთვილული სპირალები თეთრი შუქის საფრქვევად გადაუკეთებიათ საგანგებოდ. სინათლის ლოლუები პერსონალის ოთახის კარისკენ ინვარტებიან, იქით, სადაც წუთის წინ მთავარმა ექთანმა შეუხვია – მძიმე, ფოლადის კარისკენ, რომელიც პირველი კორპუსის დასაშოკის კარსაც წააგავს, ოღონდ ამას ნომერი ანერია და კაცის სიმაღლეზე პატარა ჭუჭრუტანაც აქვს დატანებული: პერსონალმა რომ გამოიხედოს და ნახოს, ვინ აკაკუნებს. კარს ვუახლოვდები და ვხედავ, ჭუჭრუტანიდანაც შუქი მოჟონავს – მწვანე, ნალველივით მწარე. ოთახში საცაა თათბირი დაიწყება, ეს მწვანე გამონაჟონიც ამიტომაა; თათბირი კარგად რომ გახურდება, მერე კედ-

ლებს და ფანჯრებსაც მოედება, მე კი ღრუბლით უნდა ჩამოვ-  
წმინდო, ღრუბელი ვედროში ჩავწურო და საქმეს როცა მოვრჩები,  
ამ ნაწურით კანალიზაციის მილები ჩავრეცხო ტუალეტში.

საზიზღარი საქმეა პერსონალის ოთახის დალაგება-დასუფ-  
თავება. ვინ დამიჯერებს, რას არ გადავანყდები ხოლმე იქ; საშინ-  
ელ რამეებს – ადამიანის კანის ფორებიდან გამოჟონილ შხა-  
მებსაც და ჰაერში გახსნილ ისეთ ძლიერ მუჟავებსაც, ცოცხლად  
დაადნობენ კაცს. საკუთარი თვალით მინახავს.

ისეთ თათბირებსაც შევსწრებივარ, როცა მაგიდის ფეხები  
დაძაბულობას ველარ უძლებდნენ და იბრიცებოდნენ, სკამები  
იკვანძებოდნენ, კედლები კი ჭრიალ-ჭრიალით მიიწვედნენ  
ერთმანეთისკენ, სანამ მოვახერხებდი და ოთახს ოფლს ჩა-  
მოვწურავდი. ზოგ თათბირზე იმდენ ხანს ლაპარაკობდნენ ხოლ-  
მე რომელიმე პაციენტზე, ბოლოს ისიც, ხორცშესხმული, თით-  
ქოს ჰაერიდან მატერიალიზდებოდა ოთახში – ყავის მაგიდაზე  
საჯაროდ გართხმული, დედიშობილა... იმათ ტვინებში დაბა-  
დებული ნებისმიერი სატანური იდეისგან სრულიად დაუცველი;  
მერე პერსონალი იმ უბედურს ძვალ-რბილს გაუერთიანებდა,  
აზელდა და კედლებზე გადღაბნიდა.

მეც მარტო ამიტომ ვარ საჭირო თათბირებზე – ყოველი შემ-  
თხვევისთვის. ამგვარი არაჰიგიენური ღონისძიებებისგან წინას-  
წარ არასდროს არიან დაზღვეული და ვიღაცამ ხომ უნდა ნაშა-  
ლოს კვალი. პერსონალის ოთახი საერთოდ ძალიან გასაიდუმლო-  
ებულია და ის ვიღაცაც იმისთანა კაცი უნდა იყოს, ვინც იქ ნახ-  
ზე კრინტის დაძვრას ვერ მოახერხებს. ჩემზე უკეთესს ვის იპო-  
ვიან?! ეს საქმე უკვე იმდენი ხანია მევალება – ღრუბლით კარ-  
ფანჯრის ჩამოწმენდა, მტვრის გამოგვა, იატაკის მოპრიალება,  
პერსონალი ჩვეულებრივ ველარც მამჩნევს. მე აქეთ-იქით დავ-  
ბორიალობ, ჩემს მოვალეობას პირნათლად ვასრულებ, ისინი კი,  
გინდაც მიყურებდნენ, მაინც ვერ მამჩნევენ – არა ვარ და მორჩა!  
ცოტა თუ დავაგვიანე მისვლა, ერთადერთი, რასაც მოისაკლი-  
სებენ, ჩემს მკლავზე აქანავებული ვედრო იქნება.

თუმცა ამჯერად, როცა კარზე ვაკაკუნებ და ჭუჭრუტანი-დან მთავარი ექთანი იჭყიტება, რატომღაც კარის გაღებასაც უჩვეულოდ დიდ დროს ანდომებს და მერე მეც რაღაც სხვანაირი დაჟინებით შემომცქერის. სახე უკვე უწინდელ ყალიბში ჩამოუსხამს, ისეთივე მკაცრი სახე მიყურებს, როგორც მუდამ. სხვები ყავის ფინჯნებში შაქარს ურევენ, ერთმანეთს სიგარეტს სთხოვენ... ყველაფერი ისეა, როგორც ყოველი თათბირის დაწყების წინ, მაგრამ ჰაერში მაინც იგრძნობა დაძაბულობა. ერთი პირობა, ამ დაძაბულობის მიზეზი საკუთარი თავიც კი მგონია, მაგრამ მერე ვამჩნევ – მთავარი ექთანი ჯერ საერთოდ არც დამჯდარა მაგიდასთან და ყავის ფინჯნისთვისაც კი არ უხლია ხელი.

კარს იმოდენაზე მიღებს, ძლივძლივობით ვეტევი ღრიჭოში და გვერდით ჩავლილსაც ერთხელ კიდევ მბურღავს მკაცრი მზერით. მერე კარს კეტავს, საგულდაგულოდ რაზავს, ისევ ჩემკენ ტრიალდება და ცოტა ხანს თვალებით მჭამს. ვიცი, ეჭვი ღრღნის. ჯერ მეგონა, წელანდელი შეურაცხყოფა ისე აუბნევდა თავგზას, ჩემი არსებობა საერთოდ დაავინწყებოდა, მაგრამ თავგზააბნეულის არაფერი ეტყობა. ბოლომდე დაწმენდია გონება და უკვე იმაზე ფიქრობს, ჩვენმა მისტერ ბრომდენმა ნეტა როგორ გაიგონა, მაკმერფი კენტქისყრისას რას ითხოვდა იმისგანო. სასწრაფოდ უნდა გარკვიოს, რამ მომაფიქრა, ჩვარი ძირს დამეგდო და მეც ტელევიზორის წინ მოკალათებულ მწვავეებს მივჯდომოდი გვერდით. ისე მართლა, მსგავსი ხომ თავის დღეში არც ერთ ქრონიკულს არაფერი ჩაუდენია! ფიქრობს, ჩვენი მისტერ ბრომდენის მსუბუქად გამოკვლევის დრო ხომ არ დამდგარაო.

მთავარ ექთანს ზურგს ვაქცევ და ჩემი ვედრო-ღრუბლიანად კუთხეში ვუჩინარდები. ღრუბელი თავზემით მიჭირავს, მინდა, ყველამ დაინახოს, წამში როგორ გაიჟღინთა მწვანე ლორწოთი და ჩემი გულმოდგინებაც დააფასონ; მერე წელში ვიხრები და კიდევ უფრო ღონივრად ვინყებ იატაკისა და პლინტუსების ხეხვას, ვიდრე როდისმე მიხეხია. ოღონდ, მთელი ჩემი სიბეჯითის მიუხედავად, იმის მიუხედავად, რა მონდომებით



ვცდილობ, ზურგს უკან დარჩენილი მთავარი ექთნის მზერა არ შევიმჩნიო, მაინც ვიცი, ვგრძნობ – ისევ იქ დგას და ახლა კეფას მიბურღავს, ცოტაც და ტვინსაც მოადგება, თუკი, რა თქმა უნდა, არ დავნებდი, ფარ-ხმალი არ დავყარე და არ ვალიარე: ხო, დამნაშავე ვარ, ოღონდაც ეგ თვალეები მომამორეთ-მეთქი!

მერე ხვდება, კოლეგები მეც რალაც უცნაური დაჟინებით მიცქერენო – ყველანი, მთელი დანარჩენი პერსონალი. ის ჩემზე ფიქრით იჭყლეტს ტვინს, სხვები კი თვითონვე ჩაუგდია საგონებელში: ვერ მიმხვდარან, რას უპირებს დერეფნის მეორე ბოლოში, დღის პალატაში დარჩენილ წითურ მეამბოხეს. უხმოდ მისჩერებიან და ელოდებიან, რა განაჩენს გამოუტანს, ამ დროს სადღაც კუთხეში წაკუზული ყეყეჩი ინდიელი კი სულ ცალ ფეხზე კიდათ. ელოდებიან დაბოლოს ქალიც მარიდება თვალს, მიდის, თავის ფინჯან ყავას იღებს მაგიდიდან და სკამზე ჯდება – ისე ფრთხილად ურევს ყავაში შაქარს, კოვზი ერთხელაც კი არ ეხება ფინჯნის კედელს.

პირველი ექიმი არღვევს დუმილს: „აბა, ხალხო, რას იტყვით, აღარ მივხედოთ საქმეს?“

მოლიმარი ათვალეირებს ყავის წრუპვით გართულ ახალგაზრდა კოლეგებს. ცდილობს, მთავარი ექთნის კენ არ გაექცეს თვალი. ქალის სიჩუმე ანერვიულებს და მოსვენებას უკარგავს. ჯიბიდან სათვალეს ექაჩება, იკეთებს და საათს დასცქერის, ერთდროულად იწყებს საათის ქოქვას და ლაპარაკს.

„თხუთმეტი წუთია. დანყება დაგვიგვიანდა. დიახ. ჩვენი თავყრილობის ინიციატორი, როგორც უმრავლესობისთვისაც ცნობილია, მის რეჩედი გახლდათ. თერაპიული ჯგუფის შეკრებამდე დამირეკა და მითხრა, ვშიშობ, მაკმერფიმ განყოფილებაში უსიამოვნებები არ გამოიწვიოსო. მხედველობაში თუ მივიღებთ ყოველივე იმას, რაც ამ რამდენიმე წუთის წინ მოხდა, მართლაც შესაძური ინტუიციაა, არ მეთანხმებით?“

საათის ქოქვას თავს ანებებს, ეტყობა, ხვდება, ერთი გადატრიალებაც და, ნაწილ-ნაწილ დაქუცმაცებული, მთელ ოთახში

მიმოიფანტებაო. ზის, საათს დაღიმის, პატარა, ვარდისფერ თითებს ხელის ზურგზე ათამაშებს და იცდის. როგორც წესი, დაახლოებით ამ დროს თათბირებზე უკვე მთავარი ექთანი იღებს ხოლმე სადავეებს, თუმცა ამჯერად კრინტსაც არ ძრავს.

„დღევანდელი ამბის შემდეგ,“ აგრძელებს ისევ ექიმი, „უკვე ველარავინ იტყვის, ჩვეულებრივ კაცთან გვაქვს საქმეო. ნამდვილად ველარ იტყვის. ეს პაციენტი მართლაც უსიამოვნებების გენერატორია, აშკარად და უდავოდ. ასე და ამრიგად – ხოოო – როგორც მესმის, ჩვენი თათბირის ძირითადი მიზანია, ერთობლივად გადავწყვიტოთ, რა გზით, რანაირად ვიმოქმედოთ მაკმერფისთან დაკავშირებით. ჩემი ღრმა რწმენით, მთავარმა ექთანმა ეს თათბირი სიტუაციის ბოლომდე გასარკვევად და – მის რეჩედ, თუ რამე მეშლება, შემისწორეთ – მაკმერფისთან პერსონალის შემდგომი მუშაობის ტაქტიკის შესამუშავებლად მოინვი, ასე არ არის?“

იმედით შესცქერის მთავარ ექთანს, კვერს დამიკრავსო, მაგრამ ქალი ჯიუტად დუმს. სახე ჭერისკენ აღუპყრია, ალბათ აბლაბუდას თუ ეძებს, და არაფრით ამულავნებს, სიტყვა მაინც თუ გაიგონა ექიმის ნალაპარაკებიდან.

ექიმი კედელთან მიმსხდარი ახალგაზრდა კოლეგებისკენ ტრიალდება; იმათ, ყველას ერთნაირად, ფეხი ფეხზე გადაუღიათ და მუხლებზე ყავის ფინჯნები დაუსკუპებიათ. „ყმანვილებო,“ ამბობს ექიმი, „ვიცი, პაციენტისთვის ზუსტი დიაგნოზის დასასმელად საჭირო დრო ჯერ არ გქონიათ, მაგრამ მისი ქცევისთვის თვალის დევნება შეგეძლოთ. რას იტყვით, რას ფიქრობთ?“

ეს შეკითხვა ექიმის ახალგაზრდა კოლეგებს აიძულებს, თავები ასწიონ და კისრებიც მოიღერონ. მართლა ეშმაკური სვლა მოიფიქრა. ბეჭებით გააკრა ყველა ხალიჩას. ახალგაზრდებს მზერა ექიმისგან მთავარ ექთანზე გადააქვთ. უცებ, სულ რამდენიმე წამში, ქალმა რალაცნაირად მოახერხა და მთელი თავისი ძველი ძლევამოსილება დაიბრუნა. კრინტიც არ დაუძრავს, ისე; დამუნჯე-

ბულმა, ღიმილით ჭერს მიშტერებულმა – ისევ ხელთ იგდო სადა-ვეები და ყველას აგრძობინა, აქ ჭეშმარიტად ანგარიშგასანევი ძალა მხოლოდ და მხოლოდ მე გახლავართო. ეს ყვინჩილები თამაშის წესებს ალღოს თუ ვერ აულებენ, სწავლა-განათლების დასრულება უეჭველად პორტლენდის ალკოჰოლიკების ჰოსპიტალში მოუწევთ. იციან და ისინიც ექიმივით იწყებენ ცქმუტვას.

„საკმაოდ არასასურველ ზეგავლენას ახდენს, აშკარად,“ ფრთხილად იწყებს პირველი.

თან ყავას წრუპავენ და ნათქვამს აანალიზებენ. მერე მეორე იღებს სიტყვას: „და გამოუსწორებელი ზიანის მოტანაც შეუძლია.“

„მართალია, მართალი,“ კვერს უკრავს ექიმი სპაივი.

ყვინჩილა ფიქრობს, ეგაა, ათიანში გავარტყიო, და აგრძელებს: „ძალიან სერიოზული ზიანის... ნამდვილად!“ ეშხში შედის, მთელი ტანით იხრება წინ: „არ დაგავინყდეთ, მაგ კაცმა ერთადერთი მიზნით ჩაიდინა უამრავი ძალადობა – როგორმე კოლონიისთვის დაეღწია თავი და ჩვენი საავადმყოფოს ფუფუნებებით ესარგებლა.“

„თანაც, წინდანინვე შეგნებულად დაგეგმილი ძალადობა!“ სიტყვას ურთავს პირველი.

„რა თქმა უნდა,“ ბუტბუტებს უკვე მესამეც, „თავისთავად უკვე მთელი ამ გეგმის ხასიათი და არსი მიუთითებს, რომ პაციენტი უბრალოდ შორსმჭვრეტელი ბოროტმოქმედია და არამც და არამც – სულით ავადმყოფი.“

მთავარი ექთნის კენ აპარებს თვალს, აინტერესებს, როგორ იმოქმედებს მისი ნათქვამი ქალზე. ქალი კი წარბსაც არ იხრის, არაფერს იმჩნევს, არაფერს ამჟღავნებს. სამაგიეროდ სხვები, მთელი დანარჩენი პერსონალი ისე უცქერის ბოლო გამომსვლელს, თითქოს იმას რაღაც საშინლად ვულგარული ეთქვას. თვითონაც ხვდება, დაუკრეფავში გადავედიო, ნაძალადევად ხითხითებს და, ვითომ ნათქვამის ხუმრობაში გადასატანად, ამატებს: „ხომ გაგიგიათ, მწყობრს ვინც ფეხს ვერ უწყობს, იმას

სხვა დოლის ბრაგუნი ესმისო...“ მაგრამ უკვე ძალიან გვიანია. პირველი, ვინც ახალგაზრდა ექიმებიდან ხმა ამოიღო, ფინჯანს მაგიდაზე დგამს, ჯიბიდან დიდ, კაცის მუშტისოდენა თავიან ჩიბუხს იღებს და ქორივით აცხრება ამხანაგს.

„გულწრფელად გეტყვი, ელვინ, ძალიან გამიცრუე იმედი. ნებისმიერი, გინდაც ამ პაციენტის ისტორია საერთოდ არც ენახოს თვალით, განყოფილებაში მაკმერფის ქცევას ოდნავი ყურადღებით თუ დააკვირდება, აუცილებლად მიხვდება შენი დასკვნის აბსურდულობას. ეგ კაცი არა მარტო ძალიან, ძალიან ავადაა, ასი პროცენტით დარწმუნებული ვარ, პოტენციურად აგრესიულების რიცხვსაც განეკუთვნება. ვფიქრობ, მის რეჩედიცამას ვარაუდობდა, როცა თათბირს იწვევდა. ნუთუ ფსიქოპათის არქეტიპს ვერ ხედავ? უფრო თვალსაჩინო მაგალითი ძნელი წარმოსადგენია. ის ხომ ნაპოლეონია, ჩინგის ხანი, ატილა...“

საუბარში მეორე ახალგაზრდაც ერთვება. ეტყობა, დროულად გაახსენდა მთავარი ექთნის შენიშვნა დასაბმელებთან დაკავშირებით. „რობერტი სწორია, ელვინ. ვერ ნახე, რა დღეში იყო წელან? რა სახით წამოვარდა სკამიდან, როცა გეგმა ჩაეფუშა? ცოტაც და დაგვერეოდა... ექიმო სპაივი, იქნებ გვითხრათ, რა მონაცემებია ისტორიაში ძალადობის გამოვლინებების თაობაზე?“

„დისციპლინისა და ხელისუფლების აშკარა და სრული უგულებელყოფა!“ გაზეპირებულივით ამბობს ექიმი.

„დიახ, სწორედაც რომ!.. ისტორია ადასტურებს, ელვინ, რომ მას არა ერთხელ და ორჯერ გამოუვლენია მტრული დამოკიდებულება ხელისუფლების წარმომადგენელთა მიმართ – სკოლაშიც, ჯარშიც, ციხეშიც! და მე ვფიქრობ, მისი რეაქცია სკანდალური კენჭისყრის შემდეგ ნათლად მიგვანიშნებს, რას შეიძლება ველოდოთ მომავალში.“ რობერტი ჩუმდება, ცოტა ხანს კოპებშეკრული იყურება ჩიბუხში, მერე ჩიბუხს ისევ პირში იღებს, ასანთს ანთებს, უკიდებს და ხმამაღლა, ქსუტუნით ისრუტავს ბოლს. ცალი თვალი ქურდულად ბოლის ყვითელი ქულის მიღმა

დარჩენილი მთავარი ექთნისკენ გაურბის; ეტყობა, ქალის დუმილს თანხმობის ნიშნად თვლის, რადგან სიტყვას უწინდელზე უფრო გალალებული და თავდაჯერებული აგრძელებს:

„ერთი წუთით დაფიქრდი და წარმოიდგინე, ელვინ,“ თამბაქოს ბოლს სიტყვები ბამბასავით დაურბილებია, „წარმოიდგინე, რა შეიძლება დაემართოს ნებისმიერ ჩვენგანს, მაკმერფისთან ერთიერთზე თუ მოგვინია დარჩენა ინდივიდუალური თერაპიის განყოფილებაში. დავუშვათ, საუბარში რამე განსაკუთრებულად მტკივნეულ თემას მიაღექი, იმას კი ყელში ამოუვიდა ჩვენებური – თვითონ როგორ იტყოდა? – ჩვენებური „სტუდენტური სიაბანდი სირიკო ბაზარი!“ შენ უყვავებ, უხსნი, ეუბნები, ჩემდამი მტრულად არ უნდა განენყო, ის კიდევ – მორჩი ტრაკანს, ნუ გამიხურეო, – გვასუხობს. ამჟღადებ, რა თქმა უნდა, ეფერები, მაკმერფი კი ბოლომდე იგიჟებს თავს და აი, მაგიდის იქიდან თავზე გემხობა ორასი ჟღალი, ფსიქოპათური, ირლანდიური ფუნტი! ხარ თუ არა შენ – საერთოდ ვართ თუ არა ნებისმიერი ჩვენგანი – მზად, მაკმერფის გავუმკლავდეთ, თუკი საქმე საქმეზე მიდგა და მართლა დადგა ასეთი წუთი?“

უშველებელი ჩიბუხი ტუჩის კუთხეში გადააქვს, ხელებს მუხლებზე იწყობს და მთელი არსებით მოლოდინს გამოხატავს. ყველას მაკმერფის დაკუნთული, წითური მკლავები, დაჩეხილი ხელები და მაისურის საყელოდან ჟანგიანი სოლივით ამოჩრილი კისერი ახსენდება. ამის წარმოდგენაზე ელვინი მიტკალივით ფითრდება და ამხანაგის ჩიბუხის ბოლიც თითქოს ყვითლად ულაქავს სახეს.

„ესე იგი, ყველაზე ბრძნულ გადანყვეტილებად მაკმერფის დასაბმელებში გადაყვანა მიგაჩნიათ?“ კითხულობს ექიმი.

„ყოველ შემთხვევაში, საფრთხეს ნამდვილად ავიცილებთ.“ პასუხობს ჩიბუხიანი და თვალებს ნაბავს.

„მგონი, საკუთარ მოსაზრებაზე უარი უნდა ვთქვა და სახსებით დავეთანხმო რობერტს,“ საჯაროდ აცხადებს ელვინი, „თუნდაც მხოლოდ უსაფრთხოების მიზნით.“

ყველა იცინის. უკვე შედარებით ლალად გრძნობენ თავს, დარწმუნებულები არიან – მთავარი ექთნის გული მოვიგეთ, მისთვის სასურველი გამოსავალი ვიპოვეთო. ყველანი ისევ ყავის ფინჯნების კენ ინვდიან ხელებს, ჩიბუხიანის გარდა; ის დიდ განამანი-აშია, ჩიბუხმა დატანჯა, წამდაუნუმ ქრება და ისიც ზედიზედ ანთებს ასანთს, ჩიბუხს აქსუტუნებს, ლოყებს ბერავს და ტუჩებს აცმაცუნებს. ბოლოს და ბოლოს, დანარჩენების გულის გასახარად, მაინც ახერხებს ბოლის გამოშვებას და, ცოტა არ იყოს გაამაყებული, ამბობს: „ღიახ, ეჭვი არ მეპარება, დასაბმელების განყოფილება ზედგამოჭრილი იქნება ჩვენი ნითური ძველი ბიჭისთვის. ეს რამდენიმე დღეა ვაკვირდები და იცით, რას ვფიქრობ?“

„შიზოფრენიული რეაქცია?“ ეკითხება ელვინი.

ჩიბუხიანი უარის ნიშნად აქნევს თავს.

„ლატენტური ჰომოსექსუალიზმი რეაქციის ფორმირებით?“ ვარაუდობს მესამე.

ჩიბუხიანი ისევ აქნევს თავს და ერთხელ კიდევ ნაბავს თვალელებს. „არა,“ ამბობს მძიმე-მძიმედ და ოთახს ღიმილით ათვალიერებს. „უარყოფითი ოიდიპოსისეული.“

ყველა ულოცავს.

„ღიახ, მე ვფიქრობ, ამაზე ბევრი რამ მიუთითებს,“ ჩიბუხიანს აშკარად უჭირს კმაყოფილების დამალვა. „თუმცა, საბოლოო დიაგნოზის მიუხედავად, ერთი რამ უნდა გვახსოვდეს: ჩვეულებრივ კაცთან არა გვაქვს საქმე!“

„თქვენ ძალიან, ძალიან მწარედ ცდებით, მისტერ გიდეონ.“

ეს კი უკვე მთავარი ექთანია.

ყველა თავი მონყვევით ტრიალდება მისკენ – სხვათა შორის, ჩემიც, მაგრამ დროულად მოვდივარ აზრზე და ვითომ ზუსტად ჩემ ზევით, კედელზე ეს-ესაა შემჩნეული კიდევ ერთი ლაქის წმენდას ვინყებ გამალებული. ამჯერად მართლა გვარიანად შეცბუნებულებს გვანან. ეგონათ, სწორედ იმას სთავაზობდნენ, რაც მთავარ ექთანსაც გულით ეამებოდა, რა განაჩენის გამოტანასაც თვითონვე აპირებდა ამ სახელდახელო თათ-

ბირზე. მეც ასე ვფიქრობდი. ბევრჯერ მინახავს, როგორ გაუგზავნია არა ერთი და ორი, ნახევარი მაკმერფისხელა პაციენტი დასაბმელებში მარტო იმიტომ, ვილაციისთვის რომ შეუფურთხებიათ. ამ აწყვეტილმა ბულა მაკმერფიმ კი ლამის რქებზე წამოიცივა მთელი დანარჩენი პერსონალიანად, აკი თვითონაც დაპირდა, დღესვე მიგაბრძანებ ჩემი განყოფილებიდანო, და უცებ – მწარედ ცდებითო – გაიძახის.

„ვერა, ვერასდიდებით ვერ დაგეთანხმებით!“ გარშემო ღიმილს აფრქვევს, ყველას სათითაოდ აჯილდოებს ღიმილით. „ვერ დაგეთანხმებით, დასაბმელებში უნდა გაიგზავნოსო. ჩვენი თავსატეხის სხვისთვის გადალოცვა პრობლემის მოგვარების მეტისმეტად იოლი გზა იქნებოდა. ვერც იმაში დაგეთანხმებით, თითქოს ახალი პაციენტი, გარკვეული თვალსაზრისით, არაჩვეულებრივი არსება იყოს – რალაც „სუპერ“ ფსიქოპათი!“

ცოტა ხნით ჩუმდება, მაგრამ შეკამათებას არავინ ფიქრობს. მხოლოდ ახლალა წრუპავს ყავას ნაზად; ფინჯანზე მონითალომონარინჯისფრო კვალი რჩება. სულ არ მინდა, მაგრამ ჩემდა უნებურად თვალს ვერ ვაშორებ ფინჯანის კიდეს; არაფრით არ შეიძლება, მართლა ამ ფერის პომადას ხმარობდეს. ფინჯანი ალბათ სიმხურვალემ გაანარინჯისფრა, იმისმა ტუჩებმა წაუკიდეს ალბათ ცეცხლი.

„გამოგიტყდებით, როცა შარიანი ხასიათი შევატყვე, ერთი პირობა მეც ვიფიქრე მისტერ მაკმერფის დასაბმელებში გადაყვანა. მაგრამ ახლა, დარწმუნებული ვარ, უკვე გვიანია. განაკონკრეტული პაციენტისთვის ადგილის შეცვლა გამოასწორებს იმ ზიანს, რაც მოასწრო და უკვე მიაყენა ჩვენს განყოფილებას? დღევანდელი დღის შემდეგ პირადად მე ამის აღარ მჯერა. დასაბმელებში თუ გადავიყვანო, ჩემი ღრმა რწმენით, სწორედ იმას გავაკეთებთ, რასაც ჩვენგან პაციენტებიც მოელიან. მაკმერფი მათთვის წამებულად იქცევა. ველარაფერი გადაარწმუნებთ, ეს კაცი მართლაც „არაჩვეულებრივი პიროვნება“ ყოფილაო – მგონი, ასე ბრძანეთ, არა, მისტერ გიდეონ?“

ერთხელაც წრუპავს ყავას და ფინჯანს მაგიდაზე დგამს. ფინჯნის დადგმის ხმა ჩაქუჩის დაკვრას ჰგავს. სამივე ახალგაზრდა ექიმი სარგადაყლაპულივით ზის.

„არა, არაჩვეულებრივი ნამდვილად არ არის. ერთი ჩვეულებრივი კაცია, მეტი არაფერი. იმასაც ნებისმიერ სხვასავით ახასიათებს შიშიც, სიმხდალაც, სიმორცხვეც. ვაცადოთ კიდევ რამდენიმე დღე და თვითონვე დაგვიდასტურებს ამას ჩვენც და ყველა დანარჩენ პაციენტსაც. თუკი ჩვენთან დავტოვებთ, ეჭვი არ მეპარება, თანდათან ეს თავხედობაც ჩაცხრება და ეს სამოყვარულო ამბოხიც ნელ-ნელა სასაცილო გახდება. და აი, მაშინ...“ იღიმება, რალაც ისეთი იცის, რაც სხვებისთვის უცნობია. „...მაშინ ჩვენი თავნითელა გმირი დაიღვევა, დაჩივდება, ყველა პაციენტისთვის ნაცნობ სახეს მიიღებს და იმათ პატივისცემასაც დაკარგავს: იმ ყაიდის ბაქიად და უკუდო ამპარტავნად გადაიქცევა, ნებისმიერ სახელდახელო ტრიბუნაზე რომ აფოფხდებიან ხოლმე მისტერ ჩესვიკივით; თავიდან ვაჟკაცურად მოძღვრავენ მიმდევრებს, მაგრამ რამე რეალური საფრთხე თუ დაემუქრათ პირადად – იმნამსვე სოროებში იყუჩებიან. არაერთხელ გვინახავს ასეთი სურათი.“

„პაციენტი მაკმერფი...“ ჩიბუხიანი ქვეცნობიერად საკუთარი პოზიციის დაცვის აუცილებლობას გრძნობს, ცოტა ხანს კიდეც ცდილობს წელანდელი წარმატების გახანგრძლივებას და ღირსების შენარჩუნებას. „...ლაჩარს, მე მგონი, არ უნდა ჰგავდეს.“

ველოდები, მთავარი ექთანი საცაა იფეთქებს-მეთქი, მაგრამ ნურას უკაცრავად; ძალიან მშვიდაა, მოვიცადოთ და ვნახოთ, – ანერია სახეზე. „მე არ მითქვამს, გინდა თუ არა ლაჩარია-მეთქი,“ პასუხობს ჩიბუხიანს, „უბრალოდ, მისტერ გიდეონ, ძლიერი სიყვარული იცის. ფსიქოპათის კვალობაზე, გადაჭარბებული სიყვარულით უყვარს ერთი არსება და ეს არსება თავად რენდლ პატრიკ მაკმერფია. ისე ძალიან უყვარს, არავითარ გაუთვალისწინებელ საფრთხეს არ შეუქმნის.“ ისე უღიმის, მისტერ გიდეონს ახლა უკვე საბოლოოდ უქრება ჩიბუხი. „ცოტა ხანს თუ



მოვიცდით და მოთმინება არ გვიღალატებს, ამასობაში ჩვენი გმირიც – როგორ ამბობენ სტუდენტები? – აზრზე მოვა, არა?”

„ღიახ, მაგრამ ამას შეიძლება რამდენიმე კვირაც დასჭირდეს.“ არა და არ უნდა დანებება ჩიბუხიანს.

„რამდენიმე კვირა იყოს,“ ამბობს ქალი. მერე ფეხზე დგება, გაცილებით უფრო მეტად კმაყოფილი საკუთარი თავით, ვიდრე როდისმე, განსაკუთრებით მას შემდეგ, რაც მაკმერფის გადაეყარა ჭირად. „კვირა, თვე, გნებავთ ნელინადი – თუკი საჭირო გახდა. ნუ დაგავიწყდებათ, მისტერ მაკმერფი იძულებით მკურნალობისთვისაა გამოგზავნილი. ამ საავადმყოფოში მისი ყოფნის ხანგრძლივობა ჩვენზეა დამოკიდებული, მხოლოდ და მხოლოდ ჩვენზე. ახლა კი, თუ სხვა საკითხი არაფერი გვაქვს...“

**თ**ათბირზე მთავარი ექთნის ასეთმა თვითდაჯერებამ, ცოტა არ იყოს, შემაფიქრიანა, მაკმერფის კი, თქვენც არ მომიკვდეთ, გულთან ახლოსაც არ მიუტანია არაფერი. ის შაბათ-კვირა და მომდევნო შვიდი დღე ძველებურად უშრობდა სისხლს ქალსაც და იმის შავ ჯეელებსაც, რაც პაციენტებს ძალიან მოწონდათ და უხაროდათ. სანაძლეო უეჭველად და უკამათოდ მოიგო; დანაპირები შეასრულა – მართლა მიაყენა მთავარი ექთანი კედელთან და გვარიანი თანხაც ჩაიჯობა, თუმცა არც ამას დაჯერებია და ისევ უწინდებურად იქცეოდა: ყიჟინით იკლებდა დერეფანს, შავ ბიჭებს აშაყირებდა, მთელ მედპერსონალს თავგზას უბნევდა და ერთხელ იმდენად შორსაც შეტოპა, ექთნების სამორიგეოსთან მის რეჩედს წამოენია და კითხა – თუ ძალიან დიდი საიდუმლო არ არის, იქნება მითხრათ, ზუსტად მაინც რა ზომაა ეგ თქვენი ბარაქიანი ბებერი ჯიქნები, ასეთი მონდომებით რომ მაღავთ და მაინც ვერაფრით დაგიმალიათო. ქალმა უსიტყვოდ გააგრძელა გზა, ვითომ არც ამჯერად შეიმჩნია, როგორ განიცდიდა, ბუნებას ზომაზე ამდენად დიდი ქალური სამკერდე ნიმუშებით რომ დაეჯილდოებინა; ვითომ ეს ამბავი სრულებითაც არ ანალვლებდა, ამაზე მაღლა იდგა – საკუთარ სქესზეც და საერთოდ ყოველივე წარმავალზე და ხორციელზე მაღლა.

როცა მეორე დღეს განცხადებების დაფაზე მორიგეობის სია გამოაკრა და მაკმერფიმ სიაში ნახა, ტუალეტში გავუმნესე-

ბივარო, სამორიგეოსთან მივიდა, ფანჯარაზე მიაკაკუნა და პირადად გადაუხადა მადლობა ამგვარი პატივისთვის; უთხრა – შარდით დალაქული უნიტაზების ხეხვისას სულ თქვენზე ვიფიქრებო. ეგ არ არის აუცილებელიო, – მიუგო ქალმა, – თქვენი მოვალეობა შეასრულეთ პირნათლად და მაგითაც დიდი მადლობელი დაგირჩებითო.

მაკმერფის მთელი კეთილსინდისიერება კი იმით გამოიხატებოდა, თითო უნიტაზში ერთი-ორჯერ ჰაიჰარად მიუსვ-მოუსვამდა ჯავრისს – თან შრომის რიტმში რალაც სიმღერას უბერავდა მთელი ხმით – მერე ქლორს მიასხურებდა და მორჩა, სულ ეგ იყო. ძალიანაც სუფთააო, უმტკიცებდა შავ ბიჭს, რომელიც ფეხდაფეხ დაყვებოდა და გულს უწყალებდა – ჩქარობო; შეიძლება, ზოგს ჭუჭყიანი ეჩვენება, ოლონდ მე, ჩემდა თავად, მოფსმას ვაპირებ შიგ, აქიდან წყლის დაღვევა არც მიფიქრიაო. შავმა ბიჭმა მთავარ ექთანთან დაიჩივლა, ხვეწნა-მუდარით ჭირი მოსჭამა და ბოლოს ქალიც მობრძანდა მაკმერფის მუყაითობის შესამოწმებლად, თან პატარა ჯიბის სარკეც გამოაყოლა ხელს. იმ სარკეში იჭყიტებოდა და ისე ამოწმებდა სისუფთავეს უნიტაზების საღტეების ქვეშ. ყველა უნიტაზი სათითაოდ შეამოწმა, თან უკმაყოფილოდ აქნევდა თავს და ყოველ უნიტაზთან იმეორებდა – კი მაგრამ, ეს ხომ უმსგავსობაა... უმსგავსობაო. მაკმერფი სანყლად თავჩალუნული დასდევდა და – არა, ქალბატონო, ეს უნიტაზია, უნიტაზიო – უხსნიდა.

თუმცა ქალს არც ამჯერად დაუკარგავს მოთმინება, ისიც არ შეტყობია, საერთოდ როდისმე რამე თუ გამოიყვანდა მოთმინებიდან. უხეიროდ ჩარეცხილი უნიტაზების გამო ტუქსავდა, არცხვენდა, იმასაც სხვებივით თავისი შემზარავი, ჯიუტი, ყოვლის მომთმენი წნეხით პრესავდა, მაკმერფი კი, ვითომც არაფერი, დასჯილი ბავშვივით ატუზვოდა წინ, თავდახრილი, მორცხვად ანურული და თავს იმართლებდა – დედას ვფიცავარ, ვცდილობ, მართლა გულით ვცდილობ, ქალბატონო, მარა ჩემმის ხეხვის ნიჭი არ მომცა გამჩენმა და რა ჯანდაბა ვქნაო...

ერთხელ რაღაც დანერა ქალაქის ნაკუნზე – უცნაური ასოები რომელიღაც უცხო, უცნობ ანბანს გავდნენ – და ერთ-ერთი უნიტაზის სალტის ქვეშ კევით მიანება. როცა ქალი იმ უნიტაზს მიადგა თავის სარკიანად, სარკეში არეკლილი წარწერის წაკითხვაზე ერთი მოკლედ შეჰკივლა და სარკე უნიტაზში ჩაუვარდა. თუმცა წონანორობა მაინც შეინარჩუნა. თოჯინას სახეზე საიმედოდ ჰქონდა მორგებული თოჯინისავე ღიმილი. მაშინვე წელში გასწორდა, ისეთი თვალეებით შეხედა მაკმერფის, კედელზე ბათქაში დასკდებოდა და უთხრა – თქვენი მოვალეობა ტუალეტის დასუფთავებაა და არა უარესად დაბინძურებაო.

ისე, კაცმა რომ თქვას, განყოფილების დალაგება-დასუფთავებით მაინცდამაინც აღარავინ იწუხებდა თავს. შუადღისას, განაწესის მიხედვით სწორედ დალაგების დროს, ბეისბოლის ტრანსლაციაც იწყებოდა, ყველანი ტელევიზორთან გამწკრივებით სკამებს და სადილამდე ფეხს აღარ ვიცვლიდით იქიდან. არავითარ ყურადღებას არ ვაქცევდით, სამორიგეოდან დენს რომ გვითიშავდნენ და ჩამქრალი, ნაცრისფერი ეკრანის მეტს ვერაფერს ვხედავდით – მაკმერფი გვართობდა საათობით, იჯდა და ლაპარაკობდა, ლაპარაკობდა გაუთავებლად... ათას ტყუილმართალს გვიყვებოდა, ვთქვით, როგორ ეშოვა ერთ თვეში ათასი დოლარი რომელიღაც პატარა საკონსერვო კომპანიის მძღოლად მუშაობისას, მერე როგორ შეჯიბრებოდა კანადელ ტყისმჭრელს ცულის სროლაში და როგორ წაეგო მთელი ეს ფული, უკანასკნელ ცენტამდე; ანდა როგორ დააბეს და დაიყოლიეს იმან და იმისმა ძმაკაცმა ვიღაც არიფი, ოლბანის როდეოზე თვალეებახვეული შემჯდარიყო ხარზე: თურმე უთხრეს, როცა ხარი ბზრიალს და ტლინკაობას დაიწყებს, თვალეებახვეულს თავბრუ აღარ დაგეხვევაო. მაგრად რომ შემოუჭერიათ ნაჭერი და დარწმუნებულან, მართლა ვერაფერს ხედავსო, ხარზე უკუღმა შეუსვამთ. ეს ამბავი რამდენჯერმე გვიამბო და ყოველ ჯერზე სიცილით კვდებოდა, იმ ბიჭის გახსენებაზე ბჟირდებოდა და ქუდს გიჟივით ბარძაყზე იტყაპუნებდა. „თვალახვეული და უკუღმა... ბოზიშვილი ვიყო,

ბოლომდე თუ არ გაეძლო და პრიზიც არ დაეთრია. მე იმის მერე გამოვდიოდი. ის რო გადმოვარდნილიყო, პირველობაც და ის საკაიფო პრიზიც ასიანი ჩემი იყო. დედას ვფიცავარ, ეგეთი ფოკუსი კიდე თუ ჩავატარე, უეჭველი ხარს ავუხვევ თვალებს...”

თავს უკან გადააგდებდა, დაინყებდა ფეხზე ხელის ტყაპუნს და მიდიოდა – იცინოდა და იცინოდა გულიანად, თან, ვინც გვერდით ეჯდა, ნეკნებში ატაკებდა ხოლმე ცერს, ცდილობდა ისიც გაეცინებინა.

იმ კვირის განმავლობაში, როცა ეს გულიანი სიცილი მესმოდა, როცა ვხედავდი, სავარძელში გადათხლაშული როგორ იფხანდა მუცელს, როგორ იზმორებოდა და ამთქნარებდა, როგორ გვიპაჭუნებდა თვალს ეშმაკურად – ისევე ბუნებრივად, ძალდაუტანებლად, როგორც სუნთქავდა, – ზოგჯერ ჩემი სანუხარიც მაზინყებოდა, აღარც მთავარი ექთანი მახსოვდა და აღარც იმის ზურგს უკან დადარაჯებული კომბინატი. ვფიქრობდი, საკმაოდ ძლიერია საიმისოდ, ბოლომდე საკუთარი თავის ერთგული რომ დარჩეს და, მთავარი ექთნის გულის გასახეთქად, ქედიც არასდროს მოიდრიკოს-მეთქი. ზოგჯერ მართლა არაჩვეულებრივი ვინმე მეგონა. ვფიქრობდი, უბრალოდ, რაც არი – ეს არი, მორჩა და გათავდა-მეთქი. ჩემი აზრით, ძალასაც სწორედ ეს ანიჭებდა. მართლაც, თუკი ამდენი ხნის მანძილზე კომბინატმა ვერსად მოიხელთა და ნირი ვერ შეაცვლევინა, ვითომ მთავარ ექთანს რატომ უნდა ჰქონოდა იმედი, რამდენიმე კვირაში გამოვასწორებ ყველაფერსო? ასე მეგონა და არც თვითონ მაკმერფი აპირებდა, ვინმესთვის საშუალება მიეცა, მისთვის კისერი მოეგრიხა და სხვის ჭკუაზე ევლო.

მერე, სალამოობით, ძილის წინ, შავ ბიჭებს ტუალეტში ვემალებოდი და დიდხანს ვიყურებოდი სარკეში; თავს ვიტეხდი, რანაირად შეიძლებოდა, რანაირად ახერხებდა ვილაც, ასეთი გმირობა გამოეჩინა და საკუთარი თავისთვის არ ელაღატა, იმად დარჩენილიყო, რაც სინამდვილეში იყო. სარკეში ჩემს მუქ, უხეშ სახეს ვაკვირდებოდი, ლანჯმალალს და ისეთ ყვრიმალეზიანს,

თითქოს ლოყები ყვრიმალებქვეშ პატარა ცულით ამოუჰიათო; კუნაპეტ თვალეზს, თან მკაცრს და თან უხერხულად მომზირალს, ზუსტად მამაჩემივით, მამაჩემივითაც და ტელევიზორში ნანახი ყველა იმ ყველაფრის ამტანი, უხერხულად მაცქერალი ინდიელივითაც... ვფიქრობდი, არა, ეს მე არა ვარ, ეს ჩემი სახე არ არის-მეთქი. არც ვიყავი. მაშინაც კი, როცა ვცდილობდი ყველანაირად სარკეში დანახულ სახეს დავმსგავსებოდი, სინამდვილეში მე – მე არ ვიყავი. მაშინაც კი. უბრალოდ, ის ვიყავი, რაც ვჩანდი, რის დანახვაც სხვებს უნდოდათ. ეტყობა, მე არც არასდროს ვყოფილვარ მე. ხოდა, მაშინ აბა მაკმერფიროგორღა ახერხებს, რანაირად შეუძლია, სულ მაკმერფი იყო?

ახლა უკვე სხვანაირსაც ვხედავდი ხოლმე, ისეთს არა, როგორც პირველ დღეს ვნახე, ახალმოსული. გაცილებით მეტს ვამჩნევდი, ვიდრე უბრალოდ ვეება ტორებს, ჟღალ ბაკებს ანდა ცხვირმონგრეულ, გაბადრულ სიფათს. ვხედავდი, როგორ აკეთებდა ამ სიფათთან და ტორებთან სრულიად შეუფერებელ რამეებს, მაგალითად, ნამდვილი საღებავებით ხატავდა ნახატს შრომითი თერაპიის ოთახში, თანაც სუფთა ფურცელზე, ისეთზე კი არა, რალაც ხაზებით და ციფრებით რომაა მითითებული, სად რა ხაზი უნდა გაავლო; ანდა წერილებს სწერდა ვილაცას ულამაზესი, გაკრული ხელით... არ ვიცი, როგორ შეეძლო იმისი გარეგნობის კაცს ხატვა, ვინმესთვის წერილის მიწერა ან ისეთი აღელვება და მოწყენა, როგორი აღელვებული და მოწყენილიც ვნახე ერთხელ, როცა წერილი უკან დაუბრუნდა. ასეთი რამ მარტო ბილი ბიბიტისგან ან ჰარდინგისგან თუ იყო მოსალოდნელი. ჰარდინგს ისეთი ხელები აქვს, თითქოს წარმოუდგენელიცაა, არ ხატავდეს, თუმცა თავის დღეში არაფერი დაუხატავს; ხან ილღიებში მოიმწყვდევს ხოლმე ხელებს და ხან ძალით აკეთებინებს უხეშ ფიზიკურ საქმეს, ვთქვათ – ფიცრებს ახერხინებს ძალღების ხუხულებისთვის. მაკმერფი სხვა იყო. თვითონვე ირჩევდა ცხოვრების წესს და ყაიდას და საკუთარი გარეგნობაც ფეხებზე ეკიდა ისევე, როგორც მთელი კომბინატი, რომელსაც

არც იმის ქკუაზე ატარებინებდა თავს და არც საშუალებას აძლევდა, ჭანჭიკივით მოერგო წინასწარ შერჩეული ადგილისთვის.

ბევრ რამეს ვხედავდი სხვანაირად. მივხვდი, რომ პარასკევს, ჯგუფური შეკრებისას, ნისლის მანქანა ზედმეტად გადატვირთეს და გააფუჭეს. ამიტომაც ველარ ატრიალებდნენ განყოფილებაში ვერც ნისლს და ვერც გაზს და საგნების ქეშმარიტ სახესაც ველარ ამახინჯებდნენ. წლების მერე პირველად ვხედავდი ადამიანებს ლამის აუცილებლად ქცეული შავი კონტურების გარეშე და ერთ ლამეს ფანჯრიდან გახედვაც კი მოვახერხე.

როგორც ადრეც აგისხენით, სანამ ლოგინში ჩამანვენდნენ, თითქმის ყოველ ღამე იმ წითელ აბს მაყლაპებდნენ, ნოკაუტში მაგდებდნენ და მთიშავდნენ. თუკი დოზა აერეოდათ და დროზე ადრე გამელვიძებოდა ხოლმე, თვალებზე მაინც თითქოს რაღაც ფუფხისმაგვარი მქონდა გადაკრული, საძინებელი ოთახი მუდამ დაბინდული მეჩვენებოდა, კედლებში ჩატანებული, უკიდურესად დაჭიმული მავთულები იძაბებოდნენ, იძაგრებოდნენ, ირგვლივ სიკვდილს და სიძულვილს აფრქვევდნენ და ამის ატანა მართლა შეუძლებელი ხდებოდა. ამიტომაც უკვე საკუთარი ნებით ვდურთავდი ხოლმე თავს ბალიშის ქვეშ და თვითონვე ვცდილობდი დაძინებას. რამდენი ბალიშიდან გამოვყოფდი ცხვირს, სულ დამწვარი თმის სუნი მცემდა და თითქოს გავარვარებულ ტაფაზე ქონის შიშხინიც მესმოდა.

მაგრამ, როცა უეცრად იმ ღამესაც გამომელვიძა, ყბადალებული თათბირიდან რამდენიმე დღის მერე, საძინებელი ოთახი სრულიად სუფთა, კრიალა და ჩუმი დამიხვდა: მარტო მძინარეთა მშვიდი სუნთქვა და ჭარბი ნივთიერების სუსტი ხიხინი ისმოდა ორი ბოსტნეულის ნეკნებქვეშ. ფანჯარაზე ფარდა გადაენიათ და ისეთი სუფთა იყო ჰაერი, ისეთი დამათრობელი, ისეთი გამაბრუებელი სუნი და გემო დაკრავდა, ლოგინიდან წამოხტომა და რამის გაკეთება მომინდა.

გადაჭერილი ზენრებიდან გამოვძვერი და სანოლებს შორის ცივ ფილებზე დავინყე სიარული ფეხშიშველმა. ფეხისგულებით

ფილების სიცივეს ვგრძნობდი და ვფიქრობდი – ვინ იცის, რამდენჯერ, რამდენი ათასჯერ მომინმენდია ეს ქვის იატაკი სველი ტილოთი, მაგრამ არასდროს არაფერი მიგრძენია-მეთქი. იატაკების მორეცხვა ახლა სიზმარში ნანახივით მახსენდებოდა, ვერაფრით დამეჯერებინა, ამდენი წელიწადი მართლა ამ საქმით თუ ვიყავი დაკავებული. იატაკზე დაგებული ფილები ჩემთვის მხოლოდ იმ ღამეს, მხოლოდ იმნუთას იყო ნამდვილი.

თოვლის თეთრი წაგრძელებული ზვინულებივით ჩარიგებულ მძინარეთა შორის მივიკვლევდი ფრთხილად გზას, ვცდილობდი, ზედ არავის გადავწყდომოდი და ბოლოს ფანჯრებსაც მივაღებე. იმ ფანჯარასთან დავდექი, რომელზეც ნიავი ნელა არხევდა ფარდას, და შუბლი რკინის გისოსებს მივაბჯინე. რკინა ცივი და ბასრი იყო, მერე სახე ავუსვი ქვევიდან ზევით, მინდოდა ლოყებითაც მეგრძნო, თან ნიავის სურნელებას ვიყნოსავდი. შემოდგომა მოდის-მეთქი, გავიფიქრე, ჰაერში ზარივით წკრიალებდა სილოსის მომჟავო-მოტკბო სუნი, სადღაც ვილაცას მუხის ჯერ კიდევ მწვანე ფოთლებისთვის წაეკიდებინა ცეცხლი – კოცონი ალბათ დიღამდე იბუუტებდა.

შემოდგომა მოდის, ვაგრძელებდი ფიქრში, შემოდგომა... თითქოს ეს იყო ყველაზე უცნაური ამბავი, რაც კი ოდესმე მომხდარა ცისქვეშეთში – შემოდგომის დადგომა. ცოტა ხნის წინ გაზაფხული იდგა, მერე ზაფხული, ახლა შემოდგომაც მოდის, მეტი უცნაურობა რაღა გინდა?!

თვალეები თურმე ჯერაც დახუჭული მქონდა. მაშინ დავხუჭე, როცა შუბლი რკინის გისოსებს მივაბჯინე, თითქოს გარეთ გახედვის მეშინოდა. ახლა უნდა გამეხილა. ფანჯრიდან გავიხედე და პირველად დავინახე, რა შორს იყო საავადმყოფო ქალაქიდან. საძოვრის გადაღმა მთვარე ძალიან დაბლა ეკიდა ცაზე – გაცრეცილი, დაღარული, სახედაკანრული... ეს-ესაა გამომძვრალიყო ჰორიზონტზე გაბნეული ტანდაბალი მუხებისა და მადრონიების ტოტებიდან. მთვარის შორიახლოს ვარსკვლავებს ფერი გაკრთომოდათ, მაგრამ რაც უფრო შორდებოდნენ მთვა-



რის საბრძანებელ სინათლის წრეს, მით უფრო ივსებოდნენ შუქით. გამახსენდა, ერთხელ ადრეც როგორ შევამჩნიე რაღაცა მსგავსი, როცა მამა-ბიძებს სანადიროდ წავეყვი და ღამე ბებიის მოქსოვილ საბანში გახვეულმა გავატარე კოცონთან. კაცები კოცონის გარშემო ჩაცუცქულიყვნენ და უხმოდ გადაანოდებდნენ ხოლმე ერთმანეთს კაქტუსის არყის კვარტიან ბოთლს. ორეგონის პრერიის დიდ მთვარეს ავცქეროდი და ვხედავდი, როგორ ახუნებდა და ჩაგრავდა თავის სიახლოვეს ყველა ვარსკვლავს. არ მეძინებოდა, თვალდაჭყეტილი ვინეტი – მინდოდა მენახა, გაუფერულდებოდა როდისმე მთვარე თუ არა, ანდა ვარსკვლავები თუ მოახერხებდნენ ცოტათი უფრო მეტად აკაშკაშებას. იქამდე არ მომიშორებია თვალი, სანამ დილის ნამმა ლოყები არ დამიცვარა და იძულებული არ გავხდი, საბანი თავზე წამეხურა.

ფანჯრის ქვეშ, მინაზე, რაღაცამ გადაირბინა – გრძელი, ობობასმაგვარი ჩრდილი დააფინა ბალახს და გალავანს იქით გაუჩინარდა. ცოტა ხნის მერე უკან დაბრუნდა და მაშინლა დავინახე ახალგაზრდა, კანჭმაღალი ეზოს ძაღლი, შინიდან იმის გასაგებად გამოპარული, რა ამბები ხდებოდა ქვეყანაზე მზის ჩასვლის შემდეგ. ყნოსვით დაეძებდა მინდვრის თავგების სოროებს, ოღონდ სოროებს კი არ თხრიდა, აინტერესებდა, გაეგო, რას საქმიანობდნენ ამ დროს სოროს ბინადრები – ჩაყოფდა სოროში დრუნჩს, უკანალს გაბზეკდა, ცოტა ხანს კუდს ააქიცინებდა და ახლა სხვა სოროსკენ გარბოდა. ძაღლის გარშემო, სველ ბალახზე, მთვარე ბრწყინავდა და როცა ძაღლი აქეთ-იქით დარბოდა გაფაციცებული, ისეთ კვალს ტოვებდა, თითქოს ცისფრად მოციმციმე მდელოზე მუქი საღებავი მსუბუქად მიაშხეფესო. ისე გაერთო და გახალისდა ერთი უალრესად საინტერესო სოროდან მეორისკენ კუნტრუმ-კუნტრუმში – ცაზე მთვარე ანათებს, ღამეა, ნიავი ახალგაზრდა ძაღლის დამათრობელი ამდენი ველური სურნელითაა გატენილი – იძულებული გახდა, ზურგზე განოლილიყო და გორაობა დაეწყო სიამოვნებისაგან. იგრიხებოდა და თევზით ფართხალებდა, ზურგმორკალული,

მუცელაშვერილი, მერე კი, როცა ისევ ფეხზე დადგა და ტანი შეიფერთხა, მთვარის შუქზე ვერცხლის ქერცლივით დასცვივდა ნამის შხეფები.

ერთხელ კიდევ ჩქარ-ჩქარა დაყნოსა ყველა სორო, ზედი-ზედ, რიგრიგობით, რათა ბოლომდე, კარგად შეეწოვა ყველა სუნი და სურნელი, მერე კი უცებ ადგილზე გახევდა თათანეული, თავდახრილი და რალაცას მიყურადებულო. მეც ყურები ვცქვიტე, მაგრამ ფარდის შრიალის მეტი ვერაფერი გავიგონე. დიდხანს ვუსმენდი. მერე შორიდან ხალისიანი ყიყინი მომესმა, ხმა ჯერ სუსტად მოდიოდა, თუმცა თანდათან ახლოვდებოდა. გარეული ბატები მიფრინავდნენ, კანადიდან სამხრეთისკენ, გამოსაზამთრებლად. გამახსენდა, რამდენჯერ ჩავსაფრებივარ, რამდენი მიხობია მუცელზე გარეული ბატის მოკვლის ყინით შეპყრობილს, მაგრამ ჩემი ცდა ყოველთვის უშედეგოდ თავდებოდა ხოლმე.

მეც ძაღლის მზერას გავაყოლე თვალი და ბატების გუნდის დანახვა ვცადე; ძალიან ბნელოდა და ვერაფერი გავარჩიე. არადა, ყიყინი სულ უფრო და უფრო ახლოვდებოდა, ბოლოს ისეთი გრძნობაც კი დამეუფლა, თითქოს ბატებმა საძინებელ ოთახში, ზედ ჩემ თავზე გადაიფრინეს. მერე მთვარის განათებული დისკო გადასერეს – მთვარეზე მუქი, რომაული ხუთიანის ფორმის, წინამძღოლის მიერ წვერნამახული, მთრთოლვარე ყელსაბამი აირეკლა. წამით სწორედ წინამძღოლი მოექცა დისკოს ზუსტად შუაგულში, სხვებზე უფრო დიდი, მოძრავი შავი ჯვარი, რომელიც რიტმულად იშლებოდა და იკეცებოდა... სინათლის წრიდან ნელ-ნელა გაათრია, ნელ-ნელა თან გაიყოლა მთელი ყელსაბამი და თვალს მიეფარა.

იქამდე ვუგდებდი ყურს, ვიდრე ხმა საბოლოოდ არ მიწყდა და უკვე მხოლოდ ხმის ხსოვნაღა ჩამრჩა სმენაში. ძაღლს ჩემს მერეც კარგა ხანს ესმოდა. ისევ თათანეული იდგა; არც შერხეულა და არც დაუყეფია, როცა თავზე გადაუფრინეს. იმისთვისაც რომ საბოლოოდ მიჩუმდა ბატების ხმა, ადგილს მონყდა და

ხტუნვა-ხტუნვით გაქანდა იქით, საითაც გუნდი გაუჩინარდა, გამოზომილად, საქმიანად მიხტოდა გზატკეცილისკენ, თითქოს იქ პაემანი აქვს დანიშნულიო. სუნთქვა შევიკარი და ბალახზე ძაღლის დიდი თათების ტყაპუნ გავიგონე, ისიც გავიგონე, როგორ უმატა სიჩქარეს მოსახვევიდან გამოვარდნილმა მანქანამ. სინათლეებმა ოდნავ გაიელვეს შემალლებულზე და მერე წინ განოლილ გზატკეცილს ჩააჩრდნენ. ვუცქეროდი, გზაზე ერთი და იმავე წერტილისკენ როგორ მიიწვედნენ ძაღლიც და მანქანაც.

ძაღლი თითქმის უკვე ფიცრის ღობესთან იყო მისული, ჩვენი ეზოს ბოლოში, როცა ვიგრძენი, როგორ მომეპარა ვიღაც უკნიდან. ვიღაცეები. ორნი. არ შევტრიალებულვარ, მაგრამ ვიცოდი, ერთი – შავი ბიჭი იყო, გივერი, მეორე კი – ხალიანი ექთანნი. გავიგონე კიდეც, როგორ ამიზუზუნდა თავში შიში. შავმა გივერმა მკლავში ხელი ჩამავლო და შემომაბრუნა. მე მოვუვლიო, – უთხრა ექთანს.

„გრილა აქ, ფანჯარასთან, მისტერ ბრომდენ,“ მეუბნება ექთანნი. „არ ჯობია, ისევ სუფთა, თბილ ლოგინში ჩანვეთ?!“

„ვერ გაიგებს,“ ამბობს გივერი. „მაცალე, მე წავიყვან. სულ ესე იხსნის ხოლმე ზენრებს და დაბორილებს.“

ფანჯარას ვშორდები, ექთანნი ერთი ნაბიჯით იხევეს უკან და გივერს სთხოვეს – ხო, თუ არ შენუხდები, შენ წაიყვანეო. თან ძენკვს ინვალებს კისერზე. შინ, ყველასგან მალულად, აბაზანაში იკეტება ხოლმე, ტანზე იხდის და ჯვრით იხეხავს იმ ხალს, რომელიც ტუჩის კუთხიდან იწყება და მერე წვრილ ზოლად ჩასდევს მხარზე და მკერდზე. იხეხავს, იხეხავს და გონების დაკარგვამდე ევედრება შველას ღვთისმშობელს; მაგრამ ხალი მაინც ჯიუტად თავის ადგილზე რჩება. სარკეში იხედება და ხედავს, ხალი უწინდელზე კიდე უფრო მეტად გამუქებულია. ბოლოს ჯაგრისს იღებს, ნავებიდან საღებავს რომ ფხეკენ, ისეთს, მავთულის კბილებიანს, და ახლა იმით აგრძელებს ხეხვას, მერე დაგლეჯილ, დასისხლიანებულ ტანზე ღამის პერანგს იცვამს და საწოლში იკუნტება.

თუმცა, ეტყობა, ამ ნივთიერების მარაგი ამოუნურავია მის ორგანიზმში. სანამ სძინავს, ყელში ამოსდის, პირიდან, ტუჩის კუთხეებიდან მოჟონავს ალისფერი დორბლივით, კისერს მოუყვება და მთელ ტანს ედება. დილით ერთხელ კიდევ რწმუნდება დამლის მარადიულობაში და რატომღაც ასკენის, სინამდვილეში ამ დამლის არსებობას რამე შინაგანი მიზეზი კი არა აქვს – მართლაც, როგორ შეიძლება შინაგანი მიზეზი ჰქონდეს? განა რა შეიძლებოდა დაეშავებინა ასეთ ღვთისმოსავ კათოლიკე გოგოს? – ყველაფერი ღამლამობით აქ, აი ამისთანებთან (პირველ რიგში, მე მგულისხმობს) ყოფნის ბრალიაო. ჩვენ გვაბრალებს საკუთარ უბედურებას და მზადაა, რაღაც უნდა დაუჯდეს, სამაგიეროც გადაგვიხადოს. ნეტავი ახლა მაკმერფის გაელვიძებოდეს და რამეს მიშველიდეს.

„სანოლზე დააბი, მისტერ გივერ, მე კი წამალს გავამზადებ.“

დრე ჯგუფურ შეკრებებზე ბევრი ისეთი, იმდენი ხნის ჩაკ-  
ლულ-ჩამარხული სატკივარი ამოტივტივდებოდა ხოლმე,  
ტკივილის თავდაპირველ გამომწვევ მიზეზს წესიერად ვეღარც  
იხსენებდა ვერავინ, სახელსაც ვეღარ არქმევდა. ბოლო დროს  
კი, როცა ქომაგად მაკმერფი მოგვევლინა, ბიჭებმა აშკარად და  
დაუფარავად დაიწყეს წლების მანძილზე დაგროვილი ბოლმის  
გადმონთხევა.

„ვითომ რატომ უნდა ჩაიკეტოს საძინებელი ოთახები შაბათ-  
კვირას?“ იკითხავდა, ვთქვათ, ჩესვიკი ან ვინმე სხვა. „არ შე-  
იძლება, კაცმა შაბათ-კვირა მაინც გაატაროს თავის გემოზე?“

„მართლაც, მის რეჩედ,“ მაშინვე მხარს აუბამდა ხოლმე მაკ-  
მერფი. „რატომ არ შეიძლება, ჰა?“

„წარსულის მწარე გამოცდილებამ გვიჩვენა, საძინებლებს  
ლიას თუ დავტოვებთ, თქვენ საუზმის შემდეგაც ლოგინებში  
იკოტრიალებთ.“

„მერე, ვითომ ეგ მომაკვდინებელი ცოდვაა? მე მგონი,  
უქმე დღეს გამოძინება ნორმალური ამბავია.“

„თქვენ ამ საავადმყოფოში იმიტომ იმყოფებით,“ ისეთი სა-  
ხით იტყოდა ხოლმე მთავარი ექთანნი, თითქოს ათასმეერთედ იმე-  
ორებდა ერთსა და იმავეს, „უკვე არაერთხელ რომ გამოავლინეთ  
და დაამტკიცეთ საზოგადოებასთან შეგუების უუნარობა. ექიმი  
სპაივიც და მეც დარწმუნებულები ვართ, ერთად გატარებული

ყოველი წუთი, ზოგიერთი გამონაკლისის გარდა, მკურნალობის საერთო კურსზე კეთილისმყოფელად მოქმედებს, მაშინ როცა სხვებისგან გამიჯვნა, განმარტოება და საკუთარ საფიქრალში ჩაკეტვა მხოლოდ აძლიერებს თქვენს გაუცხოებას.“

„ესე იგი, ამიტომ მოუყრიან ხოლმე ერთად თავს ყველაზე ცოტა რვა კაცს მაინც, ოთ-ში, ფთ-ში ან რამე სხვა თ-ში ნასაყვანად?“

„სწორედ ასეა!“

„აბა, თქვენ ამტკიცებთ, მარტო დარჩენის სურვილი – ავადმყოფობააო?“

„არა, მე ეგ არ მითქვამს...“

„თქვენი აზრით, ძან თუ გამიჭირდა, ფეხსადგილში ისე ვერ ნავალ, შვიდი კაცი მაინც თუ არ გავიყოლე თან – უნიტაზზე ფიქრებში არ გაერთოსო?“

სანამ ქალი ამდაგვარ კითხვასაც მოუძებნიდა ხოლმე დამაჯერებელ პასუხს, ჩესვიკი წამოხტებოდა და ყვიროდა – არა, თქვენ მართლა ასე ფიქრობთო? მერე ჩესვიკს დანარჩენებიც აყვებოდნენ და იწყებოდა ხალისი...

ქალი მოთმინებით ელოდებოდა მწვავეების დანყნარებას და ოთახში ისევ სიჩუმე რომ დაისადგურებდა, მშვიდად აგრძელებდა აღმზრდელიობით მუშაობას: „თუ შეგიძლიათ, დამშვიდდეთ, ეზოში მოთამაშე ბავშვებივით არ იყაყანოთ და დინჯად ისაუბროთ, როგორც ზრდასრულ ადამიანებს შეეფერებათ, აგერ, ექიმიც აქაა და ვკითხოთ, იქნებ სასარგებლოდაც მიაჩნია განყოფილების შინაგანანჯისის შეცვლა, რას იტყვით, ექიმო?“

ექიმი რასაც იტყოდა, ყველამ კარგად იცოდა და ამიტომ, სანამ ის კრინტის დაძვრას მოახერხებდა, ჩესვიკი უკვე სხვა სატკივარზე ჩივილს იწყებდა. ერთ დღესაც სიგარეტების თემა გახდა უაღრესად საჭირობოროტო, ჩვენს კუთვნილ სიგარეტს რატომ გვამადლითო – შეუტიეს მთავარ ექთანს. ჯერ ჩესვიკი აბუზლუნდა როგორც ყოველთვის, მერე დანარჩენებმაც აუბეს მხარი.

სანამ ქალი პასუხის გაცემას მოახერხებდა, მაკმერფი ექი-

მისკენ შეტრიალდა და პირდაპირ ექიმთან მოინდომა საქმის გარჩევა. „ხო, მართლა, დოკ! ჩვენს სიგარეტზე გვითხარით ორი სიტყვა. რა უფლება აქვინმეს – ვინც გინდა იყოს – ჩვენი ალალი სიგარეტი მაგიდაზე დაიხვავოს, ვითომ თავის ფულით ქონდეს ნაყიდი, და თითო კოლოფი მოგვიგდოს სამადლოდ? ხანდახან, როცა ხოში ექნება... რალაც ვერ გავიგე, მე სიგარეტში ფული ვიხადო და მერე ვილაცამ მითხრას, როდის მოვნიო და როდის არა?“

ექიმი აცქემუტდა, აფორიაქდა, შეეცადა, მთავარი ექთნის სახე სათვალის ფოკუსში მოექცია. პირველად გაიგო, სიგარეტის მთელ მარაგს მის რეჩედი რომ დაეპატრონა – სიგარეტზე თამაშისთვის უნდოდა ნერტილი დაესვა. „რა სიგარეტზეა ლაპარაკი, მის რეჩედ? მე რომ არაფერი ვიცი...“

„ექიმო, მე ვფიქრობ, პაციენტისთვის დღეში სამი, ოთხი და ზოგჯერ ხუთი კოლოფი სიგარეტი აშკარად მეტისმეტია. გასულ კვირაში კი – მაკმერფის მოსვლის შემდეგ – სწორედ ასე იყო საქმე. ამიტომ მიზანშეწონილად ჩავთვალე, ბუფეტში შეძენილი სიგარეტი პაციენტებისთვის ჩამომერთმია, მე თვითონ შემენახა და დღეში მხოლოდ თითო კოლოფის მოწვევის ნება მიმეცა.“

მაკმერფი ჩესვიკისკენ გადაიხარა და ხმამაღლა უჩურჩულა – „ეხლა შემდეგი გადანყვეტილება ნახე, ჩემმაში სიარულზე! იტყვის, შვიდი ძმაკაცი ხო უნდა გაიყოლო თან, ეგ არაფერი, დღეში მარტო ორჯერ უნდა შეხვიდეთ და ისიც მაშინ, როცა მე გეტყვითო!“

მერე ისევ სკამის ზურგზე გადაწვა და ისე გულიანად გაიცივნა, თითქმის მთელ წუთს კრინტი ველარ დაძრა ვერავინ.

თავისივე ატეხილი აურზაური მაკმერფის განუზომელ სიამოვნებას ანიჭებდა და მე მგონი, თან ცოტა უკვირდა კიდევ, პერსონალი მაინცდამაინც რომ არ ავიწროებდა; განსაკუთრებით ის აოცებდა, დავიჯერო, რასაც მეუბნება, იმის მეტი არაფერი აქვს მთავარ ექთანს ჩემთვის სათქმელიო? „ბებერი სვავი უფრო მაგარი მეგონა,“ უთხრა ერთ-ერთი შეკრების მერე ჰარდინგს, „შეიძლება, მართლა მარტო ერთი კაი შეფუცხუნება ჭირ-

დებოდა ჭკუაზე მოსაყვანად და სხვა არაფერი. ოღონდ...“ წამით ჩაფიქრდა, შუბლი შეიჭმუნხა, „...მაინც ისე იქცევა, ვითომ ყველა კოზირი თეთრი ხალათის სახელოში ქონდეს დამალული.“

ასე ბაირამობდა მომდევნო კვირის ოთხშაბათამდე, როცა საბოლოოდ გაიგო, სინამდვილეშირა კოზირებსაც მალავდა მთავარი ექთანი და საერთოდ, რის იმედიც ჰქონდა. ოთხშაბათობით ყველას, ვისაც რამე სიდამპლე არ სჭირდა, ერთად მოგვაქუჩრებდნენ ხოლმე და საცურაო აუზისკენ გვერეკებოდნენ – სულერთია, გვინდოდა ჭყუმპალაობა თუ არა. როცა განყოფილებაში ნისლი იდგა, როგორც წესი, ნისლში ვიმალებოდი ამ ღონისძიებიდან თავის გადასარჩენად. აუზი ყოველთვის მაშინებდა; სულ იმაზე მისკდებოდა გული, ერთხელაც იქნება, წყალი მთლიანად დამფარავს, დავიხრჩობი, მერე წყალსადენის მილი შემისრუტავს და პირდაპირ გაშლილ ზღვაში ამომაფურთხებს-მეთქი. აი ბავშვობაში, ქალამბიაზე, წყალში მართლა გულადი ვიყავი; დიდი კაცებივით გავდი-გამოვდიოდი ჩანჩქერზე გადებულ ბენვის ხიდებზე, თამამად დავძვრებოდი მწვანედ და თეთრად მოგუგუნე ნიაღვრის ნაპირზე, ცისარტყელას ფერებად აჭრელებულ ნისლში და თან, კაცებისგან განსხვავებით, დაჭედილი ჩექმებიც არ მეცვა ხოლმე. მაგრამ მერე, როცა ვნახე, როგორ შეაშინა რალაც-რალაცეებმა მამა, მეც გამიჩნდა შიში, პატარა გუბურის დანახვაზეც კი მაკანკალებდა.

გასახდელიდან გამოვედით. ტიტველი კაცებით სავსე აუზი ტორტმანებდა, შხეფებს ისროდა; მალალ ჭერს ყიჟინა და ყვირილი ეხლებოდა, როგორც მუდამ და ყველგან დახურულ აუზებში. შავმა ბიჭებმა წყალში შეგვდენეს. წყალი სასიამოვნოდ თბილი კი იყო, მაგრამ მაინც არ მიწოდდა, აუზის კიდეს მოვშორებოდი (შავი ბიჭები აუზს ირგვლივ უვლიან და თუკი შეეცადე, კიდეს ჩააფრინდე, ბამბუკის გრძელი ჭოკებით ძალით გამვებინებენ ხელს), მაკმერფის შორიახლოს ვტრიალებდი – ვიცოდი, თვითონ თუ არ ენდომებოდა, ძალით ღრმა წყალში ვერ შეაგდებდნენ.

მაკმერფი აუზის მეთვალყურეს ესაუბრებოდა და მეც რამ-



დენიმე ფუტის მოშორებით ვიდექი ფსკერზე. მაკმერფი, ეტყო-  
ბა, უფრო ღრმა ადგილას ტივტივებდა, ვხედავდი, როგორ გა-  
მოზომილად იქნევდა წყალში ფხებს. მეთვალყურე აუზის ნა-  
პირზე იდგა; გულზე სასტვენნი ეკიდა და მოკლემკლავებიანი,  
განყოფილებისნომრიანი მაისური ეცვა. ციხეს და საავადმყო-  
ფოს შორის არსებულ განსხვავებაზე ლაპარაკობდნენ. მაკმერ-  
ფი ამბობდა – საავადმყოფო ბევრად უკეთესიაო. მეთვალყურე  
მთლად დარწმუნებული არ ჩანდა ამ ამბავში. გავიგონე, როგორ  
უთხრა მაკმერფის, სხვა თუ არაფერი, ერთი საქმეა, როცა პა-  
ტიმრობას მოგისჯიან და სულ სხვა, როცა სამკურნალოდ იძუ-  
ლებით მოგათავსებენო. „ციხეს მოგისჯიან და იცი მაინც, რამ-  
დენი უნდა იჯდე გათავისუფლებამდე.“

მაკმერფი წყალში ნებივრობას შეეშვა. აუზის კიდესთან მი-  
ცურდა ნელა და ჩაეჭიდა, თან მეთვალყურეს ასცქეროდა. „და  
თუ იძულებით მოგათავსეს?“ – კითხა ცოტა ხნის მერე.

მეთვალყურემ დაკუნთული მხრები აიჩიჩა და კისერზე ჩა-  
მოკიდებული სასტვენის წვალეა დაიწყო. ის ძველი პროფე-  
სიონალი ფეხბურთელი იყო, შუბლზე ბუცების ნაკბილარები არ-  
ნდა. ხშირად, როცა თავისი განყოფილებიდან უშვებდნენ, სად-  
ღაც, თვალების უკან, სიგნალი გაუტკაცუნდებოდა ხოლმე და  
ციფრების ფურთხებას იწყებდა, მერე ოთხზე დადგებოდა, ხა-  
ზის მოთამაშის პოზაში, გვერდით ჩავლილ რომელიმე ექთანს  
ეძგერებოდა, ჭაჭებში დაატაკებდა მხარს და ნახევარმცველს  
საშუალებას აძლევდა, ექთნის ზურგს უკან დარჩენილ თავისუ-  
ფალ დერეფანში შეჭრილიყო. მოკლედ, კარგა ხანია, დასაბმე-  
ლებში იწვა. როცა აუზის მეთვალყურეობა არ ევალეებოდა,  
ყოველ წუთს შეეძლო, რაღაც ეგეთი ჩაედინა.

მაკმერფის შეკითხვაზე ერთხელ კიდევ აიჩიჩა მხრები, მერე  
გაიხედ-გამოიხედა – ახლომახლო შავი ბიჭები ხომ არ ჩანანო –  
და ზედ აუზის კიდეზე ჩაიჩოქა. მაკმერფის დასანახად წინ გაინ-  
ვდინა მკლავი.

„თაბაშირს ხედავ?“

მაკმერფიმ ღონიერ ტორს დახედა. „რა თაბაშირი, რის თაბაშირი, ძმაკაც?“

მეთვალყურემ მხოლოდ ჩაიციინა პასუხად. „ბოლო თამაშში მოვიტეხე, „დათვებთან“. სანამ არ შეხორცდება და თაბაშირს არ მომხსნიან, ფორმას ველარ ჩავიცვამ. ჩემი განყოფილების ექთანს მეუბნება, ხელს ჩუმად ვმკურნალობო. აბა! თუ გაუფრთხილდები და ძალას არ დაატან, მოგხსნი თაბაშირს და შეგიძლია, შენ გუნდს დაუბრუნდეო.“

სველ კაფელს მუშტი დაადო, ცალ ხელს და ორივე ფეხს დაეჭვინა შესამონმებლად, როგორ შუშმდებოდა მკლავი. მაკმერფი ცოტა ხანს უხმოდ შესცქეროდა, მერე კითხა – რამდენი ხანია, რაც მორჩენას და საავადმყოფოდან გაშვებას ელოდებიო? მეთვალყურე მძიმედ წამოიძარტა და მკლავი მოისრისა. შეეცყო, მაკმერფის შეკითხვა ენცინა, ამას ხომ არ გონია, ვინაზე და ჩემს იარებს დავკანკალებო. „მე იძულებით მომათავსეს აქ,“ თქვა ბოლოს. „ჩემი ნება რო ყოფილიყო, კაიხნის წინ დაფუქნევი ამათ ხელს. მოტეხილობის მერე, შეიძლება, გუნდში პირველი კაცი ველარც გავხდე, მარა ბიჭებისთვის პირსახოცების დაკეცვას ხო მოვახერხებ? ჰა? რალაცაში მაინც არ გამოვდგები? არადა, ექთანი ექიმს ეუბნება, ჯერ მზად არ არისო. ჩაოფლილ გასახდელში პირსახოცების დასაკეცვადაც არა ვარ თურმე მზად!“

შეტრიალდა და ოჩოფეხებზე შემდგარი თავისი სკამისკენ გაემართა, გაბრუებულ გორილასავით აფოფხდა კიბეზე და, ბუტიასავით ტუჩგადმობრუნებული, ზემოდან დაგვაშტერდა.

„მთვრალი დებოშისთვის დამაკავეს და უკვე რვა წელი და რვა თვეა, აქა ვარ!“ ჩამოსძახა მაკმერფის.

მეთვალყურის ნათქვამით შეფიქრიანებული მაკმერფი ზურგზე განვა, აუზის კედელს ფეხები მიარტყა და მოკლე-მოკლეს ბიძგებით მოშორდა: თვითონ ექვსთვიანი პატიმრობა ჰქონდა მისჯილი, აქედან ორი უკვე მოეხადა, ოთხი რჩებოდა და არსად, რანაირი სამოთხეც უნდა ყოფილიყო, ოთხ თვეზე დიდხანს ჩაკეტილი ყურყუტს არ აპირებდა. საგიჟეთში ყოფნის თით-

ქმის თვე სრულდებოდა, ეს თვე, შეიძლება, გაცილებით ჯობდა კოლონიაში გატარებულ დროს – რბილი სანოლი, დილაობით ფორთოხლის წვენი, მაგრამ აქაურობა ისე მაინც ვერ მოხიბლავდა, კიდევ ერთი-ორი წლის გატარება ენატრა.

აუზის მეორე ბოლოსკენ გაცურა, კიბის საფეხურებისკენ, და მთელი დარჩენილი დრო უკვე იქ გაატარა კიბეზე ჩამომჯდარმა – შუბლშექმუხნილი ინვალებდა თმის ბლუჯას მკერდზე. ვუყურებდი ასე განმარტოებით ჩამომჯდარს და ჩაფიქრებულს, მერე უცებ თათბირზე მთავარი ექთნის ნათქვამიც გამახსენდა და საოცარი შიში დამეუფლა.

როცა სასტვენს ჩაბერეს – თქვენი დრო დამთავრდაო – და გასახდელისკენ წაგვანჩალებს, გზაში მეორე განყოფილების პაციენტებს შევეფეთეთ, ვინც ჩვენს მერე უნდა შეეყარათ აუზში, საშხაპეში კი, ფეხების სავალდებულოდ გასაბან აბაზანაში, ერთი იმათიანი ეგდო. დიდი, დასვრეტილი, ვარდისფერი თავი ჰქონდა, დასიებული ფეხები და განიერი თეძოები – თითქოს ვიღაც გოლიათი ნყლით სავსე ბუმტს ჩააფრინდა და შუაში ლონივრად მოუჭიროაო, კოჭებამდე წყალში გვერდულად ინვა და მთვლემარე სელაპის ხმებს გამოსცემდა. ჩესვიკმა და ჰარდინგმა წამოყენება დაუპირეს, მაგრამ ის მაშინვე ისევ აბაზანაში ჩანჭა. თავი დეზინფექციაში უტივტივებდა. მაკმერფი უხმოდ შეცქეროდა, როგორ აწიეს და როგორ წამოაყენეს ერთხელ კიდევ.

„რა ჯანდაბა ქირს?“ იკითხა ბოლოს.

„შიდროცეფალია,“ აუხსნა ჰარდინგმა. „რალაც ლიმფური დარღვევის ბრალია... მე მგონი... თავი სითხით ივსება ხოლმე. მოგვეხმარე, წამოვაყენოთ.“

ბიჭს ხელი შეუშვეს და ისიც კვლავ აბაზანაში მიწვა. სახეზე მოთმინება, უიმედობა და სიჯიუტე ეწერა; დუჟი მოსდიოდა და რძისფერ წყალში ბუშტები ჩნდებოდა. ჰარდინგმა მაკმერფის თხოვნა გაუმეორა – ხელი შეგვაშველეო – და ჩესვიკთან ერთად ერთხელაც დაიხარა ბიჭისკენ. მაკმერფიმ კი სწრაფი ნაბიჯით გააგრძელა გზა, ბიჭს გადააბიჯა და საშხაპეში შევიდა.

„აცალეთ, იწვეს,“ უკვე იქიდან გამოსძახა ჰარდინგს და ჩესვიკს, „ეგება არ უყვარს კაცს ღრმა წყალი!“

უკვე ვხვდებოდი, რაც ხდებოდა. მეორე დღესვე გააშტერა ყველა, როცა დილით ჩიტებს დაასწრო წამოფრენა და იქამდე ხეხა და აპრილა ტუალეტი, სანამ ყველაფერმა ბზინვა და ბრჭყვიალი არ დაიწყო. მერე, როცა შავმა ჯეელებმა სთხოვეს, დერეფანში იატაკის დაგვაც არ დაიზარა. მოკლედ, ყველა გააოგნა, მთავარი ექთნის გარდა: იმას თავი ისე ეჭირა, თითქოს უჩვეულო და საოცარი არაფერი ხდებოდა.

შუადღისას ჯგუფურ შეკრებაზე ჩესვიკმა განაცხადა – საერთო აზრია, სიგარეტთან დაკავშირებულ მაიმუნობას ერთხელ და სამუდამოდ ბოლო უნდა მოეღოსო. „პატარა ბავშვი არა ვარ, მურაბასავით დამიმალოს ვილაცამ სიგარეტი! ჩვენ მოვითხოვთ, ამ საქმეს რალაცნაირად მოველოს, ასე არ არის, მაკ?“ დარწმუნებული იყო, ახლაც მაკმერფი ამიბამს მხარსო, მაგრამ სიჩუმე არავის დაურღვევია.

ჩესვიკმა იქით გაიხედა, სადაც მაკმერფი ეგულებოდა. დანარჩენებსაც მისკენ გაექცათ თვალი. მაკმერფი ძალიან მშვიდად იჯდა, ბანქოს დასტას აწვალებდა თითებით, ხან გააქრობდა, ხან ისევ გამოაჩენდა. თავიც არ აუწევია. საზარელი სიჩუმე იდგა; მარტო ბანქოს გაზინთული ქალაღდის ტყაპანი და ჩესვიკის მძიმე სუნთქვა ისმოდა.

„მე მოვითხოვ, რალაც გადაწყდეს!“ უცებ ისევ იყვირა ჩესვიკმა. „პატარა ბავშვი არა ვარ!“ ფეხი დააბაკუნა და ისეთი სახით მიმოიხედა, თითქოს მართლა ტყეში დაკარგული ბავშვია და საცაა, ზღუქუნი უნდა ამოუშვასო. ხელები მომუშტა და მთელი ძალით მიიჭირა ხორციან, ფუმფულა მკერდზე. მუშტები პატარა, ვარდისფერ ბურთებს გავდნენ მწვანე ფონზე, ისე მაგრად უჭერდა, მთელი ტანით აძაგძაგდა.

ბრგე ვაჟკაცი არასდროს ეთქმოდა – ტანმორჩილი იყო და ძალიან მსუქანი, კეფაზე ვარდისფერი დოლარიანივით აჩნდა მულოტის ლაქა – მაგრამ დღის პალატის შუაგულში ახლა ასე

ეულად მდგომი მთლად დაილია. ერთხელაც შეხედა მაკმერფის, თუმცა საპასუხო მზერას ვერც ამჯერად ელირსა, და უკვე სხვა მოკავშირის პოვნის იმედით მწვავეების რიგს ჩააყოლა თვალი ბოლომდე. ყველა თვალს არიდებდა, უსიტყვო უარს ეუბნებოდნენ მხარდაჭერაზე და ჩესვიკსაც თანდათან სულ უფრო აშკარად დაეტყო სახეზე პანიკა. იქამდე აცეცა თვალები, სანამ ბოლოს მთავარი ექთნის თვალებს არ შეაფეთა. ერთხელ კიდევ დააბაკუნა ჭირვეულად ფეხი.

„მე მოვითხოვ, რალაც გადანყდეს! გესმით? მოვითხოვ-მეთქი! რალაც უნდა გადანყდეს! რალაც! რა...“

ორმა მუტრუკმა შავმა უკნიდან გაუკავა ხელები, ჯუჯამ კი ღვედი შემოუჭირა. ჩესვიკი ერთიანად მოიღვენთა, თითქოს პუნქცია გაუკეთესო, და მუტრუკებმაც ზევით, დასაბმელებში გააქანეს. კიბეზე რომ მიათრევდნენ, დარტყმების ყრუ ხმა ისმოდა. მთავარი ექთანი შავი ბიჭების დაბრუნების მერეღა მიუტრიალდა მწვავეებს და დაჟინებით მიაჩერდა. ჩესვიკის ნაყვანის შემდეგ სიტყვა აღარ თქმულა.

„დაგვრჩა ვინმეს რამე სათქმელი?“ როდის-როდის იკითხა მთავარმა ექთანმა. „სიგარეტის რაციონის შესახებ?..“

როცა ოთახის მეორე ბოლოში კედლის ფონზე ნაშლილი სახეების რიგს გავცქეროდი, ჩემი თვალები საბოლოოდ კუთხეში მიმჯდარ მაკმერფის მიაცივდნენ – ისევ ცალი ხელით ბანქოს დასტის აჭრის ხელოვნებას ხვეწდა... ჭერში დატანებულმა თეთრმა მილებმა ისევ დაიწყეს გათოშილი შუქის ფრქვევა... ამას მაინც ვგრძნობ – პირდაპირ მუცელში ატანენ ცივი სხივები.

მას მერე, რაც მაკმერფიმ ჩვენს ქომაგობაზე აიღო ხელი, ზოგი მწვავე ამბობს, ახლაც ჭკუაში ატყუებს მთავარ ექთანსო. იმათ თუ დაეჯერებათ, მაკმერფის თურმე ვიღაცამ ჩაანვეთა, დასაბმელებში გიპირებენ გადაყვანასო და ისიც ამიტომ იკატუნებს ცოტა ხნით თავს, ცდილობს საბაბი არ მისცეს ქალს. სხვები ფიქრობენ, ყურადღებას უღუწებს, მერე კიდევ რამე ახალს მო-

უგონებს, უფრო მხეცურს და ადრინდელზე ბევრად მავნესო. სულ ამაზე ლაპარაკობენ, შეჯგუფდებიან და რას აღარ ვარაუდობენ.

მაგრამ მე, მე ნამდვილი მიზეზი ვიცი. ჩემი ყურით გავიგონე, რა ილაპარაკეს იმან და აუზის მეთვალყურემ. უბრალოდ, როგორც იქნა, მოვიდა ჭკუაზე, გაემმაკდა – ესაა და ეს. მამასი არ იყოს, ბოლოს მამაც ხომ მიხვდა, მაინც ვერ აჯობებდა იმ ქალაქელებს, მთავრობისთვის კაშხლის აშენება რომ უნდოდათ და დიდ მოგებაზე, ახალ სამუშაო ადგილებზე და ჩვენი სოფლის საბოლოოდ მოსპობაზე ოცნებობდნენ. მიუგდეთ ამ აქოთებულ, თევზიჭამია ინდიელებს ორასი ათასი დოლარი და სადაც უნდათ, იქ წაეთრიონ ამ ფულიანად და თავიანთ სუნიანადო! მამამაც იემ-მაკა, როცა ქალაქელებს ხელი მოაწერა: გაჯიქებით რას მოიგებდა?! ასე თუ ისე, მთავრობის კაცები იქაურობას მაინც ჩაიგდებდნენ ხელში. ადრე თუ გვიან. მამას ეშმაკობით კი მთელ ტომს გვარიანი თანხა ერგო. ეშმაკობა იყო, აბა რა?! მაკმერფიც ეშმაკობდა. მე ვერ გამომაპარებდა ვერაფერს. ფარ-ხმალს ყრიდა, იმიტომ რომ ამაზე ეშმაკურს ვერაფერს მოიფიქრებდა, მიზეზიც მარტო ეს იყო და სხვა არაფერი, მწვავეების ნავარაუდევი. თავისი პირით არ უთქვამს, მაგრამ ვიცოდი და იმწამსვე გავიფიქრე – უეჭველად ეშმაკობს-მეთქი. ერთსა და იმავეს ვიმეორებდი ფიქრში: ეს დამალვასავით უხიფათო გზაა, სწორედ ეშმაკობაა და სხვა არაფერი, მე ხომ ვიცი, რასაც აკეთებს-მეთქი.

მერე, ერთ დილასაც, უკვე ყველა მწვავე მიხვდა უკანდახევის ჭეშმარიტ მიზეზს, ყველა დარწმუნდა, ფუჭი იმედებით მარტო თავს ვიტყუებდით და ვიბითურებდითო. მოკლედ, აუზთან ნალაპარაკები არავისთვის გაუმხელია, მაგრამ ბიჭებმა მაინც უკვე ყველაფერი გაიგეს. მე მგონი, ცნობა მთავარმა ექთანმა გაავრცელა, ალბათ, ღამე საძინებლის იატაკში დატანებული ყველა წვრილი მავთულით გადასცა ერთდროულად, რადგან ყველამ ერთად და ერთბაშად შეიტყო ნამდვილი მიზეზი. დილით, როცა მაკმერფი დღის პალატაში შემოდის, ყველაფერი სახეებზე აწე-

რიათ: არც სიბრაზე, არც თუნდაც იმედგაცრუება – ისინიც ხომ ჩემსავით კარგად ხვდებიან, აქედან თავის დაღწევას თუ აპირებს, ისე უნდა მოიქცეს, როგორც მთავარ ექთანს ეამება – მხოლოდ ფუჭი ოცნება: ნეტავ საქმე ასე არ წასულიყო.

ჩესვიკიც კი მიხვდა ყველაფერს და წყენა არანაირად არ შეტყობია – რატომ წინ არ გაგვიძეხი და ერთი ამბავი არ ატეხე სიგარეტების გამოო. დასაბმელებიდან სწორედ იმ დილას დაბრუნდა, როცა მთავარ ექთანს ახალი გადაცემული ჰქონდა თავისი ინფორმაცია საძინებელში, პირდაპირ მაკმერფის მიადგა და უთხრა – შენი კარგად მესმის, მართლა მაგარი რამე მოგიფიქრებია, რომ მცოდნოდა, იძულებით იყავი მოთავსებული, იმდღევანდელივით შარში როგორ გაგხვევდიო. ამას გზადაგზა ელაპარაკებოდა, სანამ აუზისკენ მიგვერეკებოდნენ. თუმცა, აუზს მივაღექით თუ არა, მონყენილმა დაამატა: ისე, მაინც გულით მინდოდა, რაღაც გადანყვეტილიყო – და წყალში ჩაყვინთა. არ ვიცი, რანაირად მოახერხა, ფსკერზე, დრენაჟის ცხაურში გაეჭედა თითები... ვერც მოდღღეზილმა მეთვალყურემ, ვერც მაკმერფიმ და ვერც ორმა შავმა ბიჭმა ვერ გაუთავისუფლეს; ბოლოს კი, როცა იარაღები მოიტანეს, ცხაური მოხსნეს და ჩესვიკიც ამოიყვანეს – ფუმფულა, მოვარდისფრო-მოლურჯო თითებით ჯერაც ცხაურს ჩაფრენილი, უკვე დამხრჩვალნი იყო.

**ს**ადილის რიგში ვდგავართ. ვხედავ, სადღაც წინ ლანგარი აფრინდა ჰაერში, მწვანე პლასტიკატის ღრუბელმა რძე, ბარდა და ბოსტნეულის სუპი მოწვიმა. ცალ ფეხზე ახტუნავებული და ხელებანვდილი სეფელტი დანარჩენებს სწყდება და გაფიჩხებული, მორკალული ეცემა ზურგზე – იმისი გადატრიალებული თვალების თეთრი გუგები წამით ჩემ გვერდით გაიელვებენ. ისეთი ხმით ახლის ფილაქანს თავს, თითქოს წყალქვეშ ფსკერს ქვა მოხვდაო. ქუსლებზე და კეფაზე დამდგარი, მთელი ტანით ცახცახებს – მიწისძვრისას ატორტმანებული ხიდივით. ფრედრიქსონი და სქანლონი მიხმარებას ცდილობენ, მაგრამ მალალ-მალალი შავი ბიჭი არ აცლის, უხეშად უბიძგებს და ისევ რიგში აბრუნებს ორივეს; მერე შარვლის უკანა ჯიბიდან გლუვ, ზონარდახვეულ, ყავისფრად დალაქულ ჯოხს იღებს, სეფელტს კრიჭას უხსნის, კბილებშია ჯოხს სწრის და მესმის, როგორ იმსხვრევა ჯოხი. პირში ნაფოტების გემოსაც კი ვგრძნობ. სეფელტს კრუნჩხვა რამდენჯერმე უმეორდება, ხან გახევებულ ფეხებს იატაკს სცემს და ერთიანად დაჭიმული ხიდზე დგება, ხანაც მოდუნებული ბეჭებით ენარცხება ფილაქანს, კიდევ და კიდევ, სულ უფრო და უფრო დიდი შუალედებით, ვიდრე მთავარი ექთანიც მობრძანდება და თავზე დაადგება; მაშინ უკვე მთლად იღვენტება, წყლად მიდის და ნაცრისფერ გუბედ იღვრება იატაკზე.

ქალს ხელები წინ გამოუწვდია, თითქოს სანთლით ინათებს გზასო, და კოპებშიკრული დასცქერის იმას, რაც სეფელტისგან



დარჩენილა – პერანგის სახელოებიდან და შარვლის ტოტებიდან გამოჟონილი. „მისტერ სეფელტია, არა?“ ეკითხება შავ ბიჭს.

„ა-ჰაა,“ შავი ჯოხს ეჯაჯგურება, „მისტა სეფელი.“

„არადა, ამტკიცებდა, წამალი არ მჭირდებაო.“ ქალი თავს აქნევს და ერთი ნაბიჯით იხევს უკან – გუბე ჯიუტად მიიწევს იმისი თეთრი ფეხსაცმელებისკენ. ცოტა ხანს მკაცრად ათვალიერებს სასაიროდ შემოჯარული მწვავეების რიგს, ისევ აქნევს თავს და იმეორებს: „...წამალი აღარ მჭირდებაო!“ . კარგად ნაცნობი, განვრთნილ-გავარჯიშებული გამომეტყველება მოურგია სახეზე – სიბრალულის, მოთმინებისა და ზიზლის ერთდროულად გამომხატველი ღიმილი.

მაკმერფის ჯერ მსგავსი არაფერი უნახავს. რა ხდება, რა ჭირსო, – კითხულობს.

ქალი გუბეს დასცქერის, მაკმერფისკენ არც იხედება. „მისტერ სეფელტი ეპილეპტიკია, მისტერ მაკმერფი. ეს იმას ნიშნავს, რომ ყოველ წამს შეიძლება ასეთი შეტევის მსხვერპლი გახდეს, თუკი სათანადო დანიშნულებებს არ შეასრულებს. ყველაზე უკეთ თვითონ იცის ეს. ათასჯერ ვუთხარით, ასე მოხდება, წამალს თუ არ დაღვეო. არადა, მაინც ჯიუტობს და სულელურად იქცევა.“

რიგიდან წარბებაჯაგრული ფრედრიქსონი გამოდის. დაბლვერილი, სისხლნაკლული ბიჭია, ქერა თმა, სქელი, ქერა წარბები და წანვეტებული ნიკაპი აქვს; დროგამოშვებით ისიც ისე გამომწვევად იქცევა ხოლმე, როგორც თავის დროზე ჩესვიკი ცდილობდა მოქცევას – ღრიალებს, ყველას ჭკუას არიგებს, უმცროს ექთნებს ლანძღავს, იმუქრება, დავკრავ ფეხს და სამუდამოდ მივატოვებ ამ აქოთებულ ბოსელსო! ღრიალსაც აცლიან და მუშტების ქნევასაც, სანამ თვითონვე არ დაწყნარდება, მერე კითხავენ – მორჩით, მისტერ ფრედრიქსონ? თუ სათქმელი აღარაფერი დაგრჩათ, მაშინ ბარემ დავინყებთ აქედან გასაწერი საბუთების ბეჭდვასო – და ექთნების სამორიგეოში ერთმანეთს ენაძლევებიან, აბა ერთი რა დრო გავა, ვიდრე შუშაზე დამნაშავის სახით მოგვიკაკუნებს, პატიებას ითხოვს და შეგვეხვეწება,

იქნებ დაივიწყოთ ცხელ გულზე ნაბოდვარი, იქნებ ერთი-ორი დღით მაგიდის უჯრაში შეინახოთ ეგ ბლანკებიო.

ახლაც მუშტებმოღერებული მიიწევს მთავარი ექთნისკენ. „ახ, ასეა საქმე? ასეა, არა? ჯვარს გინდა აცვა სანყალი სეფი, თითქოს შენ ჯინაზე არ სვამს წამალს, არა?“

ქალი დასამშვიდებლად მკლავზე კიდებს ხელს და ფრედრიქსონიც მაშინვე შლის მუშტებს.

„ყველაფერი რიგზეა, ბრუს. შენი მეგობარი კარგად იქნება. ეტყობა, თავისი წილი დილანტინი არ ჩაუყლაპავს. უბრალოდ, ვერ გამიგია, სად მიაქვს, რას უშვრება?!“

მშვენივრად იცის, რასაც უშვრება, იმანაც და ყველამ: სეფელტი წამლის კაფსულებს ენის ქვეშ მალავს და მერე, მოგვიანებით, ფრედრიქსონს აძლევს. ვერ იტანს ამ დილანტინს თუ ოხრობას, როგორც თვითონ ამბობს, „დამლუპველი თანამდევი ეფექტის“ გამო ეჯავრება, ფრედრიქსონი კი სიამოვნებით ყლაპავს ორმაგ დოზას, იმიტომ რომ შეტევის სიკვდილზე მეტად ეშინია. მთავარმა ექთანმა ყველაფერი ძალიან კარგად იცის, ხმაზეც ეტყობა, ოღონდ ისეთი სახე აქვს, კეთილი და თანაგრძნობით განაზებული, იფიქრებ, ფრედრიქსონისა და სეფელტის ეშმაკობის არაფერი გაეგებაო.

„დიიიიახ,“ ამბობს ფრედრიქსონი, თუმცა წელანდელი მრისხანების და შეუპოვრობის აღარაფერი სცხია, „დიიიიახ, კარგად იქნება... ოღონდ, ძალიანაც ნუ გაამარტივებთ საქმეს, ვითომ მთავარი ის იყოს, დალია წამალი თუ არ დალია! არ იცით, როგორ დარდობს სეფი თავის გარეგნობაზე? როგორ იტანჯება – ქალები მახინჯად მთვლიანო; დილანტინი კი...“

„ვიცი,“ ამბობს ქალი და კვლავ ნაზად ეხება მკლავზე. „ვიცი, ჩვენი ბებერი სეფელტი წამალს აბრალებს თმის ცვენას.“

„არც ისეთი ბებერია...“

„ვიცი, ბრუს. ასე რატომ ნერვიულობ? ვერა და ვერ მივხვდი, მაინც რა ხდება ასეთი შენსა და შენს მეგობარს შორის, რა მიზეზით იცავ ასე თავგამოდებული?“

„კაი ბატონო, ჯანდაბას, სულერთია ყველაფერი!“ ამბობს ფრედრიქსონი და მჯიღებს ჯიბეებში იჩრის.

მთავარი ექთანი იხრება, პატარა ადგილს ასუფთავებს იატაკზე, მუხლზე დგება და სეფელტის შეკონინებას იწყებს, თუნდაც რალაც ფორმა რომ დაუბრუნოს. შავ ბიჭს ეუბნება, შენ სანყალ ბებერთან დარჩი, მე ზევიდან ბორბლებიან საკაცეს ჩამოვატანინებო; საძინებელში შეაგორეთ და აცალეთ, დღეს მთელი დღე იძინოსო. როცა ისევ ფეხზე დგება, ერთხელაც უთათუნებს ფრედრიქსონს მკლავზე ხელს, ფრედრიქსონი კი ბუზღუნებს – „ხო, დილანტინს მეც ვსვამ და ვიცი, რა დღეშიცაა სეფი. ესე იგი, რატომაც... ეეეხ, ჯანდაბას!“

„მესმის, ბრუს, რასაც განიცდით ორივე, მაგრამ არ გგონია, რომ ამას ყველაფერი სჯობს?“

ფრედრიქსონი იქით იყურება, საითაც ქალი უთითებს. სეფელტი სანახევროდ დაბრუნებია ნორმალურ მდგომარეობას, ღრმა, სველი, ხიხინა სუნთქვის რიტმში იბერება და იჩუტება. თავზე, იმ ადგილას, იატაკს რომ დაკრა, კოპი აზის; იმის ტურჩებსაც და შავი ბიჭის ჯოხსაც წითელი ქაფი მოსდებია; თვალები კი ნელ-ნელა ბუდეებს უბრუნდებიან. ხელისგულება მოტრიალებულს, ორივე ხელი იატაკზე აქვს მილურსმული და ხან შლის, ხან კეცავს თითებს – ზუსტად იმათსავით, დასაშოკში რომ მინახავს ჩემი თვალთ, ჯვარედინ მაგიდებზე დაკრულები, ელექტროდენისგან ხელისგულება ბოლებულები. სეფელტი და ფრედრიქსონი დასაშოკში არასდროს ყოფილან. ისეთნაირად არიან აწყობილები, საკუთარი ძაბვის გამომუშავების და ხერხემალში დაგროვების უნარი აქვთ; რამე თუ აურიეს, შორიდანვე ჩართავენ, სამორიგეოს ფოლადის კარებში ჩატანებული პულტიდან – იქიდანვე დააჯახებენ ეშმაკის მანქანას და წამში ისე გაახევენ, თითქოს შიგ კუდუსუნში ხიეს წიხლიო. ზევით ამათი თრევით ზედმეტად არ იწუხებენ თავს.

მთავარი ექთანი ოდნავ ანჯღრევს ფრედრიქსონის მკლავს, თითქოს ჩაეძინა და აღვიძებსო, და კითხვას ჯიუტად უმეორებს:

„გინდაც წამლის მავნე ეფექტებიც გავითვალისწინოთ, განა არ ფიქრობთ, რომ ამას მაინც ყველაფერი სჯობს?“

ქალი ისევ იატაკს დასცქერის, ფრედრიქსონს კი წარბები აუნკეპია, ვითომ პირველად ხედავს ბნედიანს, აღარ ახსოვს, როგორ გამოიყურება თვითონაც თვეში, სულ ცოტა, ერთხელ მაინც. მთავარი ექთანი ულიმის, მკლავზე ხელს უთათუნებს და კარებისკენ მიდის, თან მწვავეებს უბრიალებს თვალებს, არცხვენს – ასეთი სანახაობის საცქერად რამ მოგიყვანათო. ოთახიდან რომ გადის, ფრედრიქსონს ერთს ციებიანივით გააჟრჟოლებს, თან გალიმებას ცდილობს.

„მეც არ ვიცი, რას დავეტაკე დედიკოს... ესე იგი, იმას ვამბობ, არ გავუბრაზებიათ-მეთქი, საბაბი არ მოუცია, არა? რამ ამაფეთქა?..“

არაფერზე ეტყობა, პასუხს თუ ელოდება ვინმესგან; შეკითხვა საკუთარი საქციელის მიზეზის ხმამალაღ ძიებას უფრო ჰგავს, ხმამალალი ანალიზის მცდელობას. ისევ აჟრჟოლებს და ნელი ნაბიჯით შორდება დანარჩენებს. მაკმერფი მიყვება და ჩუმად ეკითხება, მაინც რასა სვამთო?

„დილანტინს, მაკმერფი, ანტიკონვულსანტს, თუ ძალიან გაინტერესებს!“

„და რა, არ შველის?“

„როგორ არა, შველის, თუკი დაღევ.“

„მაშინ რალა ბაზარია?! დალია, არ დაუღევია...“

„ეგრე გულით თუ გინდა, აჰა, ნახე, რა ბაზარიცაა.“ ფრედრიქსონი ქვედა ტუჩს ექაჩება, იტრიალებს, ცერს და საჩვენებელ თითს შუა იმწყდევს და დაფლეთილ, უსისხლო ღრძილებს აჩენს გრძელი, მბზინავი კბილების ქვეშ. „შეხედე ღრძილებს,“ თლიფინებს ტუჩს ჩაფრენილი, „დილანტინი ღრძილებს ალპობს. შეტევის დროს კბილები გემსხვრევა, მერე ეს და...“

იატაკიდან ხმა ისმის. ყველა აკვნესებულ-ახრიალებულ სეფელტს მისჩერებია. შავი ბიჭი ჯოხთან ერთად ორ კბილსაც ულებს პირიდან.

სქანლონს თავისი ლანგარი მაგრად ჩაუბლუჯია და ბუზ-  
ლუნ-ბუზლუნით შორდება დანარჩენებს: „ცხოვრება კი არა,  
ჯოჯოხეთია. დალევ წამალს – ჭირია, არ დალევ – უარესი. და-  
წყველილები ვართ ყველანი, ჩემი აზრი თუ გაინტერესებთ –  
საშველი არ არის!“

„მესმის შენი,“ ამბობს მაკმერფი და თან ახლად შეკონი-  
ნებულ სეფელტს არ ამორებს თვალს. იატაკზე გართხმული  
ბნედიანის არ იყოს, ნელ-ნელა იმისი სახეც მოტეხილი, გა-  
ოგნებული, დათრგუნული კაცის სახეს ემსგავსება.

სრვიცი, მექანიზმში რა მოიშალა, ოღონდ ამ დროისთვის უკვე ყველაფერი ისევ მოანესრიგეს. ისევ განახლდა უზადო, ზუსტად გამოთვლილი ჟამთასვლა: შვიდის ნახევარზე ადგომა, შვიდზე საუზმე, რვაზე – ქრონიკულებისთვის რებუსები და ბანქო მწვავეებისთვის... ვხედავ, როგორ დასრიალებენ სამორიგეოში მთავარი ექტნის თეთრი ხელები საკონტროლო პულტზე.

**ბ**ოგჯერ, არც ისე ხშირად, მწვავეებს მეც გამაყოლებენ ხოლმე. ახლაც იმათთან ერთად მივდივარ ბიბლიოთეკაში, ტექნიკურ განყოფილებაში შევდივარ, ვდგავარ და ყდებს ვათვალიერებ. განსაკუთრებით კოლეჯის დროიდან ნაცნობი ელექტრონიკის სახელმძღვანელოები მაინტერესებს. მახსოვს, ამ წიგნების ფურცლები სულ სქემებით, განტოლებებითა და თეორიებითაა აჭრელებული – მყარი, საიმედო, უხიფათო რამეებით.

მინდა, რომელიმე გადავშალო, მაგრამ მეშინია. ყველაფრის მეშინია. ისეთი გრძნობა მაქვს, თითქოს ბიბლიოთეკის მტვრიან, ყვითელ ჰაერში დავცურავ, სადღაც ოთახის შუაში, ქერსაც და იატაკსაც თანაბრად დაშორებული. ზიგ ზაგურად აზვინული წიგნები ალმაცერად დამცქერიან თავზე, ერთმანეთს ათასნაირი, უცნაური, წარმოუდგენელი კუთხით მიჯრილები. ერთი თარო ცოტათი მარცხნივ გადახრილა, სხვა – მარჯვნივ. ზოგიც წინ, ჩემკენ წამოწეულა და ვერ გამიგია, რა აჩერებს წიგნებს ადგილზე. სულ ზევით და ზევით, ქერში იკარგებიან, თვალს ეფარებიან ბიჯგებით და წვრილი ფიცრებით გამაგრებულები, კიბეებისკენ დაფერდებულები – ოთხივე მხარეს, საითაც გაიხედავ. ერთი წიგნიც რომ გამოვადრო, ღმერთმა იცის, რა უბედურება დატრიალდება.

მესმის, ვილაცეები შემოდიან; ჩვენი განყოფილების შავი ჯეელია, ჰარდინგის ცოლი მოყავს. გაღიმებულები ესაუბრებიან ერთმანეთს.

„ერთი აქეთაც მოგვხედე, დეილ,“ წიგნის კითხვით გართულ ჰარდინგს ეძახის შავი ბიჭი. „ნახე, ვინ გესტუმრა! კი ვეუბნები, ეხლა სტუმრობის დრო არ არი-მეთქი, მარა ისე მომთაფლა, უარი აღარ გამოვიდა.“ ქალს ბიბლიოთეკაში ტოვებს და გადის, ოღონდ მანამდე ასწრებს და გასაიდუმლოებული ხმით ეუბნება – იცოდე, არ დაგავინყდესო.

ქალი ჰაეროვან კოცნას ადევნებს და თეძოების თამაშ-თამაშით ჰარდინგისკენ ტრიალდება. „სალამი, დეილ.“

„ძვირფასო,“ ამბობს ჰარდინგი, თუმცა ადგილიდან ფეხს არ იცვლის, ნაბიჯსაც არ დგამს ცოლისკენ. მზერა თვალებად ქცეული პაციენტებისკენ გაურბის.

ქალი თითქმის ქმრის სიმაღლეა. მაღალქუსლიანი ფეხსაც-მელები აცვია და შავი ხელჩანთა უჭირავს, ოღონდ თასმით არა, წიგნს რომ დაიჭერ ხელში – ისე. ტყავის ჩანთის პრიალა, შავ ფონზე ფრჩხილები სისხლის წვეთებს გვანან.

„ეი, მაკ!“ კომიქსებში ჩაღრმავებულ მაკმერფის გასძახის ჰარდინგი, „ნამით ფილოლოგიურ ძიებებს თუ შეწყვეტ, ჩემს მეორე ნახევარს და ნემსიდას წარმოგიდგენ; ბანალურობას არ მოვერიდებოდი და ვიტყოდი – ჩემს საუკეთესო ნახევარს-მეთქი, მაგრამ ეს ფრაზა საფუძველშივე რალაც თანაბრის ორად გაყოფას გულისხმობს, არა?“

გაცინებას ცდილობს. ორი ნატიფი, სპილოს ძვლისფერი თითით სიგარეტს დაეძებს ჯიბეში, კოლოფიდან ფაცაფუცით იღებს უკანასკნელ ღერს. ტუჩებში მომწყვდეული სიგარეტი თრთის და ცახცახებს. ჰარდინგს და მის ცოლს ჯერ ერთმანეთისკენ ნაბიჯიც არ გადაუდგამთ.

მაკმერფი სკამიდან დგება და, ცოლ-ქმრისკენ დაძრული, გზაში ქუდს იხდის. ქალბატონი ჰარდინგი ღიმილით შესცქერის, ცალწარბაზიდული. „შუადღე მშვიდობისა, მისის ჰარდინგ!“ ამბობს მაკმერფი.

ქალი კიდევ უფრო მომხიბლავად იღიმება: „არ მიყვარს „მისის ჰარდინგი“, მაკ. იქნებ, უბრალოდ ვერა ჯობდეს?“



სამივე იმ ტახტზე ჯდება, რომელზეც წელან ჰარდინგი იჯდა და ჰარდინგიც მაშინვე მაკმერფის ამბების მოყოლას იწყებს, ცოლს უამბობს, როგორ გადარია ჩვენმა ჩემპიონმა მთავარი ექთანი, როგორ მოსვა ადგილზე; ამ საქმეში ბადალი არ ყავსო, აქებს მაკმერფის და ცოლიც ლიმილით ეუბნება – ეჭვი არ მეპარება და სრულებითაც არ მიკვირსო. ჰარდინგი ეშხში შედის, აღტაცებული ლაპარაკობს და საკუთარი ხელები ავინწყდება – ხელები იმის ცხვირწინ საკმაოდ თვალნათელ სურათებს ქსოვენ ჰაერისგან, ორ მშვენიერ, თეთრად შემოსილ ბალერინასავით ცეკვა-ცეკვით გადმოცემენ სხვადასხვა ამბავს თბრობის ტაქტში. რადაც გინდა, იმად წარმოიდგენ ჰარდინგის ხელებს; ოღონდ, ამთავრებს თუ არა თბრობას, მაშინვე ამჩნევს – მაკმერფიც და ჩემი ცოლიც ხელებზე მიყურებენო – და ხელებს იმნამსვე მუხლებშუა იმწყვედვს. თვითონვე ეცინება და ცოლი უწყრება, დეილ, როდისღა უნდა ისწავლო სიცილი, როდემდე უნდა იწრიპინო ასე თავგვივითო?

იმ პირველ დღეს მაკმერფი მაც დაახლოებით იგივე უთხრა, მაგრამ ცოლის ახლანდელი ნათქვამი მაინც ამკარად სხვაა; მაკმერფის სიტყვებმა მაშინ ჰარდინგი დაანყნარა, ქალის შენიშვნა კი რაღაც უჩვეულოდ ანერვიულებს.

ქალი სიგარეტს ითხოვს. ჰარდინგი ისევ აფათურებს ხელს ჯიბეში, მაგრამ ჯიბე ცარიელია. „რაციონი დაგვინიშნეს, ლიმიტი...“ უხსნის ცოლს, თან თხელ მხრებს იწურავს, თითქოს უკვე სანახევროდ მოწეული სიგარეტის დამალვას ცდილობს. „დღეში თითო კოლოფი. ჰოდა, ჩემო ძვირფასო ვერა, რაინდობას მაინცდამაინც ველარ ვახერხებთ... არ გვყოფნის მარაგი.“

„კარგი ერთი, დეილ! ნეტა როდის ახერხებდი?“

ჰარდინგი ცბიერი, გაეშმაკებული თვალებით ულიმის ცოლს. „სიმბოლურად ვლაპარაკობთ, თუ ჯერაც კონკრეტულ, ამნამიერ სიგარეტს ვგულისხმობთ? თუმცა, სულერთია, რასაც არ უნდა გულისხმობდე, პასუხი ნებისმიერ შემთხვევაში ცნობილია.“

„რაც ვთქვი, ის ვთქვი, დეილ; სხვა არც არაფერი მიგულისხმია...“

„არაფერი მიგულისხმია-თქო, საყვარელო; „არც“ და „არა-ფერი“ – უკვე ორმაგი უარყოფაა, სრულიად ზედმეტი და უსარ-გებლო. მაკმერფი, ვერას ინგლისური, უნიგნურობის თვალსაზ-რისით, ღირსეულ მეტოქეობას გაუწევს შენსას. აბა, დაფიქრდი, სულზე უტკბესო: „არც“ თავისთავად უკვე ნიშნავს „არაფერს“...“

„კარგი! გეყოფა! სხვა რამეც ვიგულისხმე. როგორც გაგი-ხარდება, ისე გაიგე. სულ ჯიბეგაფხეკილი ხარ-მეთქი, მინდოდა მეთქვა; არასდროს არაფრის მარაგი არ გყოფნის-მეთქი.“

„არასდროს არ გყოფნის კი არა, არასდროს გყოფნის – ჩემო პატარა, ნიჭიერო გოგონა!“

ქალი სულ ერთი წამით ბრაზიანად უცქერის ჰარდინგს, მე-რე მაკმერფისკენ ტრიალდება. „შენ, მაკ, შენ რას იტყვი? შენ-თვისაც ძნელი საქმეა მანდილოსნის სიგარეტით გამასპინ-ძლება?“

სიგარეტის კოლოფი მაკმერფის მუხლზე უდევს, მაგრამ ისეთი სახით დასცქერის, თითქოს ნატრობს – ნეტა სულ არ მქონდესო. „არა, რა თქმა უნდა... მე სიგარეტი ყოველთვის მო-მეძებნება,“ ამბობს ცოტა ხნის მერე. „ოღონდ, ბუნებით მათხო-ვარი ვარ და იმიტომ. საცა გამივა, ყველგან ვმათხოვრობ, ამიტომ მიძღებს სიგარეტი ჰარდინგზე დიდხანს. ჰარდინგი მარტო თა-ვისას ეწევა. უფრო მალეც უთავდება... ეგრეა.“

„ჩემი უნდილობისთვის შენ ნუ ბოდიშობ, მეგობარო. ბო-დიშები არც შენ გიხდება და ვერც მე მშველის.“

„ნამდვილად ვერ გშველის,“ ამბობს ქალი. „მომიკიდე მაინც!“

ისე იხრება ასანთისკენ, ოთახის მეორე ბოლოდანაც კი მშვენივრად ვხედავ იმისი უბის ბარაქას.

მერე ცოტა ხანს ჰარდინგის ვილაც მეგობრებზე ლაპარა-კობს, ჰარდინგს ებუზღუნება – აღარ შეწყვეტენ ჩემს სახლთან წანწალს და შენი ამბის კითხვასო? „იცნობ არა, ეგეთ ტიპებს, მაკ?“ ეკითხება მაკმერფის. „გამოწკეპილებს, კოხტად კულუ-ლებდავარცხნილებს, ლამაზად რომ აიქნევენ ხოლმე ჰაერში ნვრილ, სუსტ მაჯებს?“ არა მგონია, მარტო ჩემი ამბის საკითხა-

ვად დაიარებოდნენო, – ეუბნება ჰარდინგი. აბა, ჩემს სანახავად მოსულები სხვა რამეს იქნევენო, – პასუხობს ცოლი.

მერე უცებ დგება და გავიქეცი, მეჩქარებო, – აცხადებს. მაკმერფის ხელს ართმევს, იმედი მაქვს, კიდეც შევხვდებითო, ენაზეა და ბიბლიოთეკიდან გადის. მაკმერფის ენა ჩავარდნია. მაღალი ქუსლების პაკიპუკზე ყველა ისევ მაღლა სწევს თავს და მანამდე აყოლებენ დერეფანში მიმავალს თვალს, სანამ საბოლოოდ არ გაუჩინარდება.

„რას იტყვი?“ მაკმერფის ეკითხება ჰარდინგი.

მაკმერფირინდიდან გამოდის. „ჯიგრები ნალდად ჯამრთელი აქს,“ სხვა ვერაფრის თქმას ვერ ახერხებს, „ჩვენ ბებერ ლედი რეჩედს ტოლს არ დაუდებს.“

„ფიზიკურ მხარეს არ ვგულისხმობდი, ჩემო მეგობარო. მე გეკითხები, რას...“

„თუ ძმა ხარ, ჰარდინგ!“ მოულოდნელად ყვირის მაკმერფი. „რა ვიცი, რას ვიტყვი?! რა გინდა ჩემგან? მაჭანკლობა? მე მარტო ერთი რამე ვიცი: მაინცდამაინც დიდი ისედაც არავინაა, არადა, თითქოს ყველას დანარჩენების დაგლეჯა და დაკნინება გაუხდია ცხოვრების მიზნად. ვიცი, რაც გინდა ვთქვა; გინდა შემეცოდო, გითხრა – ნალდი კახპაა-მეთქი! კაი ბატონო, მარა შენ როდის აგრძნობინე თავი დედოფლად? „რას იტყვი?“ გადი, გადაშენდი! ვითომ ჩემი სადარდებელი არ მყოფნის, ეხლა შენიც რო არ ავიკიდო! ხოდა, მოკეტე!“ გაბრაზებული ათვალეერებს ბიბლიოთეკას, დანარჩენ პაციენტებს. „ყველამ! ყველამ მოკეტეთ და შემემშვით, არ გამიხურეს საქმე?!“

ისევ იფხატებს თავზე ქუდს და კომიქსებს უბრუნდება ოთახის მეორე ბოლოში. გაშტერებულ მწვავეებს პირები დაუფრენიათ. რას ყვირის, რო ყვირის? ნეტა ვინ გაუხურა? არც აღარაფერი უთხოვია ვინმეს მას მერე, რაც გაიგეს – დღეიდან ჭკვიანად მოიქცევა, იძულებითი მკურნალობის ვადა რომ არ გაუგრძელონო. უკვირთ, როგორ გადაუარა ჰარდინგს და ვერც იმას მიხვდარან, ასე გიჟივით რას დააფრინდა სკამზე მიგდებულ წიგნს,

რას ჩარგო შიგ ცხვირ-პირი – სხვებს უნდა დაემალოს თუ თვითონ აარიდოს ყველას თვალი.

თუმცა იმ სალამოსვე, ვახშამზე, ჰარდინგს ბოდიშს უხდის და ეუბნება, არ ვიცი, რა ბზიკა მიკბინა ბიბლიოთეკაშიო. ჰარდინგი პასუხობს – შეიძლება, ჩემმა ცოლმაო; ხშირად აგიჟებს ეგრე ხალხსო. მაკმერფი თავჩაქინდრული ზის, ყავის ფინჯანს ჩასჩერებია. „არ ვიცი, ძმაო,“ ამბობს ბოლოს, „შენი ცოლი დღევანდლამდე თვალით არ მინახია. ბოლო კვირის საზიზღარ სიზმრებს იმას ნაღდად ვერ დავაბრალებ.“

„კი, მაგრამ, მის-თაჰ მაკმერფი,“ ყვირის ჰარდინგი, შეკრებებზე დამსწრე ახალგაზრდა, გაფსხნიკულ ექიმს ბაძავს ხმით. „თქვენც ადექით და უბრალოდ გვიამბეთ თქვენი სიზმრები! ერთი წუთით, ფანქარს და ბლოკნოტს მოვიტან.“ ხუმრობას ცდილობს, ვითომ მაიმუნობს, ოღონდ როგორმე მაკმერფის ბოდიშით გამონვეული დაძაბულობა გააქარწყლოს. კოვზს და ხელსახოცს იღებს მაგიდიდან და ისე იჭერს ხელში, თითქოს მართლა რალაცის ჩაწერას აპირებს. „აბა! უფრო გასაგებად მითხარით. მაინც რას ხედავთ იმ – ხოოო – სიზმრებში?“

მაკმერფი ზრდილობისთვისაც არ იღიმება. „არ ვიცი, ძმაო. მგონი, მარტო რალაც სახეებს. სახეების მეტს – არაფერს.“

მეორე დღით მარტინი აბაზანაში საკონტროლო პულტთან დგას და თამაშობს – ვითომ რეაქტიული სამხედრო თვითმფრინავის პილოტია. იმის სისულელეებზე ყველას ეცინება და წამით პოკერს თავს ანებებენ.

„ეეეეააჰოოოომეერრრ. ბაზა ვარ. ბაზა ვარ: ობიექტი გამოჩნდა. ოთხი-ნოლი-თექვსმეტი-ასი. მტრის რაკეტას გავს. სრული მზადყოფნა! ეეეეააჰოოოომმმ...“

ციფერბლატს ატრიალებს, ბერკეტს ექაჩება და თვითონაც წინ იხრება, თვითმფრინავთან ერთად დაფერდებული. ისარს „მაქსიმუმზე“ აყენებს, მაგრამ კაფელის ოთხკუთხა კაბინაში გაყვანილი დრეკადი მილებიდან წვეთი წყალი არ გადმოდის. ჰიდ-

როთერაპიას უკვე აღარ იყენებენ და წყალიც გადაკეტილია. ახალ-თახალი, მოქრომილი მოწყობილობა და ფოლადის პულტი არასდროს უხმარიათ. ქრომი რომ არა, პულტიც და შხაპიც ზუსტად ისეთივეა, როგორც ჰიდროთერაპიის თხუთმეტი წლის წინანდელი, ძველ კორპუსში დარჩენილი დანადგარები: დრეკადი მილებით ქავლი სხეულის ნებისმიერ ნაწილს წვდება კაბინის ოთხივე კუთხიდან, რეზინისწინსაფრიან ტექნიკოსს ოთახის მეორე ბოლოდან შეუძლია პულტზე რეგულატორების მართვა: საით მიუშვას წყალი, რა ძალით, რა ტემპერატურით. ქავლი თავიდან რბილია და დამამშვიდებელი, მერე ბასრი ხდება და ნემსებივით იჩხვლიტება: კიდიხარ ტილოს თოკებით მილებს შორის, დამბალი, მოღვენთილი, მოჭმუჭნილი, ტექნიკოსი კი თავისი სათამაშოთი ერთობა...

„ეეეააოოოოოომმმმ... ბაზა, ბაზა: რაკეტა გამოჩდა; ჩემ ზონაში შემოდის...“

მარტინი იხრება, დახვეულ შლანგებში იჭყიტება და რაღაცას იღებს მიზანში. ცალ თვალს მაგრად ხუჭავს.

„არის მიზანი! მზად ვარ... ყურადღება... ცეცხ...“

დამდულრულივით იღებს ხელებს პულტიდან, ნელში სწორდება: თმა აფოფრია, თვალეზგადმოკარკლული მიშტერებია შხაპის კაბინას და ისეთი დამზაფრავი შიში აწერია სახეზე, ბანქოს მოთამაშეებიც ტრიალდებიან სკამებზე და ისინიც ცდილობენ რაღაცის დანახვას, თუმცა ვერაფერს ხედავენ მილებს შორის უხეში ახალი ტილოს თოკებზე ჩამოკონწიალებული ბალთების გარდა.

მარტინი მაკმერფის მისჩერებია. სხვას არავის იმჩნევს. „ვერ დაინახე? ვერა?“

„რა, მარტ? რა უნდა დამენახა?“

„იმ თოკებში? ვერაფერი დაინახე?“

მაკმერფი ალმაცერად იყურება შხაპისკენ. „ვერაჰ. ვერა-ფერი...“

„ერთი წუთი ეგრე იჯექი. აუცილებლად უნდა დაინახო, იმათ ჭირდებათ...“ ამბობს მარტინი.

„ნადი, კოჭი გააგორე, მარტ! გეუბნები – ვერა ვხედავ-მეთქი! გაიგე? არ არი არაფერი...“

„ოოოჰ,“ ოხრავს მარტინი და თავჩაქინდრული კაბინისკენ ზურგით ტრიალდება. „კაი, ბატონო. არც მე დამინახია. გეხუმრებოდი.“

მაკმერფი ტკაცანით ქრის კარტს და არიგებს. „ხოოო, ეგეთი ხუმრობა მაინდამაინც არ მევასება, მარტ.“ დარიგებას აგრძელებს და უცებ დასტა მთელ ოთახში ისეთი ძალით იფანტება, თითქოს აცახცახებულ ხელებში აუფეთქდაო.

მ ახსოვს, მაშინაც პარასკევი იყო, კენჭისყრიდან სამი კვირის თავზე; ყველა, ვისაც სიარული შეგვეძლო, პირველი კორპუსისკენ გაგვრეკეს, როგორც აგვიხსნეს, ვითომ გულმკერდის გასაშუქებლად, ტუბერკულოზზე გამოსაკვლევად, არადა ვიცოდი, სინამდვილეში იმის გაგება უნდოდათ, ჩამონტაჟებული მექანიზმები წესიერად მუშაობდნენ თუ არა.

დაბალ სკამზე ვსხედვართ, სათადარიგო კალათბურთელებივით. გრძელი დერეფანი ერთ მხარეს რენტგენის კაბინეტით ბოლოვდება, კაბინეტის გვერდით კიდევ ერთი კარია, „ოტოლარინგოლოგი“ ანერია. აქ ზამთრობით მოვყავართ ხოლმე და ყელ-ყურს გვისინჯავენ. მოპირდაპირე კედლის გასწვრივაც დგას ზუსტად ჩვენნაირი სკამი, სკამის გვერდზე კი ის ლითონის კარია. მოქლონებიანი. უნარწერო. იმ სკამზე აქეთ-იქიდან შავ ბიჭებს შუა მომწყვდეული ვილაც ორი პაციენტი თვლემს, მესამეს უკვე ოთახში „მკურნალობენ“ – იმის კივილი მესმის. მერე კარი შიგნით, ხენეშით იღება და ოთახში მოციმციმე ნათურებს ვხედავ. ჯერაც აბოლებულ მსხვერპლს დერეფანში მოაგორებენ. მაგრად, მთელი ძალით ვებლაუჭები სკამს, მეშინია, იმ ოთახმა არ შემისრუტოს. შავი ბიჭი და ერთ-ერთი პაციენტი მეორეს ძალით აყენებენ სკამიდან, ის ბარბაცებს და თავს ძლივს იმაგრებს წამლებით გაბრუებული. შოკის წინ, როგორც წესი, წითელ კაპსულას გაყლაპებენ. კარისკენ უბიძგებენ და ტექნი-

კოსებიც მაშინვე მკლავებში აფრინდებიან. წამით ვხედავ, სა-  
ცოდავი უკვე მიმხვდარა, სად მოუყვანიათ და გადალიანებას  
აპირებს, ქუსლებს არჭობს ცემენტის იატაკს, იქნებ მაგიდამდე  
ვერ მიმათრიონო, მერე კარი იკეტება, ლითონი შხუილით ეფ-  
ლობა ბამბის სქელ ლეიბში და ველარაფერს ვხედავ.

„იქ რალა ხდება, ძმაკაც, იმ ოთახში?“ ჰარდინგს ეკითხება  
მაკმერფი.

„იქ? შენ რა, მართლა არ იცი? თუმცა ეგ სიამოვნება ჯერ არ  
გამოგიცდია. სამწუხაროა. მაგ გამოცდილების გარეშე ცხოვ-  
რებას ფასი არა აქვს!“ ჰარდინგი თითებს კეფაზე იჭდობს და  
უკან თავგადაგდებული შეცქერის კარს. „ეს შოკის ოთახია, ამას-  
წინათ რომ გეუბნებოდი – ეშთ: ელექტროშოკური თერაპია. აქ  
მოხვედრილ ბედნიერებს მთვარეზე უფასო მოგზაურობის შან-  
სი ეძლევათ. ისე, ჩვენში დარჩეს, მთლად უფასოც არ ეთქმის.  
ფულის მაგივრად მომსახურებაში ტვინის უჯრედებს იხდი; ეგ  
უჯრედები კი მილიარდობით გვიდევს ანგარიშზე. მაინც დამა-  
ინც არ დავზარალდებით.“

შუბლშეჭმუხნილი აკვირდება მოპირდაპირე სკამზე მარტო  
დარჩენილ პაციენტს. „კლიენტურა შეთხელებიათ, სადღაა უწინ-  
დელი რია-რია და თავ-პირის ლენვა. რას იზამ, c'est la vie – ყველა  
ახირებას გასდის ბოლოს ყავლი. ვშიშობ, ეშთ-ს მზის ჩასვენების  
მომსწრენი ვხდებით. არადა, ჩვენი ძვირფასი მთავარი ექთანის  
ერთ-ერთი უპირველესია იმ მცირერიცხოვან მკურნალთა შორის,  
ვინც თავგამოდებით იცავს გონამღვრეულთა წამლობის  
ძველთაძველ ფოლკნერულ ტრადიციას: ტვინის გადაბუგვას!“

კარი იღება. დასაშოკიდან ზუზუნით მოგორავს ბორბლე-  
ბიანი საკაცე, თუმცა ხელს არავინ არ კრავს. მთელი დერეფნის  
გაბოლვას ასწრებს, სანამ ორ ბორბალზე შემდგარი კუთხეში  
შეუხვევს და გაუჩინარდება. მაკმერფი თვალს არ ამორებს, რო-  
გორ შეყავთ ოთახში ბოლო პაციენტიც და ისევ კეტავენ კარს.

„ესე იგი...“ მაკმერფი ცოტა ხანს რალაცას უგდებს ყურს. „ესე  
იგი, შეაბრძანებენ ჩიტუნას და თავში ელექტრონს უტარებენ?“



„თუკი მოვლენის ქვეშეშე არსს ძალიან შეკუმშულად გადმოვცემთ, ნამდვილად ასეა.“

„და რა ეშმაკებად ჭირდებათ?“

„როგორ თუ რაში სჭირდებათ?! ცხადია, პაციენტის საკეთილდღეოდ. აქ რაც კეთდება, ყველაფერი პაციენტის კეთილდღეობას ემსახურება. მხოლოდ ჩვენი განყოფილების მიხედვით თუ იმსჯელებ კაცი, ზოგჯერ შეიძლება მოგეჩვენოს, საავადმყოფო ერთი დიდი, უშველებელი, ანცობილი მექანიზმია და თავისთავად ფუნქციონირებასაც შესანიშნავად მოახერხებდა, პაციენტი, ზოგადად ვამბობ, რომ არ უშლიდეს ხელსო. ოღონდ სინამდვილეში მთლად ასეც არ არის საქმე. მართალია, ჩვენი მის რეჩედი ძირითადად ამისთვის იყენებს, მაგრამ შემთ-ს მარტო დამსჯელობითი ფუნქცია კი არ ეკისრება! გგონია, მხოლოდ პერსონალის ნმინდა სადისტური მიდრეკილებების დაკმაყოფილებას ემსახურება? არა, გენაცვალე. იცი, რამდენი გადადებული მოაბრუნა შოკმა სააქაოს? ბევრს უშველა, ბევრს, როგორც ლობოტომიამ ანდა ლეიკოტომიამ... შოკურ მკურნალობას გარკვეული უპირატესობებიც ახასიათებს: იაფია, სწრაფი, სრულიად უმტკივნეულო. ერთი ეგაა, კრუნჩხვებს ინვევს.“

„ეს ცხოვრებაა?“ ოხრავს სეფელტი. „ზოგს შეტყევების შესაჩერებლად აბებს აყლაპებენ, ზოგსაც დენს უერთებენ შეტყევის გამოსანვევად.“

ჰარდინგი უფრო ახლოს იხრება მაკმერფისკენ, სეფელტის ნათქვამი უნდა აუხსნას. „ყველაფერი ასე დაიწყო: ორი ცნობილი ფსიქიატრი სასაკლაოს ესტუმრა, ღმერთმა იცის, რა ჟინმა მოუარა ან ერთს, ან მეორეს, ოღონდ კარგა ხანს კი იდგნენ და დიდი ინტერესით შესცქეროდნენ, როგორ უბათქუნებდნენ თვალბშორის უშველებელ უროს და როგორ ხოცავდნენ საქონელს. ისიც კარგად შეამჩნიეს, უროს დარტყმით ყველა პირუტყვი მაშინვე არ კვდებოდა, ზოგი ძირს ენარცხებოდა და ზუსტად ბნედიანივით იწყებდა კრუნჩხვას. „ააა, ჯი!“ უთქვამს ერთ ღვანღმოსილ დასტაქარს მეორისათვის. „აი, ეზარიზ ზუმ-

ტად იმ, რაჩ შვენს პაჩიენტებშ შჩირდებათ – ხელოვნური შე-  
თევა!“ რასაკვირველია, კოლეგაც დაეთანხმა. მაშინ უკვე ცნო-  
ბილი გახლდათ, რომ ეპილეფსიური კონვულსიების შემდეგ  
ავადმყოფები ცოტა ხანს წყნარდებოდნენ და მშვიდდებოდნენ,  
განსაკუთრებით შმაგებიც კი – ვისთან უბრალო კონტაქტის  
დამყარებაც კი უკიდურესად ჭირდა – სწორედ კონვულსიების  
შემდეგ, გარკვეული პერიოდი, სავსებით დალაგებულად ლა-  
პარაკობდნენ. მიზეზი ვერავინ ახსნა; ვერც ახლა ახსნის ვინმე.  
არადა, ამკარად ჩანდა – თუ მსგავსი კრუნჩხვების არაეპილეპ-  
ტიკებში გამოწვევაც მოხერხდებოდა, შედეგად დიდი წარმა-  
ტება იყო მოსალოდნელი. მით უმეტეს, დასტაქართა თვალწინ  
იდგა ცოცხალი კაცი, რომელიც ლამის ყოველ ნუთში ერთხელ  
და თან საოცარი აპლომბით ინვევდა ფეთქებად კრუნჩხვებს  
საცოდავ პირუტყვებში.“

ფეთქებადი რა შუაშია, მე მეგონა, სასაკლაოებზე უროს  
ხმარობდნენ და არა ყუმბარებსო, – ამბობს სქანლონი, მაგრამ  
ჰარდინგი იმის ნათქვამს აინუნშიც არ აგდებს, გამოცოცხლე-  
ბული, თავის ისტორიულ ექსკურსს აგრძელებს.

„ყასაბი ნამდვილად უროს ხმარობდა. და კოლეგასაც სწო-  
რედ უროსთან დაკავშირებით გაუჩნდა გარკვეული შენიშვნები.  
მოგეხსენება, ადამიანი ძროხისგან ცოტათი განსხვავდება.  
უროს ტარიც შეიძლება ხელიდან გაგისხლტეს, შეიძლება ვინმეს,  
შორიახლოს მდგომს, ცხვირ-პირი გაუჩეჩქვო ანდა ოცდათორ-  
მეტივე კბილი დააყრევინო... დანტისტის ხელობის საყოველთაო  
სიძვირის პირობებში მართლა მძიმე დღეში ჩავცვივდებოდით.  
მოკლედ, ეს ჩვენი დასტაქრები თუ სერიოზულად აპირებდნენ,  
ადამიანისთვისაც დაეკრათ თავში, რამე უროზე უფრო საიმედო  
და მოსახერხებელი უნდა ეპოვათ. იფიქრეს, იფიქრეს და ბოლოს  
არჩევანი ელექტრობაზე შეაჩერეს!“

„უფალო იესო ქრისტე! მაგარი რამე მოუფიქრებიათ... კი  
მარა, ყაყანი არავინ ატეხა? პარტიებმა, ორგანიზაციებმა?..“

„არა მგონია, მთლად კარგად იცნობდე ჩვენს საზოგადო-

ეხას, მეგობარო. ამ ქვეყანაში რამე თუ გაფუჭდა, შეკეთების უსწრაფესი გზა ავტომატურად საუკეთესოდაც ითვლება.“

მაკმერფი შეფიქრიანებული აქნევს თავს. „ჩემი კარგი!.. ელექტრონი თავში... ეგ იგივეა, გინდა მკვლელი ელექტრონის სკამზე დაგისვია.“

„სხვათა შორის, ორივე ამ ღონისძიების მიზანი გაცილებით უფრო მჭიდროდაა გადაჯაჭვული, ვიდრე შენ გგონია; ერთიც მკურნალობაა და მეორეც.“

„მაიცა და, მტკივნეული არ არიო?“

„პირადად ვიძლევი გარანტიას. სრულიად უმტკივნეულოა. ერთს გაიელვებს და იმნამსვე კარგავ გონებას. არავითარი გავი, არავითარი ნემსი, არავითარი ყასბის ურო... სრული და აბსოლუტური გაუტკივარება. ოღონდ საქმე ისაა, მეორეჯერ ამის განცდის მსურველს სანთლით ვერ იპოვი. კაცი რალაცნაირად... იცვლები! რალაც-რალაცებები გავინყდება. თითქოს...“ საფეთქლებზე ხელებს იჭერს და თვალებს ხუჭავს. „თითქოს დენის დარტყმისთანავე ირთვება გიჟური კარუსელი – სახეების, ემოციების, მოგონებების. ალბათ შენც გინახავს ეგეთი კარუსელები: ატრაქციონისტი ფულს გამოგართმევს, ღილაკს თითს დააჭერს და – ნავიდააა! მუსიკის, სინათლეების, ციფრების მორევი ტრიოლებს და ტრიოლებს, თავბრუსხვევამდე, გულისრევამდე... თუ ბედმა გაგიღიმა და შენს ციფრზე გაჩერდა, რამეს მოიგებ, არადა წააგებ და ხელახლა ცდი ბედს. გადაუხადებ იძიას ფული და სცადე თავიდან! გადაუხადე!“

„კარგი, ჰარდინგ, დაწყნარდი!“

კარი ისევ იღება, ბორბლებიანი საკაციტ ბოლო პაციენტიც გამოყავთ და ტექნიკოსები ყავის დასალევად მიდიან. მაკმერფი ქეროს იფხანს. „ეტყობა, ამ ამბების მიხვედრას ჩემი ჭკუა არ ეყოფა.“

„რაზე ამბობ, მოკურ თერაპიაზე?“

„ხო. არა, მარტო მაგაზეც არა... საერთოდ...“ ხელით წრეს ხაზავს ჰაერში. „რაც ხდება...“

ჰარდინგი მუხლზე ადებს ხელს. „დაინყნარე ალგზნებული გონება, მეგობარო. ისეთი პირი უჩანს, ეშთ-ზე აღარ უნდა ინერვიულო. ეტყობა, უკვე გავიდა მოდიდან და უკიდურეს შემთხვევებშიღა იყენებენ, როცა სხვა გამოსავალი არ რჩება. ლობოტომიის არ იყოს.“

„ეგ რომელია? ნანილ-ნანილ რო გაჭრიან ტვინს?“

„ამჯერადაც სწორი ბრძანდები. ძალიან უცებ გაინაფე აქაურ ჟარგონში. დიახ, ტვინის ამოჭრა! წინა ნანილის კასტრაცია. წელს ქვევით თუ ვერაფერს დაგაკლებს, წარბებს ზევით ჭრა-კერვით მაინც მოიხებებს გულს...“

„რეჩედზე ამბობ?“

„რასაკვირველია.“

„არ მეგონა, ეგეთ საქმეებშიც ექთნის ჭკუაზე თუ ივლიდნენ.“

„კი დადიან და...“

მაკმერფის, როგორც ჩანს, შოკის და ლობოტომიის თემის ამონურვა სიამოვნებს და ხალისით იწყებს ისევ მთავარ ექთანზე საუბარს. შენი აზრით, მაინც რა ჯანდაბა ჭირს ეგეთიო, – ეკითხება ჰარდინგს. ჰარდინგს, სქანლონს და ზოგიერთ სხვასაც ამ საკითხთან დაკავშირებით ათასნაირი მოსაზრება აქვთ. ცოტა ხანს საქმიანად მსჯელობენ, მართლა მის რეჩედია თუ არა ყველა აქაური უბედურების თავი და თავიო – და ჰარდინგი ასკვნის, კი, ძირითადად ასეაო. დანარჩენებიც ასე ფიქრობენ, მაკმერფის კი უკვე ეჭვი შეპარვია. ერთ დროს მეც ეგრე ვფიქრობდი, მაგრამ ეხლა აღარ ვიციო, აღიარებს. თავიდან რომც მოგვაშორონ, არა მგონია, დიდი შვება ვიგრძნოთო; რაღაც უფრო დიდი და მნიშვნელოვანია მთელი ამ დომხალის მიზეზიო... დიდხანს ლაპარაკობს, იმ სხვა მიზეზის პოვნას ცდილობს ხმამაღლა, მაგრამ, როცა თავისი ეჭვების ხეირიანად ახსნას ვერ ახერხებს, ბოლოს ისიც ჩუმდება.

ჯერ წესიერად თვითონაც არ იცის, ჯერ ვერ გაუაზრებია, მარტო ტანი უგრძნობს იმას, რასაც მე დიდი ხნის წინ მივხვდი: ცხადია, თავისთავად მთავარი ექთანი კი არაა დიდი უბედურება,

არამედ კომბინატი, მთელი ქვეყნის მომცველი და მართლა ანგარიშგასანევი ძალა. მთავარი ექთანი უბრალოდ ამ ურჩხულის ერთი მაღალკვალიფიციური მოხელეა და სხვა არაფერი.

ბიჭები მაკმერფის არ ეთანხმებიან. ამბობენ, როგორ, ჩვენ არ ვიცით, ვინც გვიშრობს სისხლსო, და ისევ ცხარე კამათს იწყებენ. იქამდე კამათობენ, სანამ მაკმერფი უცებ არ აყვირდება.

„თქვენ რო გისმინოთ კაცმა, მართლა დაუსტვენს,“ ცხარობს მაკმერფი. „სულ ჩაგვრა, ჩაგვრა და ჩაგვრა გაკერიათ პირზე! რეჩედი გვჩაგვრავსო, პერსონალიო, საავადმყოფოო... აი, სქანლონს ყველაფრის აფეთქება უნდა. სეფელტი წამლების მომგონს აგინებს. ფრედრიქსონი – ოჯახისას. ეგრე ადვილია, ძმაო, მარტო სხვების დადანაშაულება!“

თქვენი მთავარი ექთანი ერთი ჩვეულებრივი, ცივისსხლიანი დედაბერია და ტყუილად გინდათ, რქებით დამაჯახოთო; ეგ ხეირს არავის დააყრის, მით უმეტეს – მეო. ქალისგან გათავისუფლება მთელი ამ ჩაგვრის გამომწვევი ნამდვილი, უჩინარი წყლულისგან ვერ განგკურნავსო.

„მართლა ასე ფიქრობ?“ ეკითხება ჰარდინგი. „მაშინ კარგი, რაკი სულიერი ჯანმრთელობის საკითხებში ამდენად გათვითცნობიერდი, ისიც აგვისხენი, მთავარი პრობლემა რა არის? რა სახელი ჰქვია იმ, როგორც ხატოვნად ბრძანე, უჩინარ წყლულს?“

„აბა რას გეუბნები, ძმაკაც, არ ვიცი-მეთქი! აქაურობის მსგავსი ჯერ ცხოვრებაში არაფერი მინახია.“ ცოტა ხანს გაუნძრევლად ზის, რენტგენის კაბინეტიდან გამომავალ ბზუილს უსმენს. „ოლონდ, რასაც შენ ამბობ, იმის მეტი თუ მართლა არაფერია, თუ მართლა ეგ ბებერია ყველაფრის თავი და თავი, მაგისი სექსუალური სადარდებლები, მაშინ ერთი გადაგეყვანათ ჰარტერში, გეცათ პატივი და მოეველებოდა ყველაფერს. არა რო?“

სქანლონი ტაშს უკრავს. „არ გაართყა ათიანში?! სწორია, მაკ! ჩათვალე, რო შენი კანდიდატურა ერთხმად გავიდა. შენა ხარ ამ საქმის დიდოსტატი. ნამდვილად!“

„მე არა... დიდი მადლობა. მისამართი შეგეშალათ.“

„რატომაც არა? რაც შენ იტრაბახე! მეგონა, აწყვეტილი ბულა იყავი.“

„სქანლონ, ძმაო, მე კაი ხანია დავიგინე, იმ ბებერ სვავს საერთოდ სათოფეზე აღარ გავეკარო.“

„შეგატყვე, ხომ იცი!“ ღიმილით ეუბნება ჰარდინგი. „ვიფიქრე, გუგულებივით იყვნენ და რა შავმა კატამ გაურბინათ-მეთქი? ისე, კუთხეში კი გყავდა უკვე მიმწყვდეული; არ უნდა გაგეშვა. რა მოხდა, უცებ თანაგრძნობით განიმსჭვალე ჩვენი მფარველი ანგელოზის მიმართ?“

„არა, უბრალოდ რალაც-რალაცეები გავარკვიე. გავიკითხე გამოვიკითხე. ისიც გავიგე, რატო უკოცნით დიდ ლოყას მონდომებით, რატო ეგლისებით და ფეხქვეშ რატო ეგებით. მეც დაეჭვიანდი და მივხვდი, რა შარშიც მხვევდით, ძებო!“

„მართლა? საინტერესოა.“

„საინტერესო და ეგრე?! მეც ძაან მაინტერესებს, ქლიავებო, რატო არ გამაფრთხილეთ, ცეცხლს ეთამაშებო? რატო არ მითხარით, ძალიანაც ნუ გაუთამამდები და ნუ გაუშინაურდებიო? კი, მაგრა არ მევასება, მარა მართო მაგიტომ ამ კურორტზე ერთი წლით დარჩენას ნაღდად არ ვაპირებ! ხანდახან კაცმა წყენა უნდა ჩაყლაპო კიდეც, რალაცეებზე თვალი დახუჭო, სიამაყესაც მიაფურთხო... ჯერ თავო და თავოო – არ გაგიგიათ?“

„მეგობრებო, არ გეჩვენებათ, რომ იმ ქორებს, მისტერ მაკმერფი დადგენილ წესებს მხოლოდ იმიტომ შეეგუა, დროზე ადრე გათავისუფლების შანსი არ გაუშვას ხელიდანო, რეალური საფუძველი გააჩნია?“

„შენც მშვენივრად იცი, რაზეც ვლაპარაკობ, ჰარდინგ! რატო არ მითხარი, იმდენ ხანს შეუძლია აქ გაყურყუტოს, სანამ ბოლომდე ყოფას არ გიტირებსო?“

„უკაცრავად, დამავინყდა, აქ იძულებით რომ მოგათავსეს.“ ჰარდინგს ნაძალადევი ღიმილი სახეს უბზარავს. „დიახ, მისტერ მაკმერფი, თქვენ ნამდვილად დაბრძენებულხართ, არც ერთ ჩვენგანს აღარ დაგვიდებთ ტოლს.“

„არა, ბიჭო! არა, ისე, მაინცდამაინც სუ მე რატო უნდა ვმდგარიყავი წინა რიგში? თქვენ რალაც სირობებზე ნუნუნებდით – კარს ნუ გვიკეტავთო, სიგარეტს ნუ გვამადლითო – და მეც ყველას მაგივრად ვიჭაჭებოდი! ან თავიდან რას მომცვივდით, გვიშველე, გვიხსენიო... რომელი მესია მე მნახეთ? კიდე კაი, დროზე მოვკარი ყური, აქ საბოლოოდ ექთნები წყვეტენ, ვინ გაუშვან და ვინ დატოვონო. აი, სწორედ მაშინ დავბრძენდი! მივხვდი, მომატყუეს ამ შებერტყილმა ნაბიჭვრებმა, მახვეტინეს თავიანთი ნაგავი-მეთქი. არა, მართლა როგორია – არიფივით გაცუცურაკებული რ. პ. მაკმერფი! ხურავს!“ თავს უკან აგდებს და სკამზე ჩამოსკუპებულებს ტკბილად გვიღიმის. „კარგი, ხო, არ გენყინოთ, პირადად არავინ მიგულისხმია. მოვრჩეთ ბაზარს. აქედან დროზე დახვევა მეც ისე ძაან მინდა, როგორც თქვენ ყველას. ბებერი სვავის გაღიზიანებით ვერავინ ვერაფერს მოვიგებთ.“

იღიმება, თვალს ეშმაკურად გვიპაჭუნებს, ჰარდინგს ნეკნებში ცერს წაკრავს – ვითომ, მოთავდა გაუგებრობა, გულში არავის არაფერი ჩარჩენიაო – და ამ დროს უკვე ჰარდინგი ამბობს:

„არა, მაკ, არა. შენ ჩემზე გაცილებით მეტს ნააგებ, მეგობარო.“

ჰარდინგიც იღიმება, გაცეცეებული, დამფრთხალი, ჟინიანი ჭაკის თვალელებით უყურებს მაკმერფის და საცაა, თავსაც მართლა ჭაკივით აიქნევს. ყველა ერთდროულად ვინაცვლებთ ადგილს სკამზე, მაკმერფისკენ და ჰარდინგისკენ ვიჩოჩებთ. კაბინეტის გამოღებულ კარში მოჩანს, როგორ გამოდის რენტგენის ეკრანს იქიდან მარტინი, პერანგს იბნევს და ბუტბუტებს – ჩემი თვალით რომ არ მენახა, არ დავიჯერებდიო. მარტინის ადგილს ბილი ბიბიტი იკავებს, ახლა ის უახლოვდება შავ შუშას.

„ჩემზე გაცილებით მეტი გაქვს დასაკარგი,“ აგრძელებს ჰარდინგი. „მე მოხალისე ვარ. ძალით აქ არავის მოვუყვანივარ.“

მაკმერფი ხმას არ იღებს. ახლაც ამკარად გაოგნებული ჩანს, სახეზე აწერია ყველაფერი, ხვდება, რალაც ახალი შარი გამო-

მიტყვრაო, ოღონდ რა – ვერ გაუგია. გაუნძრევლად ზის და ჰარდინგს არ ამორებს თვალს. ჰარდინგის მორცხვი ღიმილი უკვალოდ ქრება; მაკმერფის უცნაური მზერით შეცბუნებული, ადგილზე ცქმუტვას იწყებს. გაჭირვებით ყლაპავს ნერწყვს და ამბობს: „სხვათა შორის, ამ განყოფილებაში იძულებით მოთავსებული სულ რამდენიმე კაცია. აი, სქანლონი... ხოო... ალბათ, ზოგი ქრონიკული და... და შენ. მთლიანად საავადმყოფოშიც არ არის ბევრი. არა, ბევრი არ არის.“

მერე ჩუმდება, იმის ხმა თითქოს მაკმერფის მზერაში იწრიტება. „შენ რა, მაშაყირებ?“ წყნარად ამბობს მაკმერფი ცოტახნის დუმილის შემდეგ. ჰარდინგი თავს აქნევს. შეშინებული ჩანს. მაკმერფი ფეხზე დგება და უკვე მთელი დერეფნის გასაგონად ღრიალებს: „ბიჭებო, თქვენ რა, მაშაყირებთ?“

პასუხის გაცემას ვერავინ ბედავს. მაკმერფი გრძელი სკამის წინ მიდი-მოდის, თან გრუზა თმას იჩეჩავს. ჩაუყვება რიგს ბოლომდე და უკან ბრუნდება, რენტგენის კაბინეტის კარისკენ. კაბინეტში აპარატი შიშინებს და იფურთხება.

„შენა, ბილი? ღმერთს გაფიცებ, მართალი თქვი – შენ ხო ძალით ხარ მოყვანილი?“

ბილი უკვე ჩვენკენ ზურგით დგას კაბინეტში, ნიკაპი შავი ეკრანის კიდეზე ჩამოუდვია, თითის წვერებზე აწეულა. არაო, – ეუბნება აპარატს.

„აბა რა გინდა აქ? რა? ახალგაზრდა კაცი ხარ! შენ ეხლა კაბრიოლეტით უნდა დაგრილებდე, გოგოებს დასდევე... ძმურად, მითხარი, აი ეს ყველაფერი...“ ჰაერში იქნევს ხელს, „...რა ჩემფეხებად გჭირდება?!“

ბილი ხმას არ იღებს და მაკმერფიც დანარჩენებისკენ ტრიალდება.

„ამოიღეთ ხმა! დღედაღამე წუნუნებო, ტვინი წამჭამეთ, როგორ ვერ იტანთ აქაურობას, ექთანს, ყველაფერს... და რა, ძალით მოყვანილები არა ხართ? არა, ბებრების მესმის, ქრონიკულების, მართლა მაგრა ერეკებიან და ღმერთმა გაუმარჯოთ,



მარა თქვენ? კაი, მთლად დალაგებულები არა ხართ, თქვენის-  
თანას ყველა ფეხის ნაბიჯზე ვერ გადაეყრები ქუჩაში, მარა არც  
ეგრე ერეკებით...”

არავინ ეკამათება. სეფელტის ჯერი დგება.

„შენ რალას იტყვი, სეფელტ? შენ ხო ისეთი არაფერი გჭირს,  
ხანდახან შეტევა ნამოგივლის და ეგ არი! ამის დედა ვატირე, ბიძა  
მყავდა ერთი – ათასჯერ შენზე უარესი ფლანთხვეები მოსდიოდა,  
პირადად ეშმაკის გამოგ ზავნილ წერილებს იღებდა – და საგი-  
უეთში არ დაუმწყვდევიან. შენ რა დაგეტაკა, ცოტა ვაჟკაცობა  
გამოგეჩინა და გეცხოვრა ადამიანურად...”

„აბა რა!“ ეს ბილია, ჩვენკენ მოუბრუნებია თავი, სახეზე  
მდულარე ცრემლი სდის. „რა თქმა უნდა!“ ლამის კივის. „ვ-ვ-  
ვაჟკაცობა გგგ-ამოგვეჩინა! ვაჟკაცობა რ-რომ მმ-მ-მქონდეს,  
დღესევე შ-შ-შემიძლია აქედან გ-გ-გასვ-ვ-ვლა. დ-დ-დედაჩემი  
მის რ-რ-ეჩედის ა-ააახლო მეგობარია, შუადღემდე გ-გ-გგგ-ამიმ-  
ზადებდა ს-ს-საბუთებს... ვ-ვ-ვ-აჟკაც-ც-ც-ობა რომ მქონდეს!“

სკამზე მიგდებულ მაისურს აფრინდება და ცდილობს, თავზე  
გადაიცვას, მაგრამ ისე კანკალებს, არაფერი გამოსდის. ბოლოს  
მაისურს გამწარებული ისვრის და ისევ მაკმერფის ეტაკება.

„შენ გგონია, მე მ-მ-მინდა აქ დ-დ-არჩენა? გგონია, არ მომე-  
წონებოდა კა-კაპ-კაბრიოლეტით გრიალი, თ-თ-უჰ ლ-ლ-ლამაზი  
გოგოები მ-მ-ანყენდა? ოლ-ოლ-ოლონდ ალაღად მი-მი-მიჰთხა-  
რი – შენთვის რ-რ-როდისმე დ-დ-დაუცინიათ? არა! იმ-მიტომ რომ  
ჯანიანი ხარ დ-და თან ეგეთი შემყვანი! მ-მ-მე კიდე არც ერთი ვ-  
ვ-ვარ და არც მმმ-მ-მეორე. არც ჰარდინგი. არც ფ-ფრედრიქსო-  
ნი. არც ს-სეფელტი. კარგი ერთი, ის-ს-სე ლლ-ლ-ლაპარაკობ,  
ვითომ აქაურობა მ-მ-მოგწონს და იმ-იმ-მმიტომ არ მივიღვართ.  
სუ-სუ-სულლ-ლერთია ყველაფერი!“

ტირის და ენას უკიდებს; ისე მაგრად უკიდებს, ქოშინი უვარ-  
დება, სიტყვას ველარ აგრძელებს. ცრემლი ღვარად მოსდის, აბ-  
რმავებს და ხელის ზურგებით იწყებს თვალების ფშვნეტას. ერთ  
ხელზე ფუფხი ძვრება და რაც უფრო მაგრად ისრესს თვალებს,

მით უფრო მეტად ეგლისება სახეზე სისხლი. მერე ბრმად, უაზროდ გარბის, აქეთ-იქით აწყდება მთელ დერეფანში, კედლებს ეხლება სახეზე სისხლგადღაბნილი. შავი ბიჭი ფეხდაფეხ მისდევს.

მაკმერფი ისევ ჩვენკენ ტრიალდება და კიდევ რალაცის საკითხავად პირსაც აღებს, მაგრამ როცა ბიჭების თვალებს ხედავს, სიტყვის უთქმელად მაგრად მუნავეს ტურებს. დაახლოებით ერთ წუთს დგას ჩუმად ახლა უკვე „იმ“ კარის მოქლონებივით ჩარიგებული თვალების წინ; ამის დედაც ვატირეო, – ამბობს მერე რალაცნაირი უჯიგრო ბრაზით, ისევ იხურავს ქუდს, მაგრად იფხატებს და თავის ადგილზე ჯდება. ყავის დასალევად წასული ტექნიკოსები ბრუნდებიან და მოპირდაპირე ოთახში შედიან. როცა კარი ფშვინვით იღება, ჰაერი უცებ იჟლინთება მჟავის სუნით, თითქოს უამრავი აკუმულატორი ერთად დატენესო. მაკმერფი ზის და კარს თვალს არ აშორებს.

ეტყობა, ამის მიხვედრას ჩემი ჭკუა არ ეყოფაო, – ამბობს.

**რ**ოცა ისევ ეზოში გამოგვიყვანეს და ჩვენი განყოფილების გზას გაგვიყენეს, მწვანე პიჟამის ჯიბეებში ხელებჩანყობილი, წარბებამდე ქუდჩამოფხატული მაკმერფი მწკრივის ბოლოში მოჩანჩალებდა და ფიქრიანად დასცქეროდა ჩამქრალ სიგარეტს. ხმას არავინ იღებდა. უკვე ბილიც დაანყნარეს, მწკრივის თავში მიაბიჯებდა, ერთი მხრიდან შავი ბიჭი ამოდგომოდა გვერდში და მეორედან – დასაშოკის ხალისიანი ტექნიკოსი.

სხვებს ჩამოვრჩი, მაკმერფის დაველოდე, მინდოდა მეთქვა, რა ვუყოთ, არავითარი საშველი თუ არ არსებობს, მაგიტომ ნუ იტანჯები-მეთქი – ხომ ვხედავდი, რალაც საფიქრალი უღრღნიდა ტვინს, აწვალებდა, როგორც ძალს აწვალებს და აფორიაქებს უცნობი სორო: ერთი ხმა ეუბნება, გადი იქით, ძალო, ეგ სორო შენი საქმე არ არის, ძალიან ღრმაა და ბნელი, ირგვლივაც დათვის, თუ ვინ იცის, კიდეც უარესის უამრავი ნაკვალევიაო. რალაც სხვა ხმა კი, ყურისგამხვრეტი, საკუთარი მოდგმის წარსულიდან მომავალი, არც ფრთხილი და არც მაინცდამაინც მაცდური, ჯიუტად უჩურჩულებს: მიდი, ძალო, მიდი, ნახეო!

მინდოდა მეთქვა, ნუ იტანჯები-მეთქი, ის იყო, დავაპირე კიდეც ხმის ამოღება, მაგრამ სწორედ ამ დროს მაკმერფიმ თავი აწია, ქუდი კეფაზე მოიგდო, ნაბიჯს აუჩქარა, დაგვაჯულ შავ ბიჭს წამოენწია, მხარზე ხელი დაკრა და კითხა – რას იტყვი, სემ, შეიძლება ერთი ნუთით ბუფეტში შევიარო და რამდენიმე ბლოკი სიგარეტი დავიადოო?

არმინდოდა, ჩამოვრჩენოდი და შეფუცხუნება მომიწია. აჩქარებული გულისცემა ხმამაღლა, გიჟურად რეკავდა და ხმიანებდა თავში. მერე, მართალია, გულისცემა დამიმშვიდდა, მაგრამ იგივე ხმა ბუფეტშიც მესმოდა – უკვე უღრიალა ექოდ ქცეული. ხმამ გამახსენა სწორედ შემოდგომის ცივი პარასკევი საღამოები, იმდროინდელი განცდები, როცა ფეხბურთის მოედანზე გულისფანცქალით ველოდებოდი, როდის დაარტყამდნენ ბურთს და როდის დაინყებოდა თამაში. ზარების რეკვასავით ხმა სულ უფრო და უფრო ძლიერდებოდა ხოლმე და ვინ იცის, რამდენჯერ მიფიქრია – გავგიჟდები, ასე დგომა და ლოდინი აღარ შემიძლიამეთქი; მაგრამ მერე ბურთზე ფეხის დარტყმის ხმაც გაისმებოდა, ნამშივე მიწყდებოდა და თამაშიც ხურდებოდა. ახლაც, როგორც იმ პარასკევ საღამოობით, იგივე ხმა რეკავდა თავში, ისეთივე ჟინიან, ამაფორიაქებელ მოუთმენლობას ვგრძნობდი და დანახვითაც ყველაფერს მკაფიოდ და გამძაფრებულად ვხედავდი, როგორც ადრე, თამაშის დაწყებამდე, ანდა როგორც ცოტა ხნის წინ, ღამე, როცა საძინებელი ოთახის ფანჯრიდან ვიყურებოდი: მკაფიოდ და ნათლად; საგნებს თითქოს ძველი, იმ დავიწყებული ცხოვრების დროინდელი სიმკვრივე დაებრუნებინათ: კბილის პასტის კოლოფებსაც და ფეხსაცმლის ზონრებსაც, კობტად ჩაწიკნიკებულ მზის სათვალეებსაც და უსინდისოდ რეკლამირებულ კალმისტრებსაც – ნყალქვეშ კარაქზე დაწერენ მეორედ მოსვლის დღემდეო – და მთელი ამ დოვლათის ქურდბაცაცებისგან დასაცავად დახლს ზევით, მაღლა თაროზე დასკუპებული დიდთვალეა დათუნების რა ზმსაც.

მაკმერფი ბრაგაბრუგით მოუახლოვდა დახლს, გვერდში ამომიდგა, შარვლის ჯიბეებს კაუჭებივით გამოსდო ცერი თითები და გამყიდველ გოგონას „მარლბოროს“ ორი ბლოკი სთხოვა. „სამიც შეიძლება,“ უთხრა ღიმილით, „გადავწყვიტე, სულ გავბულო მთელი განყოფილება.“

თავში ზარების რეკვა შუადღის შეკრებამდე არ შეწყვეტილა. უყურადღებოდ ვუსმენდი, როგორ ამუშავებდნენ საცოდავ სე-

ფელტს, აიძულებდნენ საკუთარი პრობლემების რეალობისთვის თვალი გაესწორებინა, იქნებ როგორმე გარემოსთან შეგუება მოეხერხებინა („დილანტინის ბრალია ყველაფერი!“ ბოლოს უკვე კივის სეფელტი. „კარგი ერთი, მისტერ სეფელტ, გულწრფელი თუ არ იქნებით, როგორ გინდათ გიშველოთ?“ უკვირს მთავარ ექთანს. „რა, დილანტინმა არ ჩამაგდო ამ დღეში?! დილანტინმა არ მომისპო ღრძილები?!“ ქალი მშვიდად იღიმება: „ჯიმ, თქვენ უკვე ორმოცდახუთი წლის ხართ...“) და უნებლიეთ კუთხეში მიმჯდარი მაკმერფისკენ გამექცა თვალი. არც ბანქოს დასტით ერთობოდა და არც ჟურნალში ცხვირჩარგული თვლემდა – როგორც მუდამ ბოლოდროინდელ შეკრებებზე. მხრებიც გაეშალა. გახევებული, წელგამართული იჯდა, თვალები ანთებოდა, სახეზე თავზეხელაღებული კაცის ღიმილი დასთამამებდა და ხან სეფელტს გახედავდა, ხან მთავარ ექთანს. სანამ იმას ვუყურებდი, რეკვა უფრო გაძლიერდა. უფერულ წარბებქვეშ მაკმერფის თვალები ორ წვრილ, ცისფერ ზოლად გადაქცეოდა, ცეცხლს აკვესებდნენ, როგორც პოკერის მაგიდასთან კარტის საბოლოო გახსნის დროს. ეჭვიც არ მეპარებოდა, ყოველ წამს რაღაც სიგიჟე შეიძლება ჩაიდინოს-მეთქი, ნალდად დასაბმელებში აყვანის კანდიდატს გავდა. ადრეც მინახავს სხვა პაციენტების მსგავსი თვალები, ასე იყურებოდნენ ხოლმე, სანამ რომელიმე შავ ბიჭს დაეძგერებოდნენ. სავარძლის სახელურს ჩავაფრინდი და ველოდებოდი, რა მოხდებოდა. მეშინოდა, ახლაც იგივე გამეორდებოდა, ვილაცას დაეტაკებოდა, მაგრამ, არანაკლებ შეშინებულმა, უცებ ვიაზრე – არც არაფერი მოხდება-მთქი!

სეფელტს სანამ არ მოეშვნენ, საერთოდ არ ამოუღია ხმა, ყველაფერს ჩუმად აკვირდებოდა, მერე სავარძელში სანახევროდ შეტრიალდა და ახლა ფრედრიქსონს მიაჩერდა – ის თავისებურად ცდილობდა, მეგობრის სულთამხუთავებისთვის სამაგიერო გადაეხადა: ცოტა ხანს იხმაურა, ინუნუნა, სიგარეტს სამორიგეოში რატომ ინახავენო, ბოლოს განითლდა, როგორც ყოველთვის, ბოდიში მოიხადა და დაჯდა. მაკმერფი არც გან-

ძრეულა. სავარძლის სახელურს ხელი გავუშვი და – შემეშალა-  
მეთქი – გავიფიქრე.

შეკრების დამთავრებამდე ორიოდე წუთი რჩებოდა. მთა-  
ვარმა ექთანმა ქალაღები მოაგროვა, მუხლებზე დადებულ  
კალათში ჩაალაგა, კალათი იატაკზე დადგა და მხოლოდ ერთი  
წამით თვალები მაკმერფის მიანათა – თითქოს შეამონმა, ხომ  
ნამდვილად გვისმენს, ხომ არ ჩაეძინაო. მერე ხელები მუხლებზე  
დაიკრიფა, თითებზე დაიხედა, ღრმად ამოისუნთქა და თავი  
გადააქნია.

„იმაზე, რის თქმასაც ახლა ვაპირებ, ძალიან ბევრი ვიფიქრე,  
ბიჭებო. ექიმ სპაივისაც და პერსონალის სხვა წევრებსაც რამ-  
დენჯერმე ვესაუბრე და როგორც არ უნდა გვწყდებოდეს გული,  
ყველანი მაინც ერთ დასკვნამდე მივედი – სამი კვირის წინან-  
დელ, ენით უთქმელ უმსგავსობას აუცილებლად უნდა მოჰყვეს  
რაღაც სასჯელი!“ ხელი შემართა და მიმოიხედა. „აქამდე სიტყვაც  
არ დაგვცდენია, იმედი გვქონდა, საკუთარი ნებით მოიხდიდით  
ბოდიშს იმ გამომწვევი თავხედობისთვის. მაგრამ არც ერთ  
თქვენგანს სინდისის ქენჯნის მსგავსიც კი არაფერი გამოგი-  
ხატავთ.“

ნებისმიერი შესაძლო შეკამათების ძირშივე აღმოსაფხვრე-  
ლად ისევ მბრძანებლურად ასწია მალლა ხელი, ზუსტად ისე, შუ-  
შის ჯიხურში მჯდომმა ტაროს კარტზე მკითხავებმა რომ იცინან.

„კარგად გამიგეთ: სამკურნალო ეფექტები საფუძვლიანად  
თუ არ ავნონ-დავნონეთ, ისე არანაირ წესებს არ გახვევთ ხოლმე  
თავზე, ზედმეტად არაფრით გზღუდავთ. ბევრი თქვენგანის აქ  
მოხვედრის მიზეზი გარე სამყაროსთან, საზოგადოებრივ წეს-  
რიგთან შეგუების უუნარობაა. თქვენ ამ წესრიგის უგულვებელ-  
ყოფა მოინდომეთ, მისგან საერთოდ გაქცევა, სავალდებულო  
წესების ეშმაკობით თავიდან აცილება! ეტყობა, თავის დროზე,  
ალბათ ბავშვობაში, ნებას გაძლევდნენ, საზოგადოებაში დად-  
გენილი წესები მასხრად აგეგდოთ და თქვენს ჭკუაზე გეცხოვ-  
რათ. წესებს არღვევდით და თან ეს მშვენივრად იცოდით. სას-

ჯელსაც ელოდით, გინდოდათ კიდეც, დანაშაულისთვის დაესა-  
ჯეთ, მაგრამ მოლოდინი გიცრუვდებოდათ. თქვენი მშობლების  
ყოვლად უაზრო და გაუმართლებელმა მიმტევებლობამ, შესაძ-  
ლოა, იმ ჩანასახის როლი ითამაშა, რომლიდანაც შემდგომში  
თქვენი ამჟამინდელი ავადმყოფობა აღმოცენდა. ამას რომ ვამ-  
ბობ, იმედი მაქვს, ყველაფერს სწორად გაიგებთ, მიხვდებით –  
დისციპლინისა და წესრიგის დაცვის მკაცრი მოთხოვნა მხოლოდ  
და მხოლოდ თქვენს კეთილდღეობაზე ზრუნვითაა განპირობე-  
ბული.“

პირველად მხოლოდ ახლალა შეარხია თავი, ოთახი მოათ-  
ვალიერა. სახეზე ყალბი სინანული გამოეხატა, ვითომ იძულე-  
ბითი, ვითომ მისთვისაც არასასურველი ნაბიჯის გამო. ჩემს  
თავში ზარების გაბმულ, აგანგაშებულ რეკვას თუ არ ჩავ-  
თვლით, ირგვლივ სრული დუმილი იყო გამეფებული.

„ასეთ გარემოში მკაცრი დისციპლინის დამყარება იოლი  
საქმე არ არის. წესით, ამდენს თქვენც მშვენივრად უნდა ხვდე-  
ბოდეთ. რა შეგვიძლია? ვერ დაგაპატიმრებთ. პურსა და წყალზე  
ვერ დაგსვამთ. ხედავთ, ალბათ, პერსონალსაც თავისი პრობ-  
ლემები აქვს. რა ვქნათ, რა ვიღონოთ?“

რაქლიმ გამოთქვა აზრი, რაც უნდა ექნათ, მაგრამ ქალს  
მისი წინადადებისათვის არავითარი ყურადღება არ მიუქცევია.  
ვითომ შეშფოთებულ სახეს მალ-მალე აქეთ-იქით აბრუნებდა,  
ნიკნიკით, სანამ ბოლოს ახალი, სულ სხვა გამომეტყველება  
არ მოირგო. საკუთარ შეკითხვასაც თავადვე გასცა პასუხი.

„ალბათ, რაღაც პრივილეგია უნდა გაგიუქმოთ. იმდღევან-  
დელი ჯანყის მცდელობა გულდასმით გავაანალიზეთ და გა-  
დავწყვიტეთ, ვფიქრობ, სავსებით სამართლიანად, დღის გან-  
მავლობაში სააბაზანოში შეკრება და ბანქოს თამაში აგიკრძა-  
ლოთ. მე მგონი, ეს გადანყვეტილება უსამართლოდ არ მოგეჩ-  
ვენებათ!“

თავს არ არხევდა. ზედაც არავის უყურებდა. აი, სხვებმა  
კი, უკლებლივ ყველამ, იმ კუთხისკენ გაიხედეს ერთდრო-

ულად. ბებერმა ქრონიკულებმაც კი, ვისაც ვერ გაეგო, ერთ მხარეს რატომ მიტრიალდა ერთბაშად ყველა თავი, იმათაც წაიგრძელეს გალეული, ჩიტის კისრები და დაუფარავი, გაუბე-  
დავი იმედით სახეები მაკმერფისკენ მიაბრუნეს.

ერთადერთი მაღალი ნოტი ისე წუოდა თავში, როგორც ადგილიდან მომწყდარი მანქანის საბურავი ქვაფენილზე.

მაკმერფი წელგამართული იჯდა, სქელი წითელი თითით ზარმაცად ინვალებდა ნაკერებს ცხვირზე; გულითადად გაუღიმა ყველას საერთო ყურადღებისთვის მადლობის ნიშნად, ქუდის ბოლო წკიპად აინია ზევით და მერეღა შეხედა მთავარ ექთანს.

„ძალიან კარგი,“ თქვა ამ დროს ქალმა. „თუკი გადაწყვე-  
ტილებას არანაირი შეკითხვები არ გამოუწვევია, ერთი საათი უკვე გავიდა და...“

სიტყვა განწყვიტა და თვითონაც მაკმერფისკენ გაიხედა. მაკ-  
მერფიმ მხრები აიჩეჩა, ხმამაღლა ამოიოხრა, ხელისგულები მუხლებზე დაიტყაპუნა და სავარძლიდან მოწყვეტილ წამოდგა. გაიზმორა, დაამთქნარა, ისევ მოისრისა ცხვირი და შუშის სამო-  
რიგეოს შორიახლოს მოკალათებული მთავარი ექთნისკენ დაალი-  
რა თავი. გზადაგზა ცერებით ჩაჩაჩულ შარვალს ისწორებდა. სუ-  
ლერთია, რა სულელური საქციელიც არ უნდა ჰქონოდა ჩაფიქ-  
რებული, ვატყობდი, მაინც ველარაფერი გააჩერებდა. მეც დანარ-  
ჩენებივით გასუსული ვიჯექი და უხმოდ შევცქეროდი. გრძელი, ძალიან გრძელი ნაბიჯებით უახლოვდებოდა ექთნების სამორი-  
გეოს, ცერები ახლა კავებივით გამოედო შარვლის ჯიბეებისთვის. ქუსლებზე დარტყმული ნალები იატაკის ფილებზე ნაპერწკლებს ყრიდნენ. ახლა ისევ ის ძველი ტყისმჭრელი იყო, თავზეხელაღე-  
ბული მოთამაშე, მოხეული, ჟღალთმიანი, ჩხუბისთავი ირლან-  
დიელი, დაცარიელებული ქალაქის მთავარ ქუჩაზე მტერთან შესახვედრად მიმავალი, ეკრანიდან გადმოსული კოვზოი.

მიუახლოვდა და მთავარ ექთანსაც თეთრად გადმოეკარკლა თვალები. მაკმერფისგან შარს აღარ ელოდა. ეჭვი აღარ ეპა-  
რებოდა, საბოლოოდ დავამარცხეო. იმედი ჰქონდა, ერთხელ და



სამუდამოდ დავაკანონე ამ განყოფილებაში ჩემი წესებიო. არადა, აგერ, მოდის და თან რამხელაა, სახლისოდენა!

ტუჩები ააცმაცუნა, შიშისგან გულგახეთქილმა თვალებით შავ ბიჭებს დაუნყო ძებნა. ამ დროს მაკმერფიც გაჩერდა, სამორიგეოს ფანჯარასთან შედგა, ხმადაგუდულმა მძიმე-მძიმედ განელა – მგონი დროა, დილით ნაყიდი სიგარეტი მოვიძიოო და ხელი შუშაში გაყო.

შუშამ ნიაღვარივით იხუვლა, მთავარმა ექთანმა ყურებზე აიფარა ხელი. მაკმერფი თავისი კუთვნილი „მარლბოროს“ ბლოკებიდან ერთ-ერთს წაეტანა, ბლოკიდან ერთი კოლოფი ამოიღო, ბლოკი ადგილზე დააბრუნა, ცარცის ქანდაკებასავით გახვევებულ მთავარ ექთანს მიუახლოვდა და ძალიან ფაქიზად, ნაზადაც კი შეუდგა იმისი ქუდიდან და მხრებიდან შუშის ნამსხვრევების გადაფერთხვას.

„მართლა გულით ვწუხვარ, ქალბატონო,“ მოუბოდიშა ქალს. „ისეთი სუფთა იყო შუშა, ისეთი კრიალა, ღმერთმანი, იმის არსებობაც კი გადამავიწყდა.“

ორიოდე წამში მოათავა საქმე. მერე შეტრიალდა, აცახცახებულ და სახემორღვეულ მთავარ ექთანს ზურგი შეაქცია, მთელი პალატა გადაჭრა და თავის ადგილს დაუბრუნდა; გზადაგზა, სიარულში, სიგარეტს უკიდებდა.

ზარების რეკვის ხმა საბოლოოდ მიწყდა.

## ნაწილი მესამე

სამბის შემდეგ, საკმაოდ დიდხანს, მაკმერფის უკვე მტკიცედ ეპყრა სადავეები. მთავარი ექთანი კი დროს იგებდა, სანამ რამე ახალი იდგა დაებადებოდა და ისევ დაიბრუნებდა ერთპიროვნულ მმართველობას. მართალია, ჯერ ერთი მნიშვნელოვანი რაუნდი წააგო, ახლა მეორესაც აგებდა, მაგრამ მაინც ოდნავადაც არ ჩქარობდა. რაც მთავარია, სრულებითაც არ აპირებდა მაკმერფისთვის საავადმყოფოდან განერის რეკომენდაცია მიეცა. ბრძოლა იმდენ ხანს შეიძლებოდა გაგრძელებულიყო, რამდენსაც ქალი ინებებდა, იქამდე, ვიდრე მაკმერფი ან სერიოზულ შეცდომას დაუშვებდა, ან, უბრალოდ, ფარ-ხმალს დაყრიდა, ანდა თვითონ ქალი გამონახავდა უფრო ეფექტურ ტაქტიკას და კვლავ საყოველთაო პატივისცემას მოიპოვებდა.

ახალი ტაქტიკის გამოძებნამდე კი ბევრი რამე მოხდა. მას მერე, რაც მაკმერფი, ასე ვთქვათ, ხანმოკლე ტაიმაუტიდან ისევ ასპარეზს დაუბრუნდა და შუშის ჩამსხვრევით ხმაურიანად დადასტურა ცეცხლის ხაზზე ძველი პოზიციების ურყევე ერთგულება, მისი წყალობით განყოფილებაში სხვა საინტერესო ამბე-

ბიცი დატრიალდა. საჯარო შეკრებებს ბეჯითად ესწრებოდა, განხილვებში აქტიურად მონაწილეობდა – ლადაობდა, ყველას თვალს უპაჭუნებდა, გაუთავებლად შაყირობდა და ნემსის ყუნწში ძვრებოდა, ოღონდ როგორმე მჭლე სიცილი მაინც გამოეტყუა იმ ხალხისთვის, ვინც თამამად გალიმბასაც ვერ ბედავდა იმ დღიდან, რაც თორმეტი წელი შეუსრულდათ. მერე კი, ერთ მშვენიერ დღესაც, კალათბურთის გუნდის შესაქმნელად საკმარისი რაოდენობით ბიჭებს მოუყარა თავი და როგორღაც ექიმიც დაიყოლია სპორტული დარბაზიდან ბურთის გამოტანაზე – ხომ უნდა მიჩვეოდა გუნდი ხელში ბურთის დაჭერას. მთავარმა ექთანმა გაიბრძოლა, ხვალ დღის პალატაში ფეხბურთის, ცოტა ხანში კი პოლოს თამაშსაც გააჩაღებენო, მაგრამ ექიმმა ცხოვრებაში ერთხელ მაინც გამოავლინა სიმტკიცე და – გაუშვით, ითამაშონო – თქვა. „კალათბურთის გუნდის ჩამოყალიბების შემდეგ მოთამაშეთა გარკვეულ ნაწილს უკეთესობა დაეტყო, მის რეჩედ. ვფიქრობ, ამ ნამონყების სამკურნალო ეფექტი უეჭველია.“

ქალი გაოგნებული მიაჩერდა. თურმე ცოტ-ცოტა ექიმიც ცდილობდა ძალის გამომჟღავნებას. საუბრის ამგვარ კილოს სამომავლოდ კი დაუმახსოვრებდა, იმ დროისთვის, როცა ისევ დაკრავდა მისი საათი, მაგრამ ამჯერად მხოლოდ უხმოდ დაუქნია თავი და ექთნების სამორიგეოს მიაშურა, დაჯდა და საკონტროლო ლილაკებზე ნერვიულად აათამაშა თითები. დარაჯებმა, სანამ ზომაზე მოჭრილ ახალ შუშას მოიტანდნენ, ცარიელ ჩარჩოში დროებით მუყაო ჩასვეს და მთავარი ექთანიც დილაობით ისე იკავებდა ჩვეულ ადგილს მაგიდასთან, ვითომ მუყაოს ვერც ამჩნევდა, ვითომ ძველებურად ხედავდა ყველაფერს, რაც დღის პალატაში ხდებოდა. მუყაოს იმ ოთხკუთხედს რომ შევცქეროდი, ისეთი გრძნობა მქონდა, თითქოს ნახატი სახით კედლისკენ შეაბრუნესო.

მოთმინებით ელოდა თავის დროს, ვიდრე მაკმერფი დილაობით თავის ვეშაპებიან შორტებში გამონყობილი დატანტალებდა ან საძინებელში ერთობოდა ხურდა ფულის მიზანში სროლით,

ანდა დერეფანში დაქროდა აღმა-დაღმა, მსაჯის მონიკელებულ სასტვენს არ აჩუმებდა და მწვავეებს სწრაფ კონტრშეტევაში ავარჯიშებდა – განყოფილების კარიდან იზოლატორამდე, დერეფნის მეორე ბოლომდე. ბურთი მთელ განყოფილებაში ზარბაზანივით გრგვინავდა და მაკმერფიც სერჟანტივით ბლა-ოდა – დრიბლინგი, შე დედალო, დრიბლინგიო!

ერთმანეთს მხოლოდ ხაზგასმული ზრდილობით ელაპარაკებოდნენ. მაკმერფი ენადათაფლული ეკითხებოდა ხოლმე, საავადმყოფოდან თანმხლების გარეშე გასვლის თხოვნა მაქვს დასაწერი და შეიძლება, თქვენი კალმისტრით ვისარგებლო? თხოვნას იქვე წერდა, პირდაპირ მთავარი ექთნის მაგიდაზე, ქალის თვალწინ, კალმისტარს და თხოვნას ერთად გაუნვდიდა და მოკრძალებულ მადლობასაც უხდიდა. ქალი ქალადს დახედავდა, თვითონაც, რაც შეეძლო, ზრდილობიანად უხსნიდა – ცოტა ხნით უნდა დაგტოვოთ, თხოვნა პერსონალთან ერთად უნდა განვიხილოთო, „განხილვიდან“ ყველაზე დიდი, სამ წუთში ბრუნდებოდა და მუდამ ერთსა და იმავეს პასუხობდა: ძალიან ვწუხვარ, მაგრამ ამ ეტაპზე თქვენი თხოვნის დაკმაყოფილება თერაპიული თვალსაზრისით გამართლებულად ვერ ჩაითვლებაო. მაკმერფი ერთხელ კიდეც უხდიდა მადლობას, ექთნების სამორიგეოდან გამოდიოდა და ისეთი ძალით ჩაბერავდა ხოლმე სასტვენს, ათი მილის იქით ჩაიმსხვრეოდა ყველა ფანჯარა; თან ყვიროდა – გაინძერით, თქვენი დედა... აიღეთ ბურთი და ცოტა ოფლი გამოიდინეთო.

განყოფილებაში მაკმერფის მოყვანიდან მთელი თვე იყო გასული. ამდენი ხნის მერე უფლება ჰქონდა, დერეფანში გამოკრულ განცხადებების დაფაზე თავისი გვარიც მიენერა და ეთხოვა, თუნდაც თანმხლებთან ერთად მისი გაშვების საკითხიც მოესმინათ ჯგუფურ შეკრებაზე. მთავარი ექთნის კალმისტრიანად მივიდა კიდეც დაფასთან და გრაფაში „თანმხლების ვინაობა“ ჩაწერა – ქენდი სთარი, პორტლენდელი მაგარი ნაშაო. თან ისეთი წერტილი დასვა ბოლოში, კალმისტარს წვერი მოცყდა. თხოვნას ჯგუფურ შეკრებაზე იხილავდნენ რამდენიმე დღის შემდეგ. სხვათა შორის,

სწორედ ამ განხილვის დღეს ჩასვეს მუშებმა ახალი შუშა ექთნების სამორიგეოში და მაკმერფიმაც, როცა თხოვნაზე უარი უთხრეს იმ საბაბით, მის სთარი პაციენტის თანმხლებად ალბათ მაინც დამაინც ვერ გამოდგებაო, მხრები აიჩეჩა, ეტყობა მიხვრა-მოხვრას უნუნებთო, – თქვა, წამოიზღაზნა, ექთნების სამორიგეოსთან მივიდა და ახალი შუშაც, რომელსაც ქვევით, კუთხეში, ჯერაც ემჩნეოდა კომპანიის საფირმო ნიშანი, მუშვით ჩაამსხვრია. მერე თითებდასისხლიანებული მთავარ ექთანს უხსნიდა, მეგონა, მუყაოს ამოღების მერე ჩარჩო ჯერაც ცარიელი იყო, როდის მოასწრეს ამ ოხერი შუშის ჩასმა, ხალხი არ უნდა გააფრთხილონო?!

სანამ სქანლონი და ჰარდინგი გადაგდებულ მუყაოს ნაგვიდან ამოათრევდნენ და ისევ ჩარჩოში ჩასვამდნენ, მთავარი ექთანი სამორიგეოში ხელს უხვევდა, იმავე ხვეულიდან მოხეულ სალბუნს ადებდა ჭრილობაზე, რომელსაც სქანლონი და ჰარდინგიც ხმარობდნენ მუყაოს გასამაგრებლად. მაკმერფი უზურგო სკამზე იჯდა, სანამ ტკივილებს დაუამებდნენ, საშინლად იმანჭებოდა და მთავარი ექთნისგან მალულად სქანლონს და ჰარდინგს თვალს უკრავდა. ქალს სახე მინანქარს მიუგავდა, მშვიდი და არაფრისმთქმელი გამომეტყველება ეწერა ზედ, თუმცა შინაგანი დაძაბულობა ნელ-ნელა სხვანაირად იჩენდა თავს – იმის შემხედვარე, რა მაგრად, როგორი გააფთრებით აკრავდა ჭრილობებზე სალბუნს, იოლად შეატყობდი, რამდენი მოკლებოდა ადრე თითქოს ამოუნურავი მოთმინების მარაგს.

მერე ყველას დაგვრთეს ნება, სპორტდარბაზში ნავსულიყავით და ჩვენი კალათურთის გუნდის თამაში გვენახა – ჰარდინგის, ბილი ბიბიტის, სქანლონის, ფრედრიქსონის, მარტინის და მაკმერფის, როცა სისხლისდენა ცოტა ხნით უჩერდებოდა. სანიტრების გუნდს ეჯიბრებოდნენ, ჩვენი ორი მაღალ-მაღალიც სანიტრებში თამაშობდა. საუკეთესოები იყვნენ მოედანზე, წითელი ატლასის ტრუსებიანი წყვილი ჩრდილივით დაქროდა წინ და უკან და მექანიკური სიზუსტით ზედიზედ ყრიდა კალათში ბურთებს. ჩვენი გუნდი ზედმეტად ტანდაბალი და ზანტი გა-

მოდგა, მარტინიც ჯიუტად აძლევდა პასებს მარტო მისთვის ხილულ პარტნიორებს და ოცი ქულით წავაგეთ. თუმცა თამაშის დროს ერთი ისეთი ამბავიც მოხდა, თითქმის გამარჯვების ტოლფასი სიხარული განვიცადეთ მთელმა განყოფილებამ: ბურთისთვის ერთ-ერთი შეტაკებისას შავ ჯეელს, უოშინგტონს, სიფათში ვილაცის იდაყვი მოხვდა და მთელი იმათი გუნდი კაი ხანს იძულებული იყო, ხელებზე ჩამოკონწიალებოდა, როგორმე გაეკავებინა და დაეწყნარებინა – გავეშებული უოშინგტონი მოსაკლავად ინევდა ბურთზე მშვიდად ჩამოსკუპებული მაკმერფისკენ. მაკმერფი თავისთვის იჯდა, ვითომც არაფერიო, არავითარ ყურადღებას არ აქცევდა გაქაჩულ მუტრუქს, რომელსაც კარტოფილივით ცხვირიდან ღვარად სდიოდა სისხლი, მკერდზე ეღვრებოდა – თითქოს დაფაზე წითელი საღებავი მიუსხამთო, თავის გათავისუფლებას ცდილობდა და გიჟივით ღრიალებდა: თითონ არი შარზე! შარზეა ეგ ნაბიჭვარიო!

ტუალეტში სარკით საკითხავ ახალ-ახალ ბარათებსაც არ აკლებდა მთავარ ექთანს. დავთარში საკუთარ თავზე გრძელ, უცნაურ, გაუგონარ ზღაპრებსაც წერდა და „ანონ.“-ო, აწერდა ხელს. დილაობით ზოგჯერ რვა საათამდეც ეძინა. ქალი შეძლებისდაგვარად მშვიდად, დედაშვილურად ტუქსავდა, ის კი იდგა თავჩალუნული, სიტყვას ჩაათავებინებდა და ბოლოს მთელ ეფექტს უშხამებდა – ნეტავი გამომაცნობინა, რა ზომის ლიფს იცვამთ, ათს, თორმეტს, თუ ლიფს საერთოდ არ ხმარობთო, – მიახლიდა ხოლმე რალაც ამდაგვარს.

ნელ-ნელა სხვა პაციენტებიც აიყოლია, თავის ჭკუაზე მოაქცია. ჰარდინგი განურჩევლად ყველა პრაქტიკანტ ექთანს ეარშიყებოდა, ბილი ბიბიტმა სულ აიღო ხელი დავთარში საკუთარი, როგორც თვითონ ამბობდა, „დაკვირვებების“ ჩანერაზე, ერთხელ კი, როცა სამორიგეოში შუშა ისევ ჩასვეს და შუაში თეთრი საღებავით უშველებელი „იქსიც“ დაახატეს მაკმერფის გასაფრთხილებლად – არანაირი ბოდიშები აღარ გაგივაო, – ახლა სქანლონმა ხეთქა კალათბურთის ბურთი ფანჯარას შემთხვე-

ვით და ნამსხვრევებად აქცია, გაშრობაც არ აცალა საღებავს. ბურთი გასკდა, მარტინიმ მკვდარი ფრინველივით აილო იატაკიდან და მთელ მაგიდაზე მობნეულ ნამსხვრევებს მიშტერებულ მთავარ ექთანს შეუტანა სამორიგეოში. შეეხვენა, თუ არ შენუხდებით, იქნებ ლეიკოპლასტიკით ან სხვა რამით დაგვინებოთ, ძალიან გვჭირდებაო. ქალმა უსიტყვოდ გამოგლიჯა ხელიდან ბურთი და ნაგავში გადაუძახა.

მოკლედ, რაკილა კალათბურთის სეზონი სამუდამოდ დაიხურა, მაკმერფიმ დაასკვნა, ახლა კი თევზაობის დრო დადგაო. ერთხელ კიდევ ითხოვა გაშვება, მას მერე, რაც ექიმს ელაპარაკა და აუხსნა, ფლორენსში, სიუსლოუს ყურეში მეგობრები მყავს და, ცხადია, პერსონალი წინააღმდეგი თუ არ იქნება, იმ ჩემ მეგობრებს ძაან გულითუნდათ, რვა-ცხრა პაციენტი გაშლილ ზღვაში სათევზაოდ გაიყვანონო; დერეფანში გამოკრულ თხოვნის ქალაღზე კი მიანერა, რომ ამჯერად „ორეგონ სითის მახლობლად, პატარა სოფელში მცხოვრები ორი მოხუცი, ტკბილი დეიდა“ გაყვებოდა თან. შეკრებაზე გადაწყდა, მომავალ შაბათ-კვირას გაეშვათ. როცა მთავარმა ექთანმა თავის ყურნალში შვებულების ოფიციალური გაფორმება მოათავა, მოწნულ ჩანთაში ხელი მოაფათურა, დილის გაზეთის ამონაჭერი ამოაძვრინა და ხმამაღლა წაიკითხა. „მართალია, ორეგონის სანაპიროსთან უკვე გახურდა წლევანდელი სათევზაო სეზონი, მაგრამ ორაგული ქვირილობაზე ჩვეულებრივზე უხალისოდ მოდის და ზღვაც სახიფათოდ ღელავსო“ – იუნყებოდა გაზეთი. გირჩევთ, ამაზე დაფიქრდეთო, – უკვე თავისგან დაუმატა ქალმა.

„გადასარევი აზრია,“ წამოიძახა მაკმერფიმ. თვალეები დახუჭა და კბილებდაკრეჭილმა ჰაერი ღრმად შეისუნთქა. „ღიახ! ბობოქარი ზღვის მარილიანი სუნი, გემი ცხვირით ტალღებს ეხლება – აი, სად უნდა სიმამაცე, აი, როდის გამოჩნდება, ვინ რა ვაჟკაცია და რომელი გემი რომელს ჯობია! მის რეჩედ, თქვენ დამიყოლიეთ. ამ საღამოსვე ვრეკავ და გემს ვქირაობ. თქვენ ჩაგწეროთ?“

ქალმა პასუხის ღირსად არ ჩათვალა, განცხადებების და-  
ფასთან მივიდა და გაზეთის ამონაჭერი ზედ მიაკრა.

მეორე დღესვე დაიწყო მსურველების ჩანერა, იმათი, ვისაც  
გემის ქირის ანგარიშში დასადები ათი დოლარი მოეძებნებოდა.  
მთავარ ექთანს კი ჯიუტად მოქონდა და მოქონდა ახალ-ახალი  
ამონაჭრები გაზეთებიდან – ან სად პოულობდა ამდენ ცნობას  
სულ დამსხვრეულ გემებზე და ზღაპრულ ამინდში უცებ ამო-  
ვარდნილ გრიგალებზე! მაკმერფი ყველაფერს უზიარებდა, ამ-  
შვიდებდა, ჩემ ორივე დეიდას ნახევარ ცხოვრებაზე მეტი ზღვა-  
ში აქვს გატარებული, მაგათი უნახავი პორტი არ დარჩენილა და  
ამერიკის თითქმის მთელ საზღვაო ფლოტსაც პირზე კოცნით იც-  
ნობენო; იმათი გამოცდილების ძალიან მჯერა, ისინი კი იფიცე-  
ბიან – ჩვენი გასეირნება ღვეზელის გამოცხოვრებასავით უხიფათო  
და პუნდინგის ჭამასავით იოლი საქმე იქნებაო; გემუდარებით, ასე  
ნუ განიცდით და წინასწარ ნუ იხეთქავთ გულსო. ოღონდ ეგ იყო,  
მთავარი ექთანიც ძალიან კარგად იცნობდა თავის სამწყსოს. გა-  
ზეთის ამონაჭრებმა ბიჭები იმაზე გაცილებით მეტად დააფრთხო,  
ვიდრე მაკმერფი წარმოიდგენდა. იმას ეგონა, სიაში ჩანერაზე  
თავ-პირის მტკრევა ატყდებოდა, არადა, ხალხის დასაყო-  
ლიებლად დიდი ლაილაი და პირფერობაც კი დაჭირდა, თუმცა  
ბევრი მაინც ვერ დაიყოლია. გასეირნების წინა დღეს ორი-სამი  
კაცის ფული მაინც აკლდა მთელი ქირის გასასტუმრებლად.

მე ფული არ მქონდა. არადა, სიაში ჩანერის სურვილიც ამეკ-  
ვიატა. რაც უფრო მეტს გვიყვებოდა ორაგულზე თევზაობის ამ-  
ბებს, მით უფრო მიმძაფრდებოდა ნასვლის ჟინი. თან ვიცოდი,  
ცეცხლს ვეთამაშებოდი: სიაში თუ ჩავენერებოდი, იგივე იქნებო-  
და, გინდაც საკუთარი პირით საჯაროდ მელიარებინა – ყრუ არა  
ვარ-მეთქი. თუ გავამხელდი, მეც რომ მესმოდა მთელი ეს ლაპარაკი  
გემებზე და თევზაობაზე, ათწლიანი ეშმაკობა და თვალთმაქცობა  
სულ ნყალში ჩამეყრებოდა. მერე მთავარ ექთანს რა გადაურჩე-  
ბოდა! თავისი ჭკუით ყველასგან მალულად დანყობილი ვერაგული



ხრიკების და მუხანათური გეგმების მოწმის ვინაობას როცა გაიგებდა, ელექტროხერხით გადამჭრიდა შუაზე, იქ გამომამ-  
წყდევდა, სადაც მართლა სამუდამოდ დავყრუვდებოდი და დავ-  
მუნჯდებოდი. წასვლა ნამდვილად ძალიან მინდოდა, გულიც  
მწყდებოდა, ოღონდ თან ცოტა მეცინებოდა კიდეც, როცა ვფიქ-  
რობდი – თუ ვაპირებ მომავალშიც საერთოდ რამე გავიგონო, ჯობია  
ისევე ყრუ-მუნჯივით მოვიქცე-მეთქი.

თევზაობის წინა ღამეს ლოგინში ვინექი, ერთხელ კიდეც  
ვფიქრობდი მთელ ჩემს ცხოვრებაზე, ბედზე, ყველაფერზე...  
სიყრუეზეც, იმ წლებზეც, როცა არავის ვუმულავნებდი, რამე  
თუ მესმოდა – და მინდოდა გამომეცნო, მომავალში, როდისმე  
მანც, სხვაგვარად მოქცევას მოვახერხებდი თუ ვერა. ერთ  
რამეში მტკიცედ ვიყავი დარწმუნებული: მთელი ეს თვალთმაქ-  
ცობა პირველს მე არ დამიწყია; ხალხი მექცეოდა ისე, თითქოს  
იმდენად ჩლუნგი ვიყავი, არც გაგონება შემეძლო რამის, არც  
დანახვა და არც თქმა.

თან საავადმყოფომდე დაიწყო ყველაფერი, მანამდე დიდი  
ხნით ადრე, სანამ აქ ამოვყოფდი თავს. ჯარშიც ასე მექცეოდ-  
ნენ, ყველანი, ვისაც ჩემზე მეტი ზოლი ეკერა სამხრეებზე. იმათი  
ღრმა რწმენით, ჩემნაირ არსებასთან სხვანაირად არც შეიძლე-  
ბოდა. ჯარი რა, ჯარამდე კაი ხნის წინაც, დაწყებით სკოლაში,  
მახსოვს, ყველა გაიძახოდა, არა გვგონია, გვისმენდესო და ბო-  
ლოს უკვე ჩემს ნათქვამსაც აღარავითარ ყურადღებას აღარ  
აქცევდნენ. ვინექი ლოგინში და ვცდილობდი გამეხსენებინა,  
როდის შევნიშნე ეს პირველად. მგონი მაშინ, როცა ჯერაც სო-  
ფელში ვცხოვრობდი, ქალამბიაზე. ზაფხული იდგა...

...ასე, ათიოდე წლისა ვარ და ქოხის წინ ორაგულს ვამარი-  
ლებ, უკანა ეზოში მზეზე დასაწყობად ვამზადებ და ამ დროს  
ვხედავ, გზატკეცილიდან მანქანა უხვევს, ნაურმალებზე მოხ-  
ტის აბზინდის ბალახში, ვაგონების მწკრივივით მკვრივი წითელი  
მტვრის კუდს მოითრევს.

გორაკს ებრძვის და მერე ჩვენი ეზოს შორიახლო ჩერდება.

უკნიდან მტვერი ეწევა, საბარგულს ეხლება, ოთხივე მხარეს იფანტება და ბოლოს აბზინდას და სარეველას ეფინება, წითელ აბოლებულ ნამსხვრევებს ამსგავსებს ბალახს. მტვერი ნელ-ნელა ჯდება, მზეზე აციმციმებული მანქანა უძრავად დგას. ვიცი, სტუმრები ფოტოაპარატებიანი ტურისტები არ არიან – ისინი სოფელთან ასე ახლოს არასდროს მოდიან მანქანებით. თევზის ყიდვა თუ უნდათ ხოლმე, გზატკეცილზევე ყიდულობენ, სოფელს ერიდებიან, ეტყობა გონიათ, ჩვენ ჯერაც სკალპებს ვაძრობთ ხალხს და ბოძებზე მიბმულებს ცოცხლად ვწვავთ. გინდაც ვუთხრათ, ზოგი ჩვენიანი პორტლენდში ვექილობსო, მაინც არ დაიჯერებენ. ჩემმა ერთმა ბიძამ მართლა დაიწყო ვექილობა, მამამ თქვა – მარტო იმიტომ, ხალხისთვის დაემტკიცებინა, ვექილობა ინდიელსაც შეუძლიაო, თორემ ისე, შემოდგომაზე ბარჯით ორაგულის ჭერას არაფერი ერჩია, სხვაზე არც არაფერზე ოცნებობდა. მამა ამბობს, ფრთხილად თუ არ იქენი, ასე თუ ისე ხალხი მაინც გაიძულებს ის აკეთო, რაც იმათი აზრით შეგეფერებაო; არადა, ჯორივით თუ გაჯიუტდი, მაშინ მთელი ცხოვრება საპირისპიროს კეთებას გადაყვები, ოღონდ უკვე ვილაცის ჯიბრითო.

მანქანის სამი კარი ილება ერთდროულად, სამნი გადმოდიან, ორნი წინიდან და ერთიც უკნიდან. ჩვენი სოფლისკენ მოფორთხავენ ფერდობზე, უკვე ვხედავ, წინ ორი კაცი მოდის, ორივე ლურჯკოსტუმიანი, კვალში კი ხნიერი, ჭალარა ქალი მოსდევთ, რალაც ისეთი მძიმე და გახევებული აცვია, ჯავშანი გეგონება. აბზინდიდან აქოშინებულები და ოფლად გაღვრილები გამოდიან და ჩვენი მოტიტვლებული ეზოსკენ აღერებენ თავს.

ყველაზე წინ მომავალი კაცი ჩერდება და სოფელს ათვალიერებს. ჩიკორაა, ჩამრგვალებული, თეთრი სტეტსონის ქუდი ახურავს. თევზის გასაშრობი მონჯლრეული ლატნების, ძველი მანქანების, წინილების საბუდრების, მოტოციკლეტების და ძაღლების დანახვაზე თავს აქნევს.

„გინახავთ ცხოვრებაში რამე მსგავსი? ჰა? მითხარით, თუ ღმერთი გწამთ!“

ქედს იხდის და ცხვირსახოცს ნაზად ითათუნებს თავზე – რეზინის ნითელ ბურთზე, ძალიან ფრთხილად, თითქოს ეშინია, ცხვირსახოცი არ დაეჭმუჭნოს ანდა ოფლით დამბალი, შეწებებული თმის ბლუჯა არ აეშალოს.

„ვერ წარმომიდგენია, ხალხს ასე ცხოვრება უნდოდა! ნორმალური ამბავია ახლა ეს?! გამაგებინე ერთი, ჯონ, შენი ჭირიმი!“ ხმამაღლა ლაპარაკობს, ფაქტიურად ყვირის, მიუჩვეველია ჩანჩქერის ღრიალს.

ჯონი უკვე გვერდით უდგას, ლამის ცხვირის წვერთან მიუტანია სქელი, ნაცრისფერი უღვაშები – ჩემი ორაგულის სუნი აწუხებს. კისერი და ლოყები ოფლით დაცვარვია, ლურჯი პიჯაკის ზურგიც ოფლს დაულაქავს. რალაცეებს ინერს წიგნაკში, თან ვერ ისვენებს, ცქმუტავს, ხან ქობს შეავლებს თვალს, ხან ჩვენს პატარა ბაღს, ხან თოკზე გასაშრობად გაფენილ, დედას ნითელ, მწვანე და ყვითელ საკვირაო კაბებს, ბოლოს ისევ მე ვხვდები თვალში, ისე მიყურებს, ვითომ პირველად დამინახა, ვითომ ამდენ ხანს იქვე, ორ ნაბიჯში, არ ვედექი, ცხვირწინ. ჩემკენ იხრება, ალმაცერად მიცქერის, უღვაშიც ისევ ცხვირისკენ გაურბის, თითქოს მარტო თევზი კი არა, მეც აუტანლად ვქოთდე.

„როგორ გგონია, სად იქნებიან ამის მშობლები?“ ეკითხება ამხანაგს. „სახლში? თუ ჩანჩქერზე? იქნება მოვლაპარაკებოლით იმ კაცს, ბარემ აქა ვართ...“

„მე, ჩემდა თავად, ამ სოროში ფეხის შემდგმელი არა ვარ,“ ამბობს მსუქანი.

„ბელადი სწორედ ამ სოროში ცხოვრობს, ბრიქენრიჯ,“ უღვაშებში დუდლუნებს ჯონი, „ის კაცი, ვისაც უნდა მოველაპარაკოთ! ამ ხალხის კეთილშობილი წინამძღოლი.“

„მოველაპარაკოთ? ეგ ჩემი საქმე არ არის. მე აქაურობის შეფასებაში მიხდიან ფულს, ნითელკანიანებთან ჩიბუხის გაბოლება არ მევალება.“

ჯონს ეცინება.

„მაგამი მართალი ხარ. მაგრამ მთავრობის გეგმაც ხომ უნდა

გააცნოს ვილაცამ?“

„გააცნობენ, ნუ გეშინია. მალე გაიგებენ ყველაფერს.“

„ჯობდა, ბარემ შევესულიყავით და დავლაპარაკებოდით.“

„ამ სალორეში? რაზეც გინდა დაგენაძლევები, აქაურობა შავი ტარაკნებით იქნება გაძეძგილი. გამიგია, ამ თიხით შელესილი ქონხახების კედლებში მთელი ცივილიზაციებია დაბუღებულიო. თან რა ცხელა, ღმერთო, შენ მიშველე! ბული იდგება შიგნით. ერთი ნახე, პატარა ჰაიავათაც როგორ გადახურებულა. ვენაცვალე! მგონი, ცოტა დამწვარა კიდევ.“

იცინის, თან თავზე ხელს იცაცუნებს, მერე ქალის მზერას ამჩნევს და ჩუმდება; ყელს ისუფთავებს, მტვერში აფურთხებს, მიდის და ღვიაზე მამას ჩამობმულ საქანელაზე ჯდება, ცოტა ხანს ქანაობს ჩემს საქანელაზე, ერთობა, სტეტსონის ქუდს მარაოსავით ინიავებს.

რაც მეტს ვფიქრობ იმის სიტყვებზე, უფრო და უფრო ვცოფდები. მერე ისევ აგრძელებენ ლაპარაკს ის და ჯონი – ჩვენს სახლზე, სოფელზე, მიწაზე, ამ ყველაფრის სავარაუდო ფასზე. ჩემი თანდასწრებით ისე თავისუფლად ჭიკჭიკებენ, ვხვდები, არ გონიათ, ინგლისური თუ მესმის-მეთქი. ეტყობა, აღმოსავლეთიდან არიან, იქაურებმა ხომ კინოში ნანახის მეტი არაფერი იციან ინდიელებზე. იმაზე ვფიქრობ, როგორ შერცხვებათ, საკუთარ შეცდომას როცა მიხვდებიან.

სანამ სიცხეზე და ჩვენს სახლზე ლაპარაკი არ მობეზრდებათ, ჩუმადა ვარ, ხმას არ ვიღებ, მერე ვდგები და ინგლისურის საუკეთესო სასკოლო სახელმძღვანელოს ენით მსუქანს ვეუბნები – თიხით შელესილი ჩვენი სახლი, ალბათ, ნებისმიერ ქალაქურ ბინაზე უფრო გრილი, შეუდარებლად გრილია-მეთქი! „დანამდვილებით გეტყვით, რომ იმ სკოლაზე ბევრად გრილია, სადაც დავდივარ. თქვენ წარმოიდგინეთ, დალეზის კინოთეატრზე უფრო გრილიც, თუმცა კინოთეატრის ფირნიშიის ლოლუებიანი ასოები იუნყებიან: „მობრძანდით, ჩვენთან გრილაო!“

უკვე იმის თქმასაც ვაპირებ, შინ თუ შემობრძანდებით, გა-

ვიქცევი და მამას მოვიყვან-მეთქი, მაგრამ რალაც სულ არ ეტყო-  
ბა არც ერთს, საერთოდ თუ გაიგონეს ჩემი ხმა, ვითომ კრინტიც  
არ დამეძრას. ზედაც არ მიყურებენ. მსუქანი ძველებურად ქანა-  
ობს, გაქვავებული ლავის ბექობს ზემოდან იყურება იქით, სადაც  
კაცებს თავ-თავიანთი ადგილები დაუკავებიათ ჩანჩქერის ქვეშ  
გამართულ ხარაჩოებზე: ამსიშორიდან ბურუსში მარტო იმათი  
უჯრებიანი პერანგები გაიელვებს ხოლმე. თუმცა ხანდახან ისიც  
კარგად მოჩანს, როგორ მოიქნევს მკლავს რომელიმე, მოფარი-  
კავესავით წადგამს წინ ნაბიჯს და მერე ორკაპა ბარჯზე ასხმარ-  
ტალებულ თხუთმეტფუტიან ორაგულს ზევით აწოდებს თავი-  
სიანებს – დაიჭით, მომეხმარეთო. მსუქანი წყლის ორმოცდა-  
ათფუტიანი პირბადის იქით მდგომ კაცებს მისჩერებია, თვალებს  
ახამხამებს და ყოველ ჯერზე, როცა ვინმე ბარჯზე ორაგულს  
წამოაცვამს, სიამოვნებისგან ღრუტუნებს.

დანარჩენები, ჯონი და ქალი, უხმოდ დგანან. სამიდან არც  
ერთს არ ეტყობა, ჩემი ნალაპარაკებიდან სიტყვა მაინც თუ  
გაიგონა; არც კი მიმჩნევენ, ვითომ არც ვიყო იქ.

წუთით ყველაფერი ქვავდება და ირინდება.

მანამდე უცნობი, უცნაური განცდა მეუფლება – თითქოს  
მზე უწინდელზე მეტი სიკაშკაშით დანათის ამ სამ სტუმარს, სხვა  
ყველაფერი კი ჩვეულებრივად გამოიყურება: თიხის სახლების  
სახურავებზე წინილები დაფუსფუსებენ ბალახში, კალიები  
ბურქიდან ბურქზე დახტიან, ბავშვები აბზინდის ლოგოროებით  
აფეთებენ ბუზებს და ისინიც შავ ღრუბლებად ირევიან თევზის  
ლარტყების ირგვლივ – როგორც ყოველთვის, როგორც ზაფხუ-  
ლის ნებისმიერ სხვა დღესაც. აი, მზე არ გავს თავის თავს, გან-  
სხვავებულად, უჩვეულოდ და საზარლად დაკაშკაშებს სამ უც-  
ნობს და მერე მეც ვხედავ... ნაკერებს. ნაკერებსაც და ჩადგმულ  
აპარატებსაც, რომლებიც ეს-ესაა ჩემ მიერ ნათქვამ სიტყვებს  
იჭერენ და ცდილობენ, ეს სიტყვები სადმე მოარგონ, ამა თუ იმ  
ადგილას, მაგრამ როცა შესაფერის მზამზარეულ ადგილს ვერ  
პოულობენ, გადატვირთული მექანიზმები სიტყვებს თავადვე

აბრუნებენ უკან, თითქოს არც თქმულანო.

სანამ ეს კადრი გაქრება, სამივე ქანდაკებასავითაა გაქვა-ვებული. მზეს საქანელაც კი გაუშემებია ჰაერში, მსუქანი გამტე-რებული ზის ზედ, რეზინის თოჯინასავით. მერე ღვიის ტოტებში მამას ციცარი იღვიძებს, ხედავს, უცხოები გვწვევიანო, ძალღი-ვით უყეფს და ჯადოც იხსნება.

მსუქანი ყვირის, საქანელადან ხტება და გვერდულად მი-ბორძიკებს მტვერში, თვალებს წინგაშვერილი ქუდით იჩრდი-ლავს, უნდა დაინახოს, რამ ატეხა ასეთი ალიაქოთი ღვიის ფოთ-ლებში. როცა რწმუნდება, ერთი ქეციანი ჭრელი წინილა ყოფი-ლათ, მინაზე აფურთხებს და ქუდს იხურავს.

„მე თუ მკითხავთ,“ ეუბნება თანამგზავრებს, „რამდენიც არ უნდა შევაძლიოთ ამ... მეტროპოლისში, მაინც თავზე გადაუვათ.“

„შეიძლება. მაგრამ, ჩემი აზრით, მაინც ცოცხია, ბელადს და-ველაპარაკოთ...“

ქალი უღრიალით დგამს წინ ნაბიჯს და კამათში ერთვება. „არა,“ მოსვლის მერე ეს მისი პირველი სიტყვაა. „არა,“ იმეორებს ისევ და რალაციით მის რეჩედს მაგონებს. წარბებს წკიპავს, მიდამოს ათ-ვალიერებს. თვალები სალაროს აპარატის ციფრებივით დაუხტის; დედას თოკზე გაფენილ კაბებს უყურებს და თავს აქნევს.

„არა. დღეს ჩვენ ბელადს არ დაველაპარაკებთ. ჯერ არა. მე ვფიქრობ... ამ შემთხვევაში ბრიქენრიჯს უნდა დავეთანხმოთ. ოღონდ სხვა მოსაზრების გამო. თუ გახსოვთ, ჩვენი მონაცემე-ბით, ბელადის ცოლი ინდიელი კი არა, თეთრკანიანია. თეთრკა-ნიანი. ქალაქელი ქალი. გვარად ბრომდენი. ქმარი გადავიდა ცო-ლის გვარზე და არა პირიქით. დიახ, ბატონებო! მე მგონი, ჩვენ თუ ახლა ქალაქში დავბრუნდებით და, რა თქმა უნდა, მოსახლე-ობის ფართო ფენებს საფუძვლიანად გავაცნობთ მთავრობის გეგმებს, ავუხსნით, ჩანჩქერთან ერთი მუჭა ქოხმახების არ-სებობასთან შედარებით რამდენად მნიშვნელოვანია ჰიდრო-ელექტროსადგურის აგება, და მხოლოდ ამის შემდეგ გამოვუგ-ზავნით ბელადის ცოლს ჩვენს დაბეჭდილ წინადადებებს ფოს-

ტით, – რა თქმა უნდა, შეცდომით, იმედია, ხვდებით, არა? – დარწმუნებული ვარ, საქმე ბევრად უფრო გაგვიოლდება.“

თან ჩვენს კაცებს გასცქერის ძველთაძველ, დაკლაკნილ, მორყეულ ხარაჩოებზე – საუკუნეების მანძილზე რომ იზრდებოდნენ და იტოტებოდნენ ჩანჩქერის კლდეებს შორის.

„ხოლო თუკი ახლა შევხვდებით ქმარს და ნაუცბათევად შევთავაზებთ რამეს, გამორიცხული არ არის, ენით უთქმელ ნავახოურ სიჯიუტეს და – ალბათ, შეიძლება, ასე ითქვას – სალი კლდეების დაუძლეველ სიყვარულსაც გადავანყდეთ.“

ერთი პირობა ვაპირებ ვუთხრა, მამა ნავახო არ არის-მეთქი, მაგრამ თუკი ჩემს სიტყვებს ვერ იგებენ, რა აზრი აქვს? ან რაში ედარდებათ, რომელი ტომიდან ვართ...

ქალი იღიმება და თავს აქნევს, თითოეულ თანამგზავრს თითო გაღიმებით და თავის თითო დაქნევით აჯილდოებს, მერე თვალეზით ნიშანს აძლევს და, გახვევებულ-გამეშებული, მანქანისკენ მიდის, თან ხალისიანი, ახალგაზრდული ხმით ტიტინებს:

„ჩემს სოციოლოგიის პროფესორს უყვარდა ხაზგასმა – ნებისმიერ სიტუაციაში მოინახება ისეთი პიროვნება, ვისი გავლენის ძალის უგულებელყოფა დანაშაულის ტოლფასიაო.“

მანქანაში სხდებიან და მიდიან, მე კი ვდგავარ და ვერ გამიგია – საერთოდ დამინახეს კი?..

ცოტა გამიკვირდა კიდეც, ეს ამბავი რამ გამახსენა-მეთქი. ალბათ, საუკუნეები გავიდა მას მერე, რაც ბავშვობისდროინდელი ამდენი რამე მომაგონდა ერთბაშად. თურმე ეს მაინც ჯერ კიდევ შემეძლო და ამ აღმოჩენამ აღმაფრთოვანა. ლოგინში ვინეჭი, მელვიძა, სხვა რალაც-რალაცეებსაც ვიხსენებდი და უცებ, სანახევროდ ძილ-ბურანში, ჩემი სანოლის ქვეშ უცნაური ხმა გავიგონე, თითქოს თავი კაკალს ეთამაშებო. მთელი ტანით გადავიხარე და დავინახე, როგორ კბეჩდა აბრჭყვიალებული ლითონი საგულდაგულოდ დამალულ კეცებს. მე სიბნელეშიც თვალდახუჭული ვპოულობდი ხოლმე, ზეპირად ვიცოდი იმათი ადგილ-

სამყოფელი, ახლა კი სამალავისთვის შავ ბიჭსაც მიეგნო, გივერს; დიდი, ხახადაფრენილი მაკრატლით ჭრიდა სანოლის ქვემოდან მიკრულ კევეებს და პაკეტში აგროვებდა.

საჩქაროდ საბანში შევძვერი. ვაითუ ღამინახა-მეთქი, შიშის-გან გული ყურებში მიჟღერებდა. ვეტყვოდი ერთ-ორ ტკბილ სიტყვას, წადი, შენი საქმე ნახე, ჩემს კევეს თავი დაანებე-მეთქი, მაგრამ ხმის ამოღება კი არა, იმის გამჟღავნებაც არ შემეძლო, რამე თუ გავიგონე საერთოდ. გაუნძრევლად ვინეცი, სუნთქვა-შეკრული; ვმარჩიელობდი – დამინახავდა თუ ვერა სანოლიდან გადახრილს, მაგრამ ეტყობა, არაფერი დაუნახია, მარტო ისევ მაკრატლის ხრამუნი და პაკეტში კევეს ტყაპანი ისმოდა. ამ ხმამ გამახსენა, რა რაკარუკს აუტეხავდა ხოლმე სეტყვა ჩვენი ქოხის გუდრონის სახურავს. გივერმა ენა გაანკლაპუნა და ჩაიხითხითა.

„ჰი-ჰი-ჰი. ღმერთო, შენ გამაგებინე, ნეტა თითო რამდენჯერ ექნება გადაღეჭილი ამ მუტრუკს?! არა, ისე რა მაგრებია, ამათი..“

ბუტბუტმა მაკმერფიც გამოალვიდა, იდაყვზე წამოიწია და დიდი ინტერესით მიაჩერდა ჩემი სანოლის ქვეშ დაოთხილ გივერს. ცოტა ხანს ჩუმად უყურებდა, თან პატარა ბავშვივით იფშვინტდა თვალებს – ხომ არ მესიზმრებო, მერე ლოგინში წამოჯდა.

„ბოზიშვილი ვიყო, თუ მეჩვენებოდეს! ნალდად თორმეტის ნახევარია, ნალდად ბნელშია ნაკუზული და ხელშიც ნალდად მაკრატელი და პაკეტი უჭირავს.“ შავი ბიჭი დაფეთებული წამოვარდა, პირდაპირ თვალებში მიანათა ჯიბის ფარანი. „გამოტყდი, სემ: რას აგროვებ მანდ იმისთანას, დღის სინათლეს რო ემალეები? დედას გაფიცებ!..“

„დაიძინე, მაკმერფი. ეგ არავის ჭკუის საქმე არ არი.“

მაკმერფიმ უხალისოდ, ნაძალადევად გაიღიმა, კბილები გამოაჩინა, თუმცა ფარნისთვის თვალი არ მოურიდებია. გივერსაც მხოლოდ ნახევარი წუთის მერე შეეტყო უხერხულობა – ნახევარ წუთს ჯიუტად ანათებდა მაკმერფის პრიალა, ახლად შეხორცებულ იარას, დაკრეჭილ კბილებს, მხარზე მოსვირინგებულ პანტერას – და მერელა მოაცილა ფარანი. ისევ დაიკუზა,



საქმეს მიუბრუნდა, თან კუთავდა და ხვნეშოდა, ვითომ დიდი ჯაფა ადგებოდა მიმხმარი კევის აძრობაზე.

„რო იცოდე, ღამის მორიგის ერთი მოვალეობა ესეცაა,“ მეგობრულად მოძღვრავდა მაკმერფის ამოხვრებს შორის. „სანოლებთან სისუფთავეზე ზრუნვა.“

„შუალამისას?“

„მაკმერფი, შინაგანანესში შავით თეთრზე წერია – დასუფთავება-დალაგება დღე-ღამეში ოცდაოთხი საათით.“

„მერე, შე ჩემა, ჩვენ დანოლამდე ვერ მოითავე ეგ ოცდაოთხსაათიანი? რას უჯექი ტელევიზორს თერთმეტის ნახევრამდე? სხვათა შორის, ძაან ღრმად პატივისცემმა ქალბატონმა რეჩედმა თუ იცის, მთელი ღამე ტელევიზორთან რო ინყალებ თვალებს? როგორ გგონია, მოენონება?“

გივერი წამოდგა და სანოლის კიდეზე ჩამომიჯდა. ფარანი დაკრეჭილ კბილებზე მიინათა, თან, ყურებამდე პირგახეული, ჩუმ-ჩუმად ხითხითებდა. ქვევიდან განათებული სიფათი შავ, თვალებამოჭრილ გოგრას მიუგავდა.

„კაი, ძაან თუ გაინტერესებს, გეტყვი,“ ძველი ძმაკაცით ნახარა მაკმერფისკენ. „რამდენი წელია ვწვალობდი და ვერაფრით ვერ ვავიგე, სად შოულობდა ბელადი კევეს – ფული მაგას არ ქონია თავის დღეში, ჩუქებით არავის უჩუქებია და თხოვნითაც ვერავის თხოვდა – ამდენი ხანია ვუთვალთვალე, კინალამ გავგიჟდი! ეხლა ეს ნახე!“ ისევ მუხლებზე დაეცა, ჩემი საბნის კიდე აწია და ფარანი სანოლქვეშ შეანათა. „ჰა? ხო მაგარია? ვაგიმაზავ, თითო ათიათასჯერ ექნება დაღეჭილ-გადაღეჭილი. ხო მაგარია?!“

ამამბავმა მაკმერფიც გაამხიარულა. ისიც ახითხითდა. შავმა პაკეტი მალლა ასწია, შეანჯღრია და ცოტა ხანს ახლა ამაზე იცინეს. მერე გივერმა მაკმერფის ძილი ნებისა უსურვა, პაკეტს კაი საგზალივით მოუკრა თავი და, რა იცი, რაში გამომადგებო, სადღაც წაილო შესანახად.

„ბელადო!“ მაშინვე აჩურჩულდა მაკმერფი. „ერთი ეს მითხარი, თუ ძმა ხარ...“ და ძველი, ოდესღაც პოპულარული ხალხური

სიმღერის სიტყვები წაილილინა: „არ ივარგებს დილით კევი, სა-  
წოლზე თუ მივაკრავ?..“

თავიდან მაგრად გავცოფდი – ესეც სხვებივით მასხრად  
მიგდებს-მეთქი.

„მთელი ღამის გამომშრალი...“ მღეროდა ჩუმად, „...ვითომ  
გემოს დაკარგავს?“

თუმცა, რაც მეტს ვფიქრობდი სიმღერის სიტყვებზე, უფ-  
რო და უფრო სასაცილო მეჩვენებოდა. ვცდილობდი არ გამცინე-  
ბოდა, მაგრამ ვგრძნობდი, ცოტაც და გულიანად ავხარხარდე-  
ბოდი, სიმღერაზე იმდენად არა, ჩემს თავზე მეცინებოდა.

„ვისაც ვკითხე, ხმა არ გამცა, პასუხი არ იკადრა; მთელი ღა-  
მის გამომხმარი – ნეტა გემოს დააა-კარგა-ააავს?“

ბოლო ნოტი გააგრძელა, გაჭიმა. ისე მილიტინებდა ამ ნო-  
ტით, როგორც ინდაურის ბუმბულით. მეც თავი ველარ შევიკავე  
და ჩავიცინე, თან კინალამ გავთავდი შიშისგან – საცაა დასაბ-  
მელი გიჟივით ავხარხარდები და რალა გამაჩერებს-მეთქი.  
კიდევ კარგი, მაკმერფიც სწორედ იმნუთას წამოხტა ლოგინიდან  
და თავისი ღამის ტუმბის უჯრაში დაიწყო ფხაკუნი. გავისუსე.  
კბილი კბილს დავაჭირე, ვფიქრობდი – ახლა რალა ვქნა-მეთქი?  
აღარც მახსოვდა, რამდენი ხანი იყო გასული, რაც ჩემგან ხვნი-  
შისა და ბლავილის მეტი კაციშვილს არაფერი გაეგონა. მაკმერ-  
ფიმ უჯრა შეწია და ტუმბამ ისეთი ექო გამოსცა, გინდაც საქვა-  
ბის კარი მიეჯახუნებინა მთელი ძალით. „აჰა,“ ჩაიჩურჩულა სიბ-  
ნელეში და საწოლზე რალაც დამიგდო, ხვლიკის თუ გველის ნი-  
წილისოდენა...

„ამჯერად ხილისაზე უკეთესს ვერაფერს შემოგთავაზებ, ბე-  
ლადო. სქანლონს მოვუგე ხურდის სროლაში.“ მერე ისევ ლოგინში  
შეწვა.

მე კი, სანამ მივხვდებოდი, რას მიქარავდი, მადლობთ-მეთ-  
ქი – ვუთხარი.

თავიდან არაფერი უპასუხია. ისევ იდაყვზე იყო დაყრდნო-  
ბილი. მეც ისე მიცქეროდა, როგორც წელან გივერს. ალბათ ელო-

დებოდა, კიდევ მეტყვის რამესო. საბნიდან კევი ავიღე, ჩავბლუჯე და მადლობა ერთხელაც გავუმეორე.

ხმამალლა არ მითქვამს – ყელიც ჩაუანგებული მქონდა და ენასაც ძლივს, ჭრაჭუნით ვატრიალებდი პირში. ცოტა არ იყოს, გადაჩვეულხარო, – მითხრა და გაეცინა. მეც ვცადე, სიცილში ავყოლოდი, მაგრამ რალაც გამყივანი ხმა ამოვუშვი, ახლად წამოჩიტულ ყვინჩილასავით წამოვიყვილე, ტირილს უფრო გავდა ეს ხმა, ვიდრე სიცილს.

ნუ ჩქარობ, ნავარჯიშება თუ გინდა, დილის შვიდის ნახევრამდე დრო გვაქვსო, მითხრა. ამდენ ხანს დამუნჯებულ კაცს სალაპარაკო ნამდვილად ბევრი გექნებაო – თავი ბალიშზე მიდო და მოსასმენად მოემზადა. ჩავფიქრდი, რა ვუთხრა, რა ველაპარაკო მეთქი? თავში ერთადერთი რამე მიტრიალებდა, მაგრამ იმას ვერ ვეტყვოდი, მაგაზე საერთოდ არ ლაპარაკობენ, მაგ სათქმელს სიტყვები მარტო ამახინჯებენ ხოლმე. როცა დარწმუნდა, ხმის ამომღები არ ვიყავი, ხელები თავქვეშ ამოიღო და თვითონ ალაპარაკდა.

„იცი, ბელადო, სწორედ ეხლა ძველი დრო გამახსენდა, უილამიტის ხეობაში გატარებული – ბარდას ვკრეფდი იქ, იუჯინის მახლობლად და ჩემზე იღბლიანი კაცი არ მეგონა, ეს რა ოქროსავით სამუშაო დავირტყი-მეთქი. ოცდაათიანი წლები იწყებოდა, ჩემი ხნის ბიჭების უმეტესობა უმუშევარი დაბორილობდა უაზროდ. მეც იმიტომ მომცეს სამუშაო, ბარდის ბოსს დავუმტკიცე, ვინც გინდა გამაჯიბრე, იმაზე სწრაფად და სუფთად თუ არ დავკრიფო მეთქი. მოკლედ, მთელ ტრიალ მინდორში ერთადერთი არასრულწლოვანი მე ვიყავი. დანარჩენი – სუ უფროსობა. ერთი-ორჯერ ვცადე დალაპარაკება, მარა არც მისმენდნენ – ვის დაკარგვია ეს წრიპა წითური ლანირაკიო – ფიქრობდნენ. ხოდა, მეც მოვკეტე. ისე გამაბრაზეს, რაც იქ ვიყავი, მთელი ოთხი კვირა, ხმა არ ამომიღია, ოღონდ იმათ ლაყაფს ყურს ვუგდებდი, მაინტერესებდა – ხან ვილაცის ბიძაზე ბაზრობდნენ, ხან ვილაცის ბიძაშვილზე... ვინმე სამუშაოდ თუ არ გამოვიდოდა, უნდა გენახა, რას ჭორავდნენ და თხრიდნენ ზურგს უკან. ოთხი კვირა კრინტი არ დამიძ-

რია, მერე ვიფიქრე, ამ ბეჭებდახავსებულ ბებერ ნაბიჭვრებს ხო არ გონიათ, ლაპარაკი დაავინყდაო? მაინც ჩუმათ ვითმენდი, ვითმენდი და აი, ბოლო დღეს მოვხსენი გუდას პირი! ვიჯერე გული ლაპარაკით, სუნვრილ-წვრილად ჩამოვუფქვი რა ჩიტებიც ბრძანდებოდნენ. ყველას ჩავუჭიკჭიკე, რასაც სხვები იმათზე ყბედობდნენ. უუუუ, მაშინ კი დაცქვიტეს ყურები! დაერიენ, მარა რა დაერიენ ერთმანეთს! ისე ააქოთეს იქაურობა – პრემია დამაკარგინეს: არც ერთი დღე გაცდენა არ მქონდა და თითო ფუნტ ბარდაზე მეოთხედ ცენტს მიმატებდნენ... ისე, ქალაქში რეპუტაცია უკვე ცოტა შერყეული მქონდა და ბარდის ბოსმა – შენი ბრალია ყველაფერი, შენი ატეხილია მთელი ტრაკატრუკიო. დამტკიცებით ვერ დამიმტკიცა, რას დამიმტკიცებდა?! მარა პრემია ფაფუ! ისე, თბილად კი მოვუკითხე კეთილები, სხვა რა მექნა... მოკლედ, ერთი პირის დალება ოცი დოლარი დამიჯდა, შეიძლება მეტიც. მოუკვდა პატრონი, არ ვნანობ, ღირდა ძმაო!”

ცოტა ხანს კიდევ იხითხითა თავისთვის, რალაცას იხსენებდა, მერე ჩემკენ გადმობრუნდა და შემომხედა.

„შენც შენ დროს ელოდები არა, ბელადო? მერე მოხსნი გუდას პირს და ყველას ყოფას უტირებ.“

„არა,“ ალაღად ვუპასუხე, „მე ეგეთები არ შემიძლია.“

„რა არ შეგიძლია? რაც ვინმესთვის სათქმელი გაქ, ვერ იტყვი? ეგ, შენ რო გგონია, იმაზე ბევრად ადვილი საქმეა.“

„შენ... ჩემზე დიდიც ხარ და ღონიერიც,“ ჩავიბურტყუნე ბრიყვეულად.

„მაიცა, რანაირად? რალაც ვერ გავიგე, ჯიგარო.“

გაჭირვებით ჩავყლაპე ნერწყვი. „შენ ჩემზე დიდი და ღონიერი ხარ. შენთვის ადვილია.“

„მაიცა, მე ვარ შენზე დიდი? შაყრობ? სარკეში არ ჩაგიხედია, შე კაი კაცო?! გულივერივით ხარ ამ განყოფილებაში. მტერს მოხვდა შენი მუშტი!..“

„არა. მე ძალიან პატარა ვარ. ერთ დროს ვიყავი დიდი. ახლა აღარ... შენ ორი ჩემოდენა მაინც იქნები.“

„კაი ერთი, თუ ძმა ხარ! გარეკე თუ რა გჭირს?! შემოსული არ ვიყავი, ეს რა მთასავით კაცი გაიჩითა-მეთქი, ვიფიქრე. ქლამათიც მომივლია, ტეხასიც, ოკლაჰომაც, გელაფიც, მარა, დედას გეფიცები, შენხელა ინდიელი არსად არ შემხვედრია.“

„მე ქალამბიის ხეობიდან ვარ,“ ვთქვი და გავჩუმდი, ისიც მელოდებოდა, როდის გააგრძელებსო. „მამაჩემი მართლა ბელადი იყო, თი აჰ მილათუნა ერქვა. მთაზე ყველაზე მაღალ ფიჭვს ნიშნავს. ოლონდ ჩვენ მთებში არ ვცხოვრობდით. ბავშვობაში მამაზე დიდი კაცი არც მინახია. მერე დედა ორი მამასოდენა გახდა.“

„ნაღლი ამერიკული ბიზონი გყოლია დედა. მაინც რამხელა იყო?“

„ოოოო! დიდი... დიდი.“

„ხო, გავიგე, მაინც რამსიმაღლე?“

„რამსიმაღლე? ბაზრობაზე ერთმა ტიპმა შეხედა და თქვა – სიმაღლით ექვს ფუტამდე იქნება და ასოცდაათ გირვანქას ინონისო. მარა იმან მარტო ერთხელ ნახა, მაშინ, დედაჩემი კი იზრდებოდა და იზრდებოდა...“

„ჰოო? ეგ რანაირად?“

„მე და მამაჩემი ერთად გამოვიჭრებოდით.“

„ესეიგი, ერთ მშვენიერ დღეს ადგა და გაზრდა დაინყო, არა? ინდიელ ქალებზე ბევრი რამე ვიცოდი, მარა ეგ რალაც ახალია ჩემთვის...“

„ინდიელი არ ყოფილა. ქალაქელი ქალი იყო, დალეზიდან.“

„და რა გვარი? ბრომდენი, არა? გასაგებია... ერთი ნუთი მოიცა,“ ცოტა ხანს რალაცას ფიქრობდა, „ქალაქელი ქალისთვის ინდიელზე გათხოვება თავისზე დაბლა მდგომის ცოლობას ნიშნავს, ეგრე არ არი? ხო, მე მგონი გასაგებია ყველაფერი.“

„არა. მარტო ეგ არ იყო მამაჩემის დაპატარავების მიზეზი. იმისი სიდიდე მანამდეც ეხამუშებოდათ. ქედს არავის უდრეკდა, თავის ქკუაზე ცხოვრობდა და ყველა კრიჭაში ჩაუდგა, ვისაც არ ეზარებოდა, ყველა იმის დაჩოქებას ცდილობდა. შენც მაგ დღეში არა ხარ?!“

„ვინ ყველა, ბელადო?“ მკითხა ჩუმი, მოულოდნელად დასერიოზულებული ხმით.

„კომბინატი. იცი, რამდენი წელი ებრძოდა? იმოდენა იყო, სწრაფად ვერც მოერეოდნენ. ჩვენი სახლების ინსპექციის ჩატარება უნდოდათ. ჩანჩქერის წართმევა. ჩვენს ტომშიც შემოაღწია კომბინატმა, ბოლოს შიგნიდანაც ებრძოდა მამას. ქალაქში ჩასული რამდენჯერ სცემეს მიყრუებულ ქუჩებში! ერთხელ თმაც გადაპარსეს ძალით... ოოო, კომბინატი დიდია, ძალიან დიდი. მაინც კაი ხანს უმკლავდებოდა, სანამ დედამ არ დააპატარავა. მერე ხელიც ჩაიქნია და დანებდა.“

მაკმერფის დიდხანს აღარ ამოუღია ხმა. ბოლოს ისევ იდაყვზე წამოიწია და გამომხედა, მკითხა – მიყრუებულ ქუჩებში რატო ცემდნენო? ასე აფრთხილებდნენ-მეთქი, ავუხსენი, მთავრობის მოთხოვნებს თუ არ დათანხმდები და ქალაქებს ხელს არ მოაწერ, უარესი დაგემართებაო.

„მთავრობა რაღას მოითხოვდა?“

„ყველაფერს. ჩვენს ჩანჩქერს, სახლებს, მიწას, სისხლს...“

„ეხლა გამახსენდა. იმ ჩანჩქერზე ამბობ, სადაც ინდიელები დიდი ხნის წინ ბარჯვებით იჭერდნენ ორაგულს. ხო მართალია? ოლონდ, მე მგონი, კაი მაყუთიც გადაგიხადეს, არა?“

„მამასაც მაგას ეუბნებოდნენ. მამამ კითხა, ადამიანის ცხოვრების წესი რამდენად შეგიძლიათ იყიდოთო? თავისი ცხოვრებით ცხოვრებას რამდენად შეუფასებთო? ვერ გაიგეს. ვერც იმათ და ვერც ჩვენებმა. ჩვენები ყველანი ჩვენს ეზოში იდგნენ, მთელი ტომი, ხელში ჩეკები ეჭირათ და მამას ეკითხებოდნენ, ახლა რა ვქნათო? თხოვდნენ, ან სადმე დაგვაბანდებიანე ფული, ან გვითხარი, ვის მივადგეთ, ანდა ფერმის ყიდვაში მოგვეხმარეო. ოლონდ ის მაშინ უკვე ძალიან პატარა იყო. პატარა და მთვრალი. თან, ბოლო-ბოლო, კომბინატიც მოერია. ბოლოს ყველას ერევა ხოლმე. შენც მოგერევა, შენც გაგტეხავს. თუ იმისიანი არ არი და იმის საქმეს არ აკეთებს, მამასნაირ დიდ კაცს თავის ნებაზე არ მიუშვებს. გესმის ალბათ...“

„ხო, მგონი მესმის.“

„ჰოდა, ამიტომაც არ უნდა ჩაგემტვრია ფანჯარა. ახლა იციან – დიდიანო. უკვე იძულებულიც არიან, გაგხედნონ.“

„მუსტანგივით, არა?“

„არა. მუსტანგივით არ გხედნიან. ისეთ ხერხებს იყენებენ, რასაც ვერც შეებრძოლები! რალაც-რალაცებს ჩაგიმონტაჟებენ. შეგატყობენ თუ არა, ეს ნაღდად დიდი გაიზრდებაო, მაშინვე დაიკაპინებენ მკლავებს, მუშაობას გააჩაღებენ, ბავშვობაშივე ჩაგიდგამენ თავიანთ ბინძურ აპარატებს და აღარც მოგეშვებიან, სანამ ყოფას არ გიტყვიან, თავს აღარ დაგანებებენ!..“

„ჩჩჩჩჩჩჩჩჩჩჩჩ, დამშვიდდი, ძმაკაც!“

„...და თუ მაინც იბრძვი, სადმე დაგამწყვდევენ, ჩაგკეტავენ, ძალით გაგაჩერებენ.“

„კაი ეხლა, ბელადო, ცოტა დაშოშმინდი. თან, მგონი შენი ხმაც გაიგონეს.“

ხმა გაკმინდა და ისევ ბალიშზე მიდო თავი. ლოგინი ჩამიხურდა. რეზინის ლანჩების წრიპინი გავიგონე, შავმა ბიჭმა ფარნის შუქი მოგვატარა, ხმაურის მიზეზს ეძებდა. გასუსულები ვინექით, სანამ ისევ არ გავიდა.

„ბოლოს მთლად გალოთდა,“ ავჩურჩულდი ისევ. გულს თუ არ მოვიოხებდი, ეტყობა ველარც გავჩუმდებოდი – ყველაფერი უნდა მეთქვა, რის თქმაც აუცილებლად მიმაჩნდა. „უკანასკნელად კედრების ქალაში ვნახე, ლოთობისგან დაბრმავებული. უკვე ის კი აღარ წრუპავდა სასმელს, ბოთლი წრუპავდა მამაჩემს; ერთიანად გამოშრა, დანაოჭდა, ისე გაყვითლდა, ძაღლებიც ველარ ცნობდნენ... პირდაპირ კედრებიდანვე წავიყვანეთ პიკაპით პორტლენდში. იქ მოკვდა კიდეც. არ ვამბობ, მოკლეს-მეთქი. იმათ არც მოუკლავთ. სხვა რალაც დამართეს.“

საშინლად მეძინებოდა. აღარც ლაპარაკის ხალისი მქონდა. ვცადე გამეხსენებინა, რა ვიბოდიალე და მივხვდი, სულ სხვა რამის თქმა მინდოდა.

„გიჟივით ვლაპარაკობდი, არა?“

„ხო, ბელადო,“ მაკმერფი გვერდზე გადაბრუნდა, „ალალი გიჟივით.“

„სხვა რამის მოყოლას ვაპირებდი. ოღონდ ვერ ვახერხებ, მიჭირს, თან აზრსაც ვერ გამოიტან...“

„ვინა თქვა, აზრს ვერ გამოიტანო? უბრალოდ, გიჟურად ლაპარაკობ-მეთქი.“

მერე იმდენ ხანს აღარ ამოუღია ხმა, მეგონა დაიძინა. ვინანე, რატომ ძილი ნებისა არ ვუსურვე. გავხედე – ჩემკენ ზურგით იწვა. ცალი ხელი საბანზე ედო ზემოდან და მოსვირინგებული ტუზები და რვიანები მოუჩანდა. რამოდენა მკლავები აქვს-მეთქი, გავიფიქრე; სანამ ფეხბურთს ვთამაშობდი, მეც ამოდენა მკლავები მქონდა. მინდოდა, ხელი გადამეწვინა, იმ მოსვირინგებულ ადგილს შეეხებოდი და დავრწმუნებულიყავი, ჯერაც ცოცხალია-მეთქი. შემამფოთებლად უძრავად იწვა, საკუთარ თავს ვუმტკიცებდი – ვალდებულიც ხარ, შეეხო, ხომ უნდა გაიგო, რომ არ მომკვდარაო...

ტყუილს ვამბობ. ვიცი – ცოცხალია, ხელით შეხება მაგიტომ არ მინდა.

უბრალოდ, კაცია, ადამიანია და იმიტომ.

ესეც ტყუილია, ირგვლივ სხვა კაცებიც არიან. არც ეგაა მიზეზი.

მეც წავიპედერასტებ – ეგ არი და ეგ!

ოღონდ ესეც რომ ტყუილია?! ერთი შიში მაღავს მეორეს. ნამდვილად იმნაირი რომ ვიყო, მარტო ხელით შეხებას დავჯერდებოდი?! ხელი ერთადერთი მიზეზის გამო მინდა შევახო – მართლა ის არის, რაც არის. ნაღდი.

თუმცა, ხელი გავიწვინე თუ არა, თვითონვე შემეხმინა: „ერთი მითხარი, ბელადო,“ ჩემკენ გადმობრუნდა, საბანი ლაჯებში ამოიღო, „არ გინდა, ხვალ შენც წამოხვიდე სათევზაოდ?“

არაფერი მიპასუხია.

„ჰა, რას იტყვი? წამო, გული მიგრძნობს, ხოშიან დროს გავატარებთ. ჩემი ორი დეიდაც მოგვეყვება, იცი, არა? მართლა დეიდები კი არ არიან, ორი აწყვეტილი პორტლენდელი ნაშაა! ა, თქვი რამე!“



ქესატად ვარ-მეთქი – სხვა რა უნდა მეთქვა?!

„როგორა ხარ?“

„უფულოდ.“

„ააა,“ თქვა მან. „გასაგებია. ეგ კი არ მიფიქრია.“

ცოტა ხანს კიდევ გაჩუმდა, ცხვირზე ნაიარევს ინვალებდა თითით. მერე შეეშვა. იდაყვზე წამოინია და ერთხელაც შემომხედა.

„ბელადო,“ ყურადღებით მათვალაიერებდა, „ერთი ეს მითხარი, თავის დროზე, სანამ დაგაპატარაებდნენ, აი, რა ვიცი, როცა ექვსი, შვიდი, რვა ფუტი იყავი სიმაღლეში და ასე, ორას ოთხმოც გირვანქასაც იწონიდი, ჩვენი აბაზანის პულტს აწევდი?“

გამახსენდა ის საკონტროლო პულტი. ჯარში რომ დავათრევდი, იმ ზეთის კასრებზე ბევრად მძიმე არ იქნებოდა. მაშინ ალბათ აწნევდი-მეთქი, – ვუთხარი.

„ისევ იმხელა თუ გახდი, მერეც აწევ?“

ასე მგონია-მეთქი.

„კაცო, რა გგონია, მე არ ვიცი. ზუსტად მითხარი: მპირდები, რო აწევ, ისევ იმხელად თუ გაქციე? აი, თუ დამპირდები, აღდგენით კურსსაც უფასოდ ჩაგიტარებ და ათდოლარიან თევზაობაზეც უფასოდ წაგიყვან, მოსულა?“ ტუჩები გაილოკა და ისევ მიდო ბალიშზე თავი. „თანაც, თუ გინდა დაგენიძლავები, მოგებულებიც დავრჩები.“

ინვა, რალაც თავის ფიქრებზე ეცინებოდა. როცა ვკითხე, როგორ გინდა ისევ იმოდენად მაქციო-მეთქი, ტუჩებზე თითი მიიღო და ჩამაჩუმა.

„ეგეთი საიდუმლოს გახმაურება იქნება, ძმაო? დაგპირდი, გეტყვი როგორ-მეთქი? ეგ ჩემი საქმეა. კაცის ძველ ზომებამდე გაბერვა ისეთი საიდუმლოა, ყველას ვერ გაანდობ. მტერმაც თუ მოკრა ყური – დავიბრიდეთ! ისე, შენ თითონ ვერც მიხვდები რა გემართება. მარა, პატროსან სიტყვას გაძღვე, ჩემი პროგრამის სავარჯიშოების კეთება თუ არ დაგეზარება, ნახავ რა მაღლობელი დარჩები!“

ფეხები გადმოკიდა და სანოლის კიდეზე ჩამოჯდა მუხლებზე ხელებდაბჯენილი. მხარზე ექთნების სამორიგეოდან მომავალი მკრთალი შუქი ეცემოდა, სინათლის სხივმა წამით იმის კბილებზე და ჩემკენ მოშტერებულ თვალის გუგებზეც გაიბრწყინა. მერე საძინებელ ოთახში ისევ ის ხალისიანი, შემპარავი, აუქციონერის ხმა გაისმა.

„ნახე, რა მაგარი რამე იქნება. მთაკაცი ბელადი ბრომდენი ბულვარზე მოალაჯებს. ქალები, კაცები, ბავშვები ქვევიდან აცქერიან: „ბიჭოს, ბიჭოს, ეს რა გოლიათი დაბრძანდება ჩვენ ქალაქში, რამოდენა ნაბიჯებს დგამს; ნახეთ, კინალამ ტელეფონის მავთულებს წამოედო!“ დასეირნობს ქალაქში ამაყად, მარტო წინკვების დასათირად ჩერდება ხანდახან, დანარჩენებს შეუძლიათ შეაყოლონ, თავისუფალი არიან ჯარიდან – ვისაც ნესვივით ძუძუები, ბელადის ზურგზე საკაიფოდ შემოსაჭდობი შხვართი ფეხები და კიდე პაატარა, თბილი, თაფლგარეული კარაქივით ტკბილი რამერუმები არა აქვთ...“

უბერავს და უბერავს სიბნელეში თავისებურად, ყვება და ყვება ზღაპრებს – როგორ დავაფეთებ, როგორ დავუხეთქავ შიშით გულებს კაცებს და როგორ მომეგლისებიან, კისერზე როგორ ჩამომეკიდებიან ლამაზ-ლამაზი გოგოები... მერე მითხრა, ამწუთასვე წავალ და მეთევზეების სიაში ჩაგწერო. წამოდგა კიდეც, ტუმბა გამოალო, პირსახოცი აიღო, თედოებზე შემოიხვია, ქუდიც ჩამოიფხატა და ზემოდან დამაჩერდა.

„გესმის, ძმაკაც, რას გეუბნები? ქალები თითონ დაგიდებენ კვანტს, ნაგაქცევენ და ზედაც დაგახტებიან.“

უცებ, სრულიად მოულოდნელად, ხელი გამოიქნია, გაკვანძული ზეწარი ერთი მოძრაობით გამიხსნა, საბანიც გადამადრო და მთლად დედიშობილა დამტოვა.

„აჰა, ნახე! რას გეუბნებოდი? უკვე ნახევარი ფუტი მოგმატებია, ჯიგარო!“

სიცილ-სიცილით ჩაუყვა სანოლების რიგს დერეფნისკენ.

**ს**ორტლენდიდან ორი ბოზი მოიჩქარის ჩვენკენ, გაშლილ ზღვაში სათევზაოდ უნდა გაგვიყვანონ! რა გაძლებს ლოგინში შვიდის ნახევრამდე, რა დაელოდება შუქის ანთებას...

საძინებლიდან პირველი გამოვედი, ერთი სული მქონდა, როდის ვნახავდი ექთნების სამორიგეოსთან გამოკრულ ქალაღდს, როდის დავრწმუნდებოდი, სიაში ჩემი გვარიც მართლა შეუტანია-მეთქი. ქალაღდზე ჯერ დიდი ასოებით „მეთევზეების სია“ ეწერა, ქვევით პირველი მაკმერფი აწერდა ხელს, მაკმერფის შემდეგ – ბილი ბიბიტი. ბილის ჰარდინგი მოსდევდა, მეოთხე ნომრად ფრედრიქსონი ჩანერილიყო და ასე შემდეგ, მეათემდე. მეათე ნომრის გასწვრივ ჯერ არავის მოეწერა ხელი. აი, ჩემი გვარი კი მართლა შეეტანა სიაში – მეცხრე ვიყავი! მართლა მივდიოდი სათევზაოდ, გემით, ბოზებთან ერთად; ათიათასჯერ ვიმეორებდი გულში ერთსა და იმავეს – რა ვქნა, მიჭირდა დაჯერება.

წინ სამი შავი ჯეელი ამესვეტა, ნაცრისფერ თითებს ფურცელს აყოლებდნენ, ჩემს გვარსაც მიადგნენ, შემოტრიალდნენ და სახეში შემომცინეს.

„კი მარა, ბელადი ვილამ ჩანერა? ინდიელებმა წერა არ იციან.“

„კითხვა იციან რო?“

ამ უთენია ჯერაც ახალ, გახევებულ სახამებელს მოტეხვა ვერ მოესწრო და ხელის ყოველ განძრევაზე თეთრი ქურთუკების სახელოები ქალაღდის ფრთებივით უშრიალებდათ. დაციწვა, რა თქმა

უნდა, ვითომც არ გამიგონია, თავს ვიყრუებდი – თითქოს არაფრის ბაიბურში არ ვიყავი. მაგრამ როცა ცოცხი მომაჩჩეს და თავიანთი ნამამაძაღლების მოწმენდა დამავალეს, ზურგი შევაქციე და ისევ საძინებლისკენ დავაღირე თავი, თან გულში ვთქვი – ჯანდაბამდე გზა ჰქონიათ-მეთქი. არა ბიჭო, პორტლენდელ ბოზებთან ერთად სათევზაოდ მიმავალი, ამისთანა სისულელეზე მოვცდებოდი!

ისე, ცოტათი კი მეშინოდა, უნებართვოდ ნაბიჯს არ ვდგამდი ხოლმე, ახლა კი უცებ ძალიან დავიკიდე ფეხებზე. უკან მივიხედე – ცოცხით მომდევდნენ. ალბათ, საძინებელშიც შემომყვებოდნენ და ძალით გამათრევდნენ დერეფანში, მაგრამ მაკმერფიმ მიშველა: ისეთი ალიაქოთი აეტეხა, ისეთი ღრიალით დაქროდა სანოლებს შორის, ისე გამეტებით უტყლაშუნებდა „მეთევზეებს“ პირსახოცს, შავმა ბიჭებმა იფიქრეს, ახლა საძინებლის დალაშქვრა შეიძლება მთლად უხიფათო საქმე არ გამოდგეს და დერეფნის დალაგება ზედმეტ დავიდარაბად იქნებ არც ღირდესო.

მაკმერფის მოტოციკლისტის ქუდი თვალებზე ჩამოეფხატა, ალბათ კაპიტანს თუ უნდოდა დამგვანებოდა, მით უმეტეს, მოკლესახელოებიანი მაისურიდანაც სინგაპურული სვირინგები მოუჩანდა. პალატაში ისე დაალაჯებდა, თითქოს გემბანზეაო და მუჭშიც ისე უსტვენდა, როგორც ბოცმანის სასტვენში.

„აბა, დროზე წამოვიშალოთ, ბიჭებო! ნუ იზღაზნებით, თორე კილქვეშ გაძრომიანებთ ცხვირიდან კიჩომდე!“

ჰარდინგის ტუმბაზე აათამაშა თითები.

„აშენდა ქვეყანა. აუშვით აფრები. დროზე, დროზე! გეყოთ ყვერების ფხანა!“

კარებში გახირული შემამჩნია, მეცა და ისე დამკრა ბეჭებზე ხელი, ბოლი ამადინა.

„აჰა, შეხედეთ ბელადს, აი, ნამდვილი მეზღვაური და მეთევზე: ჩიტებს დაასწრო წამოფრენა, უკვე ჭიაცელებიც მოაგროვა. ამას მიბაძეთ, თქვე უსაქმურო ცუანებო, აითრიეთ-მეთქი წელი! ნახეთ, რა დღე გათენდა! ზღვაში გავდივართ, რა დროს კოტრი-ალია...“

მწვავეები ბუზღუნებდნენ, იჭყანებოდნენ, გაბრაზებულები აპარებდნენ თვალს იმისი პირსახოცის კენ. ქრონიკულებსაც გამოვლვიდათ, გულზე მეტისმეტად მაგრად გადაჭერილი ზენრებით სისხლშეგუბებულები, გაცისფერებულ თავებს აქეთ-იქით ატრიალებდნენ, თვალებს აცეცებდნენ, სანამ ბოლოს ჩემზე არ შეაჩერებდნენ მზერას, მე არ მომამტერებდნენ დასუსტებულ, აწყლიანებულ თვალებს და სევდიან, ცნობისმოყვარე სახეებს. ინვინენ გატრუნულები და მიყურებდნენ, როგორ ვიცვამდი თბილებს სამგზავროდ მიმავალი, მეც უხერხულად ვგრძნობდი თავს, ცოტათი დამნაშავედაც. ხვდებოდნენ, იმათგან ერთადერთი მე გამოვერჩიეთ. თვალს არ მაშორებდნენ – წლების მანძილზე თავიანთ ბორბლებიან სავარძლებს მიჯაჭვული ბებრები, კათეტერებით სამუდამოდ ერთ ადგილზე ფესვგადგმულები, ერთ ნერტილს შეზრდილები, მიყურებდნენ და ინსტინქტურად ხვდებოდნენ, მეც რომ მივდიოდი. და თან, ჯერ კიდევ შურდათ, რატომ ჩვენც არაო. მხოლოდ გუმანით ხვდებოდნენ რალაცას, რადგან ადამიანური იმათში დიდი ხანია საბოლოოდ ჩაკვდა და ცხოველურ ინსტინქტებს დაუთმო უპირატესობა (ზოგჯერ, ლამლამობით, ბებერი ქრონიკულები მანამდე იღვიძებენ ხოლმე, სანამ ვინმე სხვაც შეიტყობს რომელიმე პაციენტის გარდაცვალებას, თავს უკან გადააგდებენ და ყმუიან), შურით კი იმიტომ შურდათ, ხსოვნისთვის საკმარისი ადამიანობის კვალი ჯერ მაინც რომ ჰქონდათ შერჩენილი.

მაკმერფი დერეფანში გავიდა, სიას თვალი შეავლო, შემობრუნდა და სცადა, მწვავეებიდან კიდევ ვინმე დაეყოლიებინა ხელის მოწერაზე. ჩარიგებულ სანოლებს მიუყვებოდა, ჯერაც თავზე საბანანფარებულ ბიჭებს ანჯღრევდა, უხსნიდა, რა მაგარი რამე იყო ქარიშხლის კლანჭებში მოხვედრა, აბობოქრებული, ჯიგრული ზღვა და – ოჰოჰო, ბოთლი რომი! „ჰა, მიდით, თქვე უნდილებო, ერთი კაციც მჭირდება ეკიპაჟის დასაკომპლექტებლად, ერთი მოხალისე, თქვე ქლიავებო...“

მაგრამ ვერავინ დაიყოლია. ეტყობა, მთავარმა ექთანმა მაგრად დააშინა ხალხი თავისი ზღაპრებით აღელვებულ ზღვაზე

და ჩაძირულ გემებზე. საქმეს ისეთი პირი უჩანდა, ეკიპაჟის ბოლო წევრს ველარც ვიშოვიდით, მაგრამ სრულიად მოულოდნელად ნახევარი საათის მერე საუზმის რიგში მდგარ მაკმერფის უცებ ჯორჯ სორენსენი მიადგა.

მოდლლეზილმა, უკბილო, ერთიანად დაკოჟრილმა შვედმა – სისუფთავის პათოლოგიური სიყვარულის გამო შავმა ბიჭებმა „წყლის გიჟი“ შეარქვეს – ფეხების ფრატუნით გამოიარა დერეფანი, წელში გადაზნექილმა, იმდენად უკანგადახრილმა, ფეხები ბევრად უსწრებდნენ წინ თავს (მუდამ ასე იზნიქება ხოლმე, ცდილობს, რაც შეიძლება მეტად მოარიდოს მოსაუბრეს სახე); მაკმერფის წინ აიტუზა და მუჭში რალაც ჩაიბუტბუტა. იმის მორცხვობაზე ლეგენდები დადიოდა. ხშირ, დაფანჩულ წარბებქვეშ ღრმად ჩამჯდარი თვალები ხომ თითქმის არ მოუჩანდა, მაგრამ ერთთავად პირზე ვეება ტორაფარებულს, სახის დანარჩენ ნაწილსაც ვერ დაუნახავდი კაცი. ამ აწონილი ჭოკის კენწეროში ყვავის ბუდესავით თავი ირწეოდა. მანამდე იბუტბუტა მუჭში, ვიდრე ბოლოს მაკმერფიმ ძალით არ ჩამოაღებინა ხელი.

„აბა, ჯორჯ, ძმურად, ერთი გამაგებინე, რა გინდა!“

„წითელი ჭიაყელები,“ ბლუყუნებდა ჯორჯი, „ჩემი აზრით, არაფერში გამოგადგებათ, ორაგულზე არ მიდიხართ?“

„ეგრე გგონია? იქნება დაგთანხმებოდი კიდეც, ჩემო ჯორჯ, ოღონდ რო არ ვიცი, რა ჭიაყელებზე ლაპარაკობ?“

„ცოტა ხნის წინ არა თქვი, მისტერ ბრომდენმა უკვე ჭიაყელებიც მოაგროვაო?! ყური მოვკარი...“

„მართალი ხარ, ძია, ეგრე იყო.“

„ხოდა, მეც მანდა ვარ: ჭიაყელები არ გინდათ. ეხლა ქვირითობის დროა, ასპროცენტთანს გეუბნები. ქაშაყი დაგჭირდებათ. ასპროცენტში! ცოტა ქაშაყი წაიღეთ მისატყუარად და თევზაობა მაშინ ნახე.“

ყოველი წინადადების ბოლოს ხმას უწევდა, თითქოს შეკითხვას უსვამდა მაკმერფის – ნა-ხე? – მერე ვეება, დილით უკვე ლამის კანის გაძრობამდე გახეხილი ნიკაპი ერთი-ორჯერ და-

უქნია, შეტრიალდა და დერეფანს გაუყვა რიგის ბოლოსკენ. მაკმერფიმ დაუძახა, უკან მოაბრუნა.

„ერთი წუთი მოიცადე, ჯორჯ. რალაც ისე ლაპარაკობ, გეტყობა, თევზაობის ამბავში მაგარი გაჩითული უნდა იყო.“

ჯორჯი მოტრიალდა, ისევ ფეხების ფრატუნით მიუახლოვდა მაკმერფის, ისევ წელში გადაზნექილი, იფიქრებდი – ჰა და ჰა, ესაა, ფეხებს აიშვერს და მოჯდებო.

„ასპროცენტიანი ხარ. ოცდახუთი წელი დავცურავდი ჰაფ მუნის ყურიდან ფიუგეთის სრუტემდე, ტრალერებზე ვმუშაობდი. ოცდახუთი წელი ვითევზავე – სანამ აი, ესე არ გავჭუჭყიანდი.“ ხელები წინ გაიწვინა, ყველას დაანახვა ჭუჭყი. მთელმარიგმა კისრები წაიგრძელა, ყველამ დახედა ხელებზე. ჭუჭყი არა და, ათასობით მილი ბადის ბაგირის თრევისგან ხელისგულებში ღრმად ჩამჯდარი ნაიარევეები კი დავინახე. თითქმის ერთ წუთს დაგვაცალა ცქერა, მერე ხელები მომუშტა და პიჟამის ქურთუკის ჯიბეებში დამალა, თითქოს თვალებით კიდეე უფრო გავუჭუჭყიანებდით; იდგა, მარილწყალში ღორის ხორცივით გათეთრებული ღრძილები გადმოეყარა და მაკმერფის უღიმოდა.

„მაგარი ნავი მქონდა, სიგრძეში ორმოც ფუტზე მეტი არ იქნებოდა, მარა წყალში თორმეტ ფუტზე იჯდა, მაგარი რამე იყო – მუხის!“ ჯორჯი ისე ირწეოდა, დაეჭვდებოდი, იატაკი ხომ არ ირყევო. „ნავის უნახავს გაგხდიდა, ასპროცენტიანს გეუბნები.“

ისევ დააპირა ნასვლა, მაგრამ მაკმერფიმ ერთხელაც გააჩერა.

„მერე, შე კაი დედმამიშვილო, მეთევზე თუ იყავი, რას მიმალავდი? მე აქ „მოხუცი და ზღვის“ გმირივით ვახურებ თევზაობაზე და შენ ჩუმადა ხარ? ჩვენში დარჩეს, გემზე ერთადერთხელ ვარ ცხოვრებაში ნაჯდომი – სახაზო გემი იყო, „მისური“... თევზზეც მარტო ერთი რამე შემიძლია გითხრა დაბეჯითებით: გაფცქვნას ჭამა მირჩევნია.“

„გაფცქვნას რა უნდა?! ერთხელ თუ ვინმემ გასწავლა...“

„ხოდა მასწავლე! მორჩა, აღარ უნდა ბევრი ლაილაი, შენ ჩვენი კაპიტანი იქნები. ეკიპაჟმა ერთხმად აგირჩია, ჯორჯ!“

ჯორჯი კიდევ უფრო გადაიხარა უკან, თან თავს აქნევდა. „ის ნავეები უკვე ძალიან დაბინძურდა – ყველაფერი გაჭუჭყიანდა...“

„თუ ძმა ხარ... მე შენ ჭუჭყიან ნავეში ჩაგსვამ?! ჩვენი ნავი სპეციალურად გასტერილებულია, ძაღლის კბილივით პრიალებს ცხვირიდან კიჩომდე. ნუ გეშინია, არ დაისვრები. თან კაპიტანი იქნები, ჯორჯ. ანკესზე მისატყუარის ნამოცმაც არ დაგჭირდება; მარტო ბრძანებებს გაცემ და ჩვენც – ზღვის ხამები – უსიტყვოდ დაგემორჩილებით, ჰა, რას იტყვი, მაგარი აზრია?“

ვხედავდი, როგორ აწვალებდა პიჟამის ქვეშ შემალულ ხელებს ჯორჯი და ვხვდებოდი, დიდი ცდუნების წინაშე იდგა; თუმცა ჯერ მაინც უარობდა – დავისვრები, ვერ გავრისკავო. მაკმერფი ნემსის ყუნწში ძვრებოდა, ჯორჯი კი მაინც თავს აქნევდა, როცა კარში მთავარი ექთნის გასაღები გაჩხაკუნდა და ისიც თავისი სიურპრიზებით სავსე მონწული ჩანთის ჩხარაჩხურით შემობრძანდა დერეფანში, ავტომატური, მყარად მორგებული ლიმილის ტკაცატკუცით ჩაუყვია ჩვენს რიგს და არ დაიზარა, ყველას სათითაოდ გვისურვა დილა მშვიდობისა. მაკმერფიმ შეამჩნია, როგორ დაფრთხა ქალის დანახვაზე ჯორჯი და მოიღუშა. ქალი თვალს რომ მიეფარა, თავი ასწია და გაბრწყინებული ერთხელაც ჯიუტად მიაშტერდა ჯორჯს თვალებში.

„ჯორჯ, შენ როგორ გგონია, მართალია ის სისულელე, რასაც მთავარი ექთანი აღელვებულ ზღვაზე ლაპარაკობდა? მართლა საშიშია მოგზაურობა?“

„ოკეანე ზოგჯერ ძალიან მოიგიჟიანებს ხოლმე თავს, სახიფათოა, აბა რა?! ას პროცენტში.“

მაკმერფიმ მთავარ ექთანს გახედა, რომელიც ის-ის იყო სამორიგეოში შედიოდა და მერე ისევ ჯორჯს მიაჩერდა. ჯორჯი პიჟამაში დამალულ ხელებს ვერ ასვენებდა, თან თვალებსაც აცეცებდა, მდუმარედ მიშტერებული პაციენტების სახეებისკენ გაურბოდა თვალი.

„ერთი მაგისიც!“ თქვა უცებ. „რა გგონიათ, ოკეანით შემაშინებს? არა, მართლა ეგრე გგონიათ?!“



„ჰე, ეგ როგორ მგონია, ჯორჯ. ოლონდ, რა არი, იცი, შენ თუ არ გაგვიძეხი და მართლა ქარიშხალი ამოვარდა, ალბათ ყველანი დავიბრიდებით, ხო აზრზე ხარ? ალაღად გითხარი, მე მეზღვაურობის ბაიბურში არა ვარ, ერთ რამესაც არ დაგიმაღავ – ის ორი ქალი, ჩვენ წასაყვანად რო მოდის, ექიმს ჩემი დეიდები და მეთევზეების ქვრივები გონია, მასე ვუთხარი... არადა, იმათი კრუიზები პორტლენდის ასფალტზე იწყება და ასფალტზევე თავდება. ჩემზე მეტი ხერი არც იმათგან იქნება. უეჭველი გვჭირდება, ჯორჯ!“ სიგარეტი მოქაჩა. „სხვათა შორის, ათი დოლარი თუ გაქვს?“

ჯორჯმა უარის ნიშნად თავი გააქნია.

„მაგას ნაღდად ვერ ვიფიქრებდი. ჯანდაბას, არა უშავს, გამდიდრების იმედი დიდი ხანია დავკარგე. აი...“ ჯიბიდან ფანქარი ამოიღო, მწვანე პიჟამის კალთით მაგრად განმინდა და ჯორჯს გაუწოდა. „გვიკაპიტნე და ნებას მოგცემთ, ხუთ დოლარად წამოხვიდე.“

ჯორჯმა ერთხელ კიდევე შეგვათვალაიერა, ღრმად ჩაფიქრებულს კოპები ჰქონდა შეკრული და ხშირი წარბები გადაბმოდა. მერე ნელ-ნელა შუბლი გახსნა, გაგვიღიმა, ჩათეთრებული ღრძილები გამოაჩინა და ფანქარს ხელი წაატანა. „ერთი მაგისიცი!“ გაიმეორა ისევ, ფანქარი ჩაბლუჯა და კედელზე გამოკრული სიისკენ დააღირა თავი. წასაუზმევს, დერეფანს რომ მიუყვებოდა, სიასთან მაკმერფიც შეჩერდა და ჯორჯის გვარის გასწვრივ – „კაპიტ.“ – მიაწერა ბეჭდური ასოებით.

ბოზები იგვიანებდნენ. უკვე იმედიც გვეწურებოდა, საერთოდ აღარ მოვლენო, მაგრამ სწორედ ამ დროს ფანჯარასთან დადარაჯებულმა მაკმერფიმ ყიჟინა დასცა და ყველანი იქით გავცვივდით. ისინი არიანო, გვითხრა, არადა, ჩვენ მარტო ერთ მანქანას ვხედავდით ორის მაგივრად და შიგაც მარტო ერთი ქალი იჯდა. მანქანა სადგომზე გაჩერდა, ქალი გადმოვიდა, გისოსებს ჩაფრენილი მაკმერფი შეეხმინა და იმანაც მოკლეზე, პირდაპირ ბალახზე გადმოჭრა ეზო ჩვენი განყოფილებისკენ.

უფრო ახალგაზრდა და ლამაზი აღმოჩნდა, ვიდრე ნებისმიერ ჩვენგანს წარმოედგინა. დეიდების ნაცვლად ბოზები რომ გვესტუმრებოდნენ, საიდუმლო უკვე აღარავისთვის იყო და ბიჭები, ვინ იცის, რის ნახვას აღარ ელოდებოდნენ. ზოგი, მეტისმეტად მორწმუნე, უკმაყოფილებასაც გამოთქვამდა. ოღონდ როცა დაინახეს, მსუბუქად როგორ მორბოდა ბალახზე, როგორ ანათებდა მწვანე თვალებს ჩვენს ფანჯარას, მზეზე აბრწყვიალებული სპილენძის ზამბარებივით როგორ უთრთოდა ყოველი ნაბიჯის გადადგმისას კეფაზე დაგრაგნილი გრძელი კულულები – ყველაფერი დაავინყდათ იმის გარდა, ქალია, მდედრი და თავფეხიანადაც არ გადათეთრებულა შაქრის ფხვნილში ამოვლებულივითო. არავისთვის აღარავითარი მნიშვნელობა აღარ ჰქონდა, როგორ დარა გზით შოულობდა ცხოვრების სახსარს.

ფანჯარასთან მოირბინა, თითები გისოსებში შემოყო და ზედ მოეკრა. ნარბენი მძიმედ სუნთქავდა და ყოველ ამოსუნთქვაზე თითქოს რკინის ბადეში შემოდრომას ცდილობდა. თვალეები აწყლიანებოდა.

„მაკმერფი! ო, შე ოხერო მაკმერფი...“

„კაი, ხო. სანდრა სად არი?“

„სანდრა მაგარი გაჭედლია. ვერ წამოვიდა. შენ როგორა ხარ, ხო ხარ კარგად?“

„გაჭედლია?“

„თუ სიმართლე გინდა,“ გოგომ ცხვირი მოინმინდა და ჩაიხითხითა, „ჩვენი ბებრუხა გაგვითხოვდა. ბივერტონელი ართი გილფილიანი გახსოვს? ყველა შარაფში იჩითებოდა ხოლმე, ჯიბეში ან დახვეული გველი, ან თეთრი თაგვი, ანდა რამე ეგეთი საზიზღრობა ეჯდა... არ გახსოვს? სუფთა მანიაკი...“

„ლმერთო, შენ მიშველე,“ ამოიკვნესა მაკმერფიმ. „ქენდი, ტკბილო, ათი კაცი ერთ ბითურ „ფორდში“ როგორ ჩავატიო? სანდრას და იმის ბივერტონელ დახვეულ გველს რა, ფოკუზნიკი ვგონივარ?“

გოგოს ისეთი სახე დაედო, თითქოს გამალებული ფიქრობდა

პასუხზე დაამდროს უცებ ჭერში რეპროდუქტორმა გაიტკაცუნა, მთავარი ექთნის ხმით ალაპარაკდა და მაკმერფის დედაშვილურად ურჩია, თუ მეგობარ ქალიშვილთან საუბარი გასურთ, არ ჯობია, წესისამებრ მთავარი შესასვლელიდან შემობრძანდეს და მთელი საავადმყოფო არ შეანუხოსო. გოგო გისოსებს მოშორდა და მთავარი შესასვლელისკენ გაემართა, მერე მაკმერფიც მოცილდა ფანჯარას და თავჩაქინდრული კუთხეში მიდგმულ სკამზე დაენარცხა. „ოხ, სანდრა, შენი დედა ვატირე,“ შეიგინა გულით.

დაგვაჯულმა შავმა ბიჭმა გოგო განყოფილებაში შემოუშვა, იმის ზურგს უკან კარის დაკეტვა კი დაავიწყდა (ნაძღვეს დაგდებ, კაი ტურას დააჭერინებდნენ). ერთიანად ათამთამებულ-ათახთახებული გოგო დერეფანს გამოუყვა – ექთნების სამორიგეოს რომ ჩაუარა, ყველა ექთანმა გაერთიანებული, სუსხიანი მზერით სცადა ამ თუხთუხის გაყინვა – და სულ ორიოდ ნაბიჯით შემოასწრო დღის პალატაში ექიმს. ექიმი რალაც ქალაღდებით ექთნების სამორიგეოსკენ მიიჩქაროდა, გოგოს დანახვაზე შედგა, ქალაღდებს ჩახედა, მერე ისევ გოგოსკენ გაექცა თვალი და ბოლოს ორივე ხელი ერთად ააფათურა, ჯიბეებში სათვალეს დაუნყო ძებნა.

გოგო შუა პალატაში გაჩერდა, ორმოცი მწვანედ შემოსილი, თვალებად ქცეული კაცით გარშემორტყმული. ისეთი სიჩუმე იდგა, თავისუფლად გაიგონებდი მუცლების ბუყბუყს და ქრონიკულების კათეტერების სისინს.

მთელ წუთს მოუნია ასე დგომა, სანამ პალატას მოათვალიერებდა და მაკმერფის იპოვიდა. მოკლედ, დრო გვექონდა და თვალს წყალიც დავალევინეთ. ზემოთ, ჭერში, ზუსტად გოგოს თავზე, ცისფერი კვამლი ეკიდა; ეტყობა, მთელ განყოფილებაში გადაინვა აპარატურა, ასე მგზნებარედ შემოსული სტუმრის სიხშირეზე გადართვა სცადა, იმისი ელექტრონული მუხტის გამოთვლა, მიხვდა – ასეთ დაძაბულობას მე ვერ გავუძლებო და უბრალოდ გადაინვა, სასიკვდილო განაჩენი გამოუტანა საკუთარ თავს.

გოგოსაც, მაკმერფივით, მოკლემკლავებიანი მაისური ეცვა, ოღონდ ზომაზე ბევრად უფრო პატარა, თეთრი, სპორტული ფეხსაცმელები და – ეტყობა, ფეხებში სისხლის უკეთესი მიმოქცევისთვის – მუხლებს ზემოთ გადაჭრილი „ლევისები“. სასერიზოდ გამოსული მანდილოსნის კვალობაზე ქსოვილის ნაკლებობა ამკარად იგრძნობოდა, მით უმეტეს, იმის გათვალისწინებით, რამდენი რამე ჰქონდა ქსოვილს დასაფარი. მართალია, ბევრად ამაზე შილიფად მოსილიც ბევრად მეტ მამაკაცს უნდა ყოლოდა ბევრჯერ ნანახი, მაგრამ გარემოებათა და გარემოებათა გამო მაინც რატომღაც აღელდა და სცენაზე გამოსულ მონაფე გოგონასავით დაიმორცხვა კიდეც. კრინტი არავის დაუძრავს, ხმაგაკმენდილები უცქეროდნენ. ერთი მარტინიმ ჩაიჩურჩულა, ისეთი ვინრო ჯინსები აცვია, ჯიბეში ხურდა ფულზე მოჭრის თარიღს ნაიკითხავს კაცო, მაგრამ ის ყველაზე ახლოს იდგა და ეტყობა, სხვებზე უკეთესადაც ხედავდა.

სიჩუმე პირველმა ბილი ბიბიტმა დაარღვია, თუმცა აზრი სიტყვებით კი არ გამოუთქვამს, უბრალოდ დაგუფულად, ლამის ტანჯვით ამოისტვინა რალაც და ამ სტვენით ნებისმიერ სხვაზე უკეთესად გამოხატა საერთო აღტაცება. გოგოს გაეცინა, დიდი მადლობა გადაუხადა, მაგრამ ბილი ისე განითლდა, გოგოც განითლა და ერთხელ კიდეც გააცინა. უცებ ყველა და ყველაფერი ამოძრავდა. მწვავეები შემოეხვივნენ და ცდილობდნენ, ყველანი ერთად, ერთდროულად გამოლაპარაკებოდნენ. ექიმი პიუამის კალთაზე ექაჩებოდა ჰარდინგს და – ვინ არის და ვინ არისო – ეკითხებოდა აღელვებული. მაკმერფი სკამიდან წამოდგა, შეჯგუფებული ხალხი გაარღვია, გოგოს მიუახლოვდა, გოგომ დაინახა, მიეტმასნა, მკლავები შემოხვია, შე ოხერო მაკმერფიო, – მიესიყვარულა, მაგრამ ისევ დაიმორცხვა და ისევ განითლდა. როცა წითლდებოდა ხოლმე, თექვსმეტ-ჩვიდმეტი წლისაზე მეტისას არ გავდა, მართლა, მამას გეფიცვებით.

მაკმერფიმ სათითაოდ გააცნო ყველას, გოგომაც ყველას რიგრიგობით ჩამოართვა ხელი. ბილის ჯერიც რომ დადგა, ისევ

გადაუხადა მადლობა ნელანდელი სტვენისთვის. სამორიგოდან მთავარი ექთანი გამოსრილდა ღიმილით, მაკმერფის ჰკითხა, მაინც როგორ აპირებდა ათივე მოგზაურის ერთ მანქანაში ჩატევას; იქნებ შეიძლება, აქაური მანქანა ვიქირაოთ და ვინც ვერ ჩატევა, იმათ იმ მანქანით მე თვითონ წავიყვანო, უთხრა მაკმერფიმ, მაგრამ მთავარმა ექთანმა, როგორც მოსალოდნელი იყო, ამის პასუხად ვრცელი ციტატა მოიშველია სწორედ ამგვარი საქციელის სასტიკად ამკრძალავი წესიდან. მეორე მძღოლიც თუ არ იქნა და თუ იმანაც არ მოაწერა ხელი თავდებობის საბუთს, მაშინ ეკიპაჟის ნახევარს დარჩენა მოუწევსო. სხვაობის დასაფარად ორმოცდაათი დოლარი მექნება გადასახდელიო, – აუხსნა მაკმერფიმ, დარჩენილებს თავისი ფული ხომ უნდა დავუბრუნოო.

„მაშინ, იქნებ გადაგედოთ მგზავრობა,“ თქვა ქალმა, „იქნებ მთელი ფული დაგებრუნებინათ უკან?“

„გემი უკვე ვიქირავე, იმის პატრონს ამწუთას ჩემი სამოცდაათი დოლარი უდევს ჯიბეში.“

„სამოცდაათი? სამოცდაათი თქვით, არა? მე კი მახსოვს, პაციენტებს ეუბნებოდით, ჩემი ათი დოლარის გარდა კიდევ ასი დაგვჭირდება მოგზაურობის დასაფინანსებლადო.“

„იქით-აქეთ ბენზინი? მანქანებში ბენზინი არ ჩამესხა?“

„აბა, რასა ბრძანებთ, მაგას ოცდაათი დოლარი რად უნდა, მისტერ მაკმერფი? თქვენ რა, მეხუმრებით?“

ნაზად, ჩამტკბარმა გაულიმა, ღიმილით ელოდა პასუხს. მაკმერფიმ ხელი აიქნია, ჭერს ახედა.

„არა, რაც მართალია, მართალია, თქვენ კაცი ვერაფერს გამოგაპარებთ, ქალბატონო პროკურორო. ხო, სწორია, რაც მორჩა, ჯიბეში ჩავიდე, ოღონდ ეგ ბიჭებმა წინასწარვე იცოდნენ. სხვანაირად არც უფიქრიათ. ამდენი წვალების ფასად ცოტა მეც ხო უნდა მეხეირა...“

„მაგრამ გეგმა ჩაგეშალათ,“ თქვა ქალმა. კვლავ უღიმოდა, თანაგრძნობით. „განურჩევლად ყველა თქვენი პატარა ფინანსური სპეკულაცია ხომ ვერ დაგვირგვინდება წარმატებით,

რენდლ? და საერთოდაც, როგორც მეჩვენება, ისედაც გაცილებით მეტი გამარჯვება მოიპოვეთ, ვიდრე იმსახურებდით.“ თავისივე ნათქვამს ჩაულრმავდა, აშკარად რაღაც საფიქრალი აწვალებდა; მივხვდი, ამ საუბარს მოგვიანებით აუცილებლად მოყვებოდა გაგრძელება. „დიახ. განყოფილებაში უკვე ყველა მწვავე პაციენტმა მოგინერათ სხვადასხვა დროს ხელი თამასუქებზე, ამა თუ იმ თქვენს „ნამოწყებასთან“ დაკავშირებით. ერთი პატარა მარცხი ძალიანაც ვერ გაზარალებთ.“

მერე გაჩუმდა. შეამჩნია, მაკმერფი აღარ უსმენდა. ექიმს უტყვეროდა დაუინებით. ექიმი კი ქერა გოგოს მაისურს ვერწყვეტდა თვალს, თითქოს სხვა აღარაფერი არსებობდა ქვეყანაზე. გაშტერებული ექიმის დანახვაზე მაკმერფის სახეზე ეშმაკური ღიმილი აუთამაშდა, ქუდი კეფაზე მოიგდო, ექიმს მიაშურა, მხარზე ხელი დაადო და საცოდავს კინალამ გული გაუხეთქა.

„ექიმო სპაივი, არ დამიმალოთ, მართალი მითხარით, გინახავთ როდისმე ანკესზე ნამოგებული ორაგული? მაგარი რამეა. ქენდი, ტკბილო, რატომ არ უამბობ ექიმს ღია ზღვაში თევზაობის ამბებს? იცი, როგორ აინტერესებს!..“

გაერთიანებული ძალით მაკმერფის და გოგოს ორწუთზე მეტი არ დაჭირვებიათ ჩვენი პატარა ექიმის დასამუშავებლად, ორწუთში ექიმმა საჩქაროდ ჩაკეტა კაბინეტის კარი, პორტფელში ქალაღდები ნაუცბათევად ჩატენა და ცუხცუხით ისევ დღის პალატისკენ გამოუყვა დერეფანს.

„ამ ქალაღდების კირკიტი გემზეც მშვენივრად შეიძლება,“ აუხსნა მთავარ ექთანს და ისე ჩაუქროლა, პასუხის გაცემაც არ აცალა, ეკიპაჟის დანარჩენი წევრებიც უკან მივყევით, ოღონდ უფრო ნელა, თან ყველანი სამორიგეოს კარში გახიროულ მთავარ ექთანს ვუღიმოდით.

გამცილებული მწვავეები დღის პალატის კარებთან შექუჩდნენ, იცოდეთ, გაუნმენდავი თევზი აქ არ დაგვანახოთო, – მოგვაძახეს. ის კი არა, ელისმაც აინწყვიტა კედლიდან, ბილი ბიბიტს ხელი მარად ჩამოართვა და – შენ კაცთა მესათხევლე იყავიო – უთხრა.

ბილი კი ამ დროს უკვე პალატიდან გასულ გოგოს მისჩერებოდა, მონუსხული შესცქეროდა, როგორ უპაჭუნებდნენ თვალებს იმისი ჯინსების სპილენძის ლილები და ელისისთვის სულ არ სცხელოდა, ეგ საქმე შენთვის დამილოციაო, – ერთი კი ჩაიდუდუნა და გასასვლელთან წამოგვეწია. დაგვაჯულმა შავმა ბიჭმა გადაგვთვალა, გამოგვატარა და კარი ზურგს უკან მოგვიკეტა. უკვე გარეთ ვიყავით, ქუჩაში.

მზე ღრუბლებიდან იჭყიტებოდა და საავადმყოფოს აგურის ფასადს ვარდისფრად ანათებდა. სუსტი ქარი შერჩენილ ფოთლებსაც ახერხავდა მუხებს და კობტად აქუჩებდა მავთულის ლობესთან. ლობეზე აქა-იქ პატარა ყავისფერი ჩიტები ისხდნენ. როცა ფოთლების გროვა ლობეს მიეხლებოდა ხოლმე, წამოფრინდებოდნენ და ქარს მიყვებოდნენ. იფიქრებდი, ლობეს შეხლილი ფოთლები ჩიტებად იქცნენ და სადღაც, შორს მიფრინავნო.

აბოლებული ფოთლების სუნით გაჟღენთილი, შემოდგომის მშვენიერი დღე იდგა, ბურთს დადევნებული ბავშვების ყიჟინითა და პატარა თვითმფრინავების ბზუილით სავსე, ბედნიერების განსაცდელად უკეთესს თითქოს ვერც ინატრებდი კაცი. ჩვენ კი, ჯიბეებში ხელეზრახვილები, მაინც მოლუშულები და ხმაგაკმენდილები ვიდექით, სანამ ექიმი თავის მანქანას მოიყვანდა. ერთად შექუჩრებულები, ჩუმად ვადევნებდით თვალს სამსახურში მიმავალი ქალაქელების მანქანებს და ისინიც მწვანეებში გამონყობილი ამდენი გიჟის დანახვაზე სვლას ანელებდნენ და ცნობისმოყვარეობას ვერ მალავდნენ. მაკმერფიმ უხერხულობა შეგვატყო, შაყირით და გოგოსთან ლაზღანდარობით სცადა, გუნება გამოეკეთებინა ჩვენთვის, მაგრამ ამან რალაც უფრო უარესად მოგვეხამა. ყველა იმაზე ფიქრობდა, რა იოლი საქმე იქნებოდა ახლა კარზე დაკაკუნება, ისევ უკან, განყოფილებაში დაბრუნება და აღიარება, მთავარი ექტონის სიმართლეში დავრწმუნდით, ამ ქარში ზღვა მართლა ძალიან საშიში იქნებაო.

ექიმმა მანქანა მოიყვანა, ჩავსხედით და გზას გავუდექით. მე, ჯორჯი, ჰარდინგი, ბილი ბიბიტი და მაკმერფი გოგოსთან, ქენ-

დისთან ვისხედით; ფრედრიქსონი, სეფელტი, სქანლონი, მარტინი, თეიდემი და გრეგორი ექიმის მანქანით მოგვყვებოდნენ უკან. მანქანაში საშინელი სიჩუმე იდგა. საავადმყოფოდან დაახლოებით ერთი მილის იქით ავტოგასამართ სადგურში შევუხვიეთ; ექიმიც არ ჩამოგვრჩა. პირველი ის გადმოხტა მანქანიდან, სადგურის თანამშრომელი ცქვიტად მიეგება, გალიმებული, თან ჩვრით ხელებს ინმენდდა. მერე ღიმილი სადღაც გაუქრა, ექიმს გვერდით ჩაუარა და ძალიან დაინტერესდა მანქანების მგზავრების ვინაობით. ცნობისმოყვარეობა რომ დაიკმაყოფილა, მანქანებს მოშორდა, ზეთიანი ხელების ნმენდა ნუთითაც არ შეუწყვეტია, და შუბლი შეიჭმუნხნა. ექიმი ნერვიულად ჩააფრინდა სახელოში, ჯიბიდან ათდოლარიანი ამოაძვრინა და ისე ჩაუჩურთა მუჭში, თითქოს პამიდვრის ჩითილი ჩარგოო.

„ორივე ავზი აგვივსეთ, გეთაყვა. ჩვეულებრივით.“ საავადმყოფოს კედლებს გარეთ ისიც ისევე უხერხულად გრძნობდა თავს, როგორც ნებისმიერი ჩვენგანი. „თუ არ შენუხდებით...“

„ეგ ფორმიანები, გზაზე რო საავადმყოფოა, იქიდან არიან, არა?“ კითხვა სადგურის თანამშრომელმა. თან აქეთ-იქით აცეცებდა თვალებს, ჩაქუჩს ან რამე ეგეთს დაეძებდა. ბოლოს სოდიანის ცარიელი ბოთლების გროვას მიუახლოვდა. „კი, ნაღდად იმ საგიჟეთიდან ხართ, ბიჭებო!“

ექიმმა ხელები ააფათურა, სათვალე მოიძია და იმანაც ისეთი ინტერესით შემოგვხედა, თითქოს ფორმა მხოლოდ ახლალა შეამჩნიაო. „ღიახ. არა, ესე იგი, ჩვენ... ესენი საგიჟეთიდან კი არიან, რა თქმა უნდა, ოღონდ იქ მუშაობენ, არ მკურნალობენ; რა თქმა უნდა, არ მკურნალობენ. მუშების ბრიგადაა.“

სადგურის თანამშრომელმა ჯერ ექიმს მოუჭუტა თვალი, მერე ჩვენ და ბოლოს ახალ ამბავზე საჩურჩულოდ ჯიხურში დარჩენილ თავის კომპანიონს მიაშურა. ცოტა ხანს იჩურჩულეს, მერე კომპანიონმა ექიმს ჯიხურიდან გამოსძახა – არა, მაინც ვინ არიანო? ექიმმა იმასაც იგივე გაუმეორა, მუშების ბრიგადაო და სადგურის ორივე თანამშრომელმა გულიანად გაიცინა.



სიცილზე შევატყვე, ბენზინს ნაღდად მოგვყიდიდნენ – ყველაზე უხარისხოს, განყალბულს, თანაც ჩვეულებრივზე ორჯერ ძვირად – და ამან გუნება ოდნავადაც ვერ გამომიკეთა. სხვებიც დაძმარებულები ჩანდნენ. ექიმის ნათქვამმა მთლად მოგვსპო, ოღონდ ტყუილმა კი არა, სიმართლემ მოგვეშხამა.

ჯიხურში მჯდომი გარეთ გამოვიდა, ისიც ღიმილით მოუახლოვდა ექიმს. „უმაღლესი ხარისხის გვინდაო, ასე თქვით, არა? ამნუთას, ჩემო ბატონო. ზეთის ფილტრებიც ხო არ შევამონმოთ, გინდათ, შუშებსაც გაგინმინდავთ?“ მეგობარზე უფრო ზორბა იყო, ექიმისკენ ისე დაიხარა, თითქოს საიდუმლოს უზიარებდა. „დამიჯერებთ? ბოლო მონაცემებით ჩვენ გზებზე მანქანების ოთხმოცდარვა პროცენტს ზეთის ფილტრები და შუშის სანმენდები არ უვარგა.“

ღიმილი ნახშირისფრად შეფერადებოდა – ეტყობა, წლების მანძილზე კბილებით უშვებდა და უჭერდა ძრავის სანთლებს. ექიმს ზევიდან ისე დაღიმოდა, ისედაც ჩიას უარესად აჩიავებდა და უცდიდა, აბა ერთი როდის აღიარებს, გამომიჭირეს და კედელთან მიმაყენესო. „თქვენ მუშებს მზის სათვალეები არ ჭირდებათ? ნაღდი „პოლაროიდები“ გვაქვს.“ ექიმი უკვე ხვდებოდა, კვატივით რომ იყო გამოჭერილი. ოღონდ სანამ დანებებას აღიარებდა, სანამ პირს გაალებდა და ყველაფერზე დათანხმდებოდა, უცებ რალაც ბზუილივით ხმა გაისმა და ჩვენი მანქანის სახურავმაც აკეცვა დაიწყო. მაკმერფი გააფთრებული ებრძოდა აკორდონივით დატალღულ ბრეზენტს, იგინებოდა და იმაზე უფრო სწრაფად ცდილობდა სახურავის გადახდას, ვიდრე ამას ზანტი მექანიზმი მოახერხებდა. მტრისას, ისეთი გაცოფებული ჩანდა. როცა გინებ-გინებით და ძიძგილაობით თავისას მიაღწია, გოგოს ლამის ზედ გადაალაჯა, მანქანიდან გადაფოფხდა, ექიმსა და სადგურის თანამშრომელს შორის ჩადგა და ნახშირისფრად მოლიმარ მუტრუკს ჯიქურად მიაშტერდა.

„კარგი ეხლა, გეყო, ჰენკ! აკი გითხრეს, ჩვეულებრივი ჩავისხიო – ორი ავზი ჩვეულებრივი! გაუგებარია რამე? სხვა ხარა-

ხურა შენტვის შეინახე. ბენზინიც სამი ცენტით იაფად გვეკუთვნის, ამ ჩემალალა ექსპედიციას ხელისუფლება კურირებს.“

მუტრუკი არ განძრეულა. „ჰოო? აბა პროფესორმა რო თქვა წელან, პაციენტები არ არიანო?“

„კარგი, თუ ძმა ხარ, ჰენკ! კეთილი კაცია, თქვენ გაგიფრთხილდათ, გულები არ დაუსკდეთო. არა, ისე სხვა პაციენტების გულისთვის ექიმი, რა თქმა უნდა, ტყუილს არ იკადრებდა, მარა ჩვენ – განსაკუთრებული ცენტრები ვართ. რალაც-რალაცეები გვაქ ნამამაძალეები შეურაცხად მდგომარეობაში, ხო აზრზე ხარ? ესწუთია სპეცპალატებიდან გამოგვიყვანეს და სან-ქვენტინში მივყავართ – იქ უკეთესი პირობები ქონიათ ჩვენისთანების მოსავლელად. აგე, იმ ჭორფლიანს ხედავ? რო შეხედავ, „სათადეი ივინგ პოსტის“ ყდიდან გადმოსულს გავს, არადა, თუ გარეკა და დანა დაატრიალა – მტრისას! სამი კაცი ყავს დაბრედილი. მაგის გვერდზე რო ზის, ცენტრების ცენტრია, დაჭრილ ტახზე უარესი. ვერ გაიგებ, როდის რა ნამოუვლის. აი, ის ოყლაყი კიდე ინდიელია, ვილაც თეთრკანიანებმა ანდატრის ტყავების ამბავში გადაგდება დაუპირეს და ექვს ტიპს წერაქვით დაუხეთქა თავები. ადე, ბელადო, დაენახე ამ პატიოსან ხალხს.“

ჰარდინგმა ფერდში თითი მატაკა და მეც წამოვდექი. მუტრუკმა თვალი მოიჩრდილა, ამხედ-დამხედა და კრინტი არ დაუძრავს.

„ვალარებ, ცოტა არასასიამოვნო ჯგუფია,“ თქვა მაკმერფიმ, „მარა ეს ექსპედიცია კანონიერი მთავრობის სანქცირებულია; ხოდა, ჩვენც ისეთივე შეღავათები გვეკუთნის, როგორც, ვთქვათ, გამოძიების ფედერალურ ბიუროს.“

მუტრუკი ისევ მაკმერფის მიაჩერდა, იმანაც ცერა თითები კავებივით გამოსდო ჯიბეებს, უკან გადაიზნიქა და თვალი თვალში გაუყარა. მუტრუკმა ამხანაგს გახედა, ბოთლების გროვასთან ახლოს დგას თუ არაო, და მერე ლიმილით კვლავ მაკმერფის მოუტრიალდა.

„ნანატრი მუშტრებიანო, ვერ იტყვი არა, ძველო? გვიჩვენია,

ჭკუით ვიყოთ და რასაც გვეუბნებიან, ის ვაკეთოთ, ხო? კეთილი და პატიოსანი, ოღონდ ერთი ეს მითხარი, შენ როგორ მოხვდი ამ გაუგებრობაში? პრეზიდენტის მოკვლას აპირებდი?”

„აი, ეგ ნაღდად ვერ შემომტენეს, ჰენკ! სიაბანდზე ჩავვარდი, რინგზე შემომაკვდა ერთი, ხო აზრზე ხარ? მერე გამიტკბა და ნავიდა და ნავიდა...“

„ესე იგი, შენც რინგის გლადიატორი ყოფილხარ, არა, ეგრე არ ეძახიან?“

„ეგ გითხარი? არა, ძმაო, იმ ბალიშებს ვერაფრით ვერ მივეჩვიე. ვერც ტელევიზორში მნახავდი – ჩემი ბრძოლები „მედისონ სქვერ გარდენიდან“ არ გადმოუციათ. მე ერთი ქუჩის ბიჭი ვარ, ქუჩაში მიყვარს მუშტების ქნევა.“

მუტრუკმაც ჯიბეებში ჩაიყო ცერა თითები – ვითომ მაკმერფის გამოაჯავრა. „მუშტების ქნევა არა და, ენის ფხანა ნაღდად გეყვარება.“

„მა რა! მაგით მიდგას სული. ოღონდ, ერთი აქეთაც მომხედე, ჯიგარ,“ სახესთან მიუტანა ხელები, ძალიან ახლოს, ზედ ცხვირწინ უტრიალებდა ნელ-ნელა. „სადმე გინახავს, მარტო ლაილაით კაცს ხელები ამ დღეში ჩაეგდოს? გინახავს-მეთქი, ჰენკ?“

კარგა ხანს ეჭირა ხელები ასე, ელოდებოდა, კიდეც გამოუჩნდება რამე სათქმელი თუ არაო. მუტრუკმა ხელებს დახედა, მერე მე შემათვალიერა, მერე ისევ მაკმერფის მუშტებზე გადაიტანა მზერა. როცა ნათელი გახდა, გადაუდებელი და აუცილებელი არაფერი აქვს სათქმელიო, მაკმერფიც გამოეცალა და ახლა მეორეს მიაშურა, ბოთლების გროვასთან გაშტერებულს, მუჭიდან ექიმის ათდოლარიანი ამოაცალა და იქვე, სადგურის გვერდით დუქნისკენ გაემართა.

„თქვენ ბენზინის ხარჯი იანგარიშეთ და ანგარიში საავადმყოფოში გამოგზავნეთ. მე მანამდე ჩემებს რამეს ვუყიდი, ცოტას გავახალისებ. ცოდვაა ამ ფულის შუშის სანმენდებზე და ოთხმოცდარვაპროცენტიან ზეთის ფილტრებზე დახარჯვა.“

როცა უკან დაბრუნდა, ბიჭები უკვე მოჩხუბარი მამლაყინ-

წებივით ალგზნებულები დახვდნენ, სადგურის თანამშრომლებს ბატონკაცურად აძლევდნენ ბრძანებებს – ჰაერის წნევას ამონ-მებინებდნენ სათადარიგო საბურავებში, შუშებს აპრიალებინებ-დნენ და, ძმაკაც, თუ არ შენუხდებო, კაპოტიდან ჩიტის დას-კლინტულს აფხეკინებდნენ. მუტრუკმა მთლად ბილის გულის მოსაგებად რომ ვერ შეასრულა დავალება, ბილიმ დაუძახა და უკან მოაბრუნა.

„აი აქ, ე-ე-ეტყობა, ხოჭო მიესრისა, ლლ-ლ-აქა დარჩა.“

„ხოჭო არა...“ პირქუშად ჩაიბუზლუნა მუტრუკმა, თან ლაქას ფრჩხილით ფხეკდა. „ჩიტისაა...“

ჩიტი არაფერ შუაშიაო, მეორე მანქანიდან გამოსძახა მარ-ტინიმ. „მაშინ ბუმბული და ძვლები სადღაა?“

გზაზე ვილაც კაცმა ჩაიარა ველოსიპედით, ჩვენ დანახვაზე გაჩერდა და იკითხა, ეს ერთნაირი მწვანე ფორმა რას ნიშნავს, რამე კლუბის წევრები ხართ? ამაზე ჰარდინგმა წამოყო თავი.

„არა, მეგობარო. ჩვენ საავადმყოფოდან გამოქცეული მთვარეულები ვართ. ფსიქოკერამიკულიდან; კაცობრიობის დამსხვრეული ქოთნები. გნებავთ, რორშახის ტესტი ჩაგიტა-როთ? არა? გეჩქარებათ? წავიდა... სანყენია.“ მაკმერფის მიუბ-რუნდა. „ადრე არც მიფიქრია, სულიერი ავადმყოფობა ძალაუფ-ლების გარკვეულ ასპექტსაც თუ შეიცავდა. არა, წარმოგიდ-გენიათ? თურმე რაც უფრო გიჟია კაცი, შეიძლება, მით უფრო მეტი ძალაუფლება ჩაიგდოს ხელში. მაგალითად თუნდაც ჰიტ-ლერი გამოდგება. მთელი ეს ამაოების ბაზარი გონებას გიფან-ტავს კაცს, არადა ღირს ამ ამბავზე სერიოზული დაფიქრება.“

ბილიმ გოგოს ლუდის ქილა გაუხსნა და იმანაც ისე ააღლევა გაცისკროვნებული ღიმილით, ისეთი ხმით უთხრა – მადლობთ, ბილიო, მერე ყველას რიგრიგობით გაგვიხსნა თითო-თითო ქილა.

ტროტუარზე კი ამ დროს ზურგზე ფრთებდაკრეფილი მტრედები დააბიჯებდნენ ალმა-დალმა.

მანქანაში ვიჯექი, თავს ჯანმრთელად და ლალად ვგრძნობ-დი და ლუდს ვწრუპავდი; მესმოდა, ყელიდან კუჭამდე, მთელ

სიგრძეზე როგორი ხმით მისრიალებდა – ზზზტ, ზზზტ, – დაახლოებით ასე. აღარც მახსოვდა, ამქვეყნად თუ არსებობდა ასეთი კარგი ხმა და გემო, როგორი ხმა და გემოც გადაყლაპულ ლუდს ჰქონდა. ერთხელაც მოვსვი გემრიელად, ბლომად და აქეთ-იქით ყურება დავიწყე, ხომ უნდა მენახა, კიდეც რა დამვიწყებოდა ოცნელინადში.

„ბიჭოს!“ შესძახა მაკმერფიმ, თან საჭეს მიუჯდა, გოგო გვერდით მიჭყლიტა, ლამის ზედ მიაკრა ბილის. „ერთი ნახეთ, როგორ ნთქავს ცეცხლოვან წყალს დიდი ბელადი!“ მანქანა ადგილს მოწყვიტა, გზატკეცილზე სხვა მანქანების ნიაღვარში შეაგდო და ექიმიც, არ ჩამოვრჩეო, სულ საბურავების ნუილ-ნუილით მოგვყვა უკან.

გვაჩვენა, რის მიღწევა შეიძლებოდა სულ მცირეოდენი სითამამისა და გამბედაობის ფასად და ჩვენც ეშხში შევედით, დავასკვენიტ – გაკვეთილი კარგად დავისწავლეთო. სანაპირომდე მთელი გზა გულად ბიჭობას ვთამაშობდით და კარგადაც ვერთობოდით. შუქნიშნებთან, როცა სხვა მანქანების მგზავრები ჩვენი მწვანე ტანსაცმლით მეტისმეტად დაინტერესდებოდნენ და მოგვაშტერდებოდნენ ხოლმე, ყველანი ზუსტად მაკმერფივით ვიქცეოდით, გაჯგიმულები, ღონივრები, ცალწარბაქაჩულები და დამცინავად მოლიმარები, თვალს თვალში ვუყრიდით ცნობისმოყვარეებს და მანამდე აღარ ვაშორებდით, სანამ ძრავები არ ჩაუქრებოდათ, მზერა არ დაებინდებოდათ, შუქნიშანზე ფერების გარჩევის უნარს არ დაკარგავდნენ და შიშის ოფლი არ დაასხამდათ – ეს რა საზიზლარი მაიმუნების ხროვა გვედგა გვერდით, ორნაბიჯში, წუთის წინ, არადა, საშველადაც ვის გინდა დაუძახო.

მაკმერფი კი თავის თორმეტკაციან ეკიპაჟს ოკეანისკენ მიუძღვებოდა.

მე მგონი, მთელი ამ ბრექისა და თვალების ბრიალის მოჩვენებითობა მაკმერფის ჩვენზე უკეთ ესმოდა. ჯერ ხომ გულიანი, ნამდვილი სიცილითაც ვერ გავგაცინა ვერავინ. ალბათ, უჭირდა

გაგება, ახლა მაინც რა ემართებათ, აქ მაინც რატომ ვერ იცინიან თამამად, თუმცა ის კი კარგად იცოდა, კაცი მართლა მაგარი ვერასდროს გახდები, ნებისმიერი მოვლენის და საგნის სასაცილო მხარის დანახვაც თუ არ შეგიძლია. არადა, თვითონ ისეთი მონდომებით ცდილობდა, ეს სასაცილო მხარე სხვებისთვისაც დაენახვებინა, ცოტა არ იყოს, შევფიქრიანდი – ეგება სხვა, მეორე მხარეს საერთოდ ვერც ამჩნევს, იქნებ საერთოდ ვერ ხვდება, რა უშრობს და უქვავებს კაცს სიცილს სადღაც, შიგანში-მეთქი. შეიძლება, ამას ბიჭებიც ვერ ხვდებოდნენ, შეიძლება უბრალოდ ათასნაირი, ოთხივე მხრიდან მომავალი სხივების და ტალღების დარტყმის ძალას და სიხშირეებს აღიქვამდნენ, იმათი გავლენით აწყდებოდნენ და ეხლებოდნენ აქეთ-იქით, კომბინატის საქმიანობას მხოლოდ გრძნობდნენ საკუთარ ტყავზე, მე კი, მე ამ საქმიანობას ვხედავდი კიდევ.

კაცს ცვლილებას მაშინ შეატყობ, როცა დიდი ხნის უნახავს შეხვედები, ყოველდღე თუ უყურებ, დილა-სალამოს, ვერაფერს შეამჩნევ, რადგან ცვლილება თანდათანობით ხდება. მთელი გზა ვამჩნევდი იმის უამრავ ნიშანს, რისთვის მიეღნია კომბინატს ჩემს არყოფნაში; აი, მაგალითად, სადგურში მატარებელი ჩერდება, კუჭს ითავისუფლებს – ფჰტ, ფჰტ, ფჰტ – ერთი დიდი ოჯახის მწერებივით გადაბმული, ცოცხალმკვდარი არსებების გრძელ ჯაჭვს მოისაქმებს, დაიცლება სარკეში არეკლილივით ერთნაირი, ერთნაირკოსტიუმებიანი და დაშტამპულშლაპებიანი ზრდასრული, საქმიანი მამაკაცების ურდოებისგან, ელექტროსაყვირს ჩაბერავს და გზას აგრძელებს, ახლა სხვაგან უნდა გააპოხიეროს გაბერნებული მიწა.

მერე ერთ თარგზე მოჭრილ, კონვეიერიდან ეს-ესაა გადმოსულ ხუთი ათას ერთნაირ სახლსაც ვხედავ, ქალაქგარეთ, გორაკზე ჩარიგებულს – ახალთახალი სახლები ჯერაც სოსისებივით გადაბმიან ერთმანეთს: „მოიწყვეთ ბუდე დასავლეთში“ – გვაქეზებს დიდი სარეკლამო აბრა – „ვეტერანები პირველი შესატანისგან თავისუფლდებიან“. გორაკის ძირში, სახლების ქვემოთ, მავთულით

შემოღობილი სათამაშო მოედანია, ერთი აბრა ლობეზეც კი დია – „ნმინდა ლუკას ვაჟთა სკოლა“. მწვანე ველვეტის შარვლებში, თეთრ პერანგებსა და მწვანე პულოვერებში გამონყობილი ხუთი ათასი ბიჭი მოედანზე, ერთ აკრ ხრეშზე ლახტს თამაშობს. ქამრები შხუიან, იკლაკნებიან, გველებივით იგრიხებიან... ერთი პატარა, ბელურასავით მობუზული ბიჭი ქამრის ყოველ მოქნევაზე თვალდახუჭული ლობისკენ გაფრთხილდება ხოლმე, მაგრამ რატომღაც ყველაზე მეტი სწორედ იმას ხვდება, ყველა ქამარი თითქოს მარტო იმას პოულობს, მაინცდამაინც იმას უწვავს კანჭებს.

ხუთი ათასივე ბიჭი იქვე, იმ ხუთი ათას სახლში ცხოვრობს, მატარებლიდან გადმოსული იმ კაცების ოჯახებში. სახლები იმდენად გვანან ერთმანეთს, ბავშვებს ხშირად ეშლებათ და დედამამის მაგივრად უცხო ხალხს მიადგებიან ხოლმე. ოღონდ ვერავინ ვერაფერს ამჩნევს. ვახშამს შეჭამენ და დასაძინებლად ნვებიან. მარტო იმ პატარა ბიჭს ცნობს ყველა. მუდამ ისეთი დაოსებული და დალილავებულია, სადაც არ უნდა მივიდეს, ყველგან უცხოდ ჩანს. არც გულის გახსნა შეუძლია ვინმესთვის და არც გაცინება. ძნელია სიცილი, როცა იმ სხივების ძალას გრძნობ, ის სხივები გეძგერებიან ქუჩაში ჩავლილი ნებისმიერი მანქანიდანაც და გზად შემოხვედრილი ნებისმიერი სახლიდანაც.

„შეგვიძლია, ჩვენი ლობი გავიჩინოთ ვაშინგტონში,“ ამბობდა ჰარდინგი, „საკუთარი ორგანიზაცია შევქმნათ, სულით ავადმყოფთა ეროვნული ასოციაცია. მობილური, ჩალიჩა ჯგუფები დაგვჭირდება. ყველა მთავარ გზატკეცილზე დიდი ფირნიშები დავდგათ, ზედ ვინმე ყბედი შიზოფრენიკი დავახატოთ – შეიძლება, ვთქვათ, კედლის სანგრევი მანქანის საჭესთან იჯდეს – და უშველებელი, წითელ-მწვანე ასოებით დავანეროთ: „დაიქირავეთ გიჟები!“ არა, ჩვენ ნამდვილად ვარდისფერი მომავალი გველოდება, ჯენტლმენებო.“

სიუსლოს ხიდზე გადავედით. ჰაერში სწორედ იმდენი ნისლი იყო, შემეძლო, ენაგამოყოფილს მანამდე მეგრძნო ოკეანის გე-

მო, სანამ თვალით დავინახავდი. ყველამ იცოდა, საცაა მივალთო და სანამ დოკებს არ მივადექით, ხმა აღარავის ამოუღია.

კაპიტანს, ვისაც ზღვაში უნდა გავეყვანეთ, მელოტი, ნაც-რისფერი თუჯის თავი ისე აჯდა შავ, ყელიან სვიტერზე, როგორც წყალქვეშა ნავს – ქვემეხის კომკურა; პირში გაჩრილი ჩამქრალი სიგარა ლულასავით მოგვატარა. მაკმერფის გვერდით იდგა ნავ-მისადგომზე, გველაპარაკებოდა და თან ზღვას გასცქეროდა. იმის ზურგს უკან, რამდენიმე საფეხურით ზემოთ, სათევზაო მონ-ყობილობის დუქანთან, სკამზე ექვსი თურვა ქარგაუმტარ ლაბა-დიანი კაცი იჯდა. კაპიტანი ხმამალლა ლაპარაკობდა, იქით იმ უსაქმურების და აქეთ მაკმერფის გასაგონად – სადღაც შუაში უმიზნებდა ჟღერიალა ხმას.

„არ მაინტერესებს. სპეციალურად მოგწერეთ. ხელმონერი-ლი საბუთი არ მოგიტანიათ, უსაბუთოდ ზღვაში გასვლის უფლება არ მაქვს და არც გავალ!“ მრგვალი თავი-კომკურა სვიტერის საყე-ლოში აქეთ-იქით ტრიალებდა, თან, ერთად შექუჩებულებს, სიგა-რასაც გვიმიზნებდა. „ერთი შეხედეთ! აბა ეს ზღვაში გასაყვანი ხალხია, ვირთხებივით გადაცვივდებიან წყალში. მერე მაგათინათე-სავები დაიწყებენ ჩივილს, ტყავს გამაძრობენ. ვერ გავრისკავ.“

მაკმერფიმ აუხსნა, დოკუმენტები მეორე გოგოს უნდა აეღო პორტლენდშიო. „ვინ მეორე გოგოს?“ გამოსძახა დუქნის კედელს მიყუდებულმა ერთ-ერთმა უსაქმურმა. „ეგ ქერა რა, ყველას ვერ გაგწვდებათ?“ მაკმერფიმ არავითარი ყურადღება არ მიაქცია, კაპიტანთან გააგრძელა კამათი, არადა ამ სიტყვებმა გოგოს აშკა-რად გული ატკინა. დუქანთან შეგროვილები თვალებით ჭამდნენ, თავებს მიატყუპებდნენ ხოლმე და რალაცას ჩურჩულებდნენ. მთელი ჩვენი ეკიპაჟი ხედავდა, ექიმიც და სირცხვილი გვკლავ-და, ვერაფერს ვაკეთებთო. ნელანდელი, ავტოგასამართი სადგუ-რის ამკლები მაგარი ბიჭების კვალიც აღარსად ჩანდა.

როცა დარწმუნდა, კაპიტანთან საერთო ენას ვერ გამოვნა-ხავო, მაკმერფიმ კამათი შეწყვიტა, თმა მოიჩეჩა და რამდენ-ჯერმე მიიხედ-მოიხედა.



„ჩვენი ნაქირავები გემი რომელია?“

„აგე, „ტოროლა“. ოღონდ სანამ ხელმონერილი საბუთი ჯიბეში არ მედება, კაციშვილი ვერ დაადგამს ზედ ფეხს. კაციშვილი!“

„გემი იმისთვის არ მიქირავებია, ესე ყეყეჩივით ვიდგე მთელი დღე და დავტკბე, როგორ ატორტმანებენ დოკში ტალღები,“ თქვა მაკმერფიმ. „მაგ თქვენ ფარდულში ტელეფონი არა გაქთ? ნავიდეთ, გავარკვიოთ საქმე.“

ბრაგაბრუგით აუყვინ კიბეს დუქნისკენ, დუქანში შევიდნენ და საცოდავად აბუზულეები შეგვატოვეს ლაზღანდარებს. ისინიც შეუფარავად გვათვალისწინებდნენ, ხმამაღლა გვახასიათებდნენ, ხორხოცებდნენ და ერთმანეთს მუჯღუგუნებს უბაზუნებდნენ. ნავმისადგომთან ქარი ნავებს ატორტმანებდა, ისეთი ხმით ახლიდა ცხვირებით ნაპირის გასწვრივ ჩარიგებულ ავტომობილის საბურავებს, თითქოს ისინიც ჩვენ დაგვცინოდნენ. ფიცრებქვეშ წყალი ხითხითებდა და ჟანგიან კავებზე დაკიდებული დუქნის აბრაც – „ყველაფერი მეთევზეებისთვის, კაპიტ. ბლოკის საკუთრ.“ – გულისგამანვრილებლად ჟღარუნობდა და წრიპინებდა. წყლიდან ოთხ ფუტზე, ზუსტად მოქცევის დონეზე, ხიმინჯებს მიკრული ნიჟარები მზეზე უსტვენდნენ და ტკაცუნობდნენ.

ქარი გაავდა, სუსხი მოემატა, ბილი ბიბიტმა მწვანე ქურთუკი გაიხადა, გოგოს გაუნოდა და იმანაც მაისურზე შემოიცვა. ერთი უსაქმური გაუთავებლად ეძახდა ზევიდან: „ეი, ლამაზო, გევასება დარეხვილები, ჩემი გოგო?“ კაცს თირკმლისფერი ტუჩები ჰქონდა, თვალების ქვეშ კი, სადაც ქარს სისხლძარღვები დაეფუფქა, ალისფერი დაკრავდა. „ეი, ლამაზო, შენ გეუბნები,“ არა და არ ცხრებოდა კაცის გამყივანი და თან მოღლილი ხმა, „ეი, ლამაზო... ეი, ლამაზო... ეი, ლამაზო...“

ქარით შენუხებულები, უფრო და უფრო ვეკვროდით და ვეტიმასნებოდით ერთმანეთს.

„ერთი მითხარი, ლამაზო, შენ რილასთვის დაგამწყვდიეს, ჰა?“

„ეგ დამწყვდეული არ არი, პერს, ეგ მკურნალობაში ითვლება.“

„მართლა, ლამაზო? მკურნალად დაგიქირავეს? ეი, ლამაზო!“

გოგომ თავი ასწია და თვალებით გვკითხა, წელანდელი ძველი ბიჭების ხროვა რა იქნა, რატომ ხმას არ იღებთ და არ მექომაგებითო? თვალი ვერავინ გაუსწორა. მთელი ჩვენი ვაჟკაცობა და გამბედაობა კიბეს აუყვავა ამ ცოტა ხნის წინ, მელოტ კაპიტანს ხელი გადახვია და დუქანში გაუჩინარდა.

გოგომ პიჟამის საყელო აიწია, ერთიანად აიწურა და უხმოდ გაგვეცალა, ნავმისადგომის შორეული ბოლოსკენ წავიდა. არავინ გაყოლია. ბილი ბიბიტს სიცივისგან გააჟრიალა და ტუჩი მოიკვნია. დუქანთან ჩამომსხდარმა უსაქმურებმა კიდევ რაღაც იჩურჩულეს და ისევ აჭიხვინდნენ.

„მიდი, მიდი, კითხე, პერს.“

„ეი, ლამაზო, შენი უფლება-მოვალეობების ქალღმერთი ხელი მოანერინე? როგორც გავიგე, ამათგან ვინმე წყალში თუ გადავარდა და დაიხრჩო, ნათესავებმა შეიძლება იჩივლონ. მაგაზე არ გიფიქრია? იქნება ჩვენთან დარჩენილიყავი, ცუნცულ!“

„მართლა, ჩემი გოგო! ჩემი ნათესავები არ გიჩივლებენ. პირობას გაძლევ. დარჩი ჩვენთან, ლამაზო.“

წარმოვიდგინე, ვითომ ფეხები მისველდებოდა, ვითომ ნავმისადგომი ყურეში იძირებოდა სირცხვილისგან. აქაურობისთვის, ამ ლაზლანდარა უსაქმურებისთვის ნაღდად არ ვვარგოდით, არც იყო აქ ჩვენი ადგილი. ვინატრე, ნეტა მაკმერფი დროზე გამოჩნდეს, ამათ ერთი კარგად შეუკურთხოს და მერე ჩვენც ისევ უკან, მშობლიურ ბუდეში დაგვაბრუნოს-მეთქი.

თირკმლისფერტუჩებიანმა დანა დაკეცა, წამოდგა და კალთიდან ბურბუშელა ჩამოიფერთხა. კიბის საფეხურებისკენ დააღირა თავი. „გეყო ეხლა, ლამაზო, ამ ქლიავებთან რა საქმე გაქვს?“

ნავმისადგომის ბოლოში გასული გოგო მოტრიალდა, გამოხედა, მერე ისევ ჩვენ მოგვაჩერდა – ამჟამად შეეტყო, კაცის ნათქვამზე ფიქრობდა, იქნება მართლა ეგრე ჯობდესო – და ამ დროს უცებ დუქნის კარი მოფრიალდა, მაკმერფი გამოვარდა, დუქნის წინ ჩამომსხდარებს ლამის ზედ გადაუარა და ფართხა-ფურთხით კიბეზე დაეშვა.

„აუშვით აფრები, მოგვარდა ყველაფერი! ნავიც მზათაა, სანვაიც ასხია, ანკესები და ლუდიც ატანილია...“

ბილის ნამოარტყა, ერთი მეზღვაურულად ნაუცეკვა და ბაგირების ახსნა დაიწყო.

„ზღვის ლომი კაპიტანი ბლოკი ჯერაც ტელეფონზე კიდა, მარა გამოვა თუ არა, ჩვენც მოვხვეთ. ჯორჯ, აბა ვნახოთ ერთი, ამ მოტორს თუ გაახურებ. სქანლონ, შენ და ჰარდინგმა ეგ თოკი მოხსენით. ქენდი! მანდ რა გინდა, გოგო?! მოდი დროზე, ზღვაში გავდივართ.“

გახარებულები თავპირისმტვრევით ავცივდით გემბანზე, იმ ჯეელების ყურებას და მოსმენას უკვე ყველაფერი გვერჩია. ბილიმ გოგოს ხელი ჩაკიდა და გემზე ამოსვლაში მოეხმარა. ჯორჯი ხელსაწყოების დაფას დალიღინებდა კაპიტნის ბოგაზე, მაკმერფის უხსნიდა, რა გადაეტრიალებინა და რომელ ლილაკზე დაეჭირა თითი.

„ესეთი გემები დედის რძეს არ შეგარჩენს კაცს, ეგრეც ვეძახდით – მარწყევინას,“ ეუბნებოდა მაკმერფის, „მარა სამართავად ძაან იოლია, გინდაც მანქანა გიტარებია.“

ექიმმა, სანამ გემბანზე ამოვიდოდა, ცოტა იყოყმანა, დუქნისკენ გაიხედა. უკვე ფეხზე ნამომდგარი და კიბის თავში შეგროვილი უსაქმურებისკენ გაექცა თვალი.

„იქნებ ჯობდეს, მოვიცადოთ, რენდლ... სანამ კაპიტანი...“

მაკმერფიმ საყელოში ჩაავლო ხელები, ასნია, მიწას ააცილა და პირდაპირ გემბანზე დაასკუპა პატარა ბავშვივით. „აბა რა, დოკ!“ თქვა მაკმერფიმ. „მოვიცადოთ, სანამ კაპიტანი... რას იზამს?...“ სიცილი აუტყდა, მთვრალივით იცინოდა, თან ალგზნებული, განერვიულებული ლაპარაკობდა: „მოვიცადოთ, სანამ კაპიტანი გამოვა და გვეტყვის, პორტლენდში ლამის გასათევი სახლის ტელეფონი მოგიციათო? სუ მაგ ჭკუაზე ვარ! რა ჭირი გეტაკა, ჯორჯ? მიხედე საქმეს და მოგვაშორე აქაურობას! სეფელტ! მოხსენი თოკი და ამოხტი დროზე. აბა შენ იცი, ჯორჯ...“

ძრავამ ამოიხვნეშა და დადუმდა; ერთხელაც ამოიხვნეშა,

თითქოს ყელს ისუფთავებსო, და მერე გემრიელად აღრიალდა.

„ჰეჰეჰეე! ნავედით. შეუკეთე, შეუკეთე ჯორჯ! აბა, ბიჭებო, აბორდაჟის მოსაგერიებლად მოემზადეთ!“

კიჩოს უკან თეთრად ათუხთუხდა ბოლი და წყალი, სწორედ ამ დროს დუქნის კარიც გაიღო ჯახანით, დუქნიდან ყუმბარასავით გამოვარდა კაპიტნის თავი და გრიალით დაგორდა კიბის საფეხურებზე – თითქოს მარტო კაპიტნის კი არა, დანარჩენი რვა ბიჭის სხეულებსაც მოათრევდა თან. ბრავაბრუვით გამოირბინეს ნავმისადგომი, ადულებულ ქაფში გამოტოპეს და მერელა გაჩერდნენ – ჯორჯმა უკვე მოასწრო გემის შემობრუნება, ნავმისადგომს ზურგი აქცია და ჩვენ ფერხითი გადაშლილი ზღვისკენ ააღებინა გეზი.

გემის უეცარმა შემობრუნებამ ქენდი მუხლებზე დაანარცხა. ბილი მაშინვე მისახმარებლად მივარდა, თან წამოდგომამში შველოდა და თან ბოდბებს უხდიდა ნავმისადგომზე თავისი ნელანდელი საქციელის გამო. მაკმერფი კაპიტნის ბოგადან ჩამოვიდა, ბილის და გოგოს კითხვა, იქნებ თქვენ ორს განმარტოება გინდათ, ძველი დროის გახსენებაო? ქენდიმ ბილის გადახედა, იმან კიდევ მარტო თავის გაქნევა მოახერხა და ენის ბორძიკ-ბორძიკით რალაც გაუგებარი ჩაიბუტბუტა. მაშინ მე და ქენდი ჩავალთ ქვევით, ვნახავთ, სადმე წყალი ხომ არ ჟონავს, თქვენ კი ცოტა ხანს უჩემოდ შეიქციეთ თავიო, თქვა მაკმერფიმ. კაპიტნის კარებთან წამით გაჩერდა, მხედრულად მოგვესალმა, თვალი ჩავვიკრა, ჯორჯი კაპიტნად, ჰარდინგი კი კაპიტნის პირველ თანამემნედ დანიშნა, აბა, თქვენ იცით, ბიჭებო! – დაგვიბარა და გოგოსთან ერთად კაბინაში გაუჩინარდა.

ქარი ცოტათი ჩადგა და ძალამოკრებილი მზეც ქრომისფრად ავარაყებდა მუქი მწვანე ტალღების აღმოსავლეთ ფერდობებს. ჯორჯს გემი სრული სვლით გაყავდა ღია ზღვაში, სულ უფრო და უფრო უკან ტოვებდა ნავმისადგომსაც და იმ დუქანსაც. როცა ჯებირსაც და უკანასკნელ შავ კლდესაც ჩავუარეთ, ვიგრძენი, როგორ დამეუფლა საოცარი სიმშვიდე და ეს განცდა თან-

დათანობით, განუწყვეტლივ ძლიერდებოდა, რაც უფრო მეტად ვშორდებოდით ნაპირს.

ბიჭებმა ცოტა ხანს ალგ ზნებულებმა იყაყანეს ჩვენ მეკობრეობაზე, გემის მოტაცებაზე და მალევე მიჩუმდნენ. უცებ კაბინის კარი გაიღო, ზუსტად იმდენზე და იმდენი ხნით, რაც იქიდან ერთი ყუთი ლუდის გამოცურებას დაჭირდებოდა. ბილიმ სადღაც გასახსნელი იპოვა, სათითაოდ გაგვიხსნა ბოთლები და ყველას ჩამოგვირიგა. ესვამდით და ვუყურებდით, როგორ იძირებოდა მინა კილვატერში.

დაახლოებით ერთი მილის გავლის მერე ჯორჯმა სიჩქარეს უკლო, როგორც თვითონ თქვა, „სათევზაოზე“ დაიყვანა, ოთხი ბიჭი ოთხი ანკესით დააყენა კიროზე და ჩვენც, დანარჩენები, მზეს მივეფიცხეთ – ზოგი კაბინის სახურავზე მოვკალათდით და ზოგიც გემის ცხვირზე, პერანგები გავიხადეთ და ცალი თვალით ვუყურებდით, როგორ ებრძოდა და ეჯახირებოდა ანკესებს ოთხი მეთევზე. ჰარდინგმა ასე დაანესა – ყველა მანამდე ითევზავებდა, სანამ იმის ანკესს თევიზი არ წამოეგებოდა, მერე კი ადგილს სხვას დაუთმობდა. ჯორჯი საჭესთან იდგა, მარილმიმხმარი შუშის იქიდან თვალემოჭუტული გამოგვეცქეროდა და ყვირილით გვიხსნიდა, რა უნდა გვეკეთებინა, კოჭზე ძუა როგორ დაგვეხვია, კავზე ქაშაყი როგორ წამოგვეცვა, რამსიშორეზე და რა სიღრმეზე გადაგვეგდო ანკესი:

„აი, ეგ ოთხი ნომერი აილე, თორმეტუნციიანი ტივტივა გაუკეთე... ხო, კარგი, ამნუთას გაჩვენებ... ყველაზე დიდი უნდა ამოვათრიოთ, ფსკერიდან, ას პროცენტში!“

მარტინიმ ქიმთან მიირბინა, გადაიხარა და დაჟინებით დაამტერდა წყალს, თავისი ანკესის ძუას ჩააყოლა თვალი. „აუჰ, აუჰ, ღმერთო!..“ ამკარად რალაცამ გააკვირვა, თუმცა რა დაინახა, ვერ გავიგეთ, რაც იყო, ჩვენთვის, დანარჩენებისთვის, ეტყობა, ძალიან ღრმად იყო.

სანაპიროს მთელ გაყოლებაზე სხვა სპორტული ნაგებიდანაც თევზაობდნენ მოყვარულები, მაგრამ ჯორჯს არც უცდია იმათ

შეერთებოდა; ჯიუტად უქცევდა გვერდს და გეზი ღია ზღვისკენ ეჭირა. „არა ბიჭო!“ ბუზღუნებდა თავისთვის. „ამათ გავუყადრებ თავს. ჩვენ ნაღდ მეთეზეებთან გავალთ, თევზი თუა, იქაა.“

ირგვლივ ტალღები დაგორავდნენ, ცალ მხარეს ზურმუხტის, მეორე მხარეს კი ქრომისფერი. მარტო ძრავის ფრუტუნლულუნი ისმოდა – ხან ხმამალლა, ხან კი უფრო სუსტად, იმის მიხედვით, ტალღა გემს ზევით აისროდა თუ წყალში ჩააყოფინებდა ხოლმე გამოსაბოლქვ მილს – და კიდევ უშნო, პატარა, შავი ჩიტების უცნაური, მოწყენილი ყყვივლი, გემის გარშემო მოტივტივეები, ალბათ გზას თუ ეკითხებოდნენ ერთმანეთს. სხვა ყველა და ყველაფერი დუმდა. ბიჭებიდან ზოგს ეძინა, სხვები წყალს დასცქეროდნენ. თითქმის ერთი საათი გავიდა, როცა უცებ სეფელტის ანკესი მოირკალა და წვერი წყალში ჩაყო.

„ჯორჯ! ღმერთო ჩემო, ჯორჯ! მოდი, მოგვეშველე!..“

ჯორჯს ცოცხალი თავით ანკესთან სათოფეზე მიკარებაც არ უნდოდა; ჩაიცინა, სეფელტს უბრძანა, მუხრუჭი აუშვი, ანკესი სულ მალლა გეჭიროს და მოქაჩე, გასაქანი არ მისცე თევზსო.

„კი, მაგრამ, შეტევა რომ მომივიდეს?“ აყვირდა სეფელტი.

„მოგივიდეს! მაშინ კაუჭზე შენ წამოგაცვამთ და თევზსაც შენზე მოვიტყუებთ!“ უყვირა ჰარდინგმაც. „მიდი, მაგრად მოქაჩე, შეასრულე კაპიტნის ბრძანება და შეტევაზე ლაპარაკი აღარ გამაგონო!“

გემიდან ოცდაათი იარდის მოშორებით მზეზე თევზმა გაიბრწყინა, ვერცხლის ქერცლი მიმოაბნია. სეფელტი თვალეზად იქცა, ისე აღელდა, ისე გაერთო თევზის ცქერით, ანკესი დაბლა დაუშვა და განწყვეტილმა ძუამაც რეზინივით გაიტკაცუნა გემბანზე.

„მალლა-მეთქი, ხო გითხარი?! რას დააქაჩინე? მალლა არ იცი, რა არი? რამხელა იყო მაინც...“

როცა ბოლოს და ბოლოს ანკესი ფრედრიქსონს გადასცა, სეფელტს ერთიანად გათეთრებული ყბა ციებიანივით უკანკალეზდა. „ჯანდაბას თქვენი თავი, ოლონდ იცოდეთ, ლაყურში

კაუჭგაყრილი თევზი თუ დაიჭირეთ ვინმემ, ეგ იქნება, ჩემი!“

მეც დანარჩენებივით აღგზნებული ვიყავი. თევზაობას არ ვაპირებდი, მაგრამ როცა ძუის ბოლოზე ორაგულის ეს ფოლადისებური ძალა დავინახე, კაბინის სახურავიდან ქვევით ჩავედი, პერანგი ჩავიცვი და ჩემს რიგს დაველოდე.

სქანლონმა სანაძლეოების დადება დაიწყო, ჯერ თქვა, ყველაზე დიდ თევზს ვინ დაიჭერსო, მერე – პირველად ვის გაუმართლებსო. ორმოცდაათ-ორმოცდაათ ცენტს ადებინებდა ყველა მსურველს. ჯიბეში ფულის შენახვაც ვერ მოასწრო და ბილიმ წყლიდან რალაც საზიზღრობა ამოათრია, ათგირვანქიან გომბეშოს გავდა და თან მაჩვზღარბასავით ეკლებიც ესხა.

„ეს რა თევზია,“ აიბრიზა სქანლონი, „ეს მოგებაში არ გეთვლება.“

„აბა, ჩ-ჩ-ჩიტია?“

„თევზია, თევზი,“ დავგამშვიდა ჯორჯმა. „მშვენიერი გემო აქვს, ოლონდ კაი გასუფთავება უნდა.“

„გაიგე? ესეც თევზია. აბა, მ-მ-მივილოთ ფული!“

ბილიმ თავისი ანკესი მომცა, ფული ჩაიბარა და კაბინის შორიანხლოს ჩამოჯდა, სევდიანად მიაჩერდა ჩაკეტილ კარებს. „ნ-ნ-ნეტა ყველას სამყოფი ანკესები გვქონოდა“, ჩაილაპარაკა მონყენილმა და ზურგით კაბინას მიეყრდნო.

ვიჯექი, ხელში ანკესი მეჭირა და კილვატერში ჩათრეულ ძუას არ ვაშორებდი თვალს. ხარბად ვისუნთქავდი ჰაერს, ვგრძნობდი, დალეული ლუდი მოკლედ როგორ რთავდა მთელ ჩემს სხეულში ჩამონტაჟებულ ათობით საკონტროლო მავთულს: ირგვლივ, ოთხივე მხარეს, მზეზე ტალღების ქრომისფერი ფერდები ციმციმებდნენ და ანათებდნენ.

ჯორჯმა სიმღერ-სიმღერით გვიბრძანა, წინ იყურეთ, ეხლანახავთ, რასაც ეძებთო. კისერნაგრძელებულმა მივიხედ-მოვიხედე, მაგრამ ვერაფერი დავინახე მოტივტივე მორისა და იმ შავი თოლიების გარდა, რომლებიც მორის გარშემო ყვინთავდნენ, ქარბორბალათი ატაცებული შავი ფოთლებივით ირეოდნენ. ჯორჯმა

ცოტათი მოუმატა სიჩქარეს, ფრინველების გუნდისკენ აიღო გეზი. სიჩქარისგან ძუა გამექცა, დაიჭიმა. ვიფიქრე, ახლა ველარც მივხვდები, თევზი როდის წამოეგება-მეთქი.

„ეგენი, ეგ მუცელმერთები, ცქიმურას გუნდებს დაყვებთან,“ გვმოძღვრავდა საჭესთან მდგომი ჯორჯი, „სხვანაირად სანთელა თევზებსაც ეძახიან, პატარები არიან, თეთრები, თითისტოლები. რო გააშრობ, მართლა სანთელივით ანთია ხოლმე. იჭმევა, კაი თევზია. ხოდა, სადაც სანთელას ნახავ, იცოდე, ჩვენი ვერცხლისფერი ორაგულიც სადღაც იქვეა, ას პროცენტში.“

მორს გვერდი აუქცია და პირდაპირ ჩიტებში შეაჭრა. უცებ გემის ირგვლივ ტალღების ქრომისფერი ფერდები მყვინთავი ჩიტებით და ასხმარტალებული თევზებით ათუხთუხდა, აზავთდა, მერე კი მთელ ამ ალიაქოთში ორაგულების მოვერცხლისფრო-მოცისფრო, ტორპედოსებურმა ზურგებმაც გაიღვეს. დავინახე, როგორ მოირკალა ერთი ზურგი, მიმართულება შეიცვალა და სწორედ იქით გამოეშურა, სადაც, კიჩოდან ოცდაათიოდე იარდის მოშორებით, წესით, ჩემი ანკესის ქაშაყიანი კავი უნდა ყოფილიყო. ერთიანად დავიჭიმე, გულმა ზარივით დამინყო რეკვა და უცებ ლამის ორივე ხელი მომწყდა, საშინელი ბიძგი ვიგრძენი, თითქოს ანკესს ვილაცამ ბეისბოლის კეტი შემოკრაო, ცეცხლმოკიდებული და სისხლივით განითლებული ძუა კოჭიდან მოწყდა და მეც სულ ტყუილად ვცდილობდი, როგორმე ცერა თითით შემეკავებინა. „მუხრუჭი იხმარე, მუხრუჭი!“ მიყვიროდა ჯორჯი, მაგრამ ეგ მუხრუჭი რა ხილი იყო, წარმოდგენა არ მქონდა და ისევ ცერით დავანექი მთელი ძალით, სანამ ძუა ისევ არ გაყვითლდა, მერე ნელ-ნელა სიჩქარე დაკარგა და ბოლოს სულ გაჩერდა. მივიხედ-მოვიხედე. ჩემი ანკესივით სამი დანარჩენიც შხუოდა და ჰაერში ივრისებოდა, კაბინის სახურავიდან ბიჭები ჩამოხტნენ, ანითლებულები, აღგზნებულები, და ვისაც როგორ შეეძლო, ცდილობდა ფეხებში გაგვბლანდვოდა.

„მოქაჩე! მოქაჩე! არ დაუშვა, მალლა გეჭიროს!“ ღრიალებდა ჯორჯი.



„მაკმერფი! გამოდი მაქედან და მოგვხედე.“

„მადლობა ღმერთს, ფრედ, ჩემი თევზი დაგიჭერია!“

„მაკმერფი, მოგვეხმარე, მაკმერფი, ცუდადაა საქმე!“

მაკმერფის სიცილი გავიგონე და ცალი თვალით დავინახე კიდევ – ვითომც არაფერიო, კაბინის კართან იდგა და არც ფიქრობდა რამის გაკეთებას. მე ჩემი გასაჭირი მქონდა, ანკესს ვეომებოდი და საშველად რანაირად დავუძახებდი?! რამე ქენიო, უყვიროდა ყველა, მაგრამ მაკმერფი არც ინძრეოდა. ექიმიც კი, ვისაც ანკესი ღრმად ჰქონდა გადაგდებული, შველას ითხოვდა. არადა, მაკმერფი ჯორივით იდგა და იცინოდა. ბოლოს ჰარდინგი მიხვდა, ეგ თითის თითზე დამკარებელი არ არისო, თვითონვე დასწვდა ბარჯს და ოსტატურად, რალაცნაირად ლამაზადაც ამოაგდო ჩემი ასხმარტალეებული თევზი გემბანზე, ერთი მოძრაობით, თითქოს ცხოვრებაში თევზის ჭერის მეტი არაფერი უკეთებიაო. რამხელაა ეს ოხერი, ლამის ჩემი ფეხის ან სულაც მესრის ბოძისოდენა-მეთქი, გავიფიქრე. ამოდენა თევზი ჩანჩქერზეც არ დაგვიჭერია არასდროს. მართლა შეშლილ ცისარტყელასავით ხტის მთელ გემბანზე, სისხლით თხვრის ყველაფერს და ქერცლსაც ვერცხლის ხურდა ფულივით აბნევს ირგვლივ. ნეტავი ისევ წყალში არ გადახტებოდეს-მეთქი, ვნატრობ. ეს მაკმერფიც რომ არ ფიქრობს მოხმარებას! სქანლონი თევზს აცხრება, ეჭიდავება და გემბანის ფიცრებს აკრავს, არ აცლის გადახტომას. მერე ქვევიდან გოგოც ამორბის, ჩემი რიგი არ მოვიდაო, ყვირის, ანკესს ხელიდან მგლეჯს და სანამ ახალ ქაშაყს წამოვუცვამ ზედ, სამჯერ მიყრის თითში კაუჭს.

„ბელადო, მამაძალი ვიყო, ამოდენა რამე თუ მენახოს ცხოვრებაში! ჰა, რა იყო, ცერი გაგეჭრა? გიკბინა ამ ვირმა? ვინმემ ბელადს თითი შეუხვიეთ, დროზე!“

„ახალ გუნდში შევდივართ,“ ყვირის ჯორჯი. მეც ძუას კიჩოდან წყალში ვუშვებ და ვხედავ, წამით გამკრთალ ქაშაყს როგორ ეტაკება და ნთქავს ორაგულის მუქი ლურჯი ჩრდილი. ძუა შიშინით უჩინარდება წყალქვეშ. გოგოს ორივე ხელით მაგრად ჩაუბ-

ლუჯია ანკესი და კბილი კბილზე დაუჭერია. „არ გაბედო, შე ოხერო! არ გაბედო-მეთქი...“

გოგო ფეხზე დგას, ანკესის ჯოხი ლაჯებში ამოუჩრია, ხელები კოჭის ქვეშ აქვს ჩავლებული, კოჭი ტრიალებს და იმის სახელურიც გამეტებით სცემს ტანზე, სანამ ძუა ბოლომდე არ ჩათავდება: „ოოოხ, გაჩერდი-მეთქი, შე ვირო!“ ახლაც ბილის მწვანე პიჟამა აცვია, კოჭის სახელური პიჟამას უღელავს და ყველა ვხედავთ – მაისური გაუხდია, პიჟამის ქვეშ მთლად დედიშობილაა. ბიჭები ირცხვენენ, თან ვითომ მარტო თავ-თავიანთი თევზების ამოთრევა აინტერესებთ, ცდილობენ, მთელ გემბანზე მოხტუნავე ჩემს თევზსაც მოერიდონ, სახელური კი ტრიალებს და ტრიალებს, ისეთი სისწრაფით ეხლება გოგოს მკერდზე, ძუძუს კერტი ერთიან ალისფერ ლაქად გადაქცეულა.

ბილი მისახმარებლად გოგოსკენ ხტება. უკეთესის ვერაფრის მოფიქრებას ვერ ახერხებს, უკნიდან ხელებს ხვევს და კიდევე უფრო მაგრად აჭერს ანკესის ჯოხს გულზე, ძუძუებს შორის, ისე მაგრად, ტანზე მიკრული კოჭი ბოლოს და ბოლოს ჩერდება კიდეც. გოგო ისეთი დაძაბულია და ძუძუებიც, ეტყობა, ისე გამაგრებია, ბილიმაც და იმანაც ერთდროულად რომ გაუშვან ანკესს ხელი, მაინც ძველ ადგილზე დარჩება-მეთქი, მგონია.

ეს ალიაქოთი კარგა ხანს გრძელდება, არადა, ზღვისთვის სულ ერთი წამია – კაცები ჭყივიან, იბრძვიან, ფაციფუცობენ, თან ანკესების ამოქაჩვა უნდათ და თან გოგოსკენ გაურბით თვალი; სადღაც, ფეხებთან, სქანლონის და ჩემი თევზის სისხლიან ორთაბრძოლას არ ადგება საშველი; ერთმანეთში აბლანდულ და გადახლართულ ძუებს თავს და ბოლოს ვერ გაუგებ: ერთ ძუას ექიმის სათვალეც გამოდებია ზონრით და კიჩოს უკან, ათიოდე ფუტის მოშორებით ქანაობს ჰაერში; სათვალის აციმციმებულ შუშებს თევზი ეხლება, გოგო უკანასკნელი სიტყვებით იგინება და ახლალა დასცქერის გაშიშვლებულ ძუძუებს, ერთს თეთრს და მეორეს – ალისფრად მოვარვარეს. ჯორჯი აღარ უყურებს, საით მიყავს გემი, პირდაპირ მორს ეტაკება და ძრავაც ქრება.

მაკმერფი კიამდროს გაუჩერებლად იცინის. უფრო და უფრო იზნიქება უკან, ლამის წვება კაბინის სახურავზე და მთელ არემარეს აყრუებს თავისი ხარხარით. გოგოსაც დასცინის, ბიჭებსაც, ჯორჯსაც... ჩემზეც ეცინება – როგორ ვილოკავ ამოდენა ვირი გასისხლიანებულ ცერს, ნავმისადგომზე დარჩენილ კაპიტანზეც, დილანდელ ველოსიპედისტზეც, ბენზინის ჩამსხმელებზეც, ხუთი ათას სახლზეც, მთავარ ექთანზეც და საერთოდ, ყველაფერზე. იმიტომ რომ იცის, თუკი წონასწორობის შენარჩუნება გინდა, თუკი ცდილობ, ცხოვრებამ ჭკუიდან არ გადაგიყვანოს, ყველაფერზე უნდა იცინო, რაც ტკივილს გაყენებს. რა თქმა უნდა, იმ მეორე, მტკივნეული მხარის არსებობაც მშვენივრად მოეხსენება; იცის, მე თითი მტკივა, იმის მეგობარ გოგოს მკერდი აქვს დაბეჭილი, ექიმმა სათვალე დაკარგა – მაგრამ ტკივილს არაფრით მისცემს ნებას, სასაცილო მხარე დაჩრდილოს, ზუსტად ისევე, როგორც სასაცილოთი არ მიჩქმალავს მტკივნეულს.

ვხედავ, ჰარდინგიც მაკმერფის გვერდით გადათხლამულა და ისიც სიცილით კვდება. მერე თევზთან მოჭიდავე სქანლონიც ამათ ყვება. ჩვენც, დანარჩენებსაც დაგვცინიან და საკუთარ თავსაც. სიცილს გოგოც იწყებს, არადა, ჯერაც თვალები ეწვის და ჩქარ-ჩქარა ხან თეთრ ძუძუს დახედავს ხოლმე, ხან კიდევე ალისფერს... უკვე სეფელტიც იცინის, ექიმიც... ყველა.

სიცილი მოულოდნელად დაიწყო, ნელ-ნელა, მერე იმატა, იმძლავრა და ბიჭებიც თითქოს თანდათან გაიზარდნენ, გადიდდნენ, უფრო და უფრო გაძლიერდნენ... ვიდექი და დანარჩენებს შევცქეროდი, იმათიანი, იმათი ნაწილი, იმათსავით გულიანად ახარხარებული, ოღონდ თან რალაცნაირად სხვებისგან გამიჯნულიც. გემბანს მოვწყდი, მალლა ავიჭერი და, ქარს მიყოლილი, მეც იმ შავ ჩიტებთან ერთად დავფრინავდი ცაში. მალლიდან ვიყურებოდი და საკუთარ თავსაც ვხედავდი, დანარჩენებსაც, მყვინთავ ჩიტებს შორის ატორტმანებულ გემსაც, თორმეტი ამხანაგით გარშემორტყმულ მაკმერფისაც... თვალს არ ვაშორებდი არც იმათ და არც საკუთარ თავს, ირგვლივ კი ჩვენი ხარ-

ხარი აზანზარებდა ჰაერს, სულ უფრო და უფრო შორს ვრცელდებოდა, წრიულად, ვიდრე მთელი სანაპიროს პლაჟებს არ მიეხლებოდა, ყველა სანაპიროს ყველა პლაჟს, რიგრიგობით, ახალ-ახალ ტალღებად, კიდევ და კიდევ.

ექიმის ანკესი ზედ ფსკერთან გამოედორალაც უშველებელს და სანამ ზემოთ ამოქაჩვას მოახერხებდა, ჯორჯის გარდა უკვე ყველამ დავიჭირეთ და გემბანზეც ამოვადგეთ თითო-თითო თევზი. ბოლო-ბოლო, ექიმის ნადავლსაც მოვკარით თვალი, დავინახეთ, როგორ გაიელვა წამით თეთრად და, ექიმის მთელი მცდელობის მიუხედავად, ისევ ფსკერზე ჩაყვინთა. ექიმი ცოცხალი თავით არ ყრიდა ფარ-ხმალს, ნებისმიერ მიხმარებაზე ჯიუტად ამბობდა უარს, აქოშინებული ეჯავჯგურებოდა ანკესს, კოჭსაც გააფთრებული ატრიალებდა, მაგრამ თევზი ზედაპირს მოუახლოვდებოდა თუ არა, მოკრავდა თუ არა თვალს სინათლეს, მაშინვე სიღრმეში უჩინარდებოდა.

ჯორჯს ძრავას ამუშავება აღარც უცდია, ქვევით ჩამოვიდა და თევზის ისე გაფცქვნას გვასწავლიდა, ქერცლი გემბანზე არ დაყრილიყო; მერე ლაყურებიც დაგვაძრობინა – გემო არ გაუფუჭდებათო. მაკმერფიმ ოთხფუტიანი ძუის ორივე ბოლოზე თევზის ნაჭრები გამოაბა, ჰაერში ააგდო და ორი გამყივანად აჭყივლებული ჩიტიც გვერდიგვერდ მოჰყვა ჩვენ თავზე ტრიალს – „სამარის კარამდე ერთად!“

გემის მთელი კიჩო და ეკიპაჟის უმეტესობა წითლად და ვერცხლისფრად იყო მოთხვრილი. ზოგიერთებმა პერანგები გავიხადეთ, წყალში გავავლეთ, გარეცხვა ვცადეთ. ასე გაგვყავდა დრო, ცოტ-ცოტას ვთევზაობდით, ლუდს ვწრუპავდით, უკვე მეორე ყუთიდან, და შუადღემდე ჩიტებს ვაპურებდით. გემი ზარმაცად ირწეოდა ტალღებზე, ექიმი კი ჯერაც ფსკერის ბინადარ ურჩხულს ეომებოდა. ქარი გაძლიერდა, ზღვა მწვანე და ვერცხლისფერ ნამსხვრევებად აქცია, შუშის და ქრომის მინდორს დაამსგავსა, გემიც თანდათან უფრო მაგრად ატორტმან-

და. ჯორჯმა ექიმს უთხრა, ან დაიჭირე ეგ თევზი, ანდა ძუა გადა-  
ჭერი, თორემ ამინდი ფუჭდებაო. ექიმს არაფერი უპასუხია.  
ოლონდ ანკესს კი ჩააფრინდა მეტი გააფთრებით, მთელი ტანით  
წინ გადაიხარა, მობოშებული ძუა კოჭზე დაახვია და ერთიც  
კაცურად მოქაჩა.

ბილიმ და გოგომ გემის ცხვირზე მოიკალათეს, საუბრობდნენ  
და წყალში იყურებოდნენ. უცებ ბილიმ იყვირა, რალაც დავინახეო  
და ყველა იქით გავცვივდით. წყალქვეშ, ათი-თხუთმეტი ფუტის  
სიღრმეზე, თანდათან მართლაც აშკარად იკვეთებოდა ბუნდოვა-  
ნი, განიერი და თეთრი ლანდი. უცნაური სანახავი იყო, როგორ  
ამოდიოდა ზედაპირზე, თავიდან სინათლისფერი, მერე წყალქვეშ  
თეთრი ნისლივით გაბნეული, ბოლოს კი ფორმაშეძენილი, გამ-  
კვრივებული, ცოცხალი...

„ღმერთო ძლიერო!“ იყვირა სქანლონმა. „ეს ექიმის თევზია!“

მართალია, თევზი გემის სხვა მხარეს გამოჩნდა, მაგრამ  
ძუის მიმართულება სქანლონის სიმართლეს ადასტურებდა.

„ამას გემზე თავის დღეში ვერ ამოვათრევთ,“ თქვა სეფელ-  
ტმა. „თან ქარიც ძლიერდება...“

„დიდი კამბალაა,“ თქვა ჯორჯმა. „ზოგჯერ ორას, სამას გირ-  
ვანქასაც იწონის ხოლმე. ჯალამბრის გარეშე არაფერი გამოვა.“

„ძუა უნდა გადავჭრათ და გავუშვათ, დოკ“, თქვა სეფელტმა  
და ექიმს ბეჭებზე ხელი შემოხვია. ექიმს ხმა არ ამოუღია; პი-  
ჯაკის ზურგი მთლად დამბალი ჰქონდა ოფლისგან, უსათვალოდ  
დარჩენილს თვალები წითლად უელავდა. მანამდე ქაჩა ანკესი,  
სანამ ბოლოს თევზი თავის მხარეს არ გაათრია. ცოტა ხანს კიდევ  
დავცქეროდით ზედაპირზე აფართხალებულს, მერე კი თოკების  
და ბარჯის მოსატანად გავცვივდით.

ბარჯგაყრილმაც ერთი საათი გვანვალა, დანარჩენი სამი  
ანკესის გამოდებაც მოგვიხდა. ბოლოს მაკმერფი გემბანიდან  
გადაეყუდა, ლაყურებში ჩააფრინდა, მოქაჩა, ამოათრია და ექიმ-  
თან ერთად მოადენინა ზღართან ამ გამჭვირვალედ თეთრ  
ბრტყელ სხეულს.

„აი, ეს მესმის!“ ქოშინებდა გემბანზე გართხმული ექიმი და იმდენის თავიც აღარ ჰქონდა, უშველებელი თევზის ქვემოდან გამომძვრალიყო. „აი, ეს მესმის, ეს... ეს მართლა სხვაა!“

აქეთობას გემი საშინლად ირყეოდა და ჭრიალებდა. არც მაკმერფი გვაკლებდა შავ-შავ ამბებს ჩაძირულ გემებზე და ზვიგენებზე. ნაპირს რომ მივუახლოვდით, ღელვა გაძლიერდა, ქარი ნაღებივით ხდიდა ტალღებს ქაფის თეთრ ბლუჯებს და სადღაც შორს მიაფრენდა თოლიებთან ერთად. კონცხის კიდესთან ყალყზე შემდგარი ტალღები უკვე გემბანზე გადადიოდ-გადმოდიოდნენ და ჯორჯმა ყველას მაშველი ჟილეტების ჩაცმა გვიბრძანა. პევამჩნიე, უკვე ყველა სასაიერნო კატარლა ნაპირზე გასულიყო.

სამი ჟილეტი გვაკლდა, პატარა ჩოჩქოლი ატყდა, ვინ იქნებოდა ის სამი გულადი, ვინც ამ სახიფათო მონაკვეთის გავლას უჟილეტოდ გაბედავდა. ბილიმ, ჰარდინგმა და ჯორჯმა გაბედეს, თუმცა ჯორჯი ჭუჭყიან ჟილეტს მაინც არ ჩაიცვამდა ცოცხალი თავით. ბილის თავგამოდებამ ყველა გააკვირვა: საქმე არჩევანზე მიდგა თუ არა, ჟილეტი უსიტყვოდ გოგოს დაუთმო და ჩაცმაშიც მიეხმარა. თუმცა უფრო დიდი გაოცება მაკმერფის საქციელმა გამოიწვია: ვინ იფიქრებდა, სწორედ ის თუ არ გამოიღებდა გამირობაზე თავს; არადა, ხანმოკლე კამათის დროს გაუნძრევლად იდგა, კაბინას მიყუდებული, ატორტმანებულ გემბანზე ნონასწორობის შენარჩუნებას ცდილობდა და სიტყვის უთქმელად შესცქეროდა ბიჭებს. მხოლოდ ილიმებოდა და დანარჩენებს თვალს არ აშორებდა.

თავთხელში გამოვედით და წყლის კანიონში ამოვყავით თავი. გემს ცხვირი ჩვენ წინ აგორებული, აშიშინებული ტალღისკენ ჰქონდა აშვერილი, უკნიდან კი მეორე ტალღა მოგვედევდა. ყველა, ვინც დაქანებულ კიროზე იდგა, მოაჯირს იყო ჩაფრენილი, ხან წამოწეული წყლის მთას გახედავდნენ, ხან კონცხის სველ, შავ კლდეებს ჩვენგან ხელმარცხნივ, ორმოც ნაბიჯში, ხან კიდევ საჭეს ჩაფრენილ ჯორჯს. ჯორჯი ანძასავით იდგა. გაუჩრებლად ატრიალებდა თავს წინ და უკან, მოუმატებდა გაზს, მერე მო-

უკლებდა, ისევ მოუმატებდა და ცდილობდა, გემი მუდმივად ტალღის უკანა ფერდზე შეეკავებინა. წინასწარ გაგვაფრთხილა – თუ გადავასწარიტ, საჭე და ხრახნი ჰაერში გამოკიდებული დარჩება და ტალღა ნაფოტივით აგვათამაშებს, ხოლო თუ პირიქით, ძალიან ავითრიეთ ფეხი, მეორე ტალღა დაგვენევა და ათი ტონა წყალი გემბანიდან გადაგვრეცხავსო. არავის დაუნყია ხუმრობა, კრინტიც არ დაუძრავთ იმაზე, რა სასაცილოდ ატრიალებდა თავს აქეთ-იქით დასაქოქსათამაშოსავით.

ყურეში ზღვა ისევ დამშვიდებული დაგვხვდა. ჩვენს ნავმისადგომზე, დუქანთან, ზედ წყლის პირას კაპიტანი და ორი პოლიციელი დავინახეთ. იმათ ზურგს უკან უკლებლივ ყველა უსაქმურსაც მოეყარა თავი. ჯორჯმა მთელი სისწრაფით პირდაპირ იმათკენ გააქანა გემი. ისე მივქროდით, კაპიტანმა ხელეზის ქნევა და ყვირილი დაგვინყო, პოლიციელები და უსაქმურები კი ფართხაფურთხით აცვივდნენ კიბეზე. მაგრამ სწორედ იმ წამს, როცა გემი, წესით, ცხვირით უნდა შესკდომოდა ნაპირს და მთელი ნავმისადგომიც ნამსხვრევებად ექცია, ჯორჯმა საჭე დაახვია, სრული უკუსვლის რალაც ენით უთქმელი მანევრი ჩაატარა და დამაყრუებლად აღრიალებული გემი ისე ჩააკონარეზინის საბურავებს, თითქოს ჩვილი ლოგინში ჩაანვინაო. ჩვენც უკვე ნაპირზე ვიყავით და ბაგირებს ვაბამდით, ვიდრე უკნიდან ტალღა წამოგვენეოდა; ტალღამ ირგვლივ ყველა გემი და კატარლა აატორტმანა, ნავმისადგომზე დაიფშვნა და თეთრი ქაფით დაფარა იქაურობა, თითქოს მთელი ზღვა მოვიყოლეთ თან ნაპირზე დაბრუნებულებმა.

კაპიტანმა, პოლიციელებმა და უსაქმურებმა ბრაგაბრუვით ჩამოირბინეს კიბის საფეხურები და ჩვენკენ გამოცვივდნენ. დარტყმა ექიმმა მიიღო თავის თავზე, ის კი არა, იქითაც შეუტია პირველმა პოლიციელებს, უთხრა, თქვენი იურისდიქცია ჩვენზე არ ვრცელდება, ჩვენი ექსპედიცია სავსებით კანონიერი, მთავრობის მიერ ნებადართული ღონისძიებაა და თუ მაინცდამაინც ვინმეს წინაშე უნდა ვაგოთ პასუხი, მხოლოდ და მხოლოდ ფედერა-

ლური ხელისუფლების წინაშე. მოკლედ, გაღმა შეედავა, ძალიან თუ ეძებთ მტყუნ-მართალს, გირჩევნიათ, ის გაარკვიოთ, გემზე ჟილეტები რატომ დაგვაკლდა, პატივცემულმა კაპიტანმა რა, კანონი არ იცის, ეკიპაჟის ყველა წევრი ჟილეტით უზრუნველყოფილი რომ უნდა იყოსო? როცა კაპიტანმა ამ კითხვაზე ვერაფერი უპასუხა, პოლიციელებმაც ზრდილობისთვის რამდენიმე სახელი და გვარი ჩაინერეს, ცოტა იბუზლუნეს და შემცბარები გაგვეცალხნენ. თვალს მიეფარნენ თუ არა, ერთმანეთს მაკმერფი და კაპიტანი წაეკიდნენ, კაი განევ-გამონევაც წავიდა. მაკმერფი მაგარი მთვრალი იყო, ანდა, შეიძლება, ჯერაც გემბანზე ეგონა თავი, სველ ფიცრებზე წონასწორობის შენარჩუნება უჭირდა და ერთი-ორჯერ ნავმისადგომიდან წყალშიც გადაუცდა ფეხი. თუმცა ბოლო-ბოლო მყარი საყრდენი მაინც იპოვა, ერთი გემრიელად ჩააფარა კაპიტანს მოტვლეპილ თავში და ამან უკვე საბოლოოდ დაუსვა წერტილი ყოველგვარ გაუგებრობას და აყალმაყალს. უკმაყოფილება აღარავის გამოუთქვამს, მაკმერფი და კაპიტანი დუქნისკენ გაემართნენ ლუდის მოსატანად, ჩვენ კი გემიდან ჩვენი ნადავლის გადმოტვირთვას შევუდექით. უსაქმურები კიბის თავში იდგნენ, თვალს არ გვაშორებდნენ და თვითნაკეთ ჩიბუხებს აბოლებდნენ. დაძაბულები ველოდით, როდის იტყოდნენ კიდევ რამეს გოგოზე, სიმართლე გითხრათ, გვინდოდა კიდეც, აბა ერთი რამე თქვანო, მაგრამ, როცა ბოლოს და ბოლოს ერთერთმა ხმა ამოიღო, გოგო აღარც უხსენებია, ნადავლი შეგვიქო და გვითხრა, ორეგონის სანაპიროზე დაჭერილი ამოდენა კამბალა ჩემ დღეში არ მინახავსო. დანარჩენებმაც კვერი დაუკრეს, კი, ნამდვილად იშვიათი რამეაო. მერე ყველანი ერთად, ჯგროდ მოგვიახლოვდნენ თევზის უკეთესად შესათვალიერებლად. ჯორჯს კითხეს, ნაპირთან ასე კარგად გემის მოყენება სად ისწავლეო, და გამოირკვა – ჩვენი ჯორჯი თურმე მარტო მეთევზე კი არ ყოფილიყო, წყნარ ოკეანეზე საყარაულო გემის კაპიტნადაც ემსახურა და საზღვაო ჯვრითაც დაეჯილდოებინათ თავის დროზე. „სახელმწიფო თანამდებობა შეგეძლო მიგელო,“ უთხრა ერთ-



ერთმა უსაქმურმა. „ძან ქუჭყყანი საქმეა,“ შორს დაიჭირა ჯორჯმა.

იმათ აშკარად დაინახეს ის ცვლილება, რასაც ჩვენების უმრავლესობა მხოლოდ გუმანით გრძნობდა: უკვე მუხლება კანკალებული გიჟები აღარ ვედექით წინ, დილით უხმოდ რომ ითმენდნენ შეურაცხყოფას. მართალია, გოგოსთვის პირდაპირ არ მოუბოდიშებიათ, მაგრამ როცა სთხოვეს, შენი დაჭერილი თევზიც გვაჩვენეო, ნამდვილი ზრდილობისა და თავაზიანობის განსახიერებებად გადაიქცნენ უცებ. ამასობაში მაკმერფი და კაპიტანიც მოვიდნენ დუქნიდან და სანამ გზას გამოვუდგებოდით, ყველამ ერთად დავურტყით ლუდი.

საავადმყოფოში ღამე, გვიან დავბრუნდით.

გოგოს ბილის მკერდზე თავმიდებულს ეძინა და როცა გამოეღვიძა, კარგა ხანს უზელდა სანყალ ბილის დაბუჟებულ ხელს. ბილიმ უთხრა, უახლოეს მომავალში შაბათ-კვირას თუ გამომიშვეს, იქნებ ერთმანეთს შევხვედროდითო; გოგომ შესთავაზა, ორი კვირის მერე მე თვითონ მოგაკითხავ საავადმყოფოში, ოღონდ მითხარი, რა დროს ჯობია სტუმრობაო. ბილიმ მაკმერფის გადახედა. მაკმერფიმ ორივეს ხელი გადახვია და – ზუსტად ორ საათზეო – თქვა.

„შაბათს, შუადღისას?“ იკითხა გოგომ.

მაკმერფიმ ბილის თვალი ჩაუკრა და გოგო მაგრად მიიზიდა თავისკენ. „არა. შაბათს ღამის ორ საათზე. ჩემად მოხვალ იმ ფანჯარასთან, დილას რო იდექი, და დააკაკუნებ. ღამის მორიგესთან მოლაპარაკებული ვიქნები და შემოგიშვებს.“

გოგომ ჩაიციინა და თავი დაუქნია. „ო, შე ოხერო მაკმერფი.“

ჩვენი განყოფილების მწვავეებიდან ზოგს არ ეძინა, საპირფარეოსთან იდგნენ, უნდოდათ ენახათ – დავიხრჩვეთ თუ არა. გაშტერებულები გვიყურებდნენ დერეფანში შემოცვენილებს, სისხლით მოთხვრილებს, მზემოკიდებულებს, ლუდით და თევზით აქოთებულებს... ჩვენც მოვდიოდით და ჩვენ-ჩვენს ორაგულებს მოვიქნევდით კაი ომგადახდილი გმირებივით. ექიმმა იკითხა, ხომ არ გინდათ, ეზოში გამოხვიდეთ და კამბალაც ნახოთ

ჩემი მანქანის საბარგულში? მაკმერფის გარდა ყველა ისევ გარეთ გავიკრიფეთ, იმან – მკვდარივით ვარ და ჯობია ნაწვებულა ც-კარტო. საძინებელში რომ შევიდა, შინ დარჩენილი მწვავეებიდან ერთ-ერთმა გვკითხა, რა იყო, რა მოუვიდა, თქვენ ლოყები დაგბრანვიათ და ასე გახალისებულხართ, ეგ რაღამ გააფითრა და გაასავათაო? ჰარდინგმა გაუბიაბრუა, არაფერია, უბრალოდ ფერზე ვერ არისო.

„არ გახსოვთ, აქ რომ მოვიდა, ერთიანად თუხთუხებდა – გარუჯული, ჯანმრთელი, გამოსასწორებელი ფერმის მინდვრებში გაკაჟებული. ახლა კი მისი ფსიქოპათიური, ჯანმრთელი ფერის დაკარგვის მოწმენი ვხდებით. ეგაა და ეგ. დღეს რამდენიმე მომქანცველი საათის გატარება მოუწია – სხვათა შორის, კაიუტის ბინდბუნდში – ჩვენ კი ამასობაში, სუფთა ჰაერზე სტიქიას შეჭიდებულები, ვიტამინ „დ“-თი ვიჟლინთებოდით. თავისთავად, რა თქმა უნდა, იმ ბინდბუნდშიც დაადგებოდა გვარიანი ჯაფა, ეს მომენტიც იმოქმედებდა, მეგობრებო, აბა დაფიქრდით! თუმცა მე, ჩემდა თავად, ვიტამინს მოვიკლებდი და იმ ჯაფას გავინანილებდი დიდი სიამოვნებით. მით უმეტეს, თუკი პატარა ქენდიც შემაშველებდა ხელს. ტყუილს ვამბობ?“

თქმით, ცხადია, არაფერი მითქვამს, თუმცა ძალიან ვცდილობდი გაგებას და მაინც ვერ გამეგო – ამბობდა ტყუილს თუ არა. დალლილობა და უხალისობა მაკმერფის ადრევე შევატყვე, საავადმყოფოში დაბრუნებამდე, გზაში, როცა აიჩიმა, იმ ქალაქზე უნდა გავიაროთ, სადაც ერთ დროს ვცხოვრობდით. ის-ის იყო ლუდს წირვა გამოვუყვანეთ, ბოლო ცარიელი ქილაც მანქანის ფანჯრიდან მოვისროლეთ და სკამზე გადავწექით – გვინდოდა, ერთხელაც გვეგრძნო იმდღევანდელი დღის მთელი სიამოვნება, ისეთ გემრიელ ბურანში დავცურავდით, მარტო სასიამოვნო საქმით დალლილს რომ გეუფლება ხოლმე კაცს, სანახევროდ მზით და სანახევროდ სასმელით მოთენთილები მხოლოდ იმიტომ არ ვიძინებდით, ვცდილობდით, რაც შეიძლება დიდხანს შეგვენარჩუნებინა ეს გემო და ეს შეგრძნება. ბუნდოვ-

ნადვხედებოდი, ისეთ გუნებაზე დავდექი, უკვე შემეძლო, სამყაროში კარგიც დამენახა. მაკმერფის წყალობით. ბავშვობის მერე ასე კარგად არასდროს მიგრძნია თავი, იმ დროიდან, როცა ყველაფერი მშვენიერი მეჩვენებოდა და ცხოვრებაც ჯერ საბავშვო ლექსებს მიმღეროდა.

უკან ნაპირ-ნაპირ აღარ ვბრუნდებოდი, გზა გავიგრძელეთ, რადგან იმ ქალაქზე უნდა გავგველო, სადაც გადაბმულად ყველაზე დიდხანს ეცხოვრა მაკმერფის. კასკადის მთის ფერდობს მიუყვებოდი ქვემოთ, უკვე მეგონა, გზა აგვებნა-მეთქი და უცებ ჩვენი საავადმყოფოს ეზოზე აღბათ სულ ორჯერ დიდ ქალაქში ამოვყავით თავი. იმ ქუჩაზე, სადაც მაკმერფიმ მანქანა გააჩერა, ქარის წამოხვეტილ ქვიშას მზე დაებურა. სარეველა ბალახში ვიდექით და მაკმერფიც გზის გადაღმა გვიჩვენებდა რაღაცას ხელით.

„აგე. ეგ არი. სარეველაში ჩაკარგული – ჩემი უაზროდ გაფლანგული სიჭაბუკის უბადრუკი თავშესაფარი.“

ექვსი საათის ბინდბუნდში გახვეულ ქუჩაზე ფოთლებ-გაძარცული ხეები იდგა, ფესვები ელვასავით იკლაკნებოდნენ ტროტუარზე და ბეტონიც დაებზარათ. გავერანებულ ეზოს რკინის ლოზე ერტყა გარს, სიღრმეში დიდი, ხის აივნისანი სახლი მოჩანდა, ჩამოვარდნილი მხარი ქარისთვის მიეშვირა და უძალიანდებოდა, ჯერ ნებას არ აძლევდა, აეტაცებინა და ქუჩა-ქუჩა ეჩოჩილებინა ცარიელი მუყაოს ყუთივით. ქარმა საიდანღაც წვიმის ორიოდე წვეთი მოაყოლა ხელს, დავინახე – სახლს თვალები მაგრად ჰქონდა დახუჭული... კარზე ჯაჭვზე დაკიდებულმა მძიმე ბოქლომმა გაიჟღერიალა.

აივანზე ერთი იმნაირი უცნაურობა ეკიდა, იაპონელები რომ აკეთებენ ხოლმე შუშისგან, ძაფზე ჩამოაბამენ და ისიც, პატარა სიოს დაბერვისთანავე უღარუნს და წკრიალს იწყებს. ოთხი შუშალა შერჩენოდა ზედ. ეს ოთხიც საკმარისი იყო, აქანავებული შუშები ერთმანეთს ეჯახებოდნენ და იმათი სუსტი ხმაც წვრილ-წვრილ ნამსხვრევებად იბნეოდა აივნის ფიცრულ იატაკზე.

მაკმერფიმ ისევ აამუშავა ძრავა.

„ერთხელ ადრეც დავხედე აქაურობას – ემშაკმა უწყის, რამდენი წლის წინ, მაშინ კორეის ჯოჯოხეთიდან ახალი დაბრუნებული ვიყავი. სტუმრად შემოვიარე. დედაჩემი და მამაჩემი ჯერ ცოცხლები იყვნენ. კარგი ბუდე გვქონდა.“

მანქანა სიჩქარეში ჩააგდო, დაძრა კიდევ, მაგრამ მაშინვე გააჩერა.

„ღმერთო დიდებულო,“ თქვა ჩუმად, „ერთი იქ აიხედეთ, კაბას ხედავთ?“ ზევით, სადღაც სახლის უკან, იშვერდა თითს. „იმ ხის ტოტებში? შავ ზოლებიან ყვითელ ნაჭერს?“

მართლა ვხედავდი რაღაც დროშისმაგვარს, ტოტებს გამოდებული ფრიალებდა მაღლა, ფარდულის ზემოთ.

„პირველ გოგოს, ვინც ცხოვრებაში პირველად შემიტყუა თავის სანოლში, აი, ზუსტად ეგ კაბა ეცვა. ათიოდე წლის ვიქნებოდი ალბათ, ის კიდე უფრო ნაკლების... მაგ ასაკში ეგეთი რამე ხო დიდი ამბავი გგონია და მე იდიოტმაც ვკითხე, როგორ ფიქრობ, მშობლებს არ უნდა გავაგებინოთ-მეთქი? მივცუნცულდებოდი და ვეტყოდით – დედიკო, მე და ჯუდი დღეს დავინიშნეთო. მართლა ვაპირებდი, კი არ ვშაყირობ, მაშინ მაგარი ქლიავი ვიყავი; რახან მოსახდენი მოხდა-მეთქი, ვფიქრობდი, ეხლა, ძმაკაც, ეუვანიც შებმული გაქ და, გინდა-არგინდა, წესიც უნდა დაიცვა-მეთქი. ის პატარა ძუკნა კიდე – რვა წლის იქნებოდა, ჰა-ჰა ცხრის – გადაიხარა, იატაკიდან კაბა აიღო და შენიაო – მეუბნება, თუ გინდა, სადმე დაკიდე, მე სახლში ტრუსიკით წავალ და რო დამინახავენ, ხო ისედაც მიხვდებიან ყველაფერსო. ღმერთო, შენ მიშველე, ცხრა წლის, ხო აზრზე ხართ!“ ხელი გადაინვდინა და ქენდის ცხვირზე წიკპურტი წაკრა. „არადა, ზოგ-ზოგ პროფესიონალზე მეტი იცოდა.“

გოგომ ხელზე უკბინა სიცილით და მაკმერფიც ნაკბილარების თვალიერებას შეუდგა.

„მოკლეთ, ესე ტიტლიკანა ნაცუნცულდა შინ, მე კიდე დაბნელებას ველოდებოდი, კაბა ხო უნდა გადამეგდო სადმე – მარა

ხედავთ, რა ქარი იცის? კაბა ფრანივით აიტაცა, ცოტა ხანს სახლის გარშემო ატრიალა და სადღაც გააქრო, დილას კიდე, ჩემმა მზემ, აი, ამ ხეზე კონწიალობდა მთელი ქალაქის დასანახად, მეგონა, ჩვენი ამბავი ძალმაც და ღორმაც გაიგო-მეთქი.“

ნაკბენი მოიწუნა, ისეთი საცოდავი სახე ჰქონდა, ქენდის გაეცინა და ხელზე აკოცა.

„ეგრეა, ჩემი დროშა ამაყად ფრიალებდა. სხვათა შორის, იმ დღიდან მოყოლებული დღემდე, მე მგონი, ჩემი სახელიც არ გამომტყუნებია – სიყვარულის მონა! დამნაშავე კი, ღმერთმანი, მარტო ის ცხრა წლის ლანჩირაკია, ჩემი პირველი სიყვარული.“

სახლმა გვერდით ჩაისრიალა, მაკმერფიმ დაამთქნარა და თვალი ჩაგვიკრა. „სიყვარულის გემო გამაგებინა, ვენაცვალე ტაკუნებში.“

უცებ – ჯერ ისევ ლაპარაკობდა – მანქანამ გადაგვისწრო და იმისმა უკანა სინათლეებმა სახე გაუნათა. საქარე მინაში მაკმერფის გამომეტყველება აირეკლა. ამნაირ სახეს ცოცხალი თავით არასდროს დაგვანახებდა, უბრალოდ ახლაც სიბნელის იმედი ჰქონდა და ეგონა, ვერავინ ვერაფერს შეამჩნევსო – საშინლად დაღლილი, დაძაბული და განწირული კაცის სახე ედო, თითქოს დრო აღარ რჩებოდა რაღაც აუცილებლად მოსასწრების დასაბოლოებლად...

არადა, მშვიდი, ხალისიანი ხმა იმისი ცხოვრების ამბავს გვიყვებოდა, ჩვენც გვაცხოვრებდა იმ ცხოვრებით, ნებისმიერი ჩვენგანის ოცნებას ულებდა იმ მხიარული წარსულის კარს, რომელიც სავსე იყო ბავშვური ცელქობებით, მოქეიფე ძმაკაცებით, მოყვარული ქალებით და ბარებში უაზრო, უმიზეზო ჩხუბებით.

## ნაწილი მეოთხე

**მ**თავარმა ექთანმა თავისი ახალი მანევრი თევზაობის მეორე დღესვე წამოიწყო. იდეა მაშინ დაებადა, როცა გამგზავრებამდე მაკმერფის ელაპარაკა და აგრძნობინა, ვიცი, რამოგებასაც ნახულობ პაციენტების ზღვაში გაყვანით და სხვა მსგავსი პატარ-პატარა ღონისძიებებით. ამ იდეაზე მთელი ღამე იფიქრა, ყველანაირად აწონ-დანონა და დაასკვნა, ნაუგებელი ვარიანტიაო; ამიტომაც თევზაობიდან დაბრუნებისთანავე დაიწყო გეგმის განხორციელება, ხან ერთს გადაუკრა სიტყვა, ხან სხვას ჩაანვეთა რაღაც, თავისთავად, ვითომ სხვათა შორის გააჩინა ჭორების საფუძველი და ნიადაგიც მოამზადა პირდაპირი შეტევისთვის.

კაცის ბუნება ნამდვილად არ ესწავლებოდა, მშვენივრად იცოდა, ადრე თუ გვიან ადამიანები აუცილებლად მოიძულეებენ იმათ, ვინც ჩვეულებრივზე მეტს აძლევთ – სანტა კლაუსებს, მისიონერებს, საქველმოქმედო ფონდების დამაარსებლებს; აუცილებლად უჩნდებათ ეჭვი და მოსვენებაც ეკარგებათ, რა უნდათ, თვითონ რა გამორჩენა აქვთ ამ ყველაფრიდანო? ამრეზილები ილიმებიან ხოლმე, როცა, ვთქვათ, ვინმე ახალგაზრდა ადვოკატს, შებერტყილ აფერისტს, ზუსტად შტატის არჩევნების წინ ადგილობრივ სკოლაში ბავშვებისთვის საჩუქრები მიაქვს და

ერთმანეთს ეუბნებიან – ეს ჭკუას არ წააგებს, შორს წავაჯიგარიო.

ძალიან კარგად მოეხსენებოდა, პატარა ხელის ნაკვრა და ჩვენი ბიჭებიც უთუოდ დაინყებდნენ იმაზე ფიქრს, რა რჯიდა მაკმერფის, რატომ ხარჯავდა ამდენ დროს და ენერგიას თევზაობებზე, ბინგოს თამაშების მონყობაზე თუ კალათბურთის გუნდის განვრთნაზე. რაღა ეგ ძვრებოდა ტყავიდან და კედლებზე გადიოდა, როცა სხვა ყველა თავისთვის იჯდა, წყნარად, რებუსებში და შარშანწინდელ ჟურნალებში ცხვირჩარგული? ვითომ რას ფიქრობდა ეს ტყისმჭრელი, გადარეული ირლანდიელი, ციხეში აზარტული თამაშისთვის და ჩხუბისთვის ჩაყუდებული ძველი ბიჭი, როცა ხილაბანდით თავს იკრავდა, უფროსკლასელ გოგოსავით იპრანჭებოდა და მწვავეების გულის გასახარად და გასაციხვებლად მთელი ორი საათი ცეკვას ასწავლიდა ბილი ბიბიტს, თავისი ჭკუით პარტნიორობას უწევდა. ანდა რანაირად შეეძლო ამ შებერტყილ მოთამაშეს – გამოქექილ პროფესიონალს, ბაზრობების ოინბაზს, მუდამ თვლას და ანგარიშს მიჩვეულ ყომარბაზს – ამოდენა რისკი გაენია, სულ უფრო და უფრო მეტად გაემწარებიან და მტრად მოეკიდებიან ქალი, ვინც, თუკი მოინდომებდა, მთელი ცხოვრება საგიჟეთში აყურყუტებდა, ვის საბოლოო სიტყვაზეც ეკიდა, გაუშვებდნენ როდისმე აქედან თუ არა.

ბიჭების დასაფიქრებლად მთავარმა ექთანმა ჯერ პაციენტების ფინანსური მდგომარეობის ანგარიში გამოამზეურა; როგორც ჩანს, არა ერთი და ორი საათი მოანდომა ქალაქებში ქექვას. თუმცა შრომა დაუფასდა, ყველა მწვავეს, ერთის გარდა, სახსრები კატასტროფულად შემცირებოდა. მხოლოდ ამ ერთის შემოსავალი იზრდებოდა მუდმივად, საავადმყოფოში მოსვლის პირველივე დღიდან.

მწვავეებმა მაკმერფის ხუმრობა დაუნყეს, რა გინდა, ძმაო, ქერის ორმოში ჩავარდნილხარო, და არც ის გაპრანჭულა მაინცდამაინც. თავის მოსაწყლება არც უფიქრია. პირიქით, ტრაბახსაც კი მოყვა, ამ საავადმყოფოში ერთი წელი თუ გამაჩერეს, აქედან მართლა შეძლებული კაცი გავალ და დარჩენილ ცხოვ-

რებას ფლორიდაში გავატარებ ჩემ გემოზეო. თუ თვითონაც იქვე იყო, მსგავს განცხადებებზე ყველას ეცინებოდა, მაგრამ როცა განყოფილებიდან ეთ-ზე, ოთ-ზე ან ფთ-ზე მიყავდათ, ანდა როცა ექთნების სამორიგეოში იბარებდნენ რამე უსაქციელობისთვის დასატუქსავად და მთავარი ექთნის გაყინულ პლასტმასის ლიმილს უტიფრად კბილებდაკრეჭილი მიაჩერდებოდა ხოლმე, განყოფილებაში დარჩენილებს სიცილის და მხიარულების აღარაფერი ეტყობოდათ.

უკვე ერთმანეთს ეკითხებოდნენ, რას გამოიღო ამ ბოლო დროს თავი, რა ძალიან იბრძვის ჩვენი უფლებებისთვისო – ჯერ იმნესს აუჯანყდა, რომლის თანახმადაც აუცილებლად რვა-რვაკაციან თერაპიულ ჯგუფებად უნდა გვევლო ყველგან („ბილი ისევ ვენების გადაჭრით იმუქრება,“ გამოაცხადა ერთ-ერთ შეკრებაზე, როცა ამ რვაკაციან ნესზე მიდიოდა კამათი, „ხოდა, ბიჭებო, რომელი ხართ ის შვიდი, ვინც შეუერთდებით და ყველაფერს თერაპიულად გააკეთებთ?“); ექიმს, რომელიც თევზაობის მერე ამკარად დაუახლოვდა პაციენტებს, ჭირი მოჭამა, ბიჭებისთვის „ფლეიბოი“, „ნაგეთი“ და „მენი“ გამოვიწეროთო. ისე, უკვე მართლა ყველას ყელში გვექონდა ამოსული პუტკუნა პიარ-ტექნოლოგის სახლიდან მოთრეული „მაქქოლის“ ძველისძველი ნომრები, საითაც გაიხედავდი, ზვინებად იდგა, თან ჩვენთვის სასარგებლო სტატიების სათაურები სულ თავისი ხელით გაეხაზა მწვანე მელნით. ეგ კი არა, ფოსტით პეტიციაც კი გაუგზავნა ვილაცას ვაშინგტონში, იმ საკითხის გარკვევას მოითხოვდა, სახელმწიფო საავადმყოფოებში დღემდე რატომ გრძელდება ელექტროშოკით და ლობოტომიით მკურნალობაო. კარგი და, მერე ამ ყველაფრიდან მაგას რაო, თავს იტეხდნენ ბიჭები და კითხვაზე პასუხს ვერ პოულობდნენ.

ამგვარმა განწყობილებამ დაახლოებით ერთ კვირას იტრიალა ჰაერში და მთავარმა ექთანმა უკვე საერთო შეკრებაზე გადანიყვიტა პირველი სვლის გაკეთება, თავიდან მაკმერფის თანდასწრებით; ოღონდ იმ ჯერზე არაფერი გამოუვიდა, ხეირიანად გახურებაც ვერ მოასწრო და მაშინვე მწარე მარცხი განიცადა



(გასახურებლად კი ჯგუფს იმაზე ჩამოუგდო სიტყვა, როგორ აშფოთებდა და თან რაოდენ აკვირვებდა განყოფილებაში გამეფებული ქაოსი და უწესრიგობა. რას დაემგვანეთო, შეგვარცხვინა, ღმერთი აღარ გნამთ, ირგვლივ მიიხედ-მოიხედეთ, ბინძური ნიგნებიდან ნამდვილი პორნოგრაფია ამოგიხევიათ და კედლები რას დაგიმგვანებიათო – სხვათა შორის, აპირებდა, საქმის კურსში მთავარი კორპუსი ჩაეყენებინა და ისინიც დაეინტერესებინა ბოლო დროს საავადმყოფოში შემოღწეული სიბილწით... სკამზე გასწორდა, სიტყვის გაგრძელებას აპირებდა, საცაა სააშკარაოზე უნდა გამოეყვანა მთელი ამ უმსგავსობის მოთავე და ჭეშმარიტი მოტივებიც ემხილებინა. იმისი მუქარით გამონვეულ სრულ სიჩუმეში ტახტზე მჯდომი დედოფალივით მკაცრად მოგვაველო თვალი მომაკვდინებელი დარტყმისთვის მომზადებულმა და ამ დროს მაკმერფიმ დიადი წამის მთელი ზეიმურობა უცებ, თვალის დახამხამებაში გაუმასხარავა – რა თქმა უნდაო, უთხრა, ოღონდ არ დაიზაროთ და ჩემგანაც თხოვეთ მთავარ კორპუსში, ინსპექციაზე რომ მოვლენ, თავიანთი პატარ-პატარა სარკეებიც გამოაყოლონ ხელსო), ამიტომ გადანყვიტა, მომდევნო შეტევა უკვე მაშინ წამოეწყო, როცა მაკმერფი შეკრებაზე არ იქნებოდა.

იმ დღეს პორტლენდიდან უნდა დაერეკა ვილაცას ტელეფონზე და ერთ-ერთი სანიტრის თანხლებით ქვევით ჩაყვანილი მაკმერფიც ვესტიბიულში ელოდებოდა ზარს. პირველი საათი მოახლოვდა, შეკრებისთვის დღის პალატის მოსუფთავებას შევუდექით და დაგვაჯულმა შავმა ბიჭმა მთავარ ექთანს ჰკითხა, გინდათ, ჩავიდე და მაკმერფი და უოშინგტონი ამოვიყვანო? იყოს, არ არის საჭიროო, უთხრა ქალმა, თანაც, შეძლება ზოგიერთს ერჩიოს კიდევ, ისე გამოთქვას აზრი ჩვენს ძვირფას მისტერ რენდლ პატრიკ მაკმერფიზე, მისი ძლიერი პიროვნების აურით არ იყოს დათრგუნულიო.

შეკრება სასაცილო ამბების მოყოლით დაიწყო, მაკმერფიზე და იმის მაიმუნობებზე ყვებოდნენ, ცოტა ხანს იყაყანეს, რამაგარი ვინმეაო და ქალიც ხმის ამოუღებლად უსმენდა, აცდიდა, როდის

დაიცლებოდნენ სასიამოვნო ემოციებისგან. მერე სხვა ხასიათის შეკითხვებიც გაისმა. რა სჭირს მაკმერფისო? ასე რატომ იქცევა და გუნებაში რა აქვსო? ზოგმა ივარაუდა, იქნებ მაკმერფის ნათქვამი, აქ გადმოსვლა მინდოდა და კოლონიაში სიაბანდზე ვჩხუბობდი, მთლად მართალიც არ არის და სინამდვილეში იმაზე უფრო მაგარი გიყვია, ვიდრე ხალხს გონიაო. ამ სიტყვებზე მთავარ ექთანს გაელიმა და ხელი ასწია.

„მელიასავით,“ თქვა ქალმა, „დარწმუნებული ვარ, ასე ფიქრობთ.“

„რ-რ-რას გგულისხმობთ?“ ჰკითხა ბილიმ. მაკმერფი ბილის გულითადი მეგობარი და გმირი იყო, მთავარი ექთნის ნათქვამი მაინცდამაინც არ ესიამოვნა, რალაც გამოუთქმელი ღვარძლი იგრძნობოდა ამ ვითომკომპლიმენტში. „რ-რ-რას ნიშნავს „მ-მ-მელიასავით“?“

„ეს უბრალოდ ჩემი დაკვირვებაა, ბილი,“ დათაფლული ხმით მიუგო მთავარმა ექთანმა. „მოდის, აბა, იქნებ მეგობრებიდან აგის-სნას ვინმემ, რას შეიძლება ნიშნავდეს. რას იტყვით, მისტერ სქან-ლონ?“

„რას გულისხმობს ბილი და, მაკმერფი კაი შებერტყილი ეშმაკიაო.“

„ვინა თქვა, არ-რ-რაო?!“ ბოლო სიტყვის ამოსათქმელად ბილიმ მაგრად დაკრა ხელი სავარძლის სახელურს. „ოლონდ მის რეჩედს უ-უ-უნ-დოდა...“

„არა, ბილი, მე არაფერი არ მინდოდა. უბრალოდ შევამჩნიე, რომ მისტერ მაკმერფის კუბე უაზროდ ნამსვლელ კაცს არ ჰგავს. წესით, შენც უნდა დამეთანხმო ამაში, არა? არ მეთანხმებით ყველანი?“

არავის არაფერი უპასუხია.

„და მიუხედავად ამისა,“ გააგრძელა ქალმა, „თითქოს მაინც დაუფიქრებლად იქცევა, წმინდანივით თუ მარტვილივით, საერთოდ არ ფიქრობს საკუთარ თავზე. რომელიმე თქვენგანს მისტერ მაკმერფი წმინდანად მიგაჩნიათ?“

პასუხის მოლოდინში ოთახს თავდაჯერებული, ღიმილიანი მზერა მოავლო.

„ცხადია, ნამებულად და წმინდანად არავინ თვლით. აი! გნებავთ უფრო დეტალურად გავაანალიზოთ ამ პიროვნების ფილანტროპიული მიდრეკილებები?“ კალათიდან ყვითელი ქალაღდის ფურცელი ამოაფრიალა. „ვნახოთ, ზოგიერთი მისი თავგამოდებული გულშემატკივრის სიტყვებით თუ ვიტყვით, რით დაგასაჩუქრათ მისტერ მაკმერფიმ. პირველ საჩუქრად სააბაზანო ოთახი შეიძლება ჩაითვალოს. თუმცა განა ოთახი მისი იყო, ვინმესთვის რომ ეჩუქებინა? ან, წააგო რამე, როცა იქაურობა კაზინოდ გადააქცია? ისე, თუ დაფიქრებულა ვინმე, თავისი პატარა მონტეკარლოს კრუპიეობით რამდენი ფული იშოვა ამ მოკლე ხანში? თქვენ პირადად რამდენი წააგეთ, ბრუს? მისტერ სეფელტ? მისტერ სქანლონ? ალბათ, ყველას მეტ-ნაკლებად წარმოგიდგენიათ საკუთარი ზარალის მასშტაბები, მაგრამ მისი საერთო მოგების რაოდენობა თუ იცით, იცით, რა თანხა უზის საავადმყოფოს შემნახველი სალაროს დეპოზიტზე? თითქმის სამასი დოლარი.“

სქანლონმა ჩუმად დაუსტვინა, თუმცა სხვებს ხმა არამოუღიათ.

„სანაძლეოების მთელი სიაც აგერ მაქვს, თუ გნებავთ, მობრძანდით და ჩახედეთ, იმ სანაძლეოების ჩათვლით, პერსონალის წყობიდან გამოყვანას რომ ისახავდნენ მიზნად. ასეთი აზარტული ციებ-ციხელება საფუძველშივე ეწინააღმდეგებოდა ეწინააღმდეგება, განყოფილების განაწესს და როცა იმას აპყევით, ეს ნებისმიერ თქვენგანს მშვენიერად მოეხსენებოდა.“

ისევ ფურცელს დახედა და მერე კალათში შეინახა.

„ანდა ეს ბოლო თევზაობა ავიღოთ. როგორ გგონიათ, ამ თავგადასავლიდან რა მოგება ნახა მისტერ მაკმერფიმ? ჩემი ინფორმაციით, ერთ-ერთი მანქანა პატივცემული ექიმის იყო, ბენზინის ფულიც ექიმმა გადაუხადა და თურმე სხვა პატარა-პატარა შეღავათებითაც ისარგებლა – თვითონ კი ცენტრიც არ დაუხარჯავს. მეღიაა, აბა რა არის?“

ხელი მაღლა ასწია და ბილის შეკამათება არ აცალა.

„ბილი, გთხოვ, სწორად გამიგო: თავისთავად ამ ყაიდის აქტიურობა დასაგმობად არ მიმაჩნია. უბრალოდ, ვფიქრობ, უმჯობესი იქნება, თავს თუ არ მოვიტყუებთ ამ ადამიანის მოტივებთან დაკავშირებით. თუმცა, ალბათ, ზურგს უკან ვინმეს განკითხვაც არასამართლიანია. მოდი, ისევ გუშინ განხილულ პრობლემებს დავუბრუნდეთ – რაზე ვსაუბრობდით?“ კალათში ააფათურა ხელი. „თქვენ ხომ არ გახსოვთ, ექიმო სპაივი?“

ექიმმა ჩაქინდრული თავი აიქნია. „არა... მოიცათ... მეგონი...“

ქალმა საქალაქიდან ერთი ფურცელი ამოაძვრინა. „დიახ, აი! მისტერ სქანლონზე და ასაფეთქებელ ნივთიერებებთან მის დამოკიდებულებაზე. ძალიან კარგი. ახლა სწორედ ამ საკითხს განვიხილავთ, მისტერ მაკმერფის კი სხვა დროს დავუბრუნდებით, როცა თვითონაც ჩვენ შორის იქნება. ოღონდ მაინც მგონია, ცუდი არ იქნება, დღეს აქ ნათქვამზე სერიოზულად თუ დაფიქრდებით. აბა, მისტერ სქანლონ...“

უკვე მოსალამოვებულზე ასე რვა ან ათი კაცი ჩვენი ჯიხურის კართან შევგროვდით, ველოდებოდით, ბოლო-ბოლო როდის მოახერხებდა შავი ბიჭი ბრიოლინის მოპარვას, და ვილაცამ ისევ ნამოიწყო მაკმერფიზე საუბარი. დანარჩენებიც აყვნენ, ამბობდნენ, მთავარი ექთანს კი ახურებს, მაგრამ, ამის დედა ვატირე, რალაც-რალაცეებში ბოლომდე მტყუანიც არ არისო. ოღონდ მაკიც ნაღდად ჯიგარია, ვინც რა უნდა თქვას... ამას წყალი არ გაუვაო.

მერე ისევ ჰარდინგს მობეზრდა მიკიბულ-მიკიბული ლაპარაკი.

„ძმებო, თქვენ იმდენ რამეს აპროტესტებთ, საკუთარი პროტესტის თვითონაც აღარ გჯერათ და მაგ პანანინა, მფრთხალი გულების სილრმეშიც ყველამ იცით, რაც მწყალობელმა ანგელოზმა მის რეჩედმა მაკმერფიზე თქვა, ნებისმიერი თვალსაზრისით აბსოლუტური ქეშმარიტებაა. მაგაში არც თქვენ გეპარებათ ეჭვი და არც მე. აბა რატომღა ვკამათობთ? რა ჯობია, ზურგს უკან ჩუმ-ჩუმად ვაკრიტიკოთ მაკმერფის კაპიტალისტური ტალანტები, თუ გულწრფელები ვიყოთ და პატიოსნად მივაგოთ კუთვნილი პატივი? მერე რა, ცოტა თუ იხეირა? ყო-

ველთვის, როცა მართლა ბეკეკებივით გვკრეჭდა, ჩვენ რა, ჩვენი ფულის სანაცვლოდ სიამოვნებას არ ვიღებდით? ერთი ჭკვიანი და საქმიანი კაცია, იოლად საშოვნელ დოლარს ხელიდან არ გაუშვებს და ამას ხმამაღლა ცალიარებს. მოგვატყუა როდისმე რამე? ჩვენ რაღას ვიკატუნებთ თავს? მთელი იმისი ეშმაკობა საფუძველშივე უღარესად ჯანსაღი და გულწრფელია და მეც გულთ და სულით მივესალმები, მთელი არსებით ვუჭერ მხარს ისევე, როგორც თავისუფალი კერძო მენარმეობის ძველ, ტკბილ კაპიტალისტურ სისტემას, ამხანაგებო; მხარს ვუჭერ მას, მის უდრეკ და გულუბრყვილო, თავხედობასთან ნილნაყარ სითამამეს, ამერიკულ დროშას, ღმერთმა აკურთხოს მრავალჟამიერ, ლინკოლნის მემორიალს და სხვა მრავალს და მრავალს. გვახსოვდეს ხომალდი „მენი“, ფ. თ. ბარნუმი და ოთხი ივლისი. მე ვალდებული ვარ, დავიცვა ჩემი მეგობრის ღირსება, როგორც ნაღდი, თეთრ-ლურჯ-ნითელი, ასპროცენტიანი ამერიკელი გაიძვერასი. მართლა მაგარი ბიჭია. თავს არავის გაასულელებინებს. ალბათ, ძალიან დაირცხვენდა და თვალზე ცრემლიც მოადგებოდა, როცა გაიგებდა, რა ქველი და კეთილშობილური მოტივებით ვცდილობთ მისი ამა თუ იმ ნაბიჯის ახსნას. ეგ კი არა, საკუთარი მოწოდების შეურაცხყოფადაც ჩათვლიდა.“

სიგარეტს დაუნყო ჯიბეში ძებნა; ვერ იპოვა და ფრედ-რიქსონს სთხოვა, ხაზგასმული არტისტიზმით გაკრა ასანთს, მოუკიდა და ლაპარაკი გააგრძელა.

„უნდა ვალიარო, თავიდან მაკმერფის საქციელმა მეც გამაკვირვა. შუშა რომ ჩაამსხვრია, ვიფიქრე – ღმერთო, აი კაცი, ვისაც, ეტყობა, მართლა უნდა საავადმყოფოში დარჩენა და ბოლომდე მეგობრების გვერდში დგომა-მეთქი, ათას რამეს ვფიქრობდი, სანამ სიმართლეს არ მივხვდი: უბრალოდ სარფიან საქმეზე არასდროს იტყვის უარს. შანსს არ გაუშვებს ხელიდან. არც აქ კარგავს დროს უქმად. ამ ტექტია ტყისმჭრელის გარეგნობამ არ მოგატყუოთ – საკმაოდ შებერტყილი, პრაქტიკული კაცია და ჭკუაც კარგად უჭრის. დააკვირდით: ყველა ნაბიჯი გათვლილი

ჰქონდა და ყველაფერი გარკვეულ მიზანს ემსახურებოდა.“

ბილი ასე იოლად დანებებას არ აპირებდა. „ხოო? ც-ც-ეკვას რრო მასწავლიდა, იმ-მ-აზე რას იტყვი?“ მუშტები თეძოებზე მიეჭირა, სიგარეტით ამომწვარი ხელები თითქმის მთლიანად მოშუშებოდა და იარების მაგივრად ქიმიური ფანქრით გაკეთებული სვირინგები მოუჩანდა. „რ-რ-ა მმიზანს ემ-მ-მ-სახურებოდა? ფულს მ-მ-მახდევინებდა გაკვეთილ-ლ-ლებში?“

„ნუ ბრაზობ, ბილი,“ უთხრა ჰარდინგმა. „და ნურც ჩქარობ. მოითმინე და ვნახოთ, რა მოხდება.“

ისეთი პირი უჩანდა, მარტო მე და ბილისლა გვჯეროდა მაკმერფისა. არადა, უკვე იმავე საღამოს ბილიც ჰარდინგისკენ გადაიხარა, მას მერე, რაც კიდევ სადღაც დასარეკად ჩასული მაკმერფი განყოფილებაში ამობრუნდა, ბილის უთხრა, შენი და ქენდის შეხვედრის ამბავი საბოლოოდ მოგვარებულიაო და როცა ქალაღზე მისამართს უწერდა, სხვათა შორის დაამატა – ცუდი არ იქნება, აქეთ გამომგზავრებამდე გოგოს ცოტა მწვანეებსაც თუ გაუგზავნიო.

„მ-მ-მწვანეებს? ფ-ფ-უუ-ულს? რ-რ-ამდენს?“ ბილიმ ეშმაკურად მოლიმარ ჰარდინგს გახედა.

„რა ვიცი, ალბათ... ერთი ათ დოლარს იმას და ათსაც...“

„ოც დოლარს?! ავ-ავ-ავტობუსის ბი-ბიჰ-ლეთი ამდენი რო არ ღირს?“

მაკმერფიმ შუბლზე ჩამოფხატული ქუდის ქვემოდან ახედა, შემპარავად გაუღიმა, ყელი მოიფხანა და გამშრალი ენა გამოყო. „გაშრა, ჩემო ბილი, ყელი, გაშრა. კიდე ერთი კვირაა შაბათამდე, დავიხრჩობი, საბოლოოდ მეტირება ყოფა. ძაან თუ არ გაუბრაზდები, ცოტა ყელის ჩასაკოკლოზინებელიც გამოაყოლოს ხელს.“

ისეთი უმანკო და მიამიტი თვალები მიანათა, ბილის უნებურად გაეცინა, თავი გადააქნია და მომავალი შაბათის გეგმებზე მლელვარედ საჩურჩულოდ პალატის შორეულ კუთხეს მიაშურა სიბერეში გამაჭანკლებულ მაკმერფისთან ერთად.

მე ჯერ ისევ ძველ აზრზე ვიდექი – მაკმერფი ცით მოვლე-

ნილ ბუმბერაზად მიმჩნდა, ჩვენს მხსნელად იმ კომბინატის კლანჭებიდან, რომელიც მთელ დედამიწას სპილენძის მავთულების და ათასნაირი კრისტალების ბადეში ხვევდა, ისეთ დიდ არსებად, ვისთვისაც ფულისმაგვარი ამაოება საერთოდ არც ნიშნავდა არაფერს – თუმცა მოგვიანებით, დანარჩენების ეჭვების გაზიარებას ვერც მე გადავურჩი. საქმე ასე იყო: მორიგი შეკრების დაწყებამდე მაგიდები გაგვქონდა სააბაზანოში და უცებ საკონტროლო პულტის გვერდით გაჩერებული დამინახა.

„ღმერთს გეფიცები, ბელადო,“ მითხრა მაკმერფიმ, „იმ თევზაობის მერე ერთი ათი იწიოთ კიდე გაზრდილხარ. ფეხის ტერფი ნახე, ფეხის ტერფი; რკინიგზის პლატფორმასავით არ არი?!“

დაბლა დავიხედე, ამოდენა ფეხი მართლა არასდროს მქონია, თითქოს მაკმერფის სიტყვებმა ორჯერ გაზარდა ზომაშიო.

„და მკლავი! ნალდი ინდიელის და თან ნალდი ძველი ფეხბურთელის მკლავია. იცი, რას ვფიქრობ? მე მგონი, დროა, ამ პულტს გაეთამაშო, ნახო, როგორ მიდის საქმეები.“

არა-მეთქი, თავი გავაქნიე, იმან კიდევე, ხელშეკრულება გვაქვს დადებულიო, ვალდებულიც ხარ, სცადო, ხომ უნდა შევამონმოთ გადიდების ჩემი სისტემა ვარგა თუ არაო. სხვა გზა არ იყო, პანელს მივუახლოვდი, მარტო იმიტომ, დამენახებინა, არაფერი გამომივა-მეთქი. დავიხარე და სახელურებს ხელი ჩავავლე.

„კაი ბიჭი ხარ, ბელადო. ეხლა გასწორდი, მეტი არაფერი. ფეხები გაამაგრე, ეგრე... ხო, ყოჩაღ. არ იჩქარო... უბრალოდ გასწორდი. ჰე-ჰეე!.. დაუშვი, დადგი ძირს!“

მეგონა, განბილდებოდა, არადა, როცა სახელურებს ხელი გავუშვი და გავსწორდი, გაბრწყინებული შემომცინოდა და იმ ადგილს მაჩვენებდა, სადაც პულტი თითქმის ნახევარი ფუტით ასცდენოდა თავის ბუდეს. „ჯობია, ადგილზე დავაბრუნოთ, ძმაკაც, ვინმემ არ ნახოს. ჯერ არავინ არ უნდა გაიგოს.“

შეკრების დამთავრების მერე, როცა კარტის თამაშით გართულ ბიჭებს უსაქმოდ დასტრიალებდა თავზე, მოულოდნელად ღონეზე, ნებისყოფის სიმტკიცეზე და სააბაზანოს პულტზე ჩა-

მოაგდო სიტყვა. ვიფიქრე, იმას მოყვება, ძველი ზომის დაბრუნებაში როგორ დამეხმარა-მეთქი; ეს ნამდვილად დაარწმუნებდა ყველას, მარტო ფული და გამორჩენა არ ამოძრავებს მაკმერფისო.

მაგრამ მე საერთოდ არც ვუხსენებოვარ. იმდენი ილაპარაკა, სანამ ჰარდინგმა არ კითხა, ერთხელაც ხომ არ გინდა იმ პულტს დაეჭიდოო; არაო, უპასუხა, ოღონდ მე თუ არ შემიძლია, ეგ იმას არ ნიშნავს, სხვაც რომ ვერ აწევს ვერავინო. სქანლონმა, როგორ ვერა, ამწე ნამდვილად აწევს, აი ცოცხალი ადამიანის კირა მოგახსენოო. მაკმერფიმ თავი დაუქნია – ალბათ, ალბათ, თუმცა ეგეთ საქმეში წინასწარაც ვერ იტყვი ვერაფერსო.

ვხედავდი, როგორ იტყუებდა დანარჩენებს, მახეში აბამდა, იქამდე მიიყვანა, ბოლოს უკვე აყვირდნენ, არა, ძმაო, დედამინის ზურგზე კაციშვილს არ შეუძლია მაგის აწევაო, და ნაძლევის დადებაც იქით მოთხოვეს. დანაძლევება ვითომ ესიკვდილებოდა, ძალიან არ უნდოდა. ფსონებს ზრდიდა და ზრდიდა, ერთი ხუთამდე ააყვანიხა, ააგდო არიფები, არადა, წაუგებელს თამაშობდა. ზოგი ისე შევიდა ეშხში, ოც დოლარს დებდა ფაცაფუცით. ცხადია, იმაზე კრინტიც არ დაუძრავს, ჩემი თვალით ვნახე, ბელადმა პულტი როგორ აწიაო.

ლამე იმ იმედით გავათენე, გადაიფიქრებს-მეთქი. მეორე დღესაც, შეკრებაზე, როცა მთავარმა ექთანმა გამოგვიცხადა, ეჭვი არსებობს, რომ ყველა მეთევზეს მკბენარი გაუჩნდა და სპეციალური შხაპი უნდა მიიღოთო, სულ მეგონა, ქალი მაინც შეუშლის ხელს, ამწუთასვე დასაბანად გაგვიშვებს ანდა სხვას მოიფიქრებს რამეს და იმ პულტის აწევას გადავრჩები-მეთქი.

არადა, შეკრება დამთავრდა თუ არა, მეც და დანარჩენებიც სააბაზანოში შეგვიყვანა, სანამ შავი ბიჭები კარის ჩაკეტვას მოასწრებდნენ, მაიძულა, პანელის სახელურებს დაეჭიდებოდი და ამეწია. არ მინდოდა ამის გაკეთება, მაგრამ სხვა გზაც არ მქონდა. ისეთი განცდა დამეუფლა, ვითომ ფულის გამოძალვაში დავეხმარე. როცა ნაგებულს აბარებდნენ, ძალიან მეგობრულად ეჭირათ თავი, თუმცა ვიცოდი, რასაც გრძნობდნენ, თითქოს ფეხქვეშ რაღაც



საიმედო საყრდენი გამოეცალათო. პანელი ადგილზე დავაბრუნე თუ არა, სააბაზანოდან გამოვიქეცი, მაკმერფისთვის ზედაც არ შემიხედია, და ტუალეტში შევედი. მარტო დარჩენა მინდოდა. სარკეში საკუთარ გამოსახულებას შევაველე თვალი. რასაც დამპირდა, შეასრულა: მკლავები ისევ გამდიდებოდა, ახლაც იმოდენა მკლავები მქონდა, როგორც სკოლის დამთავრებისას, სოფელში ცხოვრებისას, მკერდი და მხრებიც გამგანიერებოდა და გამმაგრებოდა. ვიდექი, სარკეში ვიყურებოდი და ამ დროს ისიც შემოვიდა. ხუთდოლარიანი გამომიწოდა.

„აჰა, კევის ფულად გამომართვი, ბელადო.“

თავი გავაქნიე და ტუალეტიდან გასვლა დავაპირე. მკლავით დამიჭირა.

„ბელადო, ეს უბრალოდ ჩემი მადლიერების ნიშანია. თუ ფიქრობ, რომ მეტი გეკუთვნის...“

„არა! მოაშორე, არ ავიღებ.“

ნაბიჯი უკან გადადგა, ცერები ჯიბეებში ჩაიყო და ქვევიდან ამომხედა. ცოტა ხანს მათვალაიერა.

„კარგი,“ თქვა ბოლოს. „რაშია საქმე? რატო მიბზუებთ ყველა ცხვირს?“

პასუხი არ გამიცია.

„არ შევასრულე, რასაც დაგპირდი? ხო გაგზარდე კაცის ზომამდე? აბა უცებ რა დანაშაული გამომიჩხრიკეთ? ისე მიყურებთ ჩიტუნები, ვითომ სამშობლოს მოღალატე ვიყო.“

„შენ ყოველთვის... მოგებული რჩები!“

„მოგებული ვრჩები? მერე მაგაში მდებ ბრალს, შე მართლა ბიზონო, შენა? ხელშეკრულება დაიდო? დაიდო. მე ჩემ პირობას ვასრულებ? ვასრულებ. რა, მაინცდამაინც უნდა გავკოტრდე კიდეც?..“

„ჩვენ გვეგონა, მოსაგებად არ აკეთებდი...“

ვგრძნობდი, ყბა ისე ამიკანკალდა, სატირლად გამზადებულია მა ბავშვებმა რომ იციან ხოლმე; თუმცა ტირილი არ დამიწყია. მაკმერფის წინ ვიდექი და ყბა მიკანკალებდა. პირი დაალო, რაღა-

ცის თქმა დააპირა, მაგრამ გადაიფიქრა. ცერები ჯიბეებიდან ამოიღო, ცალი ხელი ასწია, ცერით და საჩვენებელი თითით ცხვირის კეხი ისე მოიფხანა, თითქოს სათვალე უჭერდა ცხვირზე და თვალები დახუჭა.

„მოსაგებადო, ჰა? ღმერთო...“ თვალდახუჭული ლაპარაკობდა. „არა, გესმით, მოსაგებადო!“

ამიტომაც მგონია, რაც იმ ნაშუადღევს საშხაპეში მოხდა, ჩემი ბრალი უფრო იყო, ვიდრე ვინმე სხვისი. სხვა გზა არც იყო, შეცდომის გამოსწორებას თუ ვაპირებდი, მხოლოდ ისე უნდა მოვქცეულიყავი, როგორც მოვიქეცი, არ უნდა მეფიქრა არც ეშმაკობაზე, არც უსაფრთხოებაზე, არც სასჯელზე – აუცილებლად გასაკეთებელის გარდა ერთხელ და სამუდამოდ უნდა ამომეგდო თავიდან ყველაფერი და ყოყმანიც არ უნდა დამენყო.

ტუალეტიდან გამოვედი თუ არა, სამი შავი ბიჭიც გამოჩნდა და სპეციალური შხაპისთვის პაციენტების შეგროვება დაიწყეს. დაგვაჯულმა ცუხცუხით დაიარა მთელი განყოფილება და ლურსმნების დასადრობი გაზივით შავი და ცივი, დაგრეხილი ხელით რიგობით აადლლიზა კედლებს ზედაკრული ყოფილი მეთევზეები, თან გვიხსნიდა, მთავარმა ექთანმა ამ ღონისძიებას „პროფილაქტიკური განბანვა“ დაარქვაო. სათევზაოდ წასულებს ისეთ ხალხში გქონდათ საქმე, კარგად თუ არ დაგამუშავეთ და გაგახვანჩაღეთ, ათას უბედურებას გაავრცელებთ მთელ საავადმყოფოშიო.

შიშვლები გავმწკრივდით კაფელის კედლის გასწვრივ. ერთ-ერთმა შავმა ჯეელმა შავი პლასტმასის ტუბი გააძრო, თავი მოხსნა და ცუილით გამოადინა რაღაც სქელი და კვერცხის ცილასავით ნებოვანი მასა. ჯერ თმაში, მერე მობრუნდებით, წაიკუზებით და ტაკუნებსაც გადაფურჩენითო!

ბიჭები აბუზღუნდნენ, თან შაყირობდნენ, მაიმუნობდნენ, ცდილობდნენ, ერთმანეთისთვის თვალი აერიდებინათ და არც ჰაერში მოლივლივე გრიფელის იმ ნიღბებისთვის შეეხედათ, კომმარულ სიზმარში დასიზმრებული იმ ნეგატივებისთვის, ჩვენ

ზურგს უკან რომ ქმინავდნენ და რბილ, ნებოვან, კომმარულ ლულებს გვიმიზნებდნენ. სანიტრებსაც ელაზღანდარავებოდნენ – უოშინგტონ, დღე-ღამეში დანარჩენი თექვსმეტი საათი რით ერთობიო? უილიამს, აბა მითხარი, საუზმეზე რა ვჭამეო?

ყველა იცინოდა. სანიტრებს მაგრად ჰქონდათ კბილი კბილზე დაჭერილი და პასუხს არ სცემდნენ; საავადმყოფოში ამ წითური ახვრის გამოჩენამდე ამგვარი რამეები არ ხდებოდა ხოლმე.

ფრედრიქსონმა დუნდულები გადაიწია და ისეთი ხმით ბუთქა, ვიფიქრე, ესაა, დაგვაჯული საშხაპიდან გაფრინდება-მეთქი.

„იყუჩეთ!“ თქვა ჰარდინგმა და პეშვი ყურთან მიიტანა. „გესმათ ანგელოსის საამური ხმა.“

დიდი ხმაური და ხორხოცი იდგა, ერთმანეთს ეხუმრებოდნენ, დასცინოდნენ, სანამ შავი ბიჭი შემდეგ პაციენტს არ მიადგა და იმასთან არ გაჩერდა. ოთახში უცებ სამარისებური სიჩუმე ჩამოვარდა. შემდეგი ჯორჯი იყო და იმიტომ. იმ ერთ წამში, როცა ხმაურიც, ხუმრობაც და ნუნუნიც შეწყდა, როცა ჯორჯის გვერდით მდგომი ფრედრიქსონიც წელში გასწორდა და შემოტრიალდა, შავმა ბიჭმა კი დააპირა ჯორჯისთვის ებრძანებინა, თავი დახარეო და იმ მყრალი უელეს თმაში შეზელა მოუნდომა – სწორედ იმ წამს უცებ ყველას გაგვინათდა გონება და ყველაფერს მივხვდით: რაც მოხდებოდა, რატომაც მოხდებოდა და რა არასწორი წარმოდგენა გვქონდა მაკმერფიზე.

ჯორჯი საპონს არასდროს ეკარებოდა. ის კი არა, სხვისი მიწოდებული პირსახოცითაც არ გამშრალდებოდა ცოცხალი თავით. საღამოს ცვლის სანიტრები, ვინც სამშაბათობით და ხუთშაბათობით საშხაპეში დაგვეყვებოდნენ, დიდი ხნის წინ დარწმუნდნენ, ჯორჯისთვის ძალის დატანება უარესი იქნებაო და თავი დაანებეს, კისერი გიტეხიაო. წლების მანძილზე გრძელდებოდა ასე. ყველა სანიტარმა მშვენივრად იცოდა ჯორჯის ახირება. თუმცა ახლა იმასაც ვხედავდით – ჩვენც და ჯორჯიც, უკან გადაზნექილი რომ იქნევა და თავს და მუხის ორი ფოთოლივით აქნევა ჰაერში ხელებს – ეს ცხვირმონგრეული, დედის

რძენანყენი შავი ბიჭი არაფრით არ მოეშვებოდა, თუნდაც მართო ორი ამხანაგის დასანახად გაიტანდა თავისას.

„ოოოხ, დანიე-მეთქი თავი, ჯოოჯ...“

უკვე იქით გაგვირბოდა თვალი, სადაც მაკმერფი იდგა, ჯორჯისგან სამი-ოთხი კაცის შემდეგ.

„გეყო ეხლა, დაიხარე, ჯოოჯ...“

მარტინი და სეფელტი უკვე შხაპის ქვეშ იდგნენ, არ ინძრეოდნენ. იმათ ფეხებთან ტრაპი პატარ-პატარა ყლუპებად ხვრებადა ჰაერს და საპნიან წყალს. ნამით ტრაპს ჯორჯმაც შეავლო თვალი, თითქოს ტრაპი პირადად იმას ეუბნებოდა რაღაცას. ყურიც მიუგდო, როგორ ბუყბუყებდა და იხრჩობოდა. მერე ისევ მისკენ გამოშვერილ, შავ ხელში ჩაბლუჯულ ტუბს შეხედა, იმისი ვინრო ნახვრეტიდან ზარმაცად გამოცოცებულ და შავი თუჯის მუშტზე ჩამოღვენთილ ლორწოს. შავმა ბიჭმა ტუბი ლამის ზედ მიადო და ჯორჯიც კიდევ უფრო მაგრად გადაიხარა უკან, თან გაუჩერებლად იქნევდა თავს.

„არა... აი, ეგ არა...“

„საჭიროა, პუნკია, აუცილებელია,“ ვითომ მშვიდად უხსნიდა შავი, ვითომ ებოდიშებოდა კიდევც. „რას იზამ? აბა, აქაურობა რწყილებს და ბალღინჯოებს გადავაჭმევინოთ? მე რა ვიცი, იქნებ უკვე კანშიც ჩაგაჯდნენ.“

„არა!“ ბოლომდე იბრძოდა ჯორჯი.

„ოოოო, გეყო! შენ რა იცი? ჯერ ვერც იგრძნობდი. იცი, რა პანანინები არიან? ქინძისთავზე პანანკინტელები. თმაზე შეგახტებიან, ცოტა ხანი ეგრე დაეკიდებიან, და მერე კანქვეშ შემოძრომასაც ჩალიჩობენ, გეუბნები!“

„არა მყავს რწყილები!“

„მომისმინე, ჯოოჯ: ჩემი თვალთმინახია, ეგ ახვრები როგორ...“

„მორჩი, უოშინგტონ,“ თქვა მაკმერფიმ.

უოშინგტონს გატეხილ ცხვირზე ნეონის ზიგ ზაგივით აჩნდა ნაიარევი. მშვენივრად იცოდა, ვინც შეეხმინა, მაგრამ არ მოტრიალებულა; თუმცა მაკმერფის ხმა რომ გაიგონა, აშკარად შე-

ეტყო – გაჩუმდა, ჯორჯსაც მიაწება თავი და კალათბურთის თამაშის დროს გატეხილი ცხვირი გრძელი, ნაცრისფერი თითით მოისინჯა. ცოტა ხანს ინვალა ნაიარევი, მერე ხელი გაიშვირა, სახესთან მიუტანა ჯორჯს და ხუთივე თითი თვალებთან აუთამაშა. „აი, რწყილი, ჯოჯო, ხედავ? ხო ხედავ? ეხლა ხო იცი, როგორია? იმ გემზე უეჭველი აიკიდებდი. ჩვენ ამათ შენ თავს ვერ შევაჭმევინებთ, ჯოჯო!“

„არა მყავს რწყილები, არა!“ იყვირა ჯორჯმა. უკვე წელგამართული იდგა და ხშირი წარბებიც ისე აექაჩა, იმის თვალებს ვხედავდით. შავმა ბიჭმა ცოტათი უკან დაიხია. დანარჩენ ორს გაეცინა. „უოშინგტონ, ჩემი ბიჭი, რალაც არ გამოდის, არა?“ კითხა მაღალ-მაღალმა, თავისნაირმა. „ვერ გახურდა პროცედურა?“

შავი ისევ მიუახლოვდა ჯორჯს. „ჯოჯო, ბოლოჯერ გეუბნები: დაიხარე! ან დაიხრები და ამ ჩემის უელეს წაისვამ, ან არადა აი, ხელს მოგადებ!“ ხელი ისევ ასწია – დიდი, შავი, ჭაობისფერი. „იცოდე, მოგადებ ამ შავ! ბინძურ! აყროლებულ ხელს! სულ ცხვირ-პირზე მიგისვ-მოგისვამ!“

„არა, ხელი არა!“ თქვა ჯორჯმა და თავზე მოთ შემართა მუშტი, თითქოს უნდოდა, ეს გრიფელის თავის ქალა დაეფშვნა, ნამსხვრევებად ექცია, მთელ იატაკზე მიმოებნია ჭანჭიკები, ხრახნები და კბილანები. მაგრამ ამ დროს შავმა ტუბი ჭიპში აძგერა და ხელი მაგრად მოუჭირა, ჯორჯმაც ერთი ღრმად ამოიოხრა და ორად მოიკაკვა. მთელი პეშვი შეაზილა გათხელებულ, ჭალარა თმაში, იქამდე არ მოეშვა, სანამ ერთიანად არ განება ნახშირისფერი, მყრალი უელეთი. ჯორჯმა ორივე ხელი მუცელზე მიიჭირა და აღრიალდა:

„არა! არა!“

„აბაა, ეხლა მოვბრუნდეთ, ჯოჯო...“

„გითხარი, მორჩი-მეთქი, ძმაკაც.“ ხმამ ამჯერად უკვე აიძულა შავი ბიჭი, მაკმერფისკენ შებრუნებულიყო და უტიფრად მიჩერებოდა სახეში. ვხედავდი, რა სხვანაირად ელიმებოდა ტიტველი მაკმერფის დანახვაზე – არც ქუდი, არც ნალებიანი ფეხსაცმელი... ჯიბეებსაც კი ვერ გამოსდებდა ცერა თითებს

კავებივით. შავი თვალს არ აშორებდა, თავფეხიანად ზომავდა.

„მაკმერფი,“ თქვა და თავი გადააქნია, „მგონი, ჩვენი დალაპარაკების დროც მოსულა...“

„უუუ, შევირთხა,“ სიბრაზეზე მეტად მაკმერფის ხმაში დაღლილობა უფრო ისმოდა. შავ ბიჭს არაფერი უპასუხია. მაკმერფიმ ხმას აუნია. „შე ბინძურო, დედააფეთქებულო ზანგო!“

შავმა ისევ გადააქნია თავი, ჩაიხითხითა და ორ ამხანაგს გახედა. „რას ფიქრობთ, ბიჭებო, ამნაირი ლაპარაკით საითკენ მიყავს საქმე? ვითომ უნდა, მე ავიღო ინიციატივა? ჰიი-ჰიი-ჰიი. ჩვენმა მაკმერფიმ არ იცის, გიჟებისგან ამაზე უარესი ლანძღვის მოთმენასაც რო ასწავლიან ამ საავადმყოფოში?“

„შე ყუჭყუს წურბელა! უოშინგტონ, გითხრა, რა ქვიათ შენის-თანებს...“

უოშინგტონმა ზურგი შეაქცია, ისევ ჯორჯს მიუბრუნდა. ჯორჯი ჯერ ისევ წელში მოხრილი იდგა და ხარბად ისუნთქავდა ჰაერს, ჭიპში ტუბის დაძგერების მერე სული ვერაფრით მოებრუნებინა. შავმა ბიჭმა მკლავში ჩაავლო ხელი და სახით კედლისკენ მიატრიალა.

„აი ესე, ჯოჯოჯ, მოდი, ეხლა დუნდულებიც გადავინიოთ.“

„ააა-რააა!“

„უოშინგტონ,“ თქვა მაკმერფიმ. ღრმად ჩაისუნთქა, შავ ბიჭს მიუახლოვდა და ჯორჯისთვის ხელი გააშვებინა. „მორჩა, უოშინგტონ, დამთავრდა...“

მაკმერფის ადრე არასდროს ჰქონია ასეთი ხმა, თითქოს ის კი არა, ვილაც უძღლური, კუთხეში მიმწყვდეული, სასონარკვეთილი კაცი ლაპარაკობდა.

„მაკმერფი, შენ მაიძულებ, თავი დავიცვა. მაიძულებს არა, ბიჭებო?“ ორივე ამხანაგმა უხმოდ დაუქნია თავი. უოშინგტონმა ფრთხილად დადო ტუბი დაბალ სკამზე, ჯორჯის გვერდით, იქიდანვე სწრაფად, მონყვევით მოიქნია მკლავი და მაკმერფის მოულოდნელად ხეთქა მუშტი ყვრიმალში. მაკმერფი კინალამნაიქცა. ზურგით მიანყდა შიშველი კაცების რიგს, იმათ დაიჭირეს, გააჩერეს და ისევ

დაკრეჭილი გრიფელის სიფათისკენ უბიძგეს. ამჯერად უკვე კისერში მოხვდა მუშტი, ეტყობა, დრო დაჭირდა, სანამ გაიაზრებდა – ბოლოს და ბოლოს მაინც დაიწყო და მოსახდენიც უნდა მოხდესო. შავი გველივით მოქნეული ხელი ჰაერში დაუჭირა უოშინგტონს, გადაუგრიხა და დაბინდული გონების დასაწმენდად მაგრად გააქნია თავი.

ერთი ნამი ამ პოზაში ირწეოდნენ ადგილზე, ისინიც ტრაპივით აქლოშინებულები; მერე მაკმერფიმ შავ ბიჭს ხელი კრა, მოიშორა, წელში მოიხარა, თავი განიერ მხრებში ჩარგო – ნიკაპი დამალა – მუშტები საფეთქლებთან მიიტანა და ნელ-ნელა უოშინგტონის ირგვლივ დაიწყო სიარული.

და ერთ ხაზზე ჩამწკრივებული შიშველი კაცების მდუმარე მწკრივიც უცებ აღრიალებულ წრედ გადაიქცა, კიდურები და ტორსები – რინგის ცოცხალ ბაგირებად.

ორი შავი ხელი რიგრიგობით, სწრაფ-სწრაფად ხვდებოდა ნითურ თავს და ხარის კისერს, სისხლიც ადინა წარბიდან და ნიკაპიდან. შავი ბიჭი ცეკვა-ცეკვით მოძრაობდა. უფრო მაღალიც იყო, მაკმერფის სქელ, ნითელ მკლავებთან შედარებით უფრო გრძელი ხელებიც ქონდა და მოწყვეტილ, სწრაფ დარტყმებსაც შორიდანვე აწვდენდა მეტოქის თავს და მხრებს. მაკმერფი ჯიქურად აწვებოდა – მოკლე, მძიმე ნაბიჯებით მიიწვდებოდა შავი ბიჭისკენ, სახე მუშტებში დაემალა და მოსვირინგებული მუშტებიდან იჭყიტებოდა – იქამდე, სანამ „რინგის“ ცოცხალ ბაგირებზე არ მიაგდო, პირდაპირ გახამებული, თეთრი გულმკერდის ზედ შუაში დაუმიზნა და მთელი ძალითაც გლიჯა მუშტი. გრიფელის სახე ვარდისფრად გაიბზარა, მარწყვის ნაყინისფერმა ენამ ტუჩებზე გადაისრიალა. შავმა დაყვინთა, მაკმერფის სატანკო შეტევას გაერიდა, ერთი-ორჯერაც მოასწრო ხელის მოქნევა, ვიდრე მოსვირინგებული მუშტი ხელახლა მიწვდებოდა გემრიელად. ამჯერად უფრო ფართოდ დააფრინა პირი – ავადმყოფური ფერის ლაქა.

მაკმერფის თავი და მხრები ნითლად უხურდა, მაგრამ, ეტყობა, ტკივილს არ გრძნობდა. ისევ შეტევას აგრძელებდა და ათ დარტყმას ერთით პასუხობდა. კარგა ხანს იტრიალეს ასე მთელ

საშხაპეში, შავი უკვე ქოშინებდა, ფეხიც უცურავდა და ძირითადად იმაზე ზრუნავდა, როგორმე ეს ჯიუტი წითელი ტორები აეცდინა. ჩვენები მაკმერფის უყვიროდნენ, მიდი, ბარემ დააგდეო, მაგრამ მაკმერფი არ ჩქარობდა.

მხარში მოხვედრილმა მუშტმა შავი ადგილზე დაატრიალა და იმანაც სწრაფად ამხანაგებისკენ გააპარა თვალი. „უილიამს... უორენ... თქვენი დედა!..“ მეორე მაღალ-მაღალმა წრე გამოარღვია და მაკმერფის უკნიდან შემოხვია მკლავები. მაკმერფიმ ისე დაიქნია, როგორც ხარმა მაიმუნი, მაგრამ შავი მაშინვე ისევ ეცა.

ამიტომაც ჩავბლუჯე და შხაპის კაბინაში ვისროლე. რადიოლამპებით იყო გაძეძგილი; ალბათ, ათ, ბევრი-ბევრი თხუთმეტ ფუნტზე მეტს არ იწონიდა.

დაგვაჯულმა ცოტა ხანს აქეთ-იქით აცეცა თვალეები, მერე დაბზრიალდა და კარს ეცა. სანამ იმას ვუყურებდი, ის მეორე შხაპის კაბინიდან გამოვიდა და უკნიდან კლასიკური „ნელსონი“ გამიკეთა – ხელები ილღიებქვეშ ამომიტარა და კისერი გამიკავა. იძულებული გავხდი, უკან-უკან გავქცეულიყავი და კაბინაში ზურგით მივსკდომოდი კაფელის კედელს. ნყალში ჩამჯდარი იქიდან ვხედავდი, როგორ უმტვრევდა მაკმერფი უომინგტონს ნეკნებს სათითაოდ, ამასობაში ჩემიც მოვიდა აზრზე, კისერში დამიწყო კბენა და მეც რა მექნა, საბოლოოდ დავანწყნარე. უკვე მშვიდად იწვა, მარტო იმისი ქურთუკის სახამებელი ინრიტებოდა ტრაპში ქმენა-ქმენით.

როცა დაგვაჯული ისევ შემოვარდა საშხაპეში, ღვედები, ხელბორკილები, სველი პირსახოცები მოიტანა და დასაბმელებიდან გამოძახებული ოთხი სანიტარიც თან მოიყოლა, უკვე ყველანი ტანზე იცვამდნენ, მე და მაკმერფის ხელს გვართმევდნენ, ღირსები იყვნენო, გვეუბნებოდნენ და გვილოცავდნენ – ეს რა უნიკალური ბრძოლა ვნახეთ, ეს რა შესანიშნავი გამარჯვებააო! დიდხანს აღარ გაჩუმებულან, ხმაურობდნენ, გვამხნევებდნენ, გვაქებდნენ – რა ჩხუბი იყო და რა გამარჯვებაო, ამ დროს კი მთავარი ექთანი დასაბმელების სანიტრებს ჩვენთვის რბილი ტყავის ხელბორკილების დადებაში ეხმარებოდა.



უმოთ, დასაბამელებში, სახელოსნოს მარადიული, ყურის-  
ნამლები გუგუნი ისმის, ციხის საამქრო სალიცენზიო ბარა-  
თებს შტამპავს უსასრულოდ. დრო კი პინგ-პონგის მაგიდაზე ბურ-  
თის კაკუნით იზომება: დი-დოკ, დი-დოკ. პაციენტები თავ-თავი-  
ანთი, პირადი ბილიკებით მიდი-მოდიან, კედელს მიადგებიან,  
შემობრუნდებიან და მოპირდაპირე კედლისკენ აღერებენ თავს,  
ისევ მობრუნდებიან და უკან გამოუყვებიან იმავე გზას სწრაფი,  
მოკლე-მოკლე ნაბიჯებით, ჯვარედინად სერავენ კაფელის იატაკს  
და გალიაში უწყლოდ გამომწყვდეულების თვალებით იყურებიან.  
ჰაერში საბოლოოდ და უსასოოდ გულგახეთქილი ადამიანების დამ-  
წვრის სუნი ტრიალებს, ოთხივე კუთხეში და პინგ-პონგის მაგიდის  
ქვეშ საზარელი არსებები აღრჭიალებენ კბილებს, ამათ ექიმები  
და ექთნები ვერ ხედავენ და ვერც სანიტრები დახოცავენ დეზინ-  
ფექციით. განყოფილების კარის გაღებისთანავე მეცა ეს დამწვრის  
სუნი და კბილების ღრჭიალიც იმწამსვე გავიგონე.

სანიტრებმა რომ შეგვიყვანეს, პირველი, ვინც დავინახეთ,  
ბეჭებშუა დამაგრებულ მავთულზე გამობმული მაღალი, ხნიერი,  
გაძვალტყავებული კაცი იყო. ყვითელი ქერცლიანი თვალებით  
საფუძვლიანად შეგვისწავლა და თავი გადააქნია. მე ამ საქმეში  
ხელი დამიბანიაო, – გამოუცხადა ერთ-ერთ შავ სანიტარს და მავ-  
თულმაც მაშინვე დერეფნის სიღრმისკენ გაათრია.

ჩვენც იმის კვალს მივყევით და დღის პალატას მივადექით,

მაკმერფი კარებში გაჩერდა, ფეხები გაჩაჩხა, თავი უკან გადა-  
აგდო და ახალი სამყოფელი მოათვალიერა; ცერა თითების ჯი-  
ბებში ჩაყოფაც უნდოდა, მაგრამ ხელბორკილების გამო ვერ  
მოახერხა. „აი, მართლა იშვიათი სანახაობა,“ გამოცრა კბილებში.  
თავი დაუჭიქნე. აქაურობა ადრეც მქონდა ნანახი.

თავ-თავიანთ ბილიკებზე მოსიარულე ერთი-ორი პაციენტი  
გაჩერდა და ჩვენ შემოგვხედა, უცებ საიდანღაც ის გაძვალტყა-  
ვებულისც ისევ მოათრია მავთულმა, ყველაფერზე ხელები რომ  
დაიბანა. თავიდან დიდი ყურადღება არავის გამოუმულავნებია.  
სანიტრები ექთნების სამორიგეოსკენ გაემართნენ და მე და მაკ-  
მერფი დღის პალატის კარში გახირულები მიგვატოვეს. მაკ-  
მერფის თვალი ისე გასიებოდა, ჩაპაჭუნება ნამდვილად გაუჭირ-  
დებოდა, იმასაც ვატყობდი, გაღიმებისას ტუჩი როგორ სტკი-  
ოდა. დაბორკილი ხელები მაღლა ასწია, ხმაურიანი საზოგადოება  
ერთხელაც მოათვალიერა და ღრმად ამოიოხრა.

„გვარად მაკმერფი გახლავართ, ძმებო,“ კოვბოის როლის  
შემსრულებელი მსახიობის ხმით დაიწყო თავისებური, „და  
პირველ რიგში იმის გაგება მინდა, მთავარი პოკერისტი ვინ არი  
ამ დანესებულებაში.“

პინგ-პონგის საათი გახშირებულად ანიკნიკდა და უცებ  
იატაკზე მიჩუმდა.

„ესე გაკოჭილს, „ოცდაერთში“ კარტის დარიგება ნაღდად  
გამიჭირდება, მარა პოკერში ბდღვირს ავადენ აქაურობას.“

დაამთქნარა, მხარი შეათამაშა, მერე წელში მოიხარა, ამო-  
ახველა და ხუთი ფუტის მოშორებით დადგმულ ნაგვის ყუთში  
ჩააფურთხა. ყუთში რალაცამ გაირაკუნა. მაკმერფი ისევე გას-  
წორდა, გაიღიმა და ენით მოილოკა კბილის ადგილზე დარჩენილი  
სისხლიანი სიცარიელე.

„ქვევით ცოტა ვიცელქეთ. ორ მაკაკას აღმზრდელობითი  
მუშაობა ჩაუტარეთ მე და ბელადმა.“

ამასობაში საამქროს გუგუნიც შეწყდა და უკვე ყველა ჩვენ  
შემოგვცქეროდა, კარებში აყუდებულებს. მაკმერფი ყოველთვის

ყველა თვალს თავისკენ იზიდავდა ბაზრობის მყვირალა მოვაჭრესავით. იმის გვერდით მეც ვალდებული ვიყავი, ღირსეული სახე შემენარჩუნებინა, ასეთი ყურადღებით გარემოცული, რაც შეიძლება ამაყად უნდა გავვჯგიმულიყავი და თავი არ შემერცხვინა. ზურგი კი მტკიოდა, მაგრად მივასკდით მე და შავი ჯიგარი კაბინის კედელს, მაგრამ არ ვიმჩნევდი. ვილაც მომიახლოვდა, მშიერთვალეებიანი, გაბურძგნილი, შავთმიანი და ხელი ისე გამომიშვირა, თითქოს მოწყალეობას მთხოვდა. ვცაადე, ყურადღება არ მიმექცია, მაგრამ არ მომეშვა, საითაც არ მივბრუნდი, ცხვირწინ ამეტუზა აბეზარი ბავშვივით, პეშვამოტრიალებული.

მაკმერფი ცოტა ხანს ჩხუბის ამბებს ყვებოდა, მე კი სულ უფრო და უფრო მეტად მანუხებდა ნატკენი ზურგი. იმდენი წელი ვიჯექი კუთხეში ჩემს სკამზე მოკუნტული, დიდხანს წელგამართული დგომა მიჭირდა. ამიტომაც გამიხარდა, როცა ერთი ბენო იაპონელმა ექთანმა მოგვაკითხა და ექთნების სამორიგეოში წავიყვანა – დავჯდებოდი მაინც და ცოტა სულს მოვითქვამდი.

დანყნარდითო? – გვკითხა. – შეიძლება ხელბორკილების მოხსნაო? კიო, ანიშნა მაკმერფიმ, მერე მოღვენთილი სკამზე დაეშვა, თავი ჩაქინდრა და დაქანცულმა მუხლებშორის ჩაკიდა ხელები – არ მეგონა, ჩემსავით იმასაც ასე თუ გაუძნელდებოდა გამართული დგომა.

ექთანმა – როგორც მერე მაკმერფიმ თქვა, მთლად არაფრის მოკლე ბოლომ – ხელები გაგვითავისუფლა და მაკმერფის სიგარეტი, მე კი კევი მომანოდა. მახსოვს, რომ გიყვართო, – მითხრა. მე ეს ექთანი საერთოდ არ მახსოვდა. მაკმერფი აბოლებდა, ექთანმა მალამოიან ქილაში ჩაყო თითები – ტორტის ვარდისფერი სანთლები – და ჭრილობებზე მალამოს წასმა დაუნყო, მაკმერფის ყოველ შეკრთომაზე თვითონაც კრთებოდა და ბოდიშს უხდიდა. მერე ორივე ხელით ხელი აუნია და მალამო დახეთქილ სახსრებზეც გადაუსვა. „უოშინგტონი იყო თუ უორენი?“

მაკმერფიმ ქვემოდან ახედა. „უოშინგტონი,“ უპასუხა ექთანს და ჩაიცინა. „უორენს ჩვენმა ბელადმა მიხედა.“

ექთანმა მაკმერფის ხელი გაუშვა და მე მომიბრუნდა. სახის ძვლები ისეთი ნვრილი ჰქონდა, როგორც საცოდავ ჩიტს. „გტკივათ რამე?“ არა-მეთქი, გავაქნიე თავი.

„უოშინგტონს და უორენს რალა დაემართათ?“

მაკმერფიმ უთხრა, როცა ისევ ნახავთ, ალბათ თაბაშირის აბჯრები ეცმევათო. ქალმა თავი დაუქნია და თვალები დახარა. „უცნაურია, იმის განყოფილებაში ასეთი ამბავი როგორ მოხდა,“ თქვა ცოტა ხნის მერე. „ბევრი რამეა უცნაური, ოღონდ ყველაფერი არა. საერთოდ, სამხედრო ექთნები ცდილობენ, აქაურობაც სამხედრო წესებით მართონ. ცოტ-ცოტა თვითონაც ვერ არიან. ბევრჯერ მიფიქრია, ოცდათხუთმეტ ნელს გადაცილებული ყველა გაუთხოვარი ექთანი სამსახურიდან უნდა გაუშვან-მეთქი.“

„ყოველ შემთხვევაში, ყველა გაუთხოვარი სამხედრო ექთანი მაინც,“ კვერი დაუკრა მაკმერფიმ. მერე კითხა – თქვენი გულთბილი მასპინძლობით რამდენ ხანს შეიძლება ვისიამოვნოთო.

„ვშიშობ, არც ისე დიდხანს.“

„შიშობ, არც ისე დიდხანს?“ ჩაეკითხა მაკმერფი.

„ღიახ. ზოგჯერ პაციენტის უკან გაგზავნას აქ დატოვება მირჩევნია ხოლმე, მაგრამ თანამდებობრივად ის ჩემზე მაღლა დგას. არა, თქვენ, ალბათ, დიდხანს არ დაგტოვებენ... ანუ... ამჯერად მაინც.“

დასაბმელების საძინებელში ყველა სანოლი უვარგისია – ზოგი ძალიან მაგარია და ზოგიც ჩავარდნილი. გვერდიგვერდ დაგვანვინეს. ჩემთვის ზენრები არ გადაუჭერიათ, თუმცა სანოლთან სუსტი შუქი კი დამიტოვეს ანთებული. შუალამისას ვილაც აყვირდა: „ტრიალს ვინყებ, ინდიელო! მიყურე, მიყურე!“ თვალი გავახილე და ცხვირწინ ყვითლად მოელვარე გრძელი კბილები დავინახე. ის ჯეელი იყო, რალაცას რომ მთხოვდა პეშვგამოშვერილი. „დავინყე-მეთქი ტრიალი! შემხედე, ძალიან გთხოვ!“

ორმა სანიტარმა დაითრია უკნიდან, ახარხარებულ-აღრი-ალეებული გაათრია საძინებლიდან. ჯერ ცოტა ხანს ისევ ის სიტყვები ისმოდა – ტრიალს ვინყებო, მერე უკვე მარტო ხარხა-

რი. სანამ დერეფანი არ ჩაათავებინეს, ხმაური არ შეწყვეტილა, მერელა მიწყნარდა ყველაფერი და სიჩუმეში ახლა სხვა ხმა გავიგონე – ძალიან კარგი... მე ამ საქმეში ხელი დამიბანიაო.

„მაგარი ძმაკაცი გეჩითებოდა, ბელადო. რა დროს აგახიეს...“ ჩურჩულით შემეხმიანა მაკმერფი და დასაძინებლად გადაბრუნდა. მე კი თითქმის მთელი ღამე აღარ მომეკარა ძილი, სულ ის ყვითელი კბილები და მშვიერი სახე მედგა თვალწინ, მიყურე და მიყურეო – მეხვეწებოდა. მერე, როცა ჩამეძინა, უკვე უსიტყვოდ მთხოვდა რაღაცას. სიბნელიდან მოცურავდა ჩემკენ ეს სახე, თითქოს ერთი მთლიანი ყვითელი სათხოვარი, და ვერ გაიგებდი, რა უნდოდა... რას მევედრებოდა. მაკმერფისაც მიკვირდა, ასი, ორასი და იქნებ ათასი ამისთანა სახის გარემოცვაში ძილი რანაირად შეუძლია-მეთქი.

დასაბმელებში პაციენტებს განგაშის სიგნალით აღვიძებენ. მარტო შუქების ანთებით არ კმაყოფილდებიან, როგორც ქვევით, ჩვენთან. სიგნალს ისეთი ხმა აქვს, თითქოს გიგანტური ფანქრის სათლელით რაღაც საშინელს უმახავენ წვერსო. დაფეთებულები წამოგვყარა მე და მაკმერფი, მერე ძილის შებრუნება დავაპირეთ, მაგრამ ახლა რეპროდუქტორმა გამოგვიძახა ექთნების სამორიგეოში. ლოგინიდან ძლივძლივობით გამოვძვერი, ღამე ზურგი ისე გამიმეშდა, სულ ოდნავ დახრაც მიჭირდა; მაკმერფიც ისე დაჩლახუნებდა, ეტყობოდა, თვითონაც არ იყო ჩემზე უკეთეს დღეში.

„შენი აზრით, რა პროგრამას შემოგვთავაზებენ, ბელადო?“ მკითხა უფრო გამოცდილს. „ესპანურ ჩექმას? სარზე გასმას? იმედია, ძაან მტკივნეულიც არ იქნება, თორე მაგარი დანგრეული ვარ.“

მტკივნეული არ იქნება-მეთქი, მარტო ეს ვუთხარი, სხვაში ჯერ მე თვითონაც არ ვიყავი დარწმუნებული, სანამ სამორიგეოში არ მივედი და ექთანმა, უკვე სხვამ, გვკითხა – მისტერ მაკმერფი და მისტერ ბრომდენი თქვენ ბრძანდებითო? თავები დავუქნიეთ და იმანაც თითო პატარა ქალაღდის ქიქა გამოგვინოდა.

ჩემსაში ჩავიხედე და სამი ცალი ის წითელი აბი დავინახე. *dddიინგ!* ჟღერიალებს გაბმულად თავში და ამ ჟღერიალს ვერაფერს ვუხერხებ.

„მოიცათ,“ ამბობს მაკმერფი, „ეს ის წამალი არ არი, ნოკაუტივით რო გთიშავს?“

ექთანი თავს უქნევს, მერე უკან იყურება, საიმედოდ თუ ვარ ზურგიდან დაცულიო. უკან ორნი დგანან დადარაჯებულები, სიამის ტყუპებივით ერთმანეთს იდაყვებით შეზრდილები, და ყინულის ასალები მაშები უჭირავთ.

მაკმერფი ექთანს უწვდის ჭიქას: „არა, ბატონო ჩემო, ანუ ქალბატონო, თვალების ახვევაზე უარს ვამბობ. აი, უკანასკნელ სიგარეტს კი აუცილებლად მოვწევ.“

ჭიქას მეც ვუბრუნებ. ექთანი გვეუბნება, უნდა დავრეკოო, ჩვენ შუა სხლტება შუშის კარში და სანამ ვინმე ხმას ამოიღებდეს, უკვე ტელეფონის ყურმილი უჭირავს ხელში.

„ბოდის გიხდი, შარში თუ გაგხვიე, ბელადო,“ მეუბნება მაკმერფი და კედლებში დატანებული სატელეფონო მავთულების სტვენა-სისინში იმისი ხმა ბუნდოვნად მესმის. ვგრძნობ, თავში როგორ აწყდებიან ერთმანეთს დაფეთებული აზრები და უფსკრულში მიექანებიან.

უკვე დღის პალატაში ვსხედვართ, იმ სახეებით გარშემორტყმულები, და ამ დროს კარებში მთავარი ექთანი შემოდის, ერთი ნაბიჯით უკან მაღალ-მაღალი შავი ბიჭებიც მოყვებიან, აქეთიქიდან უმშვენებენ მხარს. ვცდილობ, სავარძელში ჩავიმალო, თვალში არ მოვხვდე, მაგრამ ძალიან გვიანია. ძალიან ბევრი ხალხი მიყურებს; განებილი თვალები ადგილზე მაკრავენ.

„დილა მშვიდობისა,“ გვესალმება ქალი, ისევ ძველებური ღიმილი მოურგია. მაკმერფი სალამზე სალმით პასუხობს, მე კი ხმას არ ვიღებ, თუმცა მთავარი ექთანი მეც მომესალმა და თან საკმაოდ ხმამაღლა. შავ ბიჭებს მივჩერებივარ. ერთს ცხვირზე სალბუნის ადევს და ხელიც ჩამოკიდებული აქვს, ნაცრისფერი მტევანი დამხრჩვალ ობობასავით ირწევა ჰაერში; მეორე ისე

დადის, ნეკნებზე თაბაშირის არტახი უნდა ჰქონდეს დადებული. ორივეს ეშმაკური ღიმილი დასთამაშებს ტუჩებზე. ასე დაზარალებულებს, წესით, სახლშიც შეეძლოთ დარჩენა, მაგრამ მოსალოდნელ სიამოვნებას როგორ მოიკლებდნენ! იღიმებიან და მეც დამცინავი ღიმილით ვპასუხობ – თქვენნაირები შეაშინეთ-მეთქი.

მთავარი ექთანი მაკმერფის ესაუბრება, მშვიდად და მოთმინებით უხსნის, რა უპასუხისმგებლოდ მოიქცა, ბავშვურად, ჭირვეული ბავშვივით დააყენა განყოფილება ყირაზე. ნუთუ არ გრცხვენიაო, – ეკითხება. მგონი, არაო, პასუხობს მაკმერფი, ოღონდ ეგ არაფერი, რაც სათქმელი გაქვთ, ბრძანეთ ბოლომდეო.

ხოდა, ისიც უყვება, გუშინ საღამოს გამართულ საგანგებო შეკრებაზე იქ, ჩვენთან, როგორ დათანხმებია უკლებლივ ყველა პაციენტი პერსონალს – საკუთარი შეცდომები თუ არ გაიაზრა, მაკმერფის, ალბათ, ნამდვილად დასჭირდება და უთუოდ არგებს კიდევ პატარა შოკური თერაპიაო. მაგრამ თუ მხოლოდ აღიარებთ, მართალი არ ვიყავიო, თუ გვაგრძნობინებთ და აშკარადაც გამოხატავთ გონივრული კონტაქტების სურვილს, მკურნალობის ამ მეთოდისგან ჯერჯერობით შეიძლება თავიც შეგვეკავებინაო.

მოლოდინად ქცეული სახეების რკალი შემოგვცქერის. ყველაფერი თქვენი გადასაწყვეტიაო, – წერტილს სვამს მთავარი ექთანი.

„მართლა?“ უკვირს მაკმერფის. „რამე ქალაღდიცაა ხელმოსანერი?“

„არა, ქალაღდი არა, თუმცა თუ ეს აუცილებელად მივა...“

„ვხედავ, საქმისთვის საფუძვლიანად მოგიკიდიათ ხელი და ბარემ კიდევ ჩამოგენერათ რალაც-რალაცეები – ვთქვათ, როგორ ვადგენდი სახელმწიფო გადატრიალების გეგმას, ანდა როგორ ვამტკიცებდი, აქედან და ჰავაის კუნძულებამდე მის რეჩედის განყოფილებაზე ტკბილ და თბილ ადგილს დედამინის ზურგზე სანთლით ვერ იპოვის ვერავინო... რა ვიცი, რამე ეგეთიც ჩავენერა, არა?“

„არა მგონია, ამან...“

„მეც ხელს მოვანერდი, თქვენ კიდე მერე თბილი საბნით და წითელი ჯვრის ნაწყალობევი სიგარეტით დამაჯილდოვებდით! ოოოხ, ქალბატონო, რამდენ რამეს ისწავლიდნენ თქვენგან ჩინელი კომუნისტები...“

„რენდლ, ჩვენ ვცდილობთ, დაგეხმაროთ.“

მაკმერფი კი უკვე ფეხზე დგას, მუცელს იფხანს, ქალს და იმის ამალას ზედაც აღარ უყურებს და ბანქოს სათამაშო მაგიდისკენ აღერებს თავს.

„აააბა, ბიჭებო, მოვედი. პოკერს რომელ მაგიდასთან უბერავთ?..“

მთავარი ექთანის ნამით თვალს აყოლებს, მერე სამორიგეოში შედის ტელეფონზე დასარეკად.

ორ შავ და ერთ თეთრკანიან, ქერაკულულებიან სანიტარს მთავარ კორპუსში მივყავართ. მაკმერფი მთელი გზა ისეთი გახალისებული ექაქანება თეთრკანიანს, ვითომც აქ არაფერიო.

ბალახზე სქელი თრთვილი დევს, წინ მიმავალი ორი შავი სანიტარი ლოკომოტივით ქშენს და ბოლქვებად ისვრის პირიდან ჰაერს. მზეს ალაგ-ალაგ დაუბზარავს ღრუბლები, თრთვილს მიწვდომია და ბალახი ჭრელად აუბრჭყვიალებია. ბრჭყვიალა ბალახში მობუზული ბელურები დაეძებენ საზრდოს. ხრამუნა მდელოს ირიბად ვჭრით, ზაზუნების სოროებთან, სადაც იმ დღეს ძალღი დავინახე. თრთვილი ცივად ბრწყინავს. სოროებშიც აღწევს, ღრმად, სიბნელეში.

იმის სიცივეს მუცელშიც ვგრძნობ.

დიდი ხნის ნაცნობ კარებთან მივდივართ. კარს იქით ხმაური ისმის, თითქოს ვილაცამ ფუტკრების სკა ააფორიაქაო. ჩვენამდე ორი კაცია, წითელი აბებით გაბრუებულები ძლივს დგანან ფეხზე. ერთი ბავშვივით ბზუის – „ეს ჩემი ჯვარია, მადლობა, უფალო, სხვა არაფერი მაქვს, მადლობა, უფალო...“

მეორე – დაიჭი ბურთი, დაიჭი ბურთიო – იმეორებს ერთსა და იმავეს. ჩვენი აუზის მეთვალყურეა. ცოტა ამასაც გაბზარვია სატირლად ხმა.



მე არც ვიტყვებ და არც ვიყვირებ. მაკმერფი რომ არ იყოს, კიდევ ხო, მაგრამ მაკმერფის დასანახად – არავითარ შემთხვევაში.

ტექნიკოსი გვეუბნება, ფეხზე გაიხადეთო და მაკმერფი ეკითხება – შარვალსაც შემოგვახევენ და თავებსაც გადაგვპარსავენო? ნამეტანი მოგივათო, – გვემასხრება ტექნიკოსი.

ლითონის კარს თვალებივით მოუშტერებია ჩვენთვის მოქლონები.

მერე იღება, ბავშვივით აბზუვლებულს ისრუტავს. აუზის მეთვალყურე ჯერ ჯიუტობს, იბრძვის. ოთახში დადგმული პანელიდან ნეონის ბოლივით ვარდება სხივი, პირდაპირ ბუცებით დაკბილულ შუბლზე ებჯინება და გაძალიანებულს, ყულფგადაცმული მანანნალა ძალღივით მიათრევს შიგნით. სანამ კარი ხელახლა დაიკეტება, შიშისგან სახენაშლილს სხივი სამჯერ აბზრიალებს ადგილზე. „პირველი ზონა,“ ხვნეშის ძველი ფეხბურთელი. „მეორე ზონა! მესამე ზონა!“

მესმის, თავს ძალით აწევიანებენ, ისე ეჯავჯგურებიან, როგორც კანალიზაციის ლუკს. გაჭედილი კბილანები სისხლის გამყინავად ღრჭიალებენ და ხვნეშიან.

ბოლი კარს აფრიალებს, ოთახიდან ბორბლებიანი საკაცე მოგორავს, ზედ პირველი პაციენტი წევს. ფოცხივით მკანრავს თვალებით. იმისი სახე. საკაცე ისევ უკან ბრუნდება და აუზის მეთვალყურეც გამოყავს. მესმის, როგორ გაჰყვირიან სტადიონის ტრიბუნების დირიჟორები თავიანთი კერპის სახელს.

„შემდეგი ჯგუფი,“ იძახის ტექნიკოსი.

იატაკი ცივია, დათრთვილული, ხრამუნა. ზევით შუქი ყმუის გრძელ, თეთრ, ლოლუასავით ნათურაში. გრაფიტის მალამოს სუნი მცემს, გარაჟის სუნი. და შიშის მჟავასიც. მალლა კედელში ერთი პატარა ფანჯარაა დატანებული, იქიდან ვხედავ მავთულზე ჩამომსხდარ მობუზულ ბელურებს, მძივის ყავისფერ მარცვლებს. შეციებულებს თავები ფრთებქვეშ დაუმალიათ. ვგრძნობ, საიდანღაც მოვარდნილმა გრიგალმა როგორ

გადამიარა ფუტურო ძვლებზე, კიდევ და კიდევ, საჰაერო განგაში! საჰაერო განგაში!

„ნუ ღრიალებ, ბელადო...“

საჰაერო განგაში!

„დანყნარდი. პირველი მე შევალ. საამათოდ სქელი შუბლი მაქ, ფეხებს ვერ მომჭამენ. ხოდა, მე თუ ვერ მომჭამენ, არც შენ გემუქრება არაფერი.“

დაუხმარებლად ადის მაგიდაზე და ზუსტად იმის ფორმაზე შლის ხელებს განზე. რელე ტკაცუნით ურთავს სამაგრებს მაჯებზე და კოჭებთან, მაგიდის სილუეტს აბამს. ვილაცის ხელი სქანლონისთვის მოგებულ საათს ხსნის, პანელის გვერდით აგდებს. საათს ხუფი სძვრება, პანანინა ბორბლები, კბილანები და გრძელი, ზანტი ზამბარა ცოტა ხანს იატაკზე ხტიან და მერე მყარად ეკვრებიან პანელის გვერდს.

შიშის საერთოდ არაფერი ეტყობა. ძველებურად მილიმის.

საფეთქლებზე გრაფიტის მალამოს უსვამენ. „ეგ რა არი?“ ეკითხება ტექნიკოსს. „გამტარი,“ ეუბნება ტექნიკოსი. „დამცხეს მე გამტარი. ეკლის გვირგვინსაც დამადგამთ?“

კარგა მაგრად შეაზილეს. თვითონ კი მღერის და იმათაც ხელები უკანკალებთ.

„ვაზელინი იხმარეთო, რჩევა მიცა ბიჭებს...“

უკვე ისინიც ჩამოაცვეს, ყურსაცვამებივით რალაცეები – ვერცხლისფერეკლებიანი გვირგვინი გრაფიტის საფეთქლებზე. აჩუმებენ და რეზინის შლანგის ნაჭერი დაიჭირე მაგრად კბილებითო, ეუბნებიან.

„ერთხელ ცადეთ, მაშინ ნახავთ, რა კაიფს დაიჭერთ.“

ციფერბლატს ატრიალებენ, მანქანა თრთის, რობოტის ორი მკლავი თითო-თითო რკინის სარჩილავს იღებს – იდაყვში მოხრილებს იმის თავისკენ მიაქვთ. ის კი თვალს მიკრავს და რალაცას მეუბნება, თლიფინებს, რალაცის თქმა უნდა პირში რეზინის შლანგგაჩრილს, შლანგი არ აძლევს ნებას, სარჩილავები კი ვერცხლის სალტეს უახლოვდებიან იმის საფეთქლებთან – სინათლე

კაშკაშებს, ის ქვავედება, მერე მაგიდაზე ირკალება მარტო მაჯებს და ქუსლებს დაყრდნობილი, ჩაშავებული, ჩაკბეჩილი რეზინის შლანგიდან ჰუუუუეეე-ო, ისმის ღრმა ამოოხვრა და ისიც საბოლოოდ ირინდება ნაპერწკლების თრთვილით ერთიანად გათოშილი.

ფანჯრიდან ვხედავ, როგორ ცვივიან აბოლებული ბელურები მათულისიდან.

საკაცით მოაგორებენ, აკანკალებულს, თრთვილით სახე-გადათეთრებულს. კოროზია. აკუმულატორის მყავა. ტექნიკოსი ჩემკენ ტრიალდება.

ამ სქელკანიანთან ფრთხილად. მაგას ვიცნობ. მაგრად დაიჭი!

ნებისყოფის სიმტკიცე უკვე აღარაფერ შუაშია.

დაიჭი-მეთქი, შე ჩემა! სეკონალდაულეველი აღარ დავინახო აქ არავინ.

კლემები მაჯებზე და კოჭებზე მკბენენ.

გრაფიტის მალამოში რკინის ნაქლიბი ურევია, საფეთქლები მეკანრება.

თვალს რომ მიკრავდა, რაღაცას მეუბნებოდა. რაღაც მითხრა.

კაცი ჩემკენ იხრება, რკინის ორი ნაჭერი მოაქვს შუბლზე გადაჭერილ სალტესთან.

მანქანა წელში მტეხს.

საჰაერო განგაში.

თავქვე დაეშვა, ტალახში ნაიქცა. ვერც უკან გაბრუნდა, ველარც წინ გაიქცა. ტყვია დაენია, უსულოდ დაეცა.

ლელიანიდან რკინიგზასთან გამოვდივართ ბილიკით. ლიანდაგს ყურს ვადებ და ლოყა მენვება.

„არც იქით, არც აქეთ არაფერია,“ ვეუბნები მამას, „ას მიღზე არაფერი...“

„ჰმ,“ ამბობს მამა.

„ბიზონებზეც ესე არ ვნადირობდით – დანას მიწაში ჩავარ-

ჭობდით, ტარს კბილებით დავიჭერდით და შორიდანვე ვპოულობდით ჯოგს.“

„ჰმ,“ ისევ იმეორებს მამა, ოღონდ ვიცი, თან ეცინება. რკინიგზის გადაღმა შარშანდელი ზამთრიდან დარჩენილი ბზის გრძელი ზვინული მოჩანს. იქაურობა თავგებითაა სავსეო, – გვეკარნახობს ძალლი.

„ზევით ავუყვებ, შვილო, ლიანდაგს თუ ქვევით ნავიდეთ?“

„ძალლი გვეუბნება, რკინიგზის გადაღმა იარეთო.“

„ეგ ძალლი უჭკუოა, გვერდზე არ მოგვყვება.“

„გამოგვყვება. გვეუბნება, ფრინველითაა იქაურობა სავსეო.“

„ჯობია, მამის ნათქვამი დაიჯერო, მიწაყრილს გავყვებ, იქ ვინადიროთ.“

„გადაღმა უკეთესია, ბზასთან, ძალლიც ეგრე მკარნახობს.“

გადაღმა... თვალის დახამხამებას ვერ ვასწრებ და მთელი ლიანდაგის გაყოლებაზე ჩამწკრივებულ კაცებს ვხედავ, ხობბებს ესვრიან, დაყრუვდები, ისეთი ბათქაბუთქი აუტეხიათ. ეტყობა, ჩვენმა ძალღმა ძალიან გადაგვისწრო და რაც რამე ფრინველი იყო ბზასთან, სულ რკინიგზისკენ გამოდენა.

სამი თავიცი დაუჭერია.

...კაცი, კაცი, კაცი, კაცი... დიდი და მხარბეჭიანი, ვარსკვლავით მოციმციმე.

ო, უფალო იესო, ისევ ეს ჭიანჭველები, რამდენი არიან მაინც, მწარედ იკბინებიან ნაძირლები. გახსოვს, ერთხელ გავსინჯეთ და კამის თესლის გემო ქონდათ? ჰა? შენ ამბობდი, კამის თესლს არ გავსო, მე კიდევ გითხარი, ეგ არი-მეთქი, მერე დედაშენმა კინალამ მომკლა, ბავშვს ჭიების ჭამას აჩვევო...

ხე-ხე. გაძლება და გადარჩენა თუ უნდა, ნალდ ინდიელ ბიჭს ყველაფრის ჭამა უნდა შეეძლოს, ყველაფერი უნდა შეჭამოს, რაც მანამდე იქით არ შეჭამს.

ჩვენ ინდიელები არა ვართ. ჩვენ ცივილიზებულები ვართ და ეს კარგად დაიმახსოვრე.

მამა, შენ მითხარი, როცა მოვკვდები, ცას მიმაბნიეო.

დედა გვარად ბრომდენი იყო. ჯერაც ბრომდენია. მამამ თქვა, დავიბადე და მარტო სახელი მქონდაო, პირდაპირ ჩემს სახელზე დავიბადე, როგორც ხბო დაფენილ საბანზე, როცა ძროხას მანცდამანც ფეხზედგომელა უნდა მოგებაო. თი აჰ მილათუნა, ყველაზე მაღალი ფიჭვიმთაზე, და ღმერთმანი, მართლა ყველაზე დიდი ინდიელი ვარ მთელ ორეგონის შტატში, იქნებ მთელ კალიფორნიაში და აიდაჰოშიცო. პირდაპირ სახელზე დავიბადეო.

მართლა ყველაზე დიდი სულელი ხარ, თუ გგონია, პატროსანი ქრისტიანი ქალი მაგისთანა სახელით ივლის, თი აჰ მილათუნა გახდებაო. კი ბატონო, შენ შენი სახელით დაიბადე, მაგრამ მეცა მაქვს ჩემი სახელი და გვარი, ბრომდენი. მერი ლუიზა ბრომდენიო.

ხოდა, ქალაქში რომ გადავალთ, ამბობს მამა, მაგ სახელით და გვარით უფრო ადვილად მივიღებთ სოციალური დაცვის ბარათსო.

ტიპი სამოქლონე უროთი მისდევს ვილაცას, ძან თუ მოინდომებს, დაენევა კიდევ. ვხედავ, ისევ იელვა, ფერად-ფერადად აჭრელდა ყველაფერი.

ძძძინ. ნუ ამთქნარებ იცოდე, საყვარელო ბიცოლა, მებადური ძველი, ქათმებს იჭერ ხელით... ცხრაკლიტულში კეტავ, რას უპირებ ნეტავ... გუნდში სამი ბატი გყავს, მეტი არ გაბადია... ერთი მოფრინდა, ერთი გაფრინდა, გუგულის ბუდეზე სხვა გადაფრინდა... აყიყინდა – გამოდი, ჩვენ ეზოში ჩამოდი.

ბებია ღიღინებდა ხოლმე ამას თამაშის დროს. საათობით ვთამაშობდით, გამოყვანილი თევზის ლარტყებთან ვისხედით და ბუზებს ვაქშევდით. თამაშს „ნუ ამთქნარებ“ ერქვა. თითებს გავფარჩხავდი და ბებიაც ლექსის ყოველ მარცვალზე ჩემს თითებს ითვლიდა სათითაოდ.

ნუ ამთქნარებ იცოდე (შვიდი თითი), საყვარელო ბიცოლა (კიდევ შვიდი, სულ თოთხმეტი, შავი, კიბორჩხალასავით ხელით მითვლის თითებს ტაქტში. ჩემი ყველა ფრჩხილი ქვევიდან ასცქერის, პანანინა სახეებივით, და უნდათ, იმ ბატად გადაიქცნენ, გუგულის ბუდეზე რომ გადაფრინდა).

მიყვარს ეს თამაში და ბებიაც მიყვარს. ქათმების დამჭერი ბიცოლა – არა. კიდეც ის ბატი მიყვარს, გუგულის ბუდეზე გადაფრენილი. ის, ბებია და ბებიას ნაოჭებში ჩამჯდარი მტვერი.

როცა ბოლოჯერ ვნახე, დალეზში ტროტუართან ინვა გახე-  
ვებული, გაყინული, მკვდარი... ჭრელპერანგიანი ხალხი ეხვია გარს, ზოგი ინდიელი, ზოგი მესაქონლე, ზოგი მინათმოქმედი. ფორნით მიასვენეს ქალაქის სასაფლაოზე, თიხა შეაზილეს თვალებში.

ცხელი, საავდროდ გაყურებული დღეები მახსოვს, როცა კურდღლები ბორბლებში უცვივდებოდნენ დიდ სატვირთო მანქანებს.

კასრში თევზ ჯოს კონტრაქტის გაფორმების მერე ოციათასი დოლარი ერგო და სამი კადილაკი იყიდა. ვერც ერთს ვერ ატარებდა.

კამათელს ვხედავ.

შიგნიდან. მე თვითონ კამათლის ძირზე ვარ მაგნიტად დამაგრებული, ყოველთვის ჩემ ზემოთ დარჩენილი გვერდი რომ დაჯდეს. დაამაგნიტეს, სულ იაქე უნდათ მოვიდეს, მე მაგნიტი ვარ, ექვსი წერტილი ჩემ ირგვლივ, ექვსი თეთრი ბალიში, აუცილებლად ქვევით მოექცევა, რამდენჯერაც არ უნდა გააგორონ. ნეტა მეორე კამათელი როგორღა დაამაგნიტეს? ნაძლევს დავდებ, ისიც იაქეზე. იაგანს ჩალიჩობენ. თაღლითებს ეთამაშება და მეც მაგნიტი ვარ.

ჰა, მიყურე, ვაგორებ. რა ვქნა, ქალბატონო, ჯიბეგაფხეკილი დავრჩი, ვერ გიყიდი მაღალქუსლიან ზიზია ფეხსაცმელს. ეეებ, ჩემი ბედი...

მარცხი მოგვივიდა.

წყალი. გუბეში ვწევარ.

იაგანი. ისევ გააცუცურაკეს. თავს ზემოთ იაქეს ვხედავ: ჩიხში, ფარდულს უკან, სათავისოდ ვერ გააგორებს გაყინულ კამათლებს... პორტლენდში.

ჩიხი გვირავია და ცივა, იმიტომ რომ მზე სალამოსკენ გადაიხარა. ნავალ... ნავალ რა, დედა, ბებიას ვნახავ.

მაინც რა მითხრა, როცა თვალი ჩამიკრა?

ერთი მოფრინდა ერთი გაფრინდა.

მომეცალე გზიდან.

ჯანდაბას შენი თავი, ექთანო, მომეცალე-მეთქი გზიდან  
გზიდან გზიდან!

ჩემი გაგორებაა. ნადი შენი... ძაღლის ძვალი ხარ. კიდენავაგე.  
ისევ იაგანია.

სკოლაში მასწავლებელმა მითხრა, ცინცხალი გონება გაქ-  
ვსო, რალაც გამოვა შენგანო...

რა გამოვა, მამა? ძია ერ ჯი მგელივით ხალიჩების ოსტატი?  
თუ კალათების? თუ კიდე ერთი ლოთი ინდიელი?

მაიცა, ოსტატო, შენ ინდიელი არა ხარ?

კი, ინდიელი ვარ.

გამართულად ლაპარაკობ, აი...

კი.

კაი... სამი დოლარის ჩვეულებრივი ჩამისხი.

ასე არ გაიბლინძებოდნენ, რომ იცოდნენ, რა ურთიერთობა  
გვაქვს მე და მთვარეს. აღარ ჩამთვლიდნენ ჩვეულებრივად...

იმას რაო... როგორ იყო?.. სხვა დოლის ბრაგუნის ესმისო?  
ვინც მწყობრს ვერ უწყობს ფეხსო.

კიდე იაგანი. რა ცივია ეს ოხერი კამათლები.

დასაფლავების მერე მე, მამამ და ძია ერ ჯი მგელმა ბებია  
ისევ ამოვთხარეთ საფლავიდან. რომც გვეთქვა, დედა მაინც არ  
წამოგვეყვებოდა; ცხოვრებაში არ გაეგო მსგავსი არაფერი. ხეზე  
ჩამოკიდებული გვამი! გაფიქრებაც შეგზარავს.

გვამის შეგინებისთვის მამამ და ძია ერ ჯი მგელმა ოცი დღე  
გაატარეს დაღეზის ციხის გამოსაფხიზლებელში, „რამსს“  
უბერავდნენ დილიდან ღამემდე.

კი მარა, ეს ჩვენი საკუთარი დედაა, ხალხო!

მაგას არავითარი მნიშვნელობა არა აქვს, ბიჭებო. მიცვა-  
ლებული არ უნდა შეგენუხებინათ. ველარ ისწავლეთ ჭკუა ამ  
ინდიელებმა. აბა, სად არის, რა უყავით? ჯობია, გამოტყდეთ.

გაგარტყი ბრტყლად, გაფითრებულოო, – უთხრა ძია ერჯი მგელმა, თან თამბაქოს ახვევდა. ცხოვრებაში არ გეტყვიო.

მაღლა მაღლა მაღლა მთებში, მაღლა ფიჭვის კენწეროზე, ქარს აყოლებს ბებერ ხელს და ღიღინით თვლის ცაში ღრუბლებს: ... გუნდში სამი ბატი გყავს...

რა მითხარი, როცა თვალი ჩამიკარი?

ორკესტრი გრიალებს. ნახე... ცა, დღეს ოთხი ივლისია.

კამათლები გაქვავებულან.

ისევ მომადგნენ ეშმაკის მანქანით... ნეტა გამაგებინა...

რა თქვა?

... გამაგებინა, ისევ დიდად როგორ მაქცია მაკმერფიმ.

რა მითხრა... და – დაიჭი ბურთიო.

უკვე გამობრძანებულან. თეთრად გამონკეპილი შავი ჯე-ელეები კარის ღრიჭოდან მათსამენ, მერე მოვლენ და დამაბრალებენ, ჩაგიფსია და ქვეშ ამოდებული ექვსივე ბალიში გაგიოხრებიაო! შაში. ოთახი კამათელი მეგონა. მაღლა, ჭერში, ნათურის თეთრი თვალი – იაქე... აი რას ვხედავდი... ამ ციცქნა, ოთხკუთხა ოთახში... ესე იგი, დაღამებულა. რამდენი საათი ვეგდე გათიშული? ცოტ-ცოტა გვნისლავენ, მაგრამ ნისლში არ ჩავყვინთავ და არ დავიმალები. არა... უკვე აღარასოდეს...

ნელ-ნელა წამოვდექი, გაჭირვებით, ბეჭებშუა ვერაფერს ვერ ვგრძნობდი. იზოლატორის იატაკზე თეთრი, დამბალი ბალიშები ეყარა, მე დავალბე შარდით, გათიშულმა. ჯერ ყველაფერს ვერ ვიხსენებდი, თუმცა ხელის ზურგებით მაგრად ვიფშვნეტდი თვალებს და აზრის მოკრებას ვცდილობდი. ძალიან ვცდილობდი. ადრე ამ მდგომარეობიდან გამოსვლა არასდროს მიცდია.

კარში დატანებულ პატარა, მრგვალ, ბადიან ფანჯარასთან მივლასლასდი და ზედ მივაკაკუნე. მერე დერეფანში მომავალი სანიტარი დავინახე, ლანგრით საჭმელი მოქონდა ჩემთვის, და მივხვდი – ამჯერად დავამარცხე-მეთქი.



სდრე შოკური თერაპიის მერე ზოგჯერ მთელი ორი კვირა გაბრუებული დავბორიალებდი ხოლმე, იმ დანისლულ, მოჟამულ ბინდში ვცხოვრობდი, რომელიც ყველაზე უფრო ძილის დაკბილულ საზღვარს გაეს, ნაცრისფერ წყალგამყოფს სინათლესა და სიბნელეს, ან ძილსა და სიფხიზლეს, ანდა სულაც სიცოცხლესა და სიკვდილს შორის, როცა იცი, უგონოდ აღარ ვარო, მაგრამ ვერც იმას იტყვი, კვირის რომელი დღეა, ვერც საკუთარ ვინაობას იხსენებ და ვერც იმას ხვდები, საერთოდ რა აზრი ჰქონდა შენს გამობრუნებას... მთელი ორი კვირის განმავლობაში. თუ გამოღვიძების მიზეზი არ არსებობს, გონება დაბინდულმა შეგიძლია დიდხანს იტივტივო ამ ნაცრისფერ უაზრობაში, მაგრამ თუ გამოფხიზლება ძალიან გულით მოინდომე, თურმე ესეც შესაძლებელი ყოფილა. დიდი ძალდატანების ფასად ამჯერად ერთ დღეზე ნაკლები მოვანდომე გამოფხიზლებას. ასე სწრაფად აქამდე არასდროს მომიხერხებია.

როცა თავში ნისლი საბოლოოდ გამეფანტა, ისეთი გრძნობა მექონდა, თითქოს დიდხანს ძალიან ღრმად ჩაყვინთული, ას წელიწადს წყალქვეშ ნამყოფი, უცებ ამოვვარდი წყლის ზედაპირზე. ჩემს ცხოვრებაში ეს უკანასკნელი ელექტროშოკი იყო.

მაკმერფის კი იმ კვირაში სამი ჩაუტარეს. როგორც კი ცოტა აზრზე მოვიდოდა და თავისებურად თვალის ეშმაკურ პაჭუნს დაიწყებდა, მთავარი ექთანიც მაშინვე გამოეცხადებოდა ხოლმე ექიმის თანხლებით და ერთსა და იმავეს ეკითხებოდა – მიხვდი

შეცდომას, მზად ხარ, აღიარო და ჩვენს განყოფილებაში მკურნალობის კურსი დაასრულო? მაკმერფი ყოყლოჩინობდა, იცოდა, რამდენი დასაბმელის თვალი მიჩერებოდა, რამდენი ელოდებოდა იმის პასუხს და მთავარ ექთანს ძველებურად ელაზღანდარავებოდა – რატომ ასი სიცოცხლე არა მაქვს, ასივე სამშობლოს შევნიროო, თქვენ კი ამ ვარდისფერ ტაკუნაზე მაკოცეთ და იქამდე არაფერი გეტკინოთ, სანამ კაპიტანმა ჩასაძირად განწირული გემი მივატოვო. აბა!

მერე წამოდგებოდა, მოღიმარ აუდიტორიას ერთი-ორჯერ თავს დაუკრავდა და მთავარი ექთანიც, ცხადია, ექიმთან ერთად, მაშინვე სამორიგეოში შედიოდა დასარეკად, მორიგი ელექტროშოკის უფროსობასთან შესათანხმებლად.

ერთხელაც, როცა მთავარმა ექთანმა ისევ სამორიგეოსკენ წასვლა დააპირა, ისეთი უბნკინა უკნიდან მსუქან ადგილზე, ქალს მაკმერფის თმაზე უარესად აუვარვარდა სახე და მე მგონი, ჩასაბჟირებლად გამზადებული ექიმიც იქვე რომ არ მდგარიყო, სერიოზულ სილასაც არ დაინანებდა.

ვცადე დამერწმუნებინა, თამაშში აყევი, აღარ გინდა ამდენი ელექტროშოკი-მეთქი, მაგრამ სიცილადაც არ ეყო და მითხრა – ბებია მაგათმა, ფეხებს ვერ მომჭამენ, მარტო აკუმულატორს მიტენიან უფასოდო. აქედან რომ გავალ, პირველივე ქალი, ვინც ძველ თავნითელა მაკმერფის, ათიათასვატიან ფსიქოპათს, გულში ჩაიხუტებს, სათამაშო ავტომატივით აელვარდება და ვერცხლის დოლარიანებს დაყრის ტრაკიდანო. არა, მაგათი სიაბანდი ელექტრონიკის არ მეშინიაო.

მიმტკიცებდა, ტკივილს საერთოდ არ ვგრძნობო. წამლის დალევაზეც ჯიუტად ამბობდა უარს. თუმცა ყოველთვის, როცა რეპროდუქტორი იმის გვარს აცხადებდა, საუზმისგან თავის შეკავებას ურჩევდა და პირველ კორპუსში წასასვლელად ეპატიჟებოდა, კრიჭა ეკვროდა და თავფეხიანად ფითრდებოდა, გამხდარ სახეზე შიში და უსასობა ეხატებოდა – როგორც მაშინ, მანქანაში, თევზაობიდან რომ ვბრუნდებოდით.

იმ კვირის ბოლოს დასაბმელებიდან ისევ ჩვენს განყოფილებაში დამაბრუნეს. ბევრის თქმა მინდოდა მაკმერფისთვის, მაგრამ პროცედურიდან ახლად დაბრუნებული ისეთი სახით მიჩერებოდა პინგ-პონგის თამაშს, თითქოს თვალებით ბურთზე გამოაბესო. ერთ-ერთმა ზანგმა და ქერაკულულებიანმა სანიტარმა ქვევით ჩამიყვანეს, განყოფილებაში შემიშვეს და ზურგს უკან კარი ჩამიკეტეს. დასაბმელების მერე აქაურობა საოცრად ნყნარი მომეჩვენა. დღის პალატას მივაშურე და, არ ვიცი რატომ, კარებში გავჩერდი. ყველამ მე შემომხედა, ოღონდ სულ სხვანაირად, სხვა გამომეტყველებით, როგორც ადრე არასდროს შემოუხედავთ. სახეები ისეთი ბავშვური სიხარულით გაუბრწყინდათ, თითქოს ცირკის გაკაშკაშებულ არენას უყურებენო. „თქვენ ნინაშეა...“ უბერავს ჰარდინგი, „ადამიანი-მთა, ძირძველი ამერიკელი, რომელმაც შავ სანიტარს... ხელი მოტეხა! გთხოვთ, შეეგებოთ, ტაში, ტაში!“ მეც გავიღიმესავით და მივხვდი, ასეთი სახეების შემხედვარე, რას გრძნობდა ხოლმე მაკმერფი ამდენი თვის განმავლობაში.

შემომეხვივნენ და მთხოვდნენ, ყველაფერი დანვრილებით მოგვიყევი, რაც მოხდაო; მაკმერფი რას შვრება იქო? როგორ იქცევო? მართალია, რასაც ფიზკულტურის დარბაზში მოვკარით ყური, თითქოს ეშთ-ს ყოველდღე უტარებენ და იმას არაფერი ეტყობაო? მართლა იმაზე ენაძლევება ტექნიკოსებს, დენის ჩართვიდან რამდენ ხანს გაძლებს თვალგახელილიო?

რაც შემეძლო, ყველაფერი ვუამბე; და ჩემი უეცარი ალაპარაკებაც, მგონი, არავის გაკვირვებია – ამდენ ხანს ყველა ყრუმუნჯად მთვლიდა, არადა, მეც სხვებივით ვჭიკჭიკებდი და ნათქვამიც მშვენივრად მესმოდა. ეგ ყველაფერი მართალია-მეთქი, დავუმონმე და ჩემგანაც დავამატე ერთი-ორი ისტორია. მთავარი ექთნის და მაკმერფის ზოგიერთმა დიალოგმა ისე გაამხიარულა მთელი პალატა, ქრონიკულების მხარეს თავიანთ სველ საბნებში გახვეული ორი ბოსტნეულიც კი აქირქილდა, ვითომ ჩვენც მივხვდით მარილსო.

როცა მეორე დღეს მთავარმა ექთანმაც დააპირა პაციენტ მაკმერფის პრობლემების საჯარო შეკრებაზე განხილვა, როცა გამოგვიცხადა, რაღაც აუხსნელი მიზეზების გამო ეშთმასზევე-რანაირ ეფექტს ვერ ახდენს და კონტაქტურობის გასაუმჯობესებლად ალბათ კიდევ სხვა, უფრო ქმედითი ზომების მიღება გახდება საჭიროო, ჰარდინგი შეეკამათა და უთხრა – შეიძლება ასეცაა და სავსებით სწორიც ბრძანდებით, მის რეჩედ, მაგრამ მე როგორც გავიგე, თქვენ და მაკმერფის იქ, ზემოთ, ურთიერთობაში უშუალო კონტაქტის პრობლემა არ გაგჩენიათო.

ამ სიტყვებმა ქალს წონასწორობა დააკარგვინა და საერთო ხარხარმაც ისე გაამწარა, თემას აღარ დაბრუნებია.

ხვდებოდა, პაციენტების თვალში სულ უფრო და უფრო როგორ იზრდებოდა ზემოთ გამომწყვდეული მაკმერფი. თვითონ კი იცოდა, რა დღეშიც ყავდა, მაგრამ ბიჭები ამას ვერ ხედავდნენ და მათი გმირიც თანდათან ლეგენდარული შარავანდედით იმოსებოდა. თუ კაცს ვერ ხედავ, ვერც იმის სისუსტეს შეამჩნევო, დაასკვნა და მაკმერფის უკან დასაბრუნებელ გეგმაზე დაიწყო ფიქრი. დავაბრუნებ და მაშინ დარწმუნდებიან, ისიც რომ დანარჩენებივით დაუცველიაო. როცა შოკის მერე გაბრუებულს და მოზუზულს დანახავენ პალატაში, მერეც ილაპარაკონ იმის გმირობაზეო.

ბიჭებმა ეს ჩანაფიქრიც გამოიცნეს, მიხვდნენ, განყოფილებაში დაბრუნებულს საერთოდ აღარ მისცემს გასაქანს და მარტო ჩვენს დასანახად ამოხდის სულს ელექტროშოკითო. ამიტომ ჰარდინგმა, სქანლონმა, ფრედრიქსონმა და მე იმაზე დავიწყეთ ბჭობა, როგორ დაგვერწმუნებინა მაკმერფი – შენთვისაც და ყველასთვისაც საუკეთესო გამოსავალი იქნება, თუკი საერთოდ გაიპარები საავადმყოფოდანო. შაბათისთვის, როცა განყოფილებაში დააბრუნეს – დღის პალატაში ისე შემოვიდა, როგორც მოკრივე რინგზე, ცეკვა-ცეკვით, მალლა ხელებანეული მოგვესალმა, დაგიბრუნდით ჩემპიონიო, მოგვახარა – გეგმა უკვე მზად გქონდა. დაბნელებას დაველოდებოდით, მერე ლეიბს ცეცხლს ნავუკიდებდით და როცა მეხანძრეები მოცვივდებოდნენ, ღია

კარიდან გავაქცევდით. გეგმა ისეთი მომხიბლავი გვეჩვენებოდა, ვერც წარმოგვედგინა, უარი როგორ უნდა ეთქვა.

ოლონდის კი დაგვაზინყდა, ზუსტად იმ ლამეს რომ აპირებდა საავადმყოფოში გოგოს შემოპარებას, ბილი და ქენდი უნდა შეეხვედრებინა ერთმანეთისთვის.

განყოფილებაში დაახლოებით დილის ათ საათზე დააბრუნეს. „მაგრა ამანყეს ბიჭებო ზევით, კაპიტალურად; ელექტროდებიც შემიცვალეს, კარბურატორი განმინდეს, დინამო მაქ – ბოლო მოდელი „ფორდი“! დამმუხტეს, იმის დედა ვატირე... სიგარეტის მოკიდება თუ გინდათ ვინმეს, აქა ვარ, არ მოგერიდოთ!“ მთელი განყოფილება დაიარა ქაქან-ქაქანით, უწინდელზე კიდევ უფრო დიდმა, ხმაურიანმა, ექთნების სამორიგეოს კართან ჭუჭყიანი წყლით სავსე ვედრო წააქცია, დაგვაჯულ შავ ბიჭს თეთრ ფეხსაცმელზე ჩუმად კარაქის ნაჭერი დაუგდო და მერე მთელი სადილი იჭაჭებოდა, სანამ ფეხსაცმელი, ჰარდინგის სიტყვებით თუ ვიტყვით, „საეჭვოდ ყვითელ ელფერს იძენდა“... ბევრად დიდმა... პრაქტიკანტ ექთანს გვერდით თუ ჩაუვლიდა ხოლმე, იმას ელეთმელეთი მოსდიოდა, თვალებს ატრიალებდა და მერე თქოს ფხანით გარბოდა დაფეთებული.

გეგმა გავაცანით და გვითხრა, ნუ ვიჩქარებთო; ბილის პაემანიც გაგვახსენა. „ბილის იმედს ვერ გავუცრუებთ, ეგრე არ არი, ძმებო? მით უმეტეს, როცა უმანკო წარსულთან გამოთხოვება გადანყვიტა კაცმა. ამაღამ უნდა შევეუბეროთ, რამე თუ არ შეგვეშალა, მაგარ დროს გავატარებთ. რა იცი, იქნებ ბოლოს ჩემი გამოსათხოვარი ბანკეტიც გამოვიდეს...“

ამ უქმეებზე მთავარმა ექთანმა მუშაობა გადანყვიტა – უნდოდა მაკმერფის დაბრუნებას დასწრებოდა – და ზოგიერთი საკითხის გასარკვევად ბარემ ერთი კარგი შეკრებაც დაგეგმა. შეკრებაზე ხელახლა წამოიწყო სხვა, უფრო ქმედით ზომებზე საუბარი და ექიმსაც სთხოვა, იქნებ ამ იდეაზე თქვენც გეფიქრათ, „სანამ პაციენტის შველა ჯერ კიდევ შეიძლება“. მაკმერფი მოუსვენრად ცქმუტავდა, გაუთავებლად გვიპაჭუნებდა

თვალს, ამოქნარებდა, აბოყინებდა, ფაქტიურად ლაპარაკს არ აცდიდა და ბოლოს საერთოდ ჩააჩუმა კიდეც. მაშინ კი მთლად გააშტერა ექიმიც და დანარჩენებიც, გაიფჯიმა და – ყველა თქვენ სიტყვას თავიდან ბოლომდე ვეთანხმებიო – აჯახა ქალს.

„იცით, ქალბატონი შეიძლება მართალიცაა, დოკ. ნახეთ, რა სიკეთე მიყო რამდენიმე საცოდავმა ვოლტმა. ძაბვას თუ გავაორმაგებთ, იქნებ მარტინივით მეც დამეჭირა მერვე არხი, ჩემ თავს ანტენად მაინც გამოვადგებოდი. გამაშტერა ლოგინში გდებამ და მეოთხე არხის ამბებმა და ამინდმა. მაგას მართლა ჰალუცინაციები ჯობია.“

მთავარმა ექთანმა მრავალმნიშვნელოვნად ჩაახველა, დაკარგული ინიციატივის დაბრუნება სცადა. „მე ელექტროშოკზე აღარ ვლაპარაკობდი, მისტერ მაკმერფი.“

„ვერ მიგიხვდით, პატივცემულო.“

„ოპერაციის შესაძლებლობაზე ვფიქრობდი... ძალიან მარტივი ოპერაციის, დამერწმუნეთ. მით უმეტეს, არაერთი შემთხვევა ვიცით, როცა მტრულად განწყობილ პაციენტებს აგრესიული მიდრეკილებები გაუქრათ...“

„მტრულად? ქალბატონო, მე ლეკვივით მეგობრული და ალერსიანი ვარ. ორ კვირაზე მეტია, არც ერთი სანიტრისთვის ბუზიც არ ამიფრენია. მე პირადად ჭრა-კერვის ვერანაირ აუცილებლობას ვერ ვხედავ, თქვენ რას იტყვით?“

ქალმა თავისი ღიმილი აიფარა, თვალნათლივ დაანახვა თანაგრძნობა. „რენდლ, არაფრის მოჭრ...“

„თანაც,“ ერეკებოდა მაკმერფი, „აზრიც არა აქვს. რამდენს მომჭრით? ერთი წყვილი უჯრაშიც მიყრია, საძინებელში.“

„წყვილი?“

„ცალი ბეისბოლის ბურთისოდენაა, დოკ.“

„მისტერ მაკმერფი!“ შუშასავით შეემსხვრა სახეზე ღიმილი, მიხვდა – ახლაც მასხრად მიგდებენო.

„მეორეს არა უშავს, შეიძლება ნორმალურად ჩაითვალოს.“

სანამ დაძინების დრო არ მოვიდა, არა და არ დაწყნარდა,

სულ ამისთანებს უბერავდა. პალატაში საზეიმო განწყობილება იგრძნობოდა, როგორც სოფლის ბაზრობაზე. ყველანი იმაზე ჩურჩულებდნენ, გოგომ დასალევი თუ მოიტანა, მაგრად უნდა შევუბეროთო. ცდილობდნენ, ბილის მზერა დაეჭირათ, თვალი ჩაეკრათ და ღიმილით გაემხნეებინათ. როცა სავალდებულო ნამღებობის მისაღებად ჩაგვამნკრივეს, მაკმერფი პატარა, ხალიან და ჯვარცმინან ექთანს მიადგა და კითხა – ერთი-ორი აბი ვიტამინი შეიძლება გთხოვო? იმან გაკვირვებულმა მიაშტერა თვალე-ბი, უარის მიზეზს ვერ ვხედავო, და რამდენიმე, ჩიტის კვერცხისხელა აბი გამოუტანა. მაკმერფიმ აბები ჯიბეში ჩაიდო.

„დალევას არ აპირებთ?“ კითხა ექთანმა.

„მე? ღმერთმა დამიფაროს. მე ვიტამინები არ მჭირდება. ჩვენი პატარა ბილისთვის დავითრიე. ბოლო დროს რაღაც სხვანაირად მოჭკნა, არა? ვითომ დაღლილი სისხლის ბრალია?“

„და... აბა, მაშინ რატომ არ აძლევთ?“

„მივცემ, საყვარელო, მივცემ, ოღონდ შუალამეს დაველო-დები – როცა ძალიან-ძალიან დაჭირდება..“ მერე ბილის ავარ-ვარებულ კისერზე ხელი გადახვია და საძინებლისკენ წააჩაქ-ჩაქა. გზად ჰარდინგს თვალი ჩაუკრა, მე კი ფერდში მატაკა ცერი. გამტერებული ექთანი თვალეზადმოყრილი იდგა და გრაფინიდან ფეხსაცმელებზე ისხამდა წყალს.

რამდენიმე სიტყვა ბილი ბიბიტზეც უნდა გითხრათ: მართალია, სახეზეც ნაოჭები ემჩნეოდა და თმაშიც ქალარა გამორეოდა, მაგრამ მაინც პატარა ბიჭს გავდა – ყურპარტყუნას, ჭორფლიანს, ბაჭასავით კბილებადმოყრილს, ზუსტად იმათ ასლს, კალენდრებზე რომ მიკუნტრუმებენ ხოლმე ფეხშიშველები და მტვრის ბუქში ნნელზე ასხმულ ახლად დაჭერილ ღორჯოებს მიიქნევენ, თუმცა სინამდვილეში სულ არ იყო ასეთი. რომელმე სხვა პაციენტის გვერდით მდგომს თუ დაინახავდი და სახეზეც დააკვირდებოდი, აუცი-ლებლად გაოცდებოდი – არც სიმალლით ჩამორჩებოდა ვინმეს, არც პარტყუნა ყურები ჰქონდა, არც ჭორფლი, არც გადმოყრილი კბი-ლები და ასაკითაც უკვე ოცდაათისთვის გადაეზღებინა.

წლოვანებაზე ლაპარაკი საერთოდ არ უყვარდა და მეც, გამოგიტყდებით, სრულიად შემთხვევით გავიგე ბილის ასაკი, ჩემდა უნებურად მოვკარი ყური ბილის და დედამისის საუბარს. დედამისი ჩვენივე საავადმყოფოს რეგისტრატურაში მსახურობდა, მოსული, ძონძროხი ქალბატონი, რომელსაც რამდენიმე თვეში ერთხელ თმის ფერი ქერადან მოცისფროდ, მერე მოცისფროდ შავად და ბოლოს ისევ ქერად ეცვლებოდა. როგორც ამბობდნენ, თურმე მთავარი ექთნის მეზობლად ცხოვრობდა და მის უგულითადეს მეგობრადაც ითვლებოდა. ყოველთვის, როცა შენობიდან გავყავდით და ვესტიბიული უნდა გავგვევლო, ბილი აუცილებლად უნდა შეჩერებულიყო რეგისტრატურასთან და ავარდისფრებული ლოყა საკოცნელად მიეშვირა დედისთვის. ბილიზე ნაკლებად არც დანარჩენებს გვეხამუშებოდა ეს რიტუალი, ისეთ უხერხულობას განვიცდიდით, ბილისთან გახუმრება აზრადაც არავის მოსდიოდა, მაკმერფისაც კი.

ერთხელაც, შუადღისას, აღარ მახსოვს, რამდენი ხნის წინ, კორპუსიდან უნდა გავეყვანეთ, მაგრამ რატომღაც შევფერხდით და ზოგი ვესტიბიულშივე ჩამოვსხედით განიერ, რბილ დივანებზე, ზოგმაც კორპუსის წინ მდებარე მოიკალათა და ორი საათის მზეს მიეფიცხა. ერთ-ერთი შავი ბიჭი ტელეფონით თავის ბუკმეკერს ელაპარაკებოდა. ბილის დედამ მომენტით ისარგებლა, სამუშაო ადგილი მიატოვა, ვაჟიშვილს ხელი ჩაკიდა და გარეთ გამოიყვანა – ჩემ შორიახლოს ჩამოსხდნენ ბალახზე. ქალი წელგამართული იჯდა, კაბაზე ერთი ნაკეციც არ ეტყობოდა, მრგვალ, მსუქან ფეხებზე ძეხვის კანისფერი წინდები ეცვა. ბილი წამოწვა და თავი კალთაში ჩაუდო, ქალი ბაბუნაწვერას ლეროთი ულიტინებდა ყურში. ბილი ეუბნებოდა, საცოლის ძებნა უნდა დავინყო და როდისმე ალბათ კოლეჯშიც უნდა შევიდეო. დედა ულიტინებდა და ამ სისულელეებზე ეცინებოდა.

„მაგეებისთვის ჯერ უამრავი დრო გაქვს, საყვარელო. მთელი ცხოვრება წინაა.“

„დედა, მე უკვე ო-ო-ო-ცდა-თერ-თერ-თმეტი წლისა ვარ!“



ქალმა გადაიკისკისა და ბაბუნვერას ღერო ყურში და-  
უტრიალა. „საყვარელო, ვგავარ მე შუახნის კაცის დედას?“

ცხვირი აიბზუა, პირი ოდნავ დაალო და ენა გაანკლაპუნა,  
ვითომ რალაც ჰაეროვანი კოცნისმაგვარი გაუგზავნა ვაჟიშვილს  
და მეც იძულებული გავხდი, გულში დავთანხმებოდი – დედას  
საერთოდ არ გავხარ-მეთქი. ბილის ასაკი კი ვერ დავიჯერე, მა-  
ნამდე, სანამ მოგვიანებით ახლოს არ მივუცუცქედი და საკუთა-  
რი თვალით არ წავიკითხე დაბადების თარიღი იმის სამაჯურზე.

შუალამისას, როცა გივერი, კიდევ ერთი შავი სანიტარი და  
ექთანი წავიდნენ და სამორიგეოდ ხნიერი ზანგი, მისტერ თერ-  
ქლი გამოცხადდა, მაკმერფი და ბილი უკვე ფეხზე იყვნენ, მე  
მგონი, ვიტამინებს სვამდნენ. მეც ავდექი, ხალათი შემოვიცვი  
და დღის პალატაში გავედი, სადაც ბიჭები მისტერ თერქლს ელა-  
პარაკებოდნენ. მერე ჰარდინგი, სქანლონი, სეფელტი და კიდევ  
რამდენიმე პაციენტიც შემოგვიერთდა. გოგო თუ მოვიდა, ასე  
და ასე უნდა მოვიქცეთო, უხსნიდა მაკმერფი მისტერ თერქლს,  
უფრო სწორად, ახსენებდა, იმიტომ რომ ყველაფერზე, როგორც  
ჩანს, ადრევე იყვნენ მოლაპარაკებული, ორი კვირის წინ. მთა-  
ვარია, გოგო ფანჯრიდან უნდა შემოვიდესო, ვესტიბიულში გავ-  
ლა რისკია, უფროს ზედამხედველს არ გადაეყაროსო. მერე  
იზოლატორი უნდა გავალოთო. შეყვარებული გვრიტებისთვის  
უკეთესი ბუდე სად გინდა ნახოო? უფრო იზოლირებულად სად  
იქნებიანო? („გგგ-ეეე-ყო რრა, მაკმერფი“, ბურტყუნებდა ბილი).  
და შუქი არსად არ უნდა აინთოსო. ზედამხედველმა არ შემო-  
იხედოსო. საძინებლის კარიც მაგრად უნდა დაიკეტოს, ღმერთმა  
არ ქნას, დორბლიან ქრონიკულებს არ გაეღვიძოთო. რაც მთა-  
ვარია, არ უნდა ვიხმაუროთ, არავინ არ უნდა შევანუხოთ, მით  
უმეტეს, შეყვარებული გვრიტებო.

„მორჩი რა, მ-მ-მაკ“, ისევ აბურტყუნდა ბილი.

მისტერ თერქლი თავს საეჭვოდ აკანტურებდა, მგონი, ნა-  
ხევრად უკვე ეძინა, თუმცა, როცა მაკმერფიმ კითხა, ხო შევთან-  
ხმდით ყველაფერზეო, უცებ გამოფხიზლდა და – არა, ყველა-

ფერზე არაო – ჩაიფხუკუნა ეშმაკურად; იჯდა თეთრ ქურთუკში გამონყობილი, ხითხითებდა და მელოტი ყვითელი თავიც ძაფზე გამობმული გასაბერი ბუშტივით ერწოდა წვრილ კისერზე.

„კარგი ეხლა, თერქლ. უკმაყოფილო არ დარჩები. დარწმუნებული ვარ, ერთ-ორ ბოთლს შეჭყელი გამოაყოლებს ხელს.“

„ცოტათი დათბა,“ თქვა მისტერ თერქლმა. თავი გვერდზე უვარდებოდა, ძლივს იმაგრებდა. ძილთან გამკლავებას აშკარად დიდი ძალისხმევის ფასად ახერხებდა. გაგონილი მქონდა, დღისით კიდევ სხვაგანაც მუშაობსო, მგონი, იპოდრომზე. მაკმერფი ბილის მიუბრუნდა.

„თერქლი კონტრაქტის პირობების გადასინჯვას მოითხოვს, ჩემო ბილი. რამდენი გიღირს უმანკოების დაკარგვა, ძმაო?“

სანამ ბილი სიტყვის სათქმელად საკმარის ქანს აიღებდა, მისტერ თერქლმა მრავალმნიშვნელოვნად გადააქნია თავი. „მაგაში არ არი საქმე. ფულში. თქვენ გოგოს ბოთლების გარდა სხვა გემრიელი რამერუმებიც ხო ექნება? მე რა, მარტო სასმელის წილში ვიყო?“ ახითხითებულმა ყველა სათითაოდ შეგვათვალიერა.

ბილი კინალამ დაიხრჩო, რალაცის თქმას ცდილობდა აღმფოთებული, მგონი, ჩემ ქენდიზე როგორ ამბობ მაგასო, ნესიერად ვერ გაიგებდი. მაკმერფიმ გვერდზე გაიყვანა და დაამშვიდა, შენი გოგოს ხელშეუხებლობაზე არ იდარდო – როცა შენ და ქენდი გულს იჯერებთ, თერქლი ისეთი გაგლეჯილი და დაბურანებული იქნება, სტაფილოს ვერ ჩადებს სარეცხის ქვაბშიო.

გოგომ ამჯერადაც დაიგვიანა. დღის პალატაში ვისხედით, ხალათები გვეცვა და მაკმერფის და მისტერ თერქლის ჯარისკაცობისდროინდელ თავგადასავლებს ვისმენდით. ათას რამეს ყვებოდნენ და თან მისტერ თერქლის სიგარეტს აბოლებდნენ რიგრიგობით. რალაც უცნაურად ეწეოდნენ, ნაფაზის დარტყმის მერე იმდენ ხანს იჩერებდნენ ბოლს, სანამ თვალეები შუბლზე არ აუცვივდებოდათ. ჰარდინგმა იკითხა – რას ეწევით, რა გამაღიზიანებელი სუნი აქვსო, და მისტერ თერქლმაც გაპარული, დაგუდული ხმით უპასუხა – ჩვეულებრივი სიგარეტია და თუ

ძალიან გინდა, შენც დაარტყი ნაფაზიო.

ბილი სულ უფრო და უფრო მეტად ნერვიულობდა, იმისიც ეშინოდა, საერთოდ აღარ მოვაო და იმისიც, რომ მოვიდეს, მერე რა ვქნაო. გვეკითხებოდა, რატომ არ წვევით, რას უზიხართ ამ სიცივეში და სიბნელეში, რას უცდით ნასუფრალის მომლოდინე ძაღლებივითო, ჩვენ კი მხოლოდ ვუღიმოდით პასუხად. დანოლა არავის გვინდოდა: სრულებით არ ციოდა და სასიამოვნოც კი იყო ბინდბუნდში ასე მშვიდად ჯდომა და მაკმერფის და მისტერ თერქლის ზღაპრების მოსმენა. არავის ეტყობოდა, თუ ეძინებოდა, ან იმაზე თუ წუხდა, უკვე ორს გადაცილდა და გოგო ჯერაც არ გამოჩენილაო. თერქლმა ივარაუდა, შეიძლება იმიტომ იგვიანებს, ამ უკუნეთში ვერ მიხვდა, რომელი განყოფილების ფანჯრებს უნდა მიადგესო, მაკმერფიმაც – ნაღდად ეგაა მიზეზიო და ორივემ ერთად დაიარა მთელი განყოფილება, ყველგან აანთეს შუქი, ის კი არა, საძინებელშიც აპირებდნენ იმ კაშკაშა სინათლეების ანთებას, რითაც გვალვიძებდნენ ხოლმე, მაგრამ ჰარდინგმა ივაჟკაცა, უთხრა – ეგ ყველას დააფეთებს, სხვებიც გაიღვიძებენ და სიამოვნებას ჩაგვაშხამებენო. ამაში დაეთანხმნენ, სამაგიეროდ ექიმის კაბინეტი გააჩახჩახეს.

დღესავით განათდა თუ არა მთელი განყოფილება, ფანჯარაზეც გაისმა სუსტი კაკუნი. მაკმერფიმ მიირბინა და შუშას ცხვირი მიადო, თან სახეზე აქეთ-იქიდან ხელები აიფარა. მერე მოტრიალდა და შემოგვცინა.

„თვით სილამაზე დადის ლამეში,“ გამოაცხადა გაბადრულმა, ბილის მაჯაში ჩაავლო ხელი და ფანჯარასთან მიათრია. „გაუღე, თერქლ. მივუშვათ ბულა.“

„მოიცა, მა-მა-მაკ-მმ-მერფი, მომისმინე,“ ბილი ჯვორივით ჯიუტობდა.

„არა ვარ მე შენი მა-მა-მა-მა, ბილი. და აღარც ქვეშიდან გამოსვლის დროა. ყველაფერი უმაღლეს დონეზე იქნება. მაიცა, გინდა ხუთ დოლარზე მაზიანი, რო კედლებზე გაიყვან? მოსულა? აჩვენე კლასი! თერქლ, გააღე!“

სიბნელეში ორი გოგო იდგა, ქენდი და ის მეორე, სათევზაოდ რომ ვერ წამოვიდა. „ასაკმა არ შეგაცდინო!“ სტუმრებს ჩან-გლავდა თერქლი, თან ფანჯარაში გადმოძრომაში ეხმარებოდა. „ჩემი რქაც კი ხნავს.“

მაინც მივედით მისაშველებლად: გადმოძრომა ძალიან გაუჭირდათ, ლამის ჭიპებამდე მოუწიათ ისედაც მოკლე ქვედაკაბების აწევა. „ოხერო მაკმერფი,“ მიესიყვარულა ქენდი და ისეთი გრძნობით შემოხვია კისერზე ხელები, კინალამ ერთმანეთს შეაფშხვნა ორი ჩაბლუჯული ბოთლი. ნონასწორობის შენარჩუნება ცოტა არ იყოს უჭირდა და კინკრიხოზე აკრეფილი თმაც მალ-მალე ეშლებოდა. ჩემი აზრით, ძველი ვარცხნილობა უფრო უხდებოდა – უკან, კეფაზე შეკრული. ბოთლი დაქალისკენ გაიშვირა, უკვე ისიც ფანჯარაში ძვრებოდა.

„სენდიც წამოვიდა. ადგა და მიატოვა თავისი ბივერტონელი მანიაკი ქმარი. დალაგებული ქვია ამას?“

მეორე გოგოც გადმოვიდა სამშვიდობოს, მაკმერფი გადაკოცნა: „გამარჯობა, მაკ. მაშინდელისთვის ბოდიშს გიხდი. ვერ მოვახერხე წამოსვლა, მარა ეხლა თავისუფალი ვარ. ამოვიდა ყელში ამდენი ფოკუზები – ხან თეთრ თავგს ვპოულობდი ბალიშისპირში, ხან მატლებს კრემის ქილაში და ხან ბაყაყებს ლიფში.“ თავი გადააქნია და ხელი ისე დაინიავა ცხვირწინ, თითქოს ცხოველების მეგობარი ქმარყოფილის ხსოვნა სამუდამოდ გადაშალაო. „სუფთა მანიაკია, შენ თავს გეფიცები.“

ორივეს მოკლე ქვედაკაბები, სვიტერები და ნეილონის წინდები ეცვა, ფეხსაცმელები გაეხადათ; ლოყები აწითლებოდათ და წამდაუნწუმ ხითხითებდნენ. „კითხვა-კითხვით მოგაგენით,“ აგვიხსნა ქენდომ, „ძირითადად ბარებში ვკითხულობდით გზას.“

სენდი ფართოდ თვალებგახელილი ათვალეიერებდა ჩვენს სამყოფელს. „ქენდი, დედას გაფიცებ, სადა ვართ? მესიზმრება თუ მართალია, რასაც ვხედავ? ნაღდად საგიჟეთია? დავიშოკე!“ ქენდიზე მაღალიც იყო და მოსულიც, ალბათ ხუთიოდე წლით უფროსიც, გულით ცდილობდა, ნაბლისფერი თმა მოდურად, კეფაზე

ანეული დაემაგრებინა, მაგრამ კულულები ადგილზე არ ჩერდებოდნენ და ჯიუტად აქცევდნენ ჩარჩოში იმის ხორციან, ნაპატივებს – გლეხის გოგოს გავდა, მესაქონლეს, თუმცა, ეტყობოდა, ძალიან უნდოდა, გამოსულ ქალბატონად ჩაეთვალათ. მეტიმეტად განიერი მხრები, მკერდი და თეძოები ჰქონდა, ღიმილიც რალაცნაირად სოფლურად გაბადრული, მოკლედ, ლამაზი, ვერ იტყოდი, უფრო სიმპათიური ეთქმოდა, ერთი სანდომიანი, ჯანმრთელი გოგო იყო და თანაც მაჯაზე ნითელი ღვინის გალონიანი, მონწული ბოთლი ერწეოდა, ხელჩანთასავით იქნევდა მუხლებთან.

„მითხარი, ქენდი, შენი ჭირიმე, რანაირად, რანაირად, რანაირად გვემართება სულ ესეთი გიჟური რალაცევები?“ ერთხელაც დატრიალდა ადგილზე და გაქვავდა, ფეხები განზე გადგა და ახითხითდა.

„ეს რალაცევები არ გემართებათ,“ უთხრა ჰარდინგმა სერიოზული ხმით. „ეს უბრალოდ თქვენი ღამეული ფანტაზიებია, როცა ძილი არ გეკარებათ ხოლმე და იმაზე ოცნებობთ, რასაც მერე შიშით ფსიქონალიტიკოსსაც ვერ უმხვლეთ. თქვენ სინამდვილეში აქარხართ. არც ეგ ღვინოა ნამდვილი. საერთოდ არაფერი ეს არ არსებობს. ახლა კი, მოდით, მოვცილდეთ ფანჯარას.“

„გამარჯობა, ბილი,“ თქვა ქენდომ.

„კამფეტივით გოგოა,“ დაასკვნა თერქლმა.

ქენდომ უხერხულად გაუნოდა ბილის ბოთლი. „საჩუქარი მოგიტანე.“

„რალაცევებიო!“ შესძახა ჰარდინგმა. „რალაცევები კი არა, უმანკო ყმანვილის სიზმარია, ახდენილი.“

„დედიკო, დედა,“ თქვა გოგომ, სენდომ. „რა დღეში ჩავიგდეთ თავი!“

„ჩჩჩუუუ,“ ჩააჩუმა სქანლონმა და კოპებშეკრულმა მიიხედ-მოიხედა. „ხმამალლა ლაპარაკობ, ის ქლიავები არ გააღვიძო.“

„რატო, ნუნკო?“ სენდომ ჩაიხითხითა და ერთხელაც დატრიალდა ადგილზე. „გეშინია, რამეში არ ჩაგეზიარონ?“

„უნდა მცოდნოდა, ამ სიაბანდ პორტკეინს რო მოიტანდი, სენდი.“

„დედაა!“ სენდი ტრიალს მოეშვა და მე მომაჩერდა. „ეს ნახე რა, ქენდი! გოლიათი არ არი? ამას თუ მოშივდა, შეგვჭამს...“

„ბებერი ხარის რქაც ხნავს,“ ფარ-ხმალს არ ყრიდა თერქლი, მერე ფანჯარასთან მივიდა და საფუძვლიანად ჩარაზა. სენდიმ – დედიკო, დედაო – გაიმეორა ერთხელ კიდევ. ჯგროდ ვიდექით დღის პალატის შუაგულში, უხერხულად ვიშმუშნებოდით, სისულელეებს ვროშავდით, იმიტომ რომ ვერ ვხვდებოდით, სხვა რა უნდა გვექნა – უჩვეულო სიტუაციაში ამოვყავით უცებ თავი – და არც ვიცი როდის მოთავდებოდა ეს უაზრო ლაპარაკი, უხერხული სიცილ-ფხუკუნი და ერთი ადგილის უსასრულო ტკეპნა, მოულოდნელად განყოფილების კარში გასაღებს რომ არ გაეჟღერია და ამ ხმასაც ისე არ დავეფეთებინეთ, თითქოს ელექტროსიგნალიზაცია ჩაირთო კივილითო.

„ღმერთო, შენ მიშველე,“ ამოიხავლა მისტერ თერქლმა და მელოტ კეფაში ნაითაქა ხელი. „უფროსი ზედამხედველია, დამერხა მე გამოსირებულს.“

ყველანი ტუალეტში შევცვივდით, შუქი ჩავაქრეთ და სიბნელებში გავისუსეთ ერთმანეთის გულისცემას მიყურადებულები. გვესმოდა, როგორ მიდი-მოდიოდა ზედამხედველი განყოფილებაში, ხმამალალი, ცოტათი შემკრთალი ჩურჩულით ეძახდა მისტერ თერქლს. ცდილობდა, ხმისთვის არ აენია და ყოველ დაძახილშიც შიში იგრძნობოდა: „მისტერ თე-ერქლ? მის-ტერ თე-ერქლ!“

„სად ბაბუაჩემთან ნაეთრა?“ აჩურჩულდა მაკმერფი. „ხმას რატო არ იღებს?“

„ნუ ნერვიულობ,“ დაამშვიდა სქანლონმა. „ტუალეტში არ შემოვა.“

„კი, მარა პასუხს რატო არ ცემს? მაგრა დაიბოლა ეგ ჩემისა.“

„რას ბლატაობ? მე დავიბოლე? ერთი მასტირკით?“ ჩაბნელებულ ტუალეტში მისტერ თერქლის ხმა სადღაც ძალიან ახლოდან ისმოდა.

„თერქლ, შენ რა, მაშაყირებ, აქ რა გინდა?“ მაკმერფი ცდილობდა, მკაცრად ელაპარაკა, არადა, ეტყობოდა, სიცოცხლის დღის იკავებდა. „გადი და გაიგე, რა უნდა. რას იფიქრებს ის ქალი, თუ ვერ გიპოვა?“

„დაგვიდგა ჟამი აღსასრულისა,“ თქვა ჰარდინგმა და იატაკზე ჩაჯდა. „იყავ მოწყალე, დიდო ალაპო.“

თერქლმა კარი გამოაღო, ჩუმად გაძვრა და ზედამხედველს დერეფანში წამოეწია. ქალს ძალიან აინტერესებდა, რატომ ენთო შუქი ყველგან, რა აუცილებელი იყო განყოფილებაში ყველა ნათურის ანთება? ყველასი არაო, ალუღლულდა თერქლი; საძინებელშიც ჩამქრალია ნათურები და ტუალეტშიცო. ეგ რა დიდი შეღავათიაო, გაიკვირვა ზედამხედველმა; ვერ გავიგე, ამ დროს აქაურობა ასე რას გაგიჩახჩახებიაო. თერქლს ამ კითხვაზე პასუხის გაცემა გაუძნელდა, ხანგრძლივი პაუზის განმავლობაში გავიგონე, ჩემ შორიახლოს, სიბნელეში, როგორ გადადიოდა ბოთლი ხელიდან ხელში. ქალმა კითხვა გაუმეორა და თერქლმაც ამოღერლა, ვალაგებდირა, რალაც-რალაცები გასაპრიალებელი მქონდა და სიბნელეში არ ჩანდაო. აბა მაშინ ტუალეტი, ის ადგილი, რომლის დასუფთავებაცაა შენი უპირველესი და უმთავრესი მოვალეობა, რატომღაა ასე ჩასკვარამებულიო? თერქლის დამაჯერებელი პასუხის მოლოდინში ბოთლმა ერთხელაც ჩამოიარა. ჩემი რიგიც მოვიდა და მეც მოვიყუდე. ვგრძნობდი, მჭირდებოდა. ტუალეტშიც გარკვევით ისმოდა, როგორ ყლაპავდა თერქლი ნერწყვს დერეფანში, თან ზმუილ-ბლუყუნით ვითომ პასუხის გაცემასაც ცდილობდა.

„ჭკუაზე აღარ არი,“ ჩაისისინა მაკმერფიმ. „ვინმე უნდა გავიდეს და მიეხმაროს.“

გვერდით უნიტაზში ჩაშვებული წყლის ხმა გავიგონე, კარი გაიღო და დერეფნიდან შემომავალ შუქში დავინახე, როგორ უახლოვდებოდა ზედამხედველს ჰარდინგი პიჟამის შარვლის სწორებ-სწორებით. ჰარდინგის დანახვაზე გულგახეთქილმა ზედამხედველმა წამოიკივლა, იმანაც მოუბოდიშა, ძალიან ბნელა და ვერ დაგინახეთო.

„რანაირად ბნელა, ყველა ნათურა ანთია?“

„ტულეტს ვგულისხმობდი, ქალბატონო. ყოველთვის ვაქრობ ხოლმე შუქს, შარდის შეკავების მეშინია. სარკეები... ხომ გესმით? შუქი თუ ანთია, ასე მგონია, სარკეები ნაფიცი მსაჯულებივით მჭამენ თვალებით და თუ ვერ ვივარგე, უმკაცრეს განაჩენს გამომიტანენ.“

„კი, მაგრამ, სანიტარმა თერქლმა მითხრა, იქ ვალაგებდიო და...“

„ალაგებდა და, მერნმუნეთ, სამაგალითოდაც. თან მუშაობის პირობებსაც თუ გავითვალისწინებთ, ფაქტიურად გუმანის წყალობით ართმევდა საქმეს თავს იმ უკუხეთში. გნებავთ, ნაშრომი შეუმონმოთ?“

ჰარდინგმა ტულეტის კარი შემოაღო, კაფელის იატაკზე სინათლის ვიწრო ზოლი გაიწვართა. თვალი მოვკარი, როგორ წავიდა უკან-უკან ზედამხედველი, ამჯერად მაგისტრის ვერ მოვიცლი, შემოვლა უნდა გავაგრძელოო, – უთხრა ჰარდინგს. დერეფნის ბოლოში მძიმე კარი ერთხელაც გაიღო და ზედამხედველი განყოფილებიდან გავიდა. არ დაგვივინყოთო, მიადახა ჰარდინგმა და მერე ჩვენც დერეფანში გაცვივდით, ყველანი მხურვალედ ვართმევდით ხელს, მხრებზეც ვუტყაპუნებდით და ბრწყინვალე გამარჯვებას ვულოცავდით.

დერეფანში ვიდექით, ბოთლი ერთხელაც ჩამოვატარეთ. სეფელტმა თქვა, გასაზავებელი რომ იყოს რამე, არაყსაც დავარტყამდი სიამოვნებითო. თერქლს კითხა, ვერაფერს ვიპოვით განყოფილებაში არყის გასაზავებლადო, და იმანაც ცივი უარი სტკიცა, წყლის მეტს ვერაფერსო. ფრედრიქსონს უცებ ხველის მიქსტურა გაახსენდა: „ხანდახან მასმევენ ხოლმე, ნახევარგალონიანი ბოთლით უდგათ აფთიაქში. გემოს არა უშავს. აფთიაქის გასაღები არა გაქვს, თერქლ?“

თერქლმა, აფთიაქის გასაღები ღამლამობით უფროს ზედამხედველს აბარიაო, და მაკმერფისაც კარგა ხანს მოუხდა იმის დაყოლიება, სანამ კლიტის წვალეების ნებას მოგვცემდა. თერ-



ქლი გაუჩერებლად ხითხითებდა და ზარმაცად აქნევდა თავს. ის და მაკმერფი ქალაღდების სამაგრიტ ცდილობდნენ აფთიაქის კარის საკეტის გაღებას, ჩვენ კი, გოგოები და დანარჩენები, ამა-სობაში ექტნების სამორიგეოში შევედით, საქალღდეები გაღ-მოვალღგეთ და პირადი საქმეების კითხვა დღვიწყეთ.

„ეს ნახეთ,“ სქანლონი საქალღდეს აქნევდა ჰაერში. „მთე-ლი ჩემი ცხოვრების სრული ისტორია. პირველი კლასის ნიშნების ფურცელიც უპოვიათ. სირცხვილო, რა ცუდი მოწაფე ვყოფილ-ვარ.“

ბილი და ქენდი ბილის ისტორიას ეცნობოდნენ. გოგომ ნა-ბიჯი უკან გადადგა და კავალერი თავფეხიანად შეათვალღერა. „ეს სულ შენა ხარ, ბილი? ამდენი ფრენიები და პათიები სულ შენია? შესახეღავად არ გეტყობა.“

მეორე გოგომ კარადის ქვედა უჯრა გამოალო და დაეჭვე-ბულმა იკითხა, გამაგებინეთ, რაში ჭირდებათ თქვენს ექტნებს ამდენი სათბურა, სათვალღავი ამერიაო. ჰარდინგი კი მთავარი ექტნის მაღიდაზე ჩამომჯღღარიყო და თავის კანტურით შემოგ-ვცქეროდა.

მაკმერფიმ და თერქლმა აფთიაქის კარი გააღეს და მაცი-ვარში ბლანტი, ალუბლისფერი სითხით სავსე მოზრდილ ბოთ-ლსაც მიღგნეს. მაკმერფიმ ბოთლს სინათლეზე გახეღა და ხმა-მაღლა წაგვიკითხა წამლის შემადგენლობა.

„არომატული ესენცია, საღებავი კვების მრენველობაში გა-მოსაყენებლად, ლიმონის მჟღავა. სამოცღდაათი პროცენტი ინერ-ტული ნივთიერებები – ეგ, ეტყობა, წყალია, – ოცი პროცენტი ალკოჰოლი – გაასწორა! – და ათი პროცენტი კოღეინი. ფრთხი-ლად, ნარკოტიკმა მიჩვევა იცის.“ ბოთლს თავსახური მოხსნა და თვალღახუჭულმა მოიყუღა დასაჭაშნიკებლად. ტუჩები ენით მოიტლიკა და მეორე ყლუპიც გაღაკრა, ისეღ დახეღა ეტიკეტს. „კარგი,“ თქვა და კბილები ისე აანკაპუნა, თითქოს ესნუთია გაულესესო. „ღააალიან ცოტას თუ გავურევთ არაყში, მე მგონი, ივარგებს. თერქლ, ყინულის საქმე როგორ გვღქ, ძველო ძღაო?“

ქალაქის სამედიცინო ჭიქებში არაყი და პორტვინი ჩამოვასხით და მიქსტურაც გავურეთ, თავიდან საბავშვო სასმელის გემო ჰქონდა, ოღონდ გაჭრა – მტერს დაავს! კაქტუსის არაყი გამახსენა, დაღეზში რომ ვყიდულობდით ხოლმე, დასალევად სასიამოვნოც იყო, გრილად და რბილად მისრიალებდა ყელში, მაგრამ კუჭში ცეცხლი ეკიდებოდა. დღის პალატაში შუქი ჩავაქრეთ, ვისხედით სიბნელებში და „კოქტილს“ ვწრუპავდით. პირველი ორორი ჭიქა მართლა წამალივით დავლიეთ, ჩვეულება რჯულზე უმტკიცესია, მდუმარედ, სერიოზული სახეებით ვაკვირდებით ერთმანეთს რეაქციის მოლოდინში – გაფშეკს ვინმე ფეხებს თუ არაო. მაკმერფი და თერქლი დროდადრო ისევ თერქლის სიგარეტზე გადაერთვებოდნენ ხოლმე და მერე ისევ მსმელებს გვიერთდებოდნენ. მალე ორივე უწინდებურად ახითხითდა და იმის გარკვევა დაიწყეს, ხალიან ექთანს თორმეტ საათზე მორიგეობა რომ არ მოეთავებინა და ჩვენთან დარჩენილიყო, როგორი დასადები იქნებოდაო.

„მე ნაღდად გული გამისკდებოდა,“ თქვა თერქლმა, „უეჭველი იმ სქელ ჯაჭვზე ჩამოკიდებული ჯვრით გამიხეთქავდა თავს. არ ვიქნებოდი ცოდო?“

„მაგის არა და, მე იცი, რისი მეშინია,“ ფხუკუნებდა მაკმერფი, „ჩემ სიამაყეს გამოვამზეურებდი თუ არა, ეგრევე ზურგიდან დამითრევდა, თერმომეტრს მატაკებდა და სიცხეს გამიზომავდა.“

ყველას გულიანად გაეცინა. ყველაზე მალე ჰარდინგმა იჯერა სიცილით გული და ისიც დიალოგში ჩაერია.

„უარესს გეტყვი,“ უთხრა მაკმერფის, „წაგინვებოდა, ამოგხედავდა თავისებურად ძალიან-ძალიან საქმიანი სახით და... უი, არ შემოძლია!.. ზუსტად გეტყოდა, წუთში რამდენჯერ გიცემდა გული.“

„კაი, გეყოთ... გაჩერდით...“

„უფრო მაგარი: გაგიყუჩდებოდა მკლავებში და ერთდროულად გაგიზომავდა სიცხესაც და პულსსაც – უინსტრუმენტბოდ!“

„მორჩით, დავიხრჩვი... გადამცდა...“

ახარხარებულები ვგორაობდით დივანზე და სავარძლებში, სული გვეხუთებოდა და თვალებიდან ცრემლი გვდიოდა. სიცილ-მა გოგოებიც ისე გაასავათა, სანამ ფეხზე წამოდგომას მოახერხებდნენ, სამჯერ თუ ოთხჯერ დაენარცხნენ სავარძლებზე. „უნდა გავიდე... თორე შევრცხვები,“ შემოგვცინა სენდიმ და ტუალეტისკენ წაცუნცულდა, მაგრამ კარი შეეშალა და პირდაპირ საძინებელში ამოყო თავი. ყველა გავიტრუნეთ, ტურებზე თითებს ვიდებდით და ერთმანეთს ვაჩუმებდით, ცოტა ხანში ჯერ გოგოს ნივილი გავიგონეთ, მერე კი პოლკოვნიკ მეთერსონის ღრიალი: „ბალიში... ცხენია!“ – თავისი ბორბლებიანი სავარძლით მოსდევდა დაფეთებულ სენდის.

სეფელტმა პოლკოვნიკი უკანვე შეაგორა და პირადად მიაცილა გოგო ტუალეტამდე. მართალია, ამ ტუალეტით ძირითადად მამაკაცები სარგებლობენო, – უთხრა, – მაგრამ კართან დავდგები, ცოცხალი თავით არავის შემოვუშვებ და უკანასკნელ ამოსუნთქვამდე დავიცავ თქვენს სიმყუდროვესო. სენდიმ მოკრძალებული მადლობა გადაუხადა, ხელი ჩამოართვა და ბოლოს მხედრულადაც მიესალმნენ ერთმანეთს. მიეფარა თუ არა გოგო თვალს, პოლკოვნიკი ისევ გამოგორდა საძინებლიდან და სეფელტსაც მართლა სერიოზული ჯაფა დაადგა ტუალეტის კარზე ბორბლებიანი სავარძლით მიტანილი იერიშის მოსაგერიებლად. სენდიმ საქმე რომ მოითავა და ისევ გამოჩდა კარში, სეფელტი სავარძლის ჯიუტ შემოტეევებთან უკვე ნიხლებით ცდილობდა გამკლავებას, ჩვენც ბრძოლის ველის ირგვლივ ვიდექით და ყიყინით ვამხნევებდით ხან ერთსა და ხან მეორეს. გოგო სეფელტს პოლკოვნიკის ლოგინში ჩანვენაში მიეხმარა, მერე დერეფანში გამოვიდნენ და ვალსის ცეკვა დაიწყეს იმ მუსიკის ხმაზე, რომელიც არავის ესმოდა.

ჰარდინგი სვამდა, სცენას მდუმარედ აკვირდებოდა და თავს აქნევდა. „არა, სინამდვილეში არაფერი ეს არ ხდება. ეს კაფკას, მარკ ტვენისა და მარტინის ფანტაზიების ერთობლივი ნაყოფია.“

მაკმერფი და თერქლი აფორიაქდნენ, მაინც ბევრი შუქი ანთიანო და დერეფანში ყველა სინათლე ჩააქრეს, კედლებზე პატარა ლამის ნათურების ჩათვლით, მთლად ჩააბნელეს იქაურობა. თერქლმა ჯიბის ფარნები მოიტანა, მერე ბნელ დერეფანში უქმად მდგომი ბორბლებიანი სავარძლებით რალი გავმართეთ და ძალიანაც ვიმხიარულეთ. მხიარულება სეფელტის კრუნჩხვის მაუნყებელმა ღრიალმა შეგვანყვეტინა, ამ ხმისკენ გავცვივდით და სეფელტი უკვე იატაკზე გართხმული დაგვხვდა, სენდიც იქვე იყო – გვერდით ეჯდა, ქვედაკაბას იფერთხავდა და სეფელტს ვერ ამორებდა თვალს. „ცხოვრებაში მსგავსი არაფერი მომსვლია,“ ამოილულლულა მოკრძალებული შიშით გაოგნებულმა.

ფრედრიქსონმა მეგობართან ჩაიმუხლა და კბილებში საფულე ჩაუდო – ენა არ მოიკვნითოსო; მერე შარვლის ლილებიც შეუკრა. „როგორა ხარ, სეფ? ჰა, სეფ?“

სეფელტს თვალები არ გაუხელია, მაგრამ დასუსტებული ხელის აწევა მოახერხა და საფულე პირიდან გამოიღო. გადმოაფურთხა და გაღიმება სცადა. „არა მიშავს,“ თქვა ჩუმად. „წამალი მომეცით და სენდისთან მიმიშვით.“

„მართლა გინდა წამალი, სეფ?“

„წამალი მომიტანეთ.“

„წამალი,“ მხარზემოდან გამოგვძახა ჯერაც ჩაჩოქილმა ფრედრიქსონმა. „წამალი,“ გაიმეორა ჰარდინგმაც და აფთიაქისკენ წაფრატუნდა, გზას ჯიბის ფარნით ინათებდა. სენდიმ შუშადქცეული თვალები გააყოლა. სეფელტის გვერდით იჯდა და გაოგნებული თავზე უსვამდა ხელს.

„იქნებ ჩემთვისაც გამოაყოლო რამე ხელს,“ მთვრალი ხმით გასძახა ჰარდინგს. „ამის მსგავსიც კი არ მომსვლია ცხოვრებაში არაფერი.“

დერეფნის ბოლოს შუშის მსხვრევის ხმა გაისმა და ცოტა ხანში ჰარდინგიც გამოგვეცხადა, ორივე პეშვი აბებით გაეცსო; ისე დააყარა თავზე გოგოს და სეფელტს, თითქოს ახლად ამოვსებულ სამარეს მიწა მოაბნიაო. თვალები ჭერში ალაპყრო.

„დიდო ღმერთო მოწყალეო, ჩაიკარი გულში ეს ორი საბრალო ცოდვილი. და ჩვენთვისაც, ამათ კვალად მომავალთათვისაც, გამოღებული დატოვე კარი, რამეთუ მონმე ხარ დასასრულისა – სრული, უსაშველო და ფანტასტიკური აღსასრულისა. როგორც იქნა, მივხვდი, რაც ხდება. ეს ჩვენი უკანასკნელი გაბრძოლებაა. განწირულები ვართ ან და მარადის. ახლა მთელი სიმამაცე ოფლიან მჯიღში უნდა მოვიკრიბოთ და ვაჟკაცურად გავუხსნოროთ თვალი საკუთარ გარდაუვალ დაღუპვას. გამთენიისას ყველას დაგვხვრეტენ. თითოეულს ას-ას კუბს შეგვიშხაპუნებენ. მის რეჩედი კედელთან გაგვამწკრივებს და ჩვენც მილთაუნებით! თორაზინებით! ლიბრიუმებით! სტელაზინებით! დატენილ შავ ლულებს ჩაეხედავთ თვალებში. ხმაღს აიქნევს და ბაბახ! სამარადისო არყოფნისთვის დაგვატრანკვილიზებს.“

კედელს მიეხალა და იატაკზე ჩაცურდა, აბები დაუცვივდა და იმათაც წითელი, მწვანე და ყვითელი რწყილებივით დაიწყეს აქეთ-იქით ხტუნვა. „ამინ,“ თქვა ჰარდინგმა და თვალები დახუჭა.

იატაკზე მჯდომმა გოგომ ქვედაკაბა გრძელ, ჯიშინ, ღონიერ ფეხებზე ჩამოიქაჩა, ჯერაც სევდიანად მოლიმარ, აცახცახებულ სეფელტს გახედა და – სანახევროდ ამის მსგავსიც არაფერი ყოფილა ჩემ ცხოვრებაშიო – თქვა.

ჰარდინგის სიტყვამ მთლად თუ ვერ გამოგვაფხიზლა, საკუთარი საქციელის სერიოზულობაზე მაინც დაგვაფიქრა. ღამე ილეოდა და დრო იყო, გაგვხსენებოდა, დილით სამსახურში პერსონალი გამოცხადდება მთელი შემადგენლობითო. ბილიმ და ქენდიმ თქვეს, უკვე ხუთი საათი დაიწყო და თუ სანინა აღმდეგო არაფერი გექნებათ, იქნებ მისტერ თერქლმა იზოლატორი გაგვიღოსო. იზოლატორის კენ ჯიბის ფარნების სხივების თაღქვეშ მიაბიჯებდნენ ნეფე-პატარძალივით... მერე დანარჩენები ისევ დღის პალატისკენ გამოვბრუნდით, გვინდოდა, რამე გადაგვენწყვიტა განყოფილების მილაგებასთან დაკავშირებით. ამასობაში თერქლი მთლად ნავიდა ხელიდან და იძულებული გავხდით

ბორბლებიან სავარძელში მისვენებული წამოგვებრძანებინა.

თერქლს მივაგორებდით და უცებ გაოცებულმა გავიფიქრე, მართლა კაი მაგარი, სერიოზული მთვრალი ვარ-მეთქი: გადასარევ გუნებაზე ვიყავი, სულელივით ვიკრიჭებოდი და ჯარის მერე პირველად მერეოდა სიმთვრალისგან ფეხი, თანაც სად, მაგასაც ხომ ჰქონდა მნიშვნელობა? მთავარი ექთნის განყოფილებაში გამოვთვერი ათიოდე ამხანაგთან და ორ გოგოსთან ერთად! კომბინატის უმთავრესი და უმტკიცესი ციტადელის შუაგულში ვსვამდი, ვხარხარებდი, ყირაზე გადავდიოდი და გოგოებში ვგრიალებდი! იმლამინდელ ამბებს დაწვრილებით ვიხსენებდი, ყველა ჩვენს ცელქობას და მომხდარის დაჯერება ძალიან მიჭირდა. რაც ხდება, მართლა ხდება – ვუმტკიცებდი, ჩავჩიჩინებდი საკუთარ თავს – და თანაც ჩვენივე ნება-სურვილით-მეთქი. უბრალოდ, ფანჯარა გავალეთ და ეს ყველაფერი სუფთა ჰაერივით შემოვუშვით შიგნით. იქნებ კომბინატიც არ იყო ყოვლისშემძლე? ახლა, როცა დავრწმუნდით, შეგვძლებიაო, გამეორებაში რალა შეგვიშლიდა ხელს? ანდა სხვა სურვილების განხორციელებაში? ამ ფიქრებმა ისეთ კარგ ხასიათზე დამაყენა, ერთი ხმამალლა შეეყვირე, ჩემ წინ მიმავალ მაკმერფის და სენდის წამოვეწიე, თითო-თითო ხელით ორივე ავიტატე და სანამ ისინი ბავშვებივით ჭყლოპინებდნენ და ფეხებს იქნევდნენ, სირბილით ჩავათავე დერეფანი დღის პალატამდე. აი, ეგეთ გუნებაზე ვიყავი.

პოლკოვნიკი მეთერსონი ისევ ადგა, თვალებგაბრწყინებული, ჩვენთვის ასახსნელი ახალ-ახალი გაკვეთილებით ალგზნებული წამოგვადგა თავზე და ამჯერად უკვე სქანლონს მოუწია სანოლამდე იმის მიცილება. სეფელტმა, მარტინიმ და ფრედრიქსონმა გამოგვიცხადეს, ჯობია, ჩვენც მოვატყუებთ თვალსო. ხველის მიქსტურას მაკმერფიმ, მე, ჰარდინგმა, გოგომ და მისტერ თერქლმა გამოვუყვანეთ წირვა, თან იმაზე ვბჭობდით, ყირაზე დამდგარ განყოფილებას რა მოვუხერხოთო. ეს ამბავი, ეტყობა, ყველაზე მეტად მე და ჰარდინგს გვანუხებდა; მაკმერ-

ფის და სენდის შეშფოთება არ ეტყობოდათ, გაბადრულები ის-  
ხდნენ, მიქსტურას წრუპავდნენ და ბინდბუნდში ერთმანეთს  
ხელებს უცაცუნებდნენ. თერქლი სათვალავში აღარ ითვლებო-  
და, თვალეები ებლიტებოდა და ყოველნუთას თავი უვარდებოდა.  
ჰარდინგი დიდი მონდომებით ცდილობდა პრობლემის მნიშ-  
ვნელობის ახსნას.

„ვერც ერთი ვერ ხედებით სიტუაციის დრამატულობას“,  
ცხარობდა მაკმერფის გულგრილობით აღშფოთებული.

„მკიდია,“ ყოყლოჩინობდა მაკმერფი.

ჰარდინგმა მაგიდას დაკრა ხელი. „მაკმერფი, თერქლ, თქვენ  
არ გესმით, რა მოხდა დღეს აქ – სულით ავადმყოფთა საავად-  
მყოფოში. მის რეჩედის განყოფილებაში! შედეგები... მომაკ-  
ვდინებელი იქნება!“

მაკმერფიმ ყურის ბიბილოზე უკბინა გოგოს, თერქლმა თავი  
დააქნია, ცალი თვალი გაახილა და – ხო, ხვალ რეჩედიც მუშა-  
ობსო – თქვა.

„მოკლედ, გეგმა მაქვს,“ არ ცხრებოდა ჰარდინგი. ფეხზე  
წამოდგა. შენო, უთხრა მაკმერფის, ისეთ დღეში ხარ, სიტუაციას  
ველარ მართავ და ამიტომ ვინმე სხვამ უნდა აილოს ხელში სადა-  
ვეებიო. სანამ ლაპარაკობდა, სულ უფრო და უფრო იშლებოდა  
მხრებში და აშკარად ფხიზლდებოდა კიდეც. გულწრფელი, და-  
მაჯერებელი ხმა ჰქონდა და ნათქვამსაც ხელებით ასურათხა-  
ტებდა. მიხაროდა, კარგია, ინიციატივა რომ გამოიჩინა-მეთქი.

გეგმის მიხედვით, თერქლი უნდა გაგვეკოჭა, საქმე ისე უნ-  
და წარმოგვეჩინა, ვითომ მაკმერფი უკნიდან მიეპარა, ხელ-  
ფეხი, ვთქვათ, ზეწრებით შეუკრა, გასაღებები წაართვა, აფ-  
თიაქი გააღო, წამლები მიფანტ-მოფანტა და საქალაქლებსაც  
დაერია მარტო მთავარი ექთნის გულის გასახეთქად, – ამას  
აუცილებლად დაიჯერებსო, გვიმტკიცებდა ჰარდინგი, – მერე  
გასაღები გისოსებიან ფანჯარასაც მოარგო და გაიქცა.

მაკმერფიმ თქვა, ეგ გეგმა ტელესერიალის სიუჟეტს გავს,  
იმდენად უაზროა, აუცილებლად იმუშავებსო და ჰარდინგის ნა-

თელი გონების სადღეგრძელო შესვა. გეგმას სხვა ღირსებებიც აქვსო, მთლად გაიბლინდა ჰარდინგი: მთავარი ექთანი დანარჩენ პაციენტებს აღარ დაერევა, თერქლს არ მოხსნიან, მაკმერფი კი აქაურობას თავს დააღწევსო. გოგოებს სთხოვ და, შენი ნება არ არის, გინდა კანადაში წაგიყვანენ, გინდა ტიხუანაში და გინდა სულაც ნევადაშიო; თან არაფერიც არ გემუქრება, პოლიცია დიდი თავგამოდებით არასდროს ეძებს საავადმყოფოდან გაქცეულ პაციენტებს, იმიტომ რომ იმათი ოთხმოცდაათი პროცენტი რამდენიმე დღეში ყოველთვის თვითონვე ბრუნდება უკან, ჯიბეგაფხეკილი, მთვრალი, უფასო ლოგინს და საჭმელს მონატრებულო. საკმაო ხანს ვისაუბრეთ ამ თემაზე და მიქსტურაც ბოლო წვეთამდე გამოვწრუპეთ. ბოლოს ყველანი გავჩუმდით. ჰარდინგიც ისევ დაჯდა.

მაკმერფიმ გოგოს გადახვეული ხელი მოაშორა და იმ უცნაური, დაღლილი, ფიქრიანი სახით ჯერ მე შემომხედა, მერე ჰარდინგს. თქვენ რას იზამთო, გვკითხა, არ გინდათ, მოხიკეთ ბარგი-ბარხანა და ერთად გავიქცეთ აქედანო?

„მე ბოლომდე არა ვარ მზად, მაკ,“ უთხრა ჰარდინგმა.

„შენ რა, გგონია, მე მზათა ვარ?“

ისევ სიჩუმე ჩამოვარდა, ჰარდინგმა მაკმერფის შეხედა, კარგა ხანს უყურა, მერე გაიღიმა. „მაგ მზადყოფნას არ ვგულისხმობ. რამდენიმე კვირაც მჭირდება. ჩემი ნებით უნდა მოხდეს ყველაფერი, გესმის, ჩემი სურვილით. მთავარი კარიდან უნდა გავიდე, ზარ-ზეიმით, ყველა ფორმალობის დაცვით... მინდა, კართან ცოლი მელოდებოდეს მანქანით, ზუსტად დანიშნულ დროს მომაკითხოს წასაყვანად. მინდა, ყველას დავუმტკიცო, შეძლება ამ ნაბიჯის გადადგმაო.“

მაკმერფიმ თავი დაუქნია. „შენა, ბელადო?“

„მე რა, მე ჯანმრთელი ვარ. უბრალოდ, ჯერ არ ვიცი, სად მინდა წასვლა. თანაც, შენი გაქცევის მერე რამდენიმე კვირა აქაურობასაც უნდა მიხედოს ვინმემ, ძველ ცხოვრებას ხომ არ დავუბრუნდებით?!“



„ბილი, სეფელტი, ფრედრიქსონი, დანარჩენები?“

„ცხადია, იმათ მაგივრად ვერ ვილაპარაკებ,“ თქვა ჰარდინგმა, „იმათ ჯერ კიდევ თავ-თავიანთი პრობლემები აქვთ, როგორც ყველას. ბევრი თვალსაზრისით, ჯერ ისევ ავად არიან, ოღონდ, რა არის, იცი, უკვე ავადმყოფ ადამიანებად თვლიან თავს, ბაჭიებად კი არა, ადამიანებად! და ვინ იცის, ერთ მშვენიერ დღეს იქნებ ჯანმრთელ ადამიანებადაც იქცნენ, მაკ. მე, პირადად, არც მაგას გამოვრიცხავ.“

ჰარდინგის სიტყვებმა მაკმერფი კიდევ უფრო ჩააფიქრა, თავჩაქინდრული საკუთარ ხელებს დასცქეროდა. მერე ისევ ჰარდინგს შეხედა სახეში.

„რა ხდება ეს, ჰარდინგ? რატომ ხდება?“

„ამ ყველაფერს გულისხმობ?“

მაკმერფიმ თავი დაუქნია.

ჰარდინგმა მხრები აიჩეჩა. „არა მგონია, მაგ კითხვაზე პასუხის გაცემა შემეძლოს. არა, ღრმად ინტელექტუალური ფროიდიტული ტერმინოლოგიით უამრავ მიზეზს ჩამოგივლიდი და გარკვეული თვალსაზრისით სწორსაც გეტყოდი, ოღონდ შენ მიზეზთა მიზეზების გაგება გინდა, რაც არც მე ვიცი. ყოველ შემთხვევაში, სხვებთან დაკავშირებით მაინც. პირადად ჩემი მიზეზები გაინტერესებს? დანაშაულის განცდა. სირცხვილი. შიში. საკუთარი თავის დაკნინება. ადრეულ ასაკში აღმოვაჩინე, რომ... ძალიან მკაცრად თუ არ ვიტყვით, სხვანაირი ვიყავი. ეს უკეთესი, უფრო ზოგადი სიტყვაა იმ მეორესთან შედარებით. მოკლედ, გარკვეულ მიდრეკილებას ვამჟღავნებდი, რასაც ჩვენი საზოგადოება სამარცხვინოდ მიიჩნევს. და ავად გავხდი. მიდრეკილებების გამო არა, არა მგონია. იმ განცდამ დამავადმყოფა, რომ საზოგადოების დიდი, ვეებერთელა, მკაცრად გახევებული საჩვენებელი თითი მუდმივად ჩემკენ იყო მოშვერილი და მილიონხმიანი ქოროც – სირცხვილი. სირცხვილი. სირცხვილიო – გუგუნებდა გაუთავებლად. ეტყობა, საერთოდ ესაა სხვანაირებთან საზოგადოების ურთიერთობის ფორმა.“

„მეც სხვანაირი ვარ,“ თქვა მაკმერფიმ. „მე რატო არ მომივიდარამე ეგეთი? რაც თავი მახსოვს, სულ ვილაცა მეტაკებოდა, ხან რაზე, ხან რაზე. ოლონდ მაგიტომ არ... ოლონდ მაგას არ გავუგიჟებვარ.“

„ხო, სწორი ხარ. შენ მაგას არ გაუგიჟებხარ. არც მიფიქრია, პირადად ჩემი მიზეზი ერთადერთად ჩამეთვალა. მართალია, ადრე, წლების წინ, როცა წვრილკისერა ჭაბუკი ვიყავი, ეჭვიც არ მეპარებოდა, ერთადერთი, რაც სიგიჟისკენ გიბიძგებს კაცს, საზოგადოების მხრიდან გამოვლენილი დაუნდობლობაა-მეთქი, მაგრამ შენ ჩემი თეორია გადამასინჯვინე. ეტყობა, ადამიანებს, ძლიერ ადამიანებს, შენნაირებს, ჩემო მეგობარო, სიგიჟისკენ კიდევ რალაც სხვაც უბიძგებს.“

„ხოო? იცოდე, სიგიჟის გზაზე ვდგავარ-მეთქი, მაგას არ ვალიარებ, მაგრამ მაინც მაინტერესებს, ის „რალაც სხვა“ რა უნდა იყოს?“

„ჩვენ“, ჰარდინგის ხელმა ჰაერში რბილი თეთრი წრე შემოხაზა, „ყველა.“

„სისულელეა“, არცთუ მთლად გულწრფელად შეეკამათა მაკმერფი, ჩაიღიმა, წამოდგა და გოგოც წამოაყენა. ბინდში ჩამალულ კედლის საათს ახედა. „თითქმის ხუთია. გრანდიოზულ გაქცევამდე ცოტა თვალი უნდა მოვატყუო. დილის ცვლა კიდევ ორ საათს არ მოვა; ბილის და ქენდის ჯერ ნუ დავაფროთხობთ. ექვსზე ავდგები. სენდი, უტკბილესო, საძინებელში გატარებული ერთი საათი გამოგვაფხიზლებს, არა? რას იტყვი? ხვალე გრძელი გზა გველოდება, სულერთია, კანადისკენ დავუბერავთ, მექსიკისკენ თუ სადმე სხვაგან.“

თერქლიც, ჰარდინგიც და მეც წამოვდექით. ფეხზე დგომა ჯერ ისევ ყველას გვიჭირდა, ჯერაც მაგარი მთვრალეები ვიყავით, თუმცა სიმთვრალე მაინც გაგვინელა მსუბუქმა სევდამ. თერქლმა მაკმერფის უთხრა, შენ და გოგოს ერთ საათში გაგალვიძებთო.

„მეც გამალვიძეთ,“ ითხოვა ჰარდინგმა. „როცა გაიქცევი, მინ-

და, ფანჯარასთან ვიდგე, ხელში ვერცხლის ტყვია მეჭიროს და ვიკითხო – „ის ნილზიანი ვინ მიაგელვებს ცხენს ასე მარდად“-მეთქი.“

„არ გინდა შენებური ფოკუზები. ჯობია, გამოიძინოთ, ძმებო, და საერთოდ, აღარ დაგინახოთ ჩემმა თვალებმა. გაიგეთ?“

ჰარდინგმა ჩაიცინა, თავი დაუქნია, თუმცა არაფერი უთქვამს. მაკმერფიმ ხელი გაუწოდა და ჰარდინგმაც ჩამოართვა. მერე მაკმერფი წელში გაიზნია სალუნიდან გამოსული კოვბოვიტ და თვალი ჩაუკრა.

„მიდის, ძმაო, დიდი მაკი და ისევ მთავარი ცენტრი ხდები, რა გინდა?!“

მერე მე მომიტრიალდა და შუბლი შეიჭმუხნა. „შენ ვინ გახდები, არ ვიცი, ბელადო. თითონ მოგინევს გადაწყვეტა. იქნებ ტელევიზიაში გეცადა ბედი, ცუდი ბიჭები გეთამაშა სერიალებში. მოკლედ, გული არ გაიტეხო და მაგრათ იყავი.“

ხელი მეც ჩამოვართვი და ყველანი საძინებლისკენ წავედით. მაკმერფიმ თერქლს უთხრა, რამდენიმე ზენარი დახიე და მოიფიქრე, რომელია შენი საყვარელი კვანძიო. აუცილებლად, მიუგო თერქლმა. ლოგინში რომ ჩავნექი, უკვე თენდებოდა, მესმოდა, მეზობელ საწოლზე როგორ ეწყობოდნენ გოგო და მაკმერფი. დაბუფებულ სხეულში სიტბოს ვგრძნობდი. მერე ისიც გავიგონე, როგორ გამოალო მისტერ თერქლმა საკუჭნაოს კარი დერეფანში, ერთი ხმამალლა, გაბმულად ამოიოხრ-ამოაქარვა და კარი ისევ მიხურა. თვალები სიბნელეს მივაჩვიე, ვხედავდი, როგორ იწვნენ ერთმანეთის მხარზე ცხვირმიდებული მაკმერფი და სენდი, მოხერხებულად მოწყობილიყვნენ, სასიყვარულოდ დანოლილი ქალივით და კაცივით კი არა, ორი პატარა დაღლილი ბავშვივით.

ზუსტად ასევე იწვნენ, როცა შვიდის ნახევარზე შუქის ასანთებად შემოსული შავი ბიჭები წაადგნენ თავზე.

მერე რაც მოხდა, იმაზე ძალიან ბევრი ვიფიქრე და ბოლოს დავასკვნე, როგორც ჩანს, ყველაფერი გარდაუვალი იყო და ასე თუ ისე, ადრე თუ გვიან, მაინც აუცილებლად მოხდებოდა – სულერთია, გინდაც მისტერ თერქლს მაკმერფი და გოგობი გეგმის მიხედვით ღროზეც გაეღვიძებინა და განყოფილებიდანაც გაეპარებინა, მთავარი ექთანი როგორღაც მაინც გაიგებდა ლამეული თავგადასავლის ამბავს, თუნდაც მხოლოდ ბილის სახის შემხედვარე, და ზუსტად იმავეს გააკეთებდა, რაც გააკეთა, მნიშვნელობა არა აქვს, მაკმერფიც იქვე იქნებოდა თუ ათასი მილის იქით. ბილიც ნებისმიერ შემთხვევაში იმავე ნაბიჯს გადადგამდა და როცა მომხდარი მაკმერფის ყურამდე მიაღწევდა, უთუოდ დაბრუნდებოდა უკან.

მოუწევდა დაბრუნება, რადგან საავადმყოფოდან თავდაღწეულს, უკვე აღარ შეეძლო ძველებურად ეთამაშა პოკერი ქარსონ სითიში, რინოში თუ სადმე სხვაგან, ვეღარ მისცემდა მთავარ ექთანს უკანასკნელი სვლის გაკეთების და საბოლოო გამარჯვების უფლებას, რის უფლებაც აქაურ კედლებში გამომწყვდეულსაც არ მიუცია. თითქოს ვალდებულებას მოაწერა ხელი – ყოველ მიზეზგარეშე ბოლომდე მიეყვანა თამაში და პირობას ვერაფრით ვერ დაარღვევდა.

სანოლებიდან წამოვიზღაზნეთ თუ არა, როგორც კი აქეთიქით უაზრო ბოდიალს მოვყევით, ლამეულ თავგადასავალზე მითქმა-მოთქმაც თვალისდახამხამებაში მოედო მთელ განყოფილებას

ხმელ ბალახს ნაკიდებული ცეცხლივით. „ვინ შემოაპარესო?“ კითხულობდნენ ისინი, ვისაც მთელი ღამე მკვდრებივით ეძინათ. „ბოზი? საძინებელში? ღმერთო, გვიშველე“. მარტო ბოზი კი არაო, ეუბნებოდნენ სხვები, ზღვა სასმელიცო. მაკმერფის თურმე დილის ცვლის მოსვლამდე ნდომებია გოგოს გაპარება, მაგრამ დროზე ვერ გაუღვიძიაო. მოიცა, რას გვასულელებთო, – არ იჯერებდა ნაწილი. რას გასულელებთ, წმინდა წყლის სიმართლეს გეუბნებით, ჩვენც მაგრად შევუბერეთო, – ტრაბახობდნენ სხვები.

მართლა ღამენათევები კი ყველაფერს მოკრძალებული სიამაყით და ერთგვარი გაოცებითაც ყვებოდნენ – როგორც სასტუმროს ხანძრის ან კაშხლის აფეთქების თვითმხილველები: ძალიან სერიოზულად და თავმეკავებულად – თავიდან ხომ მსხვერპლის რაოდენობა გარკვეული არ არის ხოლმე. თუმცა რაც უფრო და უფრო მეტ წვრილმანს იხსენებდნენ მოყოლისას, მოკრძალებაც მით უფრო სწრაფად და უკვალოდ ქრებოდა სადღაც. ყოველ ჯერზე, როცა მთავარი ექთანი და იმისი ბეჯითი ხელქვეითები რაღაც ახალს პოულობდნენ, ვთქვათ, ხველის მიქსტურის ცარიელ ბოთლს ანდა დერეფნის ბოლოს ერთმანეთში უთავბოლოდ არეულ ბორბლებმორყეულ სავარძლებს, უცებ ღამეული დროსტარების სხვა დეტალებიც აგონდებოდათ და უკვე ისე დანვრილებით და თან ხატოვნადაც უამბობდნენ დაჩაგრულ ამხანაგებს, საწყლებს პირზე ნერწყვი ადგებოდათ. შავმა ბიჭებმა ალგზნებული და დაბნეული პაციენტები, მწვავეებიც და ქრონიკულებიც, ერთად შეყარეს დღის პალატაში. თავიანთ საფენებში ჩამბალი ორი ბებერი ბოსტნეულიც არ დავიწყებიათ – გაოგნებულები უაზროდ ატრიალებდნენ თვალებს და უკბილო ღრძილებს აცმაცუნებდნენ. ჯერ ყველას ისევ პიჟამები და ფლოსტები ეცვა, მაკმერფისა და გოგოს გარდა. ფეხსაცმელებს თუ არ ჩავთვლით, გოგოს თავფეხიანად გამონყობა მოესწრო, მარტო ნეილონის წინდები გადაეკიდა მხარზე, მაკმერფი კი თავისი შავი, თეთრვეშაპებიანი შორტების ამარა გამოსულიყო საძინებლიდან. ხელიხელჩაკიდებულები, გვერდი-გვერდ ისხდნენ დივანზე. გოგო ისევ თვლემდა, მაკმერფის იმის

მხარზე ჩამოედო თავი და სახეზე კმაყოფილი, ნეტარი ღიმილი დასთამაშებდა.

ჩვენდა უნებურად უწინდელი შეშფოთება უეცრად სადღაც გაგვიქრა, რატომღაც ძალიან გავმხიარულდით და ხუმრობის ხასიათზეც დავდექით. როცა მთავარმა ექთანმა ის ფერად-ფერადი აბები იპოვა, ჰარდინგმა სეფელტს და სენდის რომ დააყარა თავზე, ავფხუკუნდით და სიცილის შეკავება ძლივს მოვახერხეთ; მაგრამ, როცა საკუჭნაოში მისტერ თერქლსაც მიაგნეს, გაშტერებული და ახვნეშებული გამოათრიეს იქიდან ნაბახუსევ მუმიასავით ასობით იარდ დაფხრენილ ზენარში გახვეული, ყველაფერი ფეხებზე დავიკიდეთ და მართლა დასაბმელებივით ავხარხარდით. ჩვენ კი ასე ვხარხარებდით და ვმხიარულობდით, მაგრამ მთავარ ექთანს სახეზე თავისი მიხატული ღიმილის მსგავსიც არაფერი შეტყობია; ყოველი გაცინება თითქოს ძვალავით ადგებოდა ყელზე და თანდათან სულ უფრო და უფრო მეტად ემსგავსებოდა გასკდომამდე გაბერილ ბუშტს.

მაკმერფის ცალი შიშველი ფეხი დივანის სახელურზე გადმოეკიდა, უძინარი თვალების შუქისგან დასაცავად ქუდი მაგრად ჩამოეფხატა და მალ-მალე ილოკავდა ტუჩებს – ხველის მიქსტურისგან ჯერაც ლაქნასმულივით უზინავდა ენა. ავადმყოფ და საშინლად დაღლილ კაცს გავდა, წამდაუნუმ საფეთქლებზე იჭერდა ხელებს და ამთქნარებდა, თუმცა, ყველაფრის მიუხედავად, სახიდან ღიმილი მაინც არ მოშორებია, რამდენჯერმე კი, როცა მთავარმა ექთანმა წუხანდელი „ორგის“ ახალ-ახალ სამხილებს მიაგნო, ხმამაღლა, გულიანადაც გაიცინა.

მერე მთავარი ექთანი ტელეფონზე დასარეკად გაემართა, მისტერ თერქლის სამსახურიდან დათხოვნის ამბავი უნდა შეეთანხმებინა ხელმძღვანელობასთან, და თერქლმა და გოგომაც დრო იხელთეს, ფანჯარა გააღეს, დასამშვიდობებლად ხელი დაგვიქნიეს და თავს უშველეს. ნამიან, მზის პირველი სხივებით აჭრელებულ მდელიოზე ფეხი კი უცურავდათ, მაგრამ მაინც სულ სირბილით გადაჭრეს ეზო.

„ფანჯარა ღია დატოვა,“ უთხრა ჰარდინგმა მაკმერფის.  
„ნადი. გაყევი დროზე!“

მაკმერფიმ ამოიხრა და ცალი, კრუხის ნაჯდომი კვერცხი-  
ვით ჩანითლებულ-ჩასისხლიანებული თვალი გაახილა. „მაშაყი-  
რებ? მაგ ფანჯარაში გადავძვრები კი არა, თავს ვერ გავყოფ, ისე  
ვარ.“

„ჩემო მეგობარო, არა მგონია, ბოლომდე იაზრებდე...“

„თუ ძმა ხარ, შემეშვი, ჰარდინგ, ეხლა შენი ბრტყელ-ბრტყე-  
ლი ლაპარაკის მოსმენა ნალდად არ შემიძლია. ბოლომდე მარტო  
ერთ რამეს ვიაზრებ – ჯერაც მთვრალი ვარ. და გულიც მერევა.  
სხვათა შორის, მე მგონი, არც შენ გავხარ გამოფხიზლებულს.  
შენ რას იტყვი, ბელადო? ისევ მთვრალი ხარ?“

ცხვირს და ლოყებს ვერ ვგრძნობ, თუ ეგ რამეს ნიშნავს-  
მეთქი, ვუთხარი.

მაკმერფიმ თავი დამიქნია და ისევ მილულა თვალები; გულ-  
ხელი დაიკრიფა, დივანზე ჩაცურდა და ნიკაპი გულზე დაიბჯინა.  
მერე ტუჩები გაანკლაპუნა და ისე გაგვიღიმა, თითქოს საცაა  
უნდა ჩასძინებოდა. „ჯერაც მთვრალეები ვართ, ძებო.“

ჰარდინგი ვერ მშვიდდებოდა. ტვინი გაუბურლა, სანამ მწყა-  
ლობელი ანგელოზი ტელეფონით ექიმს ელაპარაკება, დროზე  
ჩაიცვიო, მაკმერფი კი აწყნარებდა, სანერვიულო არაფერია,  
ბოლო-ბოლო, როგორც ვიყავი, იმაზე უარეს დღეში ხო არ ჩამაგ-  
დებენო. „რაც რამე საუკეთესო ქონდათ, უკვე გამოცადეს ჩემ-  
ზე.“ ჰარდინგმა ორივე ხელი ასწია, გარდაუვალი დალუპვა უნი-  
ნასწარმეტყველა და გაეცალა.

ერთ-ერთმა შავმა ბიჭმა გაღებული ფანჯარა შეამჩნია,  
მივიდა, ჩაკეტა და ექთნების სამორიგეოსკენ გაემართა. იქი-  
დან სქელი საქალაღით დაბრუნდა და სიის ამოკითხვა და-  
ინყო, ფურცელს თითს აყოლებდა, გვარს ჯერ ტუჩების ცმაცუ-  
ნით კითხულობდა, მერე ხმამაღლა დაიძახებდა და თვალებით  
ამ გვარის პატრონს დაეძებდა. სია, ხალხის უარესად დასაბ-  
ნევად, უკუღმა იყო შედგენილი, ამიტომ ასო „ბ“-ს სულ ბოლოს

მიადგა. პალატა მოათვალიერა, თან უკანასკნელ გვართან გაშეშებულ თითს ფურცლიდან არ იღებდა.

„ბიბიტი. სად არი ბილი ბიბიტი?“ თვალები გადმოცვენაზე ჰქონდა. ეგონა, ბილი ცხვირწინ გამეპარა და ანიჩემ ფეხებს დავენევიო. „ქლიავებო, რომელმა დაინახეთ, როდის გაიქცა ბიბიტი?“

ამ კითხვაზე უცებ ყველას გაახსენდა ბილის ადგილსამყოფელი. ატყდა ერთი ჩურჩული და სიცილ-ხითხითი.

შავი ბიჭი ისევ სამორიგეოში დაბრუნდა, მთავარი ექთნისთვის პატაკის ჩასაბარებლად. ქალმა ტელეფონის ყურმილი დაახეთქა და დერეფანში გამოენთო, შავიც ცუხცუხით მოსდევდა უკან. მთავარ ექთანს თეთრი ქუდიდან სველი ნაცარივით ჩამოშლოდა სახეზე თმა, წარბებშუა და ზედა ტუჩზე ოფლი უბზინავდა. სად გადამალეთ უბედური რომეოო, გვკითხა თვალების ბრიალით. პასუხად მხოლოდ საერთო ხარხარი გაისმა და ამაზე მთლად გადაირია.

„აბა! ამოიღეთ ხმა! გაიქცა? ჰარდინგ, თქვი, სად დაიძალა! განყოფილებაშია? გამეცით პასუხი, სეფელტ!..“

ყოველ სიტყვაზე პატარა შუბებივით გვასობდა სახეში თვალებს, რიგრიგობით ყველას, ოღონდ იმისი შხამი აღარ მოქმედებდა, ძალა დაკარგოდა. თვალს აღარავინ არიდებდა და პაციენტების ახლანდელი თამამი ღიმილიც თითქოს მის უკვალოდ გამქრალ თავდაჯერებულ ღიმილს იგდებდა მასხრად.

„უოშინგტონ! უორენ! გამომყევით, ოთახები უნდა გავჩხრიკოთ.“

ჩვენც წამოვიშალეთ და ფეხდაფეხ მივყევით სამეულს, რომელიც ზედიზედ აღებდა ლაბორატორიის, აბაზანის, ექიმის კაბინეტის კარებს... გაბადრულმა სქანლონმა სახეზე დაძარღვული ხელი აიფარა და წაგვჩურჩულა: „მაგარი ანეკდოტი ელოდება ჩვენ ბილის, ჰა?“ ყველამ თავი დავუქნიეთ. „კაცმა რომ თქვას, რატო მარტო ბილის? დაგავინყდათ, ვისთან ერთადაა?“

დერეფანი ჩაათავეს და იზოლატორის კარს მიადგნენ. იმათ ზურგს უკან შევგროვდით ჯგროდ და კისრები წავიგრძელეთ, არ



გვინდოდა, კარის გაღების მომენტი გამოგვრჩენოდა. უფანჯრებო ოთახში ბნელოდა. სიბნელებაში წკმუტუნის და შარიშური გაისმა, მთავარმა ექთანმა ხელი გაინვდინა და შუქი აანთო – იატაკზე გაშლილ ლეიბზე ბილი და გოგო ბუდეში მოკალათებულ ორ ბუსავით აფახულდნენ თვალებს. მთავარ ექთანს დერეფანში ამტყდარი ღრიანცელისთვის არავითარი ყურადღება არ მიუქცევია.

„უილიამ ბიბიტი!“ ძალიან ცდილობდა, დინჯი და მკაცრი ხმით ელაპარაკა. „უილიამ... ბიბიტი!“

„დილა მშვიდობის, მის რეჩედ,“ უთხრა ბილიმ, წამოდგომა და პიჟამის ლილების შეკვრა არც უფიქრია. გოგოს ხელზე ხელი მოკიდა და გაიღიმა. „ეს ქენდია.“

მთავარ ექთანს ხმაურით გაეჩხირა ენა გამხმარ ყელში. „ოოჰ, ბილი, ბილი, ბილი... როგორ მრცხვენია შენ მაგივრად.“

ბილი ბოლომდე გამოფხიზლებულს არ გავდა და საყვედურიც გულთან ძალიან ახლოს არ მიუტანია, გოგო კი, ჯერაც ჩამთბარი და მოთენთილი, ლეიბის ქვეშ აფათურებდა ხელებს, ნეილონის წინდებს ეძებდა. დროდადრო ხელებს აჩერებდა, ამოიხედავდა და გულხელდაკრეფილ, ყინულის ქანდაკებასავით სუსხიან მთავარ ექთანს უღიმოდა; თან მალ-მალე თითებით საკინძქეს ისინჯავდა, შეკრული მაქვს თუ არაო და ისევ კაფელის იატაკსა და ლეიბს შორის ჩარჩენილ წინდებს ექაჩებოდა უღონოდ. თბილი რძით გამძღარი, მზის გულზე მოთენთილი კნუტებივით მოძრაობდა ორივე; როგორც შევატყვე, არც ამათ გამონელებოდათ სასმელი ბოლომდე.

„ოხ, ბილი,“ გაიმეორა მთავარმა ექთანმა, ისეთი იმედგაცრუებული ჩანდა, იფიქრებდი, თავს ველარ მოერევა და აქვითინდებაო. „ამისთანა ქალთან! იაფფასიან! წამხდარ! დათხაპნილ...“

„კურტიზანთან?“ ივარაუდა ჰარდინგმა. „იეზებელთან?“ მთავარი ექთანი შემოტრიალდა და თვალებით კედელზე მილურსმა დაუპირა, მაგრამ ჰარდინგი თავისას უბერავდა. „იეზებელი არა? არ მოგწონთ?“ ჩაფიქრებულმა მოიქეჯა თავი. „აბა, სალომე? გარყენილებით არავისზე ნაკლებად არ იყო ცნობილი. იქნებ სიტყვა

„როსკიპი“ იყოს, რომელსაც ეძებთ? არა, მე უბრალოდ ვცდილობ, დაგეხმაროთ.“

ქალი ისევ ბილის მიუბრუნდა. ბილი დიდი მონდომებით ცდილობდა წამოდგომას. მუცელზე გადაბრუნდა, მუხლები მოკეცა, ძროხასავით აიშვირა გავა, მერე ხელებზე აინია, ჯერ ერთ ფეხს დაეყრდნო, მერე ორივეს და წელში გასწორდა. საკუთარი წარმატებით აშკარად კმაყოფილი ჩანდა და თითქოს საერთოდ ვერც გვამჩნევდა, ყურადღებას არ აქცევდა არც ჩვენს ლადაობას და არც მონონების შეძახილებს.

ამ გაუთავებელმა ხორხოცმა და ყრიაშულმა ბოლოს მთავარი ექთანიც გატეხა. გოგოს და ბილის თვალი მოარიდა და ზურგს უკან აყაყანებულ ჯგროს გამოხედა. მომინანქრებული, პლასტმასის სახე ნანილ-ნანილ იშლებოდა. თვალები დახუჭა, უკანასკნელი ძალა მოიკრიბა და შეეცადა, კანკალს გამკლავებოდა. მიხვდა, ის წამი დამდგარიყო – კედელზე მიჭყლეტის წამი. მერე ისევ შემოგვხედა დავინროებული, უმოძრაო თვალებით.

„ერთადერთი, რაც მაშინებს,“ უთხრა ბილის და მეც იმნამსვე ვიგრძენი ხმაში ცვლილება, „დედაშენია. არ ვიცი, როგორ გადაიტანს ამ ამბავს საცოდავი ქალი.“

ნათქვამმა გაჭრა, მიიღო, რასაც ელოდა. ბილის გააყრყოლა და ლოყასთან ისე უცებ მიიტანა ხელი, თითქოს მჟავა შეესხაო.

„მისის ბიბიტი ყოველთვის ამაყობდა შენი კეთილგონიერებით. პირადად ჩემთვისაც უთქვამს ბევრჯერ. რა საშინელი დარტყმა იქნება. მერე როგორი მგრძნობიარე ქალია! შენ ეგ ჩემზე უკეთესად იცი, ბილი. ლოგინად ჩავარდება სანყალი. რა გული გაუძლებს?! შენზე ამოსდის მზე და მთვარე. რა სიამაყით მელაპარაკებოდა შენზე. როგორ..“

„არრა! არრა!“ ბილის ყბა აუცახცახდა, მუდარით აქნევდა თავს იქით-აქეთ. „არ არ-რ-რი-ს სა-სა-სა-ჭჭჭ-ირ-რო!“

„ბილი, ბილი, ბილი,“ თქვა ქალმა, „დედაშენი და მე ძველი მეგობრები ვართ.“

„არა!“ იყვირა ბილიმ. ხმამ იზოლატორის თეთრი შიშველი

კედლები ჩამოკანრა: ნიკაპი ასნია და ჭერში დატანებულ მთვარე-ნათურას აყმუვლა. „ა-ა-ა-რ-რ-ა-ა!“

უკვე აღარ ვიცინოდით. ვხედავდით, როგორ იკუნტებოდა ბილი იატაკზე, თავი უკან გადაუვარდა, მუხლები მოეკეცა. გამალებული უსვამდა ხელს ზევით-ქვევით შარვლის მწვანე ტოტს. დაფეთებული აქნევდა თავს პატარა, გულგახეთქილი ბიჭვით, ვისაც დაემუქრნენ, აი, მოვჭრით ამ ტოტს და მაშინვე გაგროზგავთო. მთავარმა ექთანმა დასამშვიდებლად მხარზე დაადო ხელი. ბილი ისე შეხტა, თითქოს მართლა როზგი მოხვდაო.

„ბილი, ნამდვილად არ მინდა, დედამ ეს ამბავი გაიგოს და შენზე წარმოდგენა შეეცვალოს... მაგრამ, მე, მე თვითონ რა უნდა ვიფიქრო?“

„აჰ-აჰ-არრუ-უ-თ-თ-თხრათ, მ-მ-მ-მისს რეჩედ. აჰ-აჰ-აჰრ...“

„ბილი, ვალდებული ვარ. ნეტავი საკუთარი თვალით არ მენახე ამ დღეში, სხვის მონაყოლს ვერც დავიჯერებდი, მაგრამ ახლარა ვქნა? ჩაკეტილხარ აქ, ლეიბზე ნევეხარ, ვისთან? რანაირ ქალთან ერთად...“

„არა! მე არ-რრ-ა. მე...“ ისევ ლოყასთან მიიტანა ხელი, გააშეშა. „ამან შემომიყვანა.“

„ბილი, ეს გოგო ძალით ვერ შემოგიყვანდა აქ.“ მთავარმა ექთანმა თავი გადააქნია. „გამიგე, ნამდვილად მინდა, სხვანაირად ვიფიქრო, თუნდაც მხოლოდ უბედური დედაშენის გამო, მაგრამ...“

ხელი ლოყიდან ქვემოთ ჩამოცურდა და გრძელი ნითელი ნაკვალევი დატოვა. „ამ-მ-ან, კი, ძ-ძ-ალ-ლით.“ ირგვლივ მიმოიხედა. „დამ-მ-მაკმერფიმი! იმანაც. ჰარდინგმაც! დდა დ-დ-დ-ანარჩენ-ნ-ნებმაც! დდამცინ-ნ-ნოდნენ, რალაცეებს მეძახდნენ!“

სახეებით გადაბმოდნენ ერთმანეთს. ბილის სხვა აღარავინ აინტერესებდა, დაჟინებით მისჩერებოდა მთავარი ექთნის სახეს, თითქოს ნაკვთებს კი არა, სპირალურად დახვეულ სინათლეს ხედავდა, ნალებისფრად თეთრი, ცისფერი და წარინჯისფერი ჰიპნოზური შუქის გრიგალს. გაჭირვებით გადაყლაპა ნერ-

ნყვი, დაძაბული ელოდებოდა ქალის სიტყვებს, ის კი ხმას არ იღებდა; უკვე დაბრუნებოდა ძველი უნარ-ჩვევები, ფანტასტიკური მექანიკური ძალა, სიტუაციის გაანალიზებაც მოესწრო და დასკვნის გამოტანაც – ახლა მთავარია, ჩუმად ვიყო.

„მ-მ-მ-აიძულეს! გეხვეწებით, მის რეჩედ, მართლა მმმ-ააა-იძდ-ულეს, გეე-ხ...“

მთავარმა ექთანმა შუქს დაუნია და ბილისაც თავი ჩამოუვარდა, შვებით ამოისლუკუნა. ქალმა კისერზე მოხვია ხელი, ლოყით გახამებულ მკერდზე მიიხუტა, მხარზე მიეფერა და ზიზლიანი, ზარმაცი მზერა მოგვატარა.

„დანყნარდი, ბილი. დანყნარდი. ველარავინ ველარ განყენინებს. დამშვიდდი. ყველაფერს ავუხსნი დედას.“

ლაპარაკობდა და თვალებით გვჭამდა. ამ ფაიფურის გაყინული სახის შემხედვარე, ვერ მიხვდებოდი, საიდან მოდიოდა ასეთი რბილი, მშვიდი, ბალიშივით თბილი ხმა.

„კარგი, ბილი. ნამოდი ჩემთან. შეგიძლია ექიმის კაბინეტში მოიცადო. აუცილებელი არ არის, პალატაში იჯდე ამ შენს... მეგობრებთან ერთად.“

კაბინეტისკენ ნაიყვანა, თან ჩაქინდრულ თავზე ეფერებოდა და – სანყალი ბიჭი, სანყალი ბიჭიო – იმეორებდა გულაჩუყებულნი. ჩვენ უხმოდ გამოვტრიალდით, დღის პალატაში დავბრუნდით დაძმარებულები, დანა პირს არ გვიხსნიდა და ერთმანეთსაც თვალს ვარიდებდით. უკანასკნელი მაკმერფი შემოვიდა და სავარძელში ჩაჯდა.

ოთახის მეორე მხარეს ქრონიკულები უაზრო ბოდიასს მოეშვენ და ისინიც თავ-თავიანთ ბუდეებში მოიბუზნენ. ქურდულად მაკმერფისკენ გავაპარე თვალი. მომდევნო რაუნდის წინ ნუთით ითქვამდა სულს თავის კუთხეში და, ვინ იცის, რამდენი რაუნდი ელოდა კიდევ. რასაც ის ებრძოდა, ერთხელ და სამუდამოდ ვერ დამარცხდებოდა. ამ მეტოქეს უბრალოდ არაქათის განყვეტამდე უნდა გაუნოო წინააღმდეგობა, სანამ ფეხზე დგომა შეგიძლია, მერე კი ადგილი სხვას დაუთმო.

სამორიგეოდან რამდენჯერმე დარეკეს სადღაც, მერე უფროსობაც მობრძანდა სამხილების სანახავად. როცა ბოლოს და ბოლოს ექიმი სპივიც გამოჩნდა, ისეთი თვალებით შეხედეს, ვითომ ყველაფერი იმისი მოწყობილი თუ არა, წახალისებული და ნებადართული ნამდვილად იყო. გადაფითრებული და აცახცახებული ემალებოდა ამ თვალებს. ეტყობოდა, თავის განყოფილებაში მომხდარი უმსგავსობის ამბავი უკვე დეტალურად იცოდა, თუმცა მთავარმა ექთანმა მაინც ხელახლა უამბო ყველაფერი, დინჯად, აუღელვებლად, დანვრილებით – ჩვენ გასაგონადაც. ამჯერად ისე ვუსმენდით, როგორც საჭირო იყო, სერიოზულად, ჩუმად, ყოველგვარი ხითხითისა და ჩურჩულის გარეშე. ექიმი ჩქარ-ჩქარა აკანტურებდა თავს, სათვალეს აწვალებდა და ისე ენერგიულად აფახულებდა ნამიან თვალებს, ვიფიქრე, ქალს სულ განუნავს-მეთქი. ბოლო ლუკმად ბილის ამბავი მოიტოვა, უამბო, რატრაგედიის გადატანა მოუხდა საცოდავს ჩვენი წყალობით.

„დროებით თქვენს კაბინეტში შევიყვანე. ისეთ დღეშია, უკეთესი ვერაფერი მოვიფიქრე. მე მგონი, დაუყოვნებლივ უნდა ნახოთ. საშინელი გამოცდა მოუწყვეს. წარმოდგენაც კი მზარავს, რა გადაიტანა საბრალო ბავშვმა.“

წამით გაჩუმდა, შეიცადა, სანამ ექიმსაც შეზარავდა ბილის ტრაგედიის წარმოდგენა.

„იქნებ გასაუბრებოდით კიდევ. ახლა განსაკუთრებული თანაგრძნობა სჭირდება. განადგურებულია ბიჭი.“

ექიმმა ისევ დაუქნია თავი და კაბინეტისკენ გაემართა. თვალი გავაყოლეთ.

„მაკ,“ თქვა სქანლონმა, „მომისმინე... შენ ხო არ გგონია, ამ სისულელეს ვინმე დავიჯერებთ? კი, საქმე მართლა ცუდადაა, მაგრამ ვიცით, დამნაშავე ვინც არის... შენ არაფერს გაბრალებთ, გაიგე?“

„ხო,“ ვთქვი მეც, „არავინ, არც ერთი არ გაბრალებთ არაფერს.“ მაშინვე ვინანე, როგორც კი დავინახე, რანაირად შემომხედა, ნეტა ენა გამხმობოდა-მეთქი, – ვინატრე.

მერე თვალები დახუჭა და ერთიანად მოეშვა. თითქოს რაღაცას ელოდებოდა. ჰარდინგი წამოდგა და მიუახლოვდა, მაკმერფისთან დალაპარაკებას აპირებდა, მაგრამ პირი დაალო თუ არა, დერეფანში ექიმის ყვირილი გაისმა და ეს ხმა ერთნაირ შეძრწუნებად და მიხვედრად მიეხალა ერთბაშად ყველა სახეს.

„მის რეჩედ!“ ყვიროდა ექიმი. „ღმერთო, შენ გვიშველე, მის რეჩედ!“

მთავარი ექთანი დერეფანში გავარდა, ხმისკენ, სამივე შავი ბიჭიც სირბილით მიყვა უკან. არც ერთი პაციენტი არ წამომდგარა ადგილიდან. ყველამ ვიცოდით, სხვას ველარაფერს გავაკეთებდით, ასე გაუნძრევლად უნდა ვმსხდარიყავით და დავლოდებოდით, როდის დაბრუნდებოდა დღის პალატაში და იმას გამოგვიცხადებდა, რის გარდაუვალობაშიც არც ერთს აღარ გვეპარებოდა ეჭვი.

მთავარი ექთანი პირდაპირ მაკმერფის მიადგა.

„ყელი გამოიჭრა.“ პასუხს დაელოდა, იმედი ჰქონდა, რამეს იტყვისო. მაკმერფის თავიც არ აუღია. „ექიმის მაგიდის უჯრა გამოალო, ინსტრუმენტებს მიაგნო და ყელი გამოიჭრა. თავი მოიკლა იმ საცოდავმა, უბედურმა, დაბრიყვებულმა ბიჭმა. ახლაც იქ ზის, ექიმის სავარძელში, ყელგამოლადრული.“

ისევ გაჩუმდა პასუხის მოლოდინში. მაკმერფის არც ამჯერად აუწევია თავი.

„ჯერ ჩარლზ ჩესვიკი, ახლა უილიამ ბიბიტი! იმედი მაქვს, საბოლოოდ დაკმაყოფილდით. ერთობით, ადამიანების სიცოცხლით თამაშობთ... სიცოცხლეზე თამაშობთ... ღმერთი გგონიათ თქვენი თავი?“

შეტრიალდა და ექთნების სამორიგეოსკენ წავიდა, ზურგს უკან მოიჯახუნა კარი. ქერში დატანებული დახვეული ნათურებიდან გამომსკდარი გამყივანი, მომაკვდინებლად ცივი ხმა მიაცილებდა...

მაშინვე გამიელვა აზრმა, უნდა ვცადო და შევაჩერო, დავარწმუნო, უკვე მოგებულს დასჯერდეს და დარჩენილი რაუნდები

ქალს დაუთმოს-მეთქი, მაგრამ სხვა, უფრო დიდმა აზრმა მთლიანად გადაშალა ეს პირველი. უეცრად აუტანელი სიცხადით მივხვდი – ვერც მე, ვერც ათი ჩემნაირი ვერ გავაჩერებდა. ვერც ჰარდინგი თავისი არგუმენტებით, ვერც მე, ჩემი ინდიელი ფეხბურთელის მკლავებით, ვერც ბებერი პოლკოვნიკი ბრძნული გამონათქვამებით და ვერც სქანლონი შემპარავი ჟღურტულით: ყველანი ერთად რომ წამოვცვენილიყავით, მაინც ვერ გავაჩერებდით.

სწორედ ჩვენ თვითონ ვაიძულებდით ამის გაკეთებას და იმიტომ. მთავარი ექთანის კი არა, ჩვენი დანყვევლილი ყოფა იყო იმის მიზეზი, ნელ-ნელა რომ წამოიმართა სავარძლიდან, ღონიერი ხელებით დაეყრდნო ტყავის სახელურებს, მონყვევით წამოხტა და კინოში ნანახი ზომბივით გაირინდა ერთ ადგილას, თითქოს ორმოცი ბატონის შემდგომ ბრძანებას ელოდებო. ჩვენ არ ვაძლევდით ამოსუნთქვის საშუალებას ამდენი კვირის განმავლობაში, ფეხზე დგომას ვაიძულებდით, თუმცა მუხლებში უკვე ძალა ჰქონდა გამოცლილი, ჩვენ გვინდოდა, უსასრულოდ ეხუმრა, ეცინა, თვალი ეპაჭუნებინა, ბოლომდე ჩაეთავეებინა სახუმარო ნომერი, არადა, მთელი იმის მხიარულება დიდი ხნის წინ გამოიბუგა ორ ელექტროდს შორის.

ახლაც ჩვენ ვაიძულებთ, ამდგარიყო, ისე გაესწორებინა ტანზე შავი შორტები, თითქოს ცხენის ტყავის კოვბოური შარვალი ეცვა, დინჯად, აუჩქარებლად, ერთი თითით გადაენია შუბლიდან ჩამოფხატული ქუდი, ფარფლებიანი სტეტოსონივით, და ექთნების სამორიგეოსკენ დაძრულს, შიშველი ქუსლების ლითონისებური ნკარუნით კაფელის იატაკისთვის ნაპერწკლები გაეყრევინებინა.

და მხოლოდ მერე, უკანასკნელ წამს – როცა ის შუშის კარიც შეამსხვრია, როცა ქალმაც მოაბრუნა სამომავლოდ მოსარგები ნებისმიერი გამომეტყველების ერთხელ და სამუდამოდ წამშლელი შეძრწუნებით დადალული სახე, როცა აკივლებულს დაეძგერა, მუხლებამდე ჩამოახია ქათქათა ხალათი, როცა ერთხელ

კიდევ ყურისნამღებად აკივლებულ ქალს ჩამოფხრენილი გულსპირიდან ავარვარებულ ძუძუსთავიანი ორი უშველებელი, ნებისმიერი ჩვენგანის მიერ წარმოდგენილზე შეუდარებლად დიდი, ვეებერთელა, გასასკდომად გამზადებული ბურთი ამოუვარდა, კიდევ და კიდევ რომ იბერებოდნენ ჩვენ თვალწინ ნათურის შუქით ავარდისფერებულები და შემთბარები, – მხოლოდ მაშინ, როცა უფროსობაც მიხვდა, სამიდან არც ერთი შავი ბიჭი განძრევას არ აპირებს, ასე ჯორებივით იდგებიან ბოლომდე და ამათი დახმარების გარეშე უნდა ვილონოთ რამეო, როცა ექიმები, ზედამხედველები და ექთნები ერთად ეცნენ და ისეთი გაჭირვებით აადღლიზეს წითელი თითები გათეთრებულ ყელს, თითქოს თითები კი არ მოაშორეს, კისრის მალეები ამოაგლიჯეს ქალსო, და როცა, ბოლოს და ბოლოს, ხმამაღლა აქლოშინებულებმა, როგორც იქნა, უკანაც გაათრიეს, აი მხოლოდ იმნამს შეეტყყო პირველად და უკანასკნელად, შეიძლება, მართლა არ იყოს მთლად ნორმალური, ჭკუადამჯდარი, ჯიუტი, იმ მძიმე მოვალეობის ნებაყოფლობით მტვირთველი კაცი, რომლის აღსრულებაც, სულერთია, უნდა თუ არა, მაინც აუცილებლად მოუწევსო.

თვითონაც იყვირა. უკვე სულ ბოლოს, როცა ზურგზე ეცემოდა და წამით იმის ამოყირავებულ სახეს მოვკარით თვალი, სანამ თოვლივით თეთრხალათიანების ზვავი ჩაიტანდა და ქვეშ მოიყოლებდა.

კუთხეში მიმწყვდეული ცხოველის შიშიც ისმოდა ამ ხმაში, სიძულვილიც, უსასობაც და მუქარაც. ვისაც როდისმე ენოტზე, პუმაზე ან ფოცხვერზე უნადირია, ვერასოდეს დაივინყებს ამ ხმას – ხეზე ავარდნილი, დაჭრილი, ისევ მიწისკენ დაქანებული მხეცის უკანასკნელ განწირულ ღრიალს, როცა საცაა დაგეშილი ძაღლები უნდა ეცნენ და როცა უკვე ყველაფერი სულერთია, საკუთარი თავისა და საკუთარი სიკვდილის გარდა.

ერთ-ორ კვირას კიდევ დავრჩი იქ, მინდოდა, მენახა, რა მოხდებოდა. ყველაფერი შეიცვალა. ექიმების რჩევის მიუხე-



დავად, სეფელტი და ფრედრიქსონი მაინც გაენერნენ ხელნერილით, სამ დღეში იმათ კვალს სამი სხვა მწვავეც მიყვა, კიდევ ექვსი მეორე განყოფილებაში გადავიდა საკუთარი თხოვნით. ღამეული თავგადასავალი და ბილის სიკვდილი ხანგრძლივი გამოძიების საგნად იქცა, ექიმს აგრძნობინეს, წასვლის შესახებ განცხადებას თუ დაწერ, თხოვნას დაგიკმაყოფილებთო, იმან კი – ბარემ ბოლომდე მიიყვანეთ საქმე და მოსახსნელი თუ ვარ, თქვენ მომხსენით, მე ჩემით არ წავალო.

მთავარ ექთანს ერთკვირიანი მკურნალობა დასჭირდა, განყოფილება ცოტა ხნით დასაბმელების პატარა იაპონელმა ექთანმა გადაიბარა და დღის განაწესში ბევრი რამის შეცვლის შესაძლებლობაც მოგვეცა. მთავარი ექთნის დაბრუნებამდე ჰარდინგმა სააბაზანოს ხელახლა გაღებასაც კი მიაღწია, „ოცდაერთის“ უპირველეს მოთავედ იქცა და თან ძალიან გულით ცდილობდა, თამაშისას თავისებური, წვრილი და ზრდილობიანი ხმით კი აღარ ელაპარაკა, ძველი აუქციონერივით ეყვირა და ეროხროხა – ზუსტად ისე, როგორც მაკმერფის.

სამსახურში დაბრუნებული მთავარი ექთნის დასახვედრადაც სწორედ სააბაზანოდან გამოვედით დერეფანში – მაკმერფის ამბავი გვინდოდა გვეკითხა. ჩვენ დანახვაზე ორი ნაბიჯით უკან ისკუპა, წამით ისიც კი ვიფიქრე, დაფეთებული გაიქცევა-მეთქი. ფორმადაკარგული სახე ცალ მხარეს მთლიანად ჩალურჯებოდა და ისე გასიებოდა, თვალი საერთოდ არ მოუჩანდა, კისერზე სქელი სახვევი ეკეთა. და ახალთახალი, ქათქათა ფორმის ხალათი ეცვა. ხალათის გულისპირის დანახვაზე ბიჭებიდან ზოგს ჩაეცინა: მართალია, ბოლომდეც შეეკრა, მაგრამ ცხელი შემოეტმასნა ტანზე და ყველა უწინდელ ხალათზე მეტადაც გაეხამებინა, მაგრამ ყველას მაინც იმდღევანდელი, გაშიშვლებული მდედრი დაგვიდგა თვალწინ.

ჰარდინგი გაბადრული მიუახლოვდა და, მაკმერფის რა დაემართაო, – კითხა.

ქალმა ჯიბიდან პატარა ბლოკნოტი და ფანქარი ამოიღო,

„მალე დაბრუნდება“ – დანერა ფურცელზე და ფურცელი სათითაოდ წაგვაკითხა. ხელი აშკარად უკანკალებდა. „დარწმუნებული ხართ?“ ჰარდინგს წაკითხულის დადასტურება სურდა. ათას რამეს მოვკარით ყური: მაკმერფიმ დასაბმელებში ორი სანიტარი დაანოკაუტა, გასალებები წაართვა და გაიქცაო, ისევ კოლონიაში დააბრუნესო... ზოგი იმასაც ამბობდა, ახალი ექიმის დანიშვნამდე უფროსად დატოვებული ექთანი რალაც განსაკუთრებულ, ახლებურ მკურნალობას უტარებსო.

„მაგაში ეჭვი არ გეპარებათ?“ არ ეშვებოდა ჰარდინგი.

მთავარმა ექთანმა ისევ ამოაძვრინა ბლოკნოტი. სახსრებს გაჭირვებით ამოძრავებდა და იმისი თეთრი ხელიც, ბევრად თეთრი, ვიდრე ოდესმე, ბაზრობის მკითხავი, ბედის მწერალი ბოშა ქალის ხელივით უხერხულად აცოდვილებდა ფანქარს ბლოკნოტის ფურცელზე. „დიახ, მისტერ ჰარდინგ,“ დანერა როგორც იქნა. „ეჭვი რომ მეპარებოდეს, არც გეტყოდით. აუცილებლად დაბრუნდება.“

ჰარდინგმა დანერილი წაკითხა, მერე ფურცელი დახია და ნაკუნები სახეში შეაყარა. ქალი შეკრთა, უნებურად გასიებულ ლოყაზე აიფარა ხელი. „დაბრუნდება, კი, ბებიათქვენის ტრაკმა!“ მიახალა ჰარდინგმა. ქალი დაჟინებით მიაჩერდა, ბლოკნოტიანი ხელი ისევ ჰაერში უთრთოდა, მერე ზურგი შეაქცია, ბლოკნოტიც და ფანქარიც ჯიბეში ჩაიდო და სამორიგეოსკენ გაემართა.

„ჰმ,“ ჩაიცინა ჰარდინგმა. „დიალოგი, მგონი, არ აენყო. თუმცა, „ბებიაშენის ტრაკმაო“, რომ მოგახლიან, რალას დანერ პასუხად?!“

მაინც დიდი მონდომებით ცდილობდა, განყოფილება ძველ კალაპოტში მოექცია, არადა, როგორ გინდა ამის გაკეთება, როცა მაკმერფი თითქოს ჯერაც ბრაგაბრუგით დაქრის დერეფანში, შეკრებებზე გულიანად ხარხარებს და ტუალეტში ხმის ჩახლქამდე მღერის. ველარაფრით მოიგდო ხელში სადავეები, მით უმეტეს, ცალი ხელით ბლოკნოტში უწევდა წერა. ზედიზედ

კარგავდა პაციენტებს. მას მერე, რაც ჰარდინგიც დაგვემშვიდობა – ცოლმა მოაკითხა მანქანით – და ჯორჯმაც სხვა განყოფილებაში გადაყვანა მოითხოვა, ძველი მეთევზეებიდან სამნილა დავრჩით: მე, მარტინი და სქანლონი.

მე ჯერ არ მინდოდა წასვლა: რალაც ძალიან თავდაჯერებული ჩანდა ჩვენი მწყალობელი ანგელოზი; ეტყობა, კიდევ ერთ რაუნდს ელოდა და მინდოდა, ამ რაუნდს აუცილებლად დაესწრებოდი. მოკლედ, ერთ დილასაც, მაკმერფის გაუჩინარებიდან სამი კვირის შემდეგ, უკანასკნელი პარტიის გათამაშება მართლა წამოიწყო.

განყოფილების კარი გაიღო და შავმა ბიჭებმა ბორბლებიანი საკაცით ვილაც შემოაგორეს. ფეხებთან მიმაგრებულ აბრაზე მსუქანი, შავი ასოებით იყო დაბეჭდილი – მაკმერფი, რენდლ პ. ნაოპერაციები. უფრო ქვევით კი „ლობოტომია“ მიენერათ მელნით.

დღის პალატაში შემოიყვანეს და კედელთან დატოვეს, ქრონიკულების მხარეს. ჩვენ საკაცესთან ვიდექით, აბრასთან, და ზედ დაბეჭდილ სიტყვებს ვკითხულობდით, მერე თვალი გაგვექცა, პაციენტს ავხედეთ, ბალიშში ჩაფლულ იმის ულონო თავს, რძესავით თეთრ შუბლზე ჩამოშლილ ყლად ქოჩორს, მენამულ სისხლჩაქცევებს ორივე თვალთან.

აღბათ, ერთ წუთს ვიდექით ჩუმად, მერე სქანლონი შეტრიალდა და იატაკზე დააფურთხა. „ეეეჰ, ამის შემოტენას გვიპირებს ბებერი ძუკნა? ეს მაკმერფი არ არის.“

„საერთოდ არ გავს,“ დაამონმა მარტინიმ.

„ძმურად, თუ ღმერთი გნამთ, გამაგებინეთ, მართლა ესეთი შტერები ვგონივართ?“

„ისე, ცუდად არ უმუშავიათ,“ მარტინი თავთან დაუდგა მწოლიარეს და თითი მიუშვირა. „ნახეთ, ცხვირიც ზუსტად ისე გაუტეხიათ, ნიარევიც ზუსტად იმისნაირია... ბაკებიც.“

„აბა რა!“ ჩაიბუზღუნა სქანლონმა. „ოღონდ მაგას ვინ ჭამს?!“

სხვა პაციენტები მივნი-მოვნიე და მარტინის ამოვუდექი გვერდით. „ნაიარევების და გატეხილი ცხვირების მიმსგავსება მართლა შეუძლიათ,“ ვთქვი ხმამაღლა, „მაგრამ გამომეტყველებას რას უზამენ? ეს ის სახეა? ვიტრინაში გამოდგმულ მანეკენს გავს, არა, სქანლონ?“

სქანლონმა ისევ გადააფურთხა. „ზუსტად. ფიტულია. ბავშვიც მიხვდება.“

„ეს ნახეთ?“ ერთ-ერთმა პაციენტმა მწოლიარეს საბანი გადახადა. „სვირინგები!“

„მერე რა?“ ვუთხარი მე. „სვირინგებსაც აკეთებენ. ჯობია, ხელებს შეხედე, ხელებს. მაგას ვერ უხერხებენ ვერაფერს. მაკმერფის დიდი ხელები ქონდა!“

მთელი დარჩენილი საღამო სქანლონი, მარტინი და მე ამ მანეკენზე ვმსაყირობდით, ბაზრობის მახინჯ ტიკინაზე, როგორც სქანლონმა შეარქვა, თუმცა დრო გადიოდა, თვალების გარშემო სიმსივნე თანდათან ცხრებოდა და შევამჩნიე, პაციენტები სულ უფრო და უფრო ხშირად მიდიოდნენ იქით მწოლიარის დასახედად. ვითომ ჟურნალებიან თაროზე ეძებდნენ რალაცას, ან ვითომ წყლის დაღვევა უნდოდათ, არადა, სინამდვილეში თვალი ბორბლებიანი საკაცისკენ გაურბოდათ ქურდულად. ვაკვირდებოდი და ვცდილობდი, მივმხვდარიყავი, ის როგორ მოიქცეოდა ჩემს ადგილას. ერთში ეჭვი არ მეპარებოდა: ცოცხალი თავით არ დაუშვებდა, ამ დღეში მყოფი, ფეხებთან აბრამიმაგრებულნი, ოცი ან ოცდაათი წელი გდებულისყო დღის პალატაში და მთავარ ექთანსაც წამდაუნუმ თითი მიეშვირა სხვების გასაფრთხილებლად – ვინც სისტემას აუჯანყდება, ყველას იგივე მოეღისო. ამაში ნამდვილად არ მეპარებოდა ეჭვი.

ღამე იქამდე დავიცადე, სანამ საძინებლის ხმებმა არ მიკარნახეს, უკვე ყველას სძინავსო, სანამ შავმა ბიჭებმაც არ მოათავეს შემოვლა. მერე ბალიშზე თავი მივატრიალე, მეზობელი სანოლი მინდოდა დამენახა. სუნთქვა უკვე არაერთი საათის განმავლობაში მესმოდა, მას მერე, რაც ბორბლებიანი საკაცე შე-

მოაგორეს და საწოლზე გადაიტანეს. ყურს ვუგდებდი, როგორ ნვალობდნენ და იხრჩობოდნენ ფილტვები, ხან საერთოდ უარს ამბობდნენ მუშაობაზე, მერე უცებ ისევ იწყებდნენ ხრიალს და სულ იმედი მქონდა, ერთხელაც იქნება, საბოლოოდ ჩაიქნევენ-მეთქი ხელს; თუმცა გახედვით იქით არც ერთხელ არ გამიხედია.

ფანჯარაში ცივი მთვარე ეკიდა, მოხდილი რძისფერ შუქს აფრქვევდა საძინებელში. საწოლში წამოვჯექი და ჩემი შავი ჩრდილი მწოლიარეს დაეცა, შუაზე გადაჭრა მხრებიდან თედო-ებამდე. შეშუპებული თვალები დაცხრომოდა, თვალღია იწვა. პირდაპირ მთვარეს შესცქეროდა, ფართოდ გახელილი, აზრგამოცლილი, დიდი ხნის დაუხუჭავი, დამჯდარი ნათურებივით დაბინდული თვალებით. ბალიშს დავნვდი და ეს მოძრაობა იმის-მა თვალებმაც დაიჭირეს, ხედავდნენ, როგორ გადავდგი რამ-დენიმე ნაბიჯი საწოლიდან საწოლამდე.

დიდი, ღონიერი სხეული ჯიუტად ებლაუჭებოდა სიცოცხლეს. დიდხანს იბრძოლა, არა და არ დათმო, ფართხალებდა, სხლტებოდა, მომინია, მთელი ტანით დავწოლოდი ზედ და ფეხებით იმისი ფეხები გამეკავებინა, სანამ სახეზე ბალიში მქონდა დაფარებული. მომეჩვენა, თითქოს რამდენიმე დღე ვინეტი ასე. მერე ბრძოლა შეწყვიტა. გაირინდა, ერთხელაც გაიფართხალა და საბოლოოდ გაქვავდა. მაშინლა წამოვდექი. ბალიში ავიღე და მთვარის შუქზე დავინახე, უაზრო, უსასოო გამომეტყველება ოდნავაც არ შეცვლილიყო, სიკვდილის მერეც კი. ცერა თითებით დავუხუჭე თვალები და სანამ ქუთუთოებიც არ გაუხვევდა, თითები არ მომიშორებია. მერე ჩემს საწოლზე დავნექი.

ცოტა ხანს ვინეტი, სახეზე საბანანაფარებული, მეგონა, ყველაფერი უხმაუროდ მოთავდა-მეთქი, თუმცა სქანლონის საწოლის მხრიდან მომავალმა სისინმა საკუთარ შეცდომაში დამარწმუნა.

„დანყნარდი, ბელადო,“ ჩურჩულებდა სქანლონი. „დანყნარდი. სწორია ყველაფერი.“

„გაჩუმიდი,“ გადავუჩურჩულე მეც. „დაიძინე.“

სიჩუმემ დაისადგურა. მერე სქანლონი ისევ აჩურჩულდა – გათავდაო? – მკითხა.

კი-მეთქი, ვუპასუხე.

„ღმერთო,“ თქვა უცებ. „აუცილებლად მიხვდება. ხო გესმის? დამტკიცებით ვერაფერს დაამტკიცებენ... ნებისმიერი ნაოპერაციები შეიძლება დაიბრიდოს, თანაც მაგ დღეში მყოფი, ცოტა მომხდარა?!... ოლონდ ის მაინც მიხვდება.“

არაფერი მითქვამს.

„შენ ადგილზე უეჭველი მოვხვედი, ბელადო. ასპროცენტიანი. მისმინე! შენ გაიპარე და მე ვიტყვი, ბელადის გაქცევის მერე დავინახე, სანოლიდან ნამოდგა და საძინებელშიც დადიოდა-მეთქი, რა გინდა, შენზე ველარ იფიქრებენ. თქვი, ცუდი აზრია?“

„სათქმელად ადვილია. რა, ვთხოვო, კარი გამიღეთ-მეთქი, თუ როგორ გავიდე აქედან?“

„ერთხელ გაჩვენა, როგორც უნდა გახვიდე. აღარ გახსოვს? ადრე, ჯერ ახალი მოსული იყო. ხვდები?“

ხმა არ გამიცია, აღარც იმას უთქვამს რამე, საძინებელში ისევ სრული სიჩუმე ჩამოვარდა. რამდენიმე წუთს კიდევ ვინექი, მერე ავდექი და ჩაცმა დავიწყე. როცა ამასაც მოვრჩი, მაკმერფის უჯრა გამოვალე და იმისი ქუდი ავიღე, მოვიზომე. ძალიან პატარა იყო ჩემთვის, თან უცებ შემრცხვა კიდეც, რა ნამუსით ვაპირებდი ამ ქუდის ტარებას. ქუდი სქანლონის სანოლზე დავაგდე და საძინებლიდან გამოვედი. „დანყნარდი, ძმაკაც,“ ბოლო ეს მომამოლა სქანლონმა.

ბადეაკრული ფანჯრებიდან სააბაზანოში შემომავალი მთვარის ცივი შუქი ჩასხმულ, მძიმე პულტს ეცემოდა და შუშისა და ქრომის ნაწილებზე ბრწყინავდა – ისეთი ცივი და სუსხიანი, თითქოს წკარუნიც კი მესმოდა ლითონთან იმის შეხებისას. ჰაერი ხარბად ჩავისუნთქე, დავიხარე და სახელურებს ჩავაფრინდი. ფეხები გავამაგრე და ვიგრძენი, როგორ ახრაშუნდა რალაც ამოდენა მახინის ქვეშ. ისევ მთელი ძალ-ლონე მოვიკრიბე და

უკვე გავიგონე კიდევ, როგორ ამოვგლიჯე იატაკიდან სადენები და ქუროები. პულტი მუხლზე შევიდგი, მოვახერხე, ცალი ხელი შემომეხვია და მეორე ქვევიდან ამომედო. ლითონი ყვრიმალს და კისერს მითოშავდა. ფანჯარასთან ზურგით დავდექი, მერე შევეტრიალდი, სანახევროდ შებრუნებულმა პულტს ხელი გავუშვი და იმანაც ინერციით გაბმული ლანანით გაგლიჯა შუშაც და ბადეც. ნამსხვრევები შხეფებს გავდნენ მთვარის შუქზე, თითქოს მძინარე მიწას ყინულივით ცივი წყლის ბრჭყვიალა ნვეთები დააპკურესო. სული მოვითქვი, ერთი პირობა სქანლონის და კიდევ რამდენიმე კაცის ნამოსაყვანად დაბრუნებაც ვიფიქრე, მაგრამ ამ დროს დერეფანში შავი ბიჭების ფეხსაცმელების გამაღებელი წრიპინი გავიგონე, ფანჯრის რაფას ხელით დავებჯინე და პულტის კვალდაკვალ მთვარის შუქში ვისკუპე.

საავადმყოფოს ეზოში მივრბოდი, მეც იქით, საითაც ოდესღაც ის ძალი გაიქცა – გზატკეცილისკენ. მახსოვს, ვეებერთელა ნაბიჯებს ვდგამდი, თითქოს მიწას ფეხს დავკრავდი ხოლმე და მერე კარგა ხანს ჰაერში ვეკიდე, სანამ ბოლოს ისევ არ მივანვდენდი ფეხს მიწას. მივფრინავ-მეთქი, მეგონა. თავისუფალი ვიყავი. გაქცეულებს არავინ მისდევდა, ეს ვიცოდი, და სქანლონიც გარდაცვლილთან დაკავშირებით ყველა კითხვას გასცემდა პასუხს... ასე თავქუდმოგლეჯილი სირბილი აუცილებელი არც იყო. თუმცა მაინც არ გავჩერდი. არც ვიცი, რამდენი მილი გავირბინე გაუჩერებლად, მერე გზატკეცილზე გავედი.

მექსიკელმა მძლოლმა დამიმგზავრა, ცხვრები გადაყავდა ჩრდილოეთში, ისეთი ზღაპრები ვუამბე – ძველი პროფესიონალი მოჭიდავე ინდიელი ვარ, განგსტერებმა საგიჟეთში დამამწყვდიეს-მეთქი, – ჩემი მწვანე სამოსის დასამალად ულაპარაკოდ მომცა ტყავის ქურთუკი და საჭმლისთვის ათი დოლარიც მასესხა, კანადამდე გრძელი გზა გაქვსო. დამშვიდობებისას ვთხოვე, მისამართი დამინერე, როგორც კი სამუშაოდ მოვეწყობი, ფულს გამოგიგზავნი-მეთქი.

კანადაში შეიძლება მართლა წავიდე, ოღონდ გზად ალბათ

ქალამბიასაც მოვინახულებ. პორტლენდის მიდამოებში მივი-  
ხედ-მოვიხედავ, მდინარე ჰუდის ნაპირებს დავივლი, დალეზსაც  
ვესტუმრები – იქნებ ჩვენი სოფლელებიდანაც გადავეყარო ვინ-  
მეს, ისეთს, ვინც ჯერ არ გალოთებულა. მინდა ვნახო, რას საქ-  
მიანობენ იმ დღის მერე, რაც მთავრობამ იმათგან ინდიელობის  
უფლება იყიდა. სხვათა შორის, ყური მოვკარი, ჩვენი ტომის ხალ-  
ხიდან ზოგმა ისევ ნამოიწყო პატარ-პატარა ხარაჩოების მშე-  
ნებლობა ჰიდროელექტროსადგურის კაშხალთანო, თურმე  
წყალგადასაშვებშიც თევზაობენ ძველებურად. რას არ მივცემ-  
დი ამის სანახავად. ყველაზე უფრო კი ჩვენი ადგილები მომე-  
ნატრა ხეობაში, ერთი კარგად მინდა გავიხსენო იქაურობა.

რა ხანია აღარ მინახავს.





**კენ კიზი**  
1935 - 2001

„ძალიან ხნიერი როკ-ენ-როლისათვის, მაგრამ ძალიან ახალგაზრდა სიკვდილისათვის“, – ბრიტანულ საკულტო როკ-ჯგუფ „ჯეთრო ტალის“ ეს ცნობილი გამონათქვამი კარგად მოირგო ამერიკელმა საკულტო მწერალმა კენ კიზიმ, როცა საკუთარი თავი დაახასიათა, როგორც „ძალიან ახალგაზრდა ბიტნიკობისათვის, მაგრამ ძალიან ხნიერი – ჰიპობისათვის“.

კენ კიზი 50-იანი და 60-იანი წლების შუაში მოხვდა, მაგრამ ამას მისთვის ხელი არ შეუშლია, თავისი ცხოვრების წესითა და შემოქმედებით მნიშვნელოვანი გავლენა მოეხდინა იმ პერიოდის ამერიკის კონტრკულტურაზე. ჟურნალისტიკისა და ლიტერატურის საუნივერსიტეტო კურსები, ფსიქიატრიულ საავადმყოფოში მუშაობა და ადამიანის ორგანიზმსა და ფსიქიკაზე ჰალუსინოგენების ზემოქმედების შემსწავლელ ექსპერიმენტებში მოხალისედ მონაწილეობა საკმარისი გამოდგა, რომ 1962 წელს კენ კიზის შეექმნა მეოცე საუკუნის ერთ-ერთი ყველაზე გავლენიანი რომანი „...გუგულის ბუდეზე სხვა გადაფრინდა“.

რომანს მომენტალური წარმატება ჰქონდა. ერთი წლის შემდეგ მისი სასცენო ვერსია ბროდვეიზე დაიდგა. 1975 წელს მილოშ ფორმანმა რომანის მიხედვით ფილმი გადაიღო. ფილმმა, რომელმაც კინემატოგრაფის ისტორიაში უიშვიათეს წარმატებას მიაღწია, მიიღო 5 მთავარი „ოსკარი“ – საუკეთესო ფილმის, რეჟისურის, მსახიობი ქალის, მამაკაცის და სცენარისათვის, – და კიდევ უფრო გაზარდა წიგნის პოპულარობა.

ტოტალიტარულ სისტემაში თავისუფლებისათვის ბრძოლის თემა მიუღებელი იყო საბჭოთა იდეოლოგიისთვის და ჩვენში ეს ნაწარმოები აკრძალეს. თუმცა ვიდეოტექნიკის განვითარებასთან ერთად 80-იან წლებში „გუგული“ პროტესტისა და დაუმორჩილებლობის არაოფიციალურ, ერთადერთ და უპირობო გამოხატულებად იქცა.

„...გუგულის ბუდეზე სხვა გადაფრინდა“ შემდეგ კენ კიზიმ სხვა ნაწარმოებებიც გამოაქვეყნა, მაგრამ, ეს რომანი რომ არა, ჯეკ კერუაკი არ იტყოდა მის შესახებ, ამერიკას უდიდესი ახალი რომანისტი მოველინაო.

ბიძინა მაცაშვილი

ISBN 9789941110153



9 789941 110153